



BIBL. NAZ.
Vitt. Emanuele III

165
D
12
NAPOLI

S. III. 7.

B. S. D. M.

N.





111
P
281



DOMINICI CAVALLARII

I N

REGIA NEAPOLITANA ACADEMIA

ORDINARII PROFESSORIS

INSTITVTIONES

I V R I S C A N O N I C I

QVIBVS VETVS ET NOVA ECCLESIAE

DISCIPLINA ENARRATVR

IN VSVM PRIVATI AVDITORII CONSCRIPTAE.

Editio tertia auctior & emendatior.



N E A P O L I MDCCLXXVII.

A P V D S I M O N E S.

Publica auctoritate.



*Prima salus est rectae fidei regulam cu-
stodire, & a constitutis Patrum nul-
latenus deniare.*

Hormisda papa episcopis Hispaniae ap.
Gratianum can. IX. C. 25. q. 1.

C A P V T XXVI.

De sacrosanctis ecclesiis & altaribus.

§. I. **E**cclesia apud christianos proprie denotat fidelium societatem & conuentum; at per metonymiam saepe denotat locum ipsum, in quo christiani conuentus agitant suos. Hoc loco de ecclesiis posteriori sensu agemus, ac proinde ecclesia est aedificium cultus diuini peragendi gratia exstructum, & sollemni ritu consecratum, aut saltem benedictum. Nimirum ecclesia Christi visibilis est, & praeter cultum internum habet etiam externum, qui in sacramentorum administratione, sacrificiis & communibus precibus positus est. Hinc veluti sponte sua instituta sunt loca, in quae christiani ad *sacra celebranda* conuenirent (a).

Pars II.

A a

§. II.

(a) Ecclesiae pro loco acceptae pluribus aliis nominibus in antiquis monumentis designantur. Saepe dicuntur *concilia*, *conciliabula*, *conuenticula*, quae voces a conuentu ad locum conuentus translatae sunt. Item dicuntur *dominica*, *domus Dei*, & κυριακη a Deo ipso omnium rege & domino, cui dedicabantur. Porro a fine dicuntur *oratoria* & *domus orationis*, quamvis nomine *oratorii* aliquando veniant sacella in *privatarum* familiarum commodum exstructa. Conc. Agath. cap. XXI. Ecclesiae quoque nonnullae dictae sunt *martyria*, *apostolea* & *prophetea*, illae nimirum, quae sepulcro, aut reliquiis, aut memoria alicuius martyris, apostoli, vel prophetae decoratae erant. Item Latinis ecclesiae, praesertim parochiales, *tituli* dicuntur, siue a certis signis & titulis, quibus insigniebantur, siue quod additi clerici inde nomen suum fumerent, siue a nominibus sanctorum, quibus erant dedicatae. Et post pacem ecclesiae datam saepe ecclesiae dictae sunt *templa* & *basilicae*: quae voces in antiquioribus monumentis hoc sensu vix occurrunt. V. Bingham. *orig. eccles. lib. VIII. cap. 1.*

§. II. Iam quae fuerit prima ecclesiarum origo, inter doctos non conuenit. Plerique theologi nostri docent, ecclesias ab ipsa apostolorum aetate originem habuisse, quam sententiam Io. Medus & Binghamus pluribus probarunt. Contra Vedelius, Suicerus & Boëhmerus contendunt, primis tribus saeculis non fuisse proprie sic dictas ecclesias, quae speciali ratione dicarentur, essentque commerciis aliis exemptae. In hoc sententiarum diuortio illud magis placet, toto ferme primo saeculo christianos propriis ecclesiis caruisse: quod Hieronymus a Costa tenet. Sane christiana religio initio veluti Iudaeorum secta reputabatur, ac proinde christiani in synagogis orare permittebantur, & in coenacula, quae apud Iudaeos erant oratoria in parte aedium superiore exstructa, sacris propriis vacaturi conueniebant, *Act. I. 13. & V. 42.* Sed secundo & tercio saeculo procul dubio exstabant ecclesiae, quod sexcentis constat monumentis, V. Bingham. *orig. eccles. lib VIII. cap. 1. (b).* Id tamen verum est, ecclesias persecutionum tempore fuisse simplices & humiles, vt simplex & durus christianorum status postulabat. Data vero christianis pace ecclesiae augusta & magnifica forma exstructae sunt.

§. III. Multiplex est ecclesiarum genus, aliae enim sunt *cathedrales*, aliae *collegiatae*, aliae *parochiales*, aliae *conuentuales*, aliae *capellae*. Ecclesia cathedralis, quae alias *magna* & *matrix* dicitur, habet fixam episcopi cathedram, & est totius dioecesis communis paroecia. Collegiata habet collegium canonicorum, sed non episcopi cathedram: parochialis est, in qua proprius presbyter sub episcopo curam animarum exercet. Ecclesiae conuentuales sunt ecclesiae monachorum & regularium, ita dictae a conuentu monachorum & regularium, in quorum pecu-

(b) Veteres patres Origenes, Minucius Felix, Arnobius & Lactantius habent, christianos non habere templa, nec altaria. At id nihil officit ecclesiarum antiquitati; sic enim verbum illud accipiendum est, talia christianos non habuisse templa, aut altaria, qualia gentes habebant, idolorum nempe & idololatriae plena, quod fusc Medus probat.

CAP.XXVI. DE SACROSANCTIS ETC. 371

culiarem vsum primum exstructae sunt. Et demum capellae sunt sacella in agris, aut in ciuitatibus, aut magnatum domibus exstructae, & sacris extraordinariis addictae (c). Inter capellas vero longe eminent capellae regiae, in quibus in vsum regum & regiarum familiarum sacra celebrantur.

§.IV. Cuiuscumque vero generis ecclesia sit, sine consensu episcopi aedificari non potest. Conc. Chalced. *can. IV.* Nihil ad religionem pertinens inconsulto episcopo adgredi fas est. Consensum vero episcopus praestare non debet, nisi praeuia causae cognitione constet, ecclesiam non ex turpi quaestu, sed ex iusta causa aedificari, *can. 10. D. 1. de consecratione*, & nisi satis ei donatum sit ad alendum ministerium, & religionis cultum exercendum, *noyel. LXVII.*, *can. 9. D. 1. eodem*. Item ante aedificationem audiendi, quibus nuntiandi noui operis ius est, veluti parochus & loci incolae. Et noua fabrica non est inchoanda, nisi episcopus, aut eius iussu alius sollemnes praeces in loco faciat, & crucem humi defigat, *cit. can. 9. (d)*.

A a 2

§.V.

(c) Carolus Dufresne in *glossario mediae & infimae Latine*, nomen *capella* factum tenet a *capa*, hoc est parua veste S. Martini, quae in oratorio regis Franciae seruabatur. Alii vero deriuant a *capa*, hoc est theca reliquiarum S. Martini & aliorum sanctorum, quae in illo oratorio conditae erant. Nempe *capella* est a *cap*, seu *capa*, & *cap* vox Celtica est, quod Leibnitius *collect. etymolog. part. II.* obseruat, significatque origine sua capitis tegmen, & generaliter quodcumque corporis regumentum, & ampliori sensu rerum pretiosarum thecas & conditoria.

(d) In exstruendis ecclesiis curabant veteres, vt apta forma & conuenienti situ ponerentur & fierent. Et forma quidem erat oblonga, naui similis; situs vero vt ecclesiae frons, seu praecipuus introitus ad Occidentem, sanctuarium vero ad Orientem spectaret. *Aedes sit oblonga ad instar nauis, ad Orientem conuersa*, inquit constitutiones sic dictae apostolicae *lib. II. cap. 57.* Ideo vero Orientem versus sanctuarium poni solebat, quod christiani Orientem versus precabantur. Verum forma & situs iste vltimior quidem fuit, at non semper seruatus:

§. V. Ecclesiae, praesertim ampliores, pluribus partibus constant, quarum aliae interiores & parietibus includuntur, aliae exteriores. Ex veteri disciplina partes interiores erant *ναὸς*, *ναὸς* & *βήμα*, *ναρθέξ* seu *serula*, *templum* seu *navis*, & *sanctuarium*. Narthex erat aedificium oblongum iuxta serulae sub portarum ingressum, in quo tempore sacrarum lectionum & praedicationis consistebant infideles, haeretici, catechumeni & poenitentes *audientes* dicti. Navis inde sequebatur, quae a narthece repagulis ligneis separata, tempore missae excipiebat poenitentes genuflectentes & consistentes, & deinceps fideles loco quisque suo (e): nam mares a feminis, virgines a nuptis, monachi a saecularibus separati erant (f). Sanctuarium demum sanctior erat ecclesiae pars, quae cancellis ab ecclesiae navi separabatur, eaque excelsior erat, & & hinc *βήμα* a Graecis dicebatur. Sanctior & penitior haec ecclesiae pars tempore sacrae liturgiae ad episcopum, presbyteros & diaconos pertinebat, & reliquis omnibus erat inaccessa. V. Morin. *de administr. poenit. lib. VI. cap. 1. n. 10.*

§. VI. In medio sanctuario altare collocatum erat, quod alias *ara*, *mensa sacra* & *sanctum sanctorum* dicitur. Erant altaria initio lignea, inde lapidea facta sunt: quin pace ecclesiae data in magnis ecclesiis saepe auro argenteo

tus: etenim & quavis forma & quocumque situ ecclesias exhibent antiqua monumenta. V. Bingham. *orig. eccles. lib. VIII. cap. 3. §. 1. seq.*

(e) Vt plurimum loca masculorum & mulierum parietibus ligneis distinguebantur. Chrysost. *hom. LXXIV. in Matth.* Et in nonnullis ecclesiis feminae excipiebantur in solaris, quae erant porticus in altum navis ecclesiae elaboratae.

(f) In navi erat *ambo*, alio nomine *pulpitum* & *tribunal* dictus: locus nempe editus lectoribus ad legendum, & cantoribus ad canendum & moderandam psalmodiam addictus. Ab ambone olim *chorus* non videtur fuisse diuersus: etenim in choro clerici cantores canebant. Conc. Turonense II. *can. 4.* Sed in Gallicanis ecclesiis chorus erat in sanctuario proxime post cancellos. Mabillon. *de liturg. Gallie. lib. I. cap. 8.*

CAP. XXVI. DE SACROSANCTIS ETC. 373

tone cooperta sunt. Sic vero poni solebant, ut sacerdos celebrans facie ad populum conuersa staret (g). In medio altari crux stabat. Vnum vero in vna ecclesia erat altare, idque ad sacerdotii vnitatem indicandam, quod Schelestratus & Habertus pluribus probant. Vna ferme missa in vna ecclesia primis saeculis celebrabatur, & si ob causam alias celebrare oporteret, plura altaria non erant necessaria: nam eodem tempore in eadem ecclesia nunquam plures missae videntur celebratae. Exeunte saeculo sexto apud Latinos in vna ecclesia plura altaria fuerunt, Gregor. M. *lib. V. epist. 50.*, qui vsus sensim crevit, praesertim ubi priuatae missae multiplicatae sunt. Verum Graeci etiam hodie vnum habent altare.

§. VII. Extra ecclesiam stricte sic dictam erant alia aedificia, quae ad ipsam pertinebant. Ante ecclesiae fores erat *atrium*, aedificium nempe, cuius medium sub dio erat, latera vero columnis suffulta: erantque in medio atrio aquae salientes, seu putei, aut conchae, aut alia aquarum receptacula, in quibus christiani ecclesiam ingressuri manus & ora lauabant. Euseb. *histor. eccles. lib. X. cap. 4.* Cetera circum ecclesiam aedificia generali *exedrarum* nomine veniebant, quasi essent loca sessionis & quietis: qualia *baptisterium*, *secretarium*, seu *vestiarium*, Graecis *διακονικον* dictum, in quo vasa & indumenta sacra adseruabantur, bibliothecae & scholae omnium eruditioni inseruiantes: de quibus ecclesiae partibus Binghamus *orig. eccles. lib. VIII. cap. 7.* fuse commentatur. In noua disciplina pars ecclesiarum etiam est *turris campanaria*, in qua sunt campanae, quibus christiani ad sacros conuentus vocantur.

§. VIII. In ecclesiis aedificatis diuina officia vetantur celebrari, nisi prius illae consecrentur, aut saltem benedicantur. Consecratio ecclesiae est actus sacer & sollemnis, quo illa diuino cultui addicitur (h). Tantum epi-

A a 3

scopus

(g) Imminebat altari *ciborium*, seu turrata aedícula, quatuor ad minimum columnis innixa, qua totum altare tegebatur. V. Carol. Dufresne in *Paul. Silentiar.*

(h) Consecrationes ecclesiarum Latini dicunt etiam *dedicationes*;

scopus proprius ecclesiam consecrat, nec tanta potestate presbyteri donantur. Conc. Bracar. 1. can. 37. Immo ex veteri disciplina ad ecclesiam consecrandam plures episcopi solebant conuenire, qui praesentia & sermonibus suis augebant sollemnitatem (i). Varii vero ritus in ecclesiarum dedicatione adhibiti sunt, quorum aliqui eo spectare videntur, vt dedicatio ecclesiae baptismum adumbret, qualis est trina parietum exterioris & interioris ecclesiae per aquam benedictam adpersio. Altaria etiam ex noua disciplina ritu peculiari consecrantur. Quousque vero ecclesia consecratur, ex episcopi venia per presbyterum benedicitur, & ita etiam idonea ad diuina officia euadit.

§. IX. Ecclesiae ex parte interiori variis signis ornari solent, & praesertim picturis, quibus Christi & sanctorum imagines, & egregia scripturarum & hominum piorum facinora exhibentur (k). Receptis in ecclesia picturis

nes, Graeci vero *εγκαινία*: dum enim ecclesiae consecrantur, primum in usum deducuntur: & dedicatio & *εγκαινία* initiationem & primum rerum usum designant. V. Mazoch. *de Camp. amphib.* cap. III.

(i) Hinc occasione dedicationis ecclesiarum frequentes synodi celebratae, qualis synodus Antiochena anno CCCXII. habita, inde in *encaeniis* dicta.

(k) Per tria priora & amplius saecula rarior vel nullus fuisse videtur in ecclesiis sacrarum imaginum usus, quod Peraius *dogm. theol. lib. XV. cap. 13.* & Nat. Alexander *hist. eccles. saec. VIII. diff. 6. §. 3.* pluribus docent. Sane per ea tempora nec apud parres, nec apud ethnicos de imaginibus verbum vllum, & praeterea synodus Illiberitana *can. XXVI.* ab ecclesia aperte imagines excludit: *placuit, picturas in ecclesia esse non debere, ne quod colitur & adoratur, in parietibus depingatur.* Sacras imagines tum in ecclesiis ponere intempestiuum erat, ne christiani potius mutasse simulacra, quam idololatriam reliquisset viderentur. Vfus imaginum sanctorum in ecclesiis quarto saeculo incepit, & inde in diem collabente idololatria passim receptus & admissus est. Non tamen eodem tempore receptae imagines, quibus Deus humana forma repraesentatur; Deum enim vtpote immensum & incorporeum figurari non posse, veteres tenebant: quod Peraius *loc. cit. cap. 14.* probat.

CAP.XXVI. DE SACROSANCTIS ETC. 375

ris christiani ad bonos mores impelluntur, & rudes in iis veluti legunt religionis instituta. Et praeterea Christi & sanctorum imagines partem cultus religiosi constituunt; dogma enim fidei est, eas debita adoratione seu veneratione colendas esse, quod aduersus Iconoclastas synodus Nicaena *II. act.VII.* statuit, & Tridentina *ses. XXV. in decr. de inuocatione sanctorum* confirmavit. Quod si sero tandem imaginum vsus in templis receptus est, id earum religioso cultui nihil officit; nam ille cultus hypotheticus est, cuius generis doctrinae & in religione & in iure naturali plures sunt. Illud vero ad episcoporum & aliorum pastorum officium pertinet, vt cultus imaginum suis limitibus contineatur, nec abeat in superstitionem, quod alias factum est.

§. X. Sollemni ritu ecclesia consecrata, etsi enormi crimine polluat, iterum non debet consecrari, non secus ac baptismus semel datus non iteratur, *can. 20. D. 1. de consecr.* Non repetitur consecratio, si ecclesia eadem maneat, vel saltem eadem hominum iudicio reputetur: nam si vetus ecclesia ex integro euerfa sit, noua ecclesia indiget consecratione: contra si ecclesia per partes renouetur: quin si illaesis parietibus lignea aedificia casu ardeant, vel corruant, & de nouo fiant, consecratio non repetitur, *cap. 6. ex. de consecr. ecclesiae.* Item nec iterum consecratur ecclesia, quod altare motum fuisse dicatur, *cap. 1. ex. eodem*; diuersis enim ritibus ecclesia & altare consecrantur. Quod si ecclesiam consecratam fuisse dubitetur, iterum consecrari debet, *can. 18. D. 1. de consecratione*, non secus ac iterum datur baptismus, si de eius collatione dubium sit.

§. XI. Consecrata ecclesia, si polluat, reconcilianda est. Polluitur ecclesia humani sanguinis effusione, &

A a 4 ho-

bat. Et veri speciem habet, imagines Dei in ecclesia Romana post saeculum decimum receptas esse. Porro non eodem tempore, quo sanctorum imagines, etiam eorum statuae admissae sunt: statucae enim vtpote magis idolis gentium similes, etiam octauo saeculo minus frequentes erant: at inde apud Latinos vsu receptae sunt.

homicidio etiam citra sanguinis effusionem in ea admittis, *cap. 4. C. ult. ex. de consecr. ecclesiae*: quod de effusione & homicidio per iniuriam factis merito accipiunt interpretes: item effusione humani seminis etiam licita, *can. 19. D. 1. de consecratione, cit. cap. ult. C. cap. 5. ex. de adulteriis, & ethnici aut excommunicati sepultura, cap. 7. ex. de consecr. ecclesiae*.

§. XII. In polluta ecclesia non licet diuina officia celebrare, nisi prius reconcilietur, idque fit ab episcopo adspersione aquae benedictae, cui vinum & cinis addita sunt, & precibus. Hac autem caerimonia peccatorum reconciliationem designari theologi docent: eoque spectare videtur cinis, qui in publica poenitentia olim sollemnis erat. Sed si pollutio sit per sepulturam excommunicati, ante omnia cadauer, si discerni potest, effodiendum est, *can. 18. D. 1. de consecrat.* Quod si ecclesia tantum benedicta polluitur, sola aqua benedicta a presbytero lauabitur.

§. XIII. Exstructae ecclesiae identidem instaurandae & reparandae sunt, vt perpetuum stent. Sarciri autem debent ex bonis earumdem ecclesiarum, semperque pars reddituum ecclesiasticorum sarcendis & instaurandis ecclesiis cessit. Hinc beneficiarii tenentur suorum beneficiorum ecclesias reficere, si eis supersint bona vltra frugalem sustentationem, *cap. 4. ex. de eccles. aedificandis*, cui oneri etiam subsunt, qui decimas, aut alia bona ecclesiastica possident, *cap. 1. ex. eodem*, nisi ecclesia peculiares redditus fabricis addictos habeat. Quod si bona ecclesiastica non suppetant, pertinet ad christianorum officium ecclesiam parochialem reparare; non enim apud nos receptum est decretum synodi Tridentinae *ses. XXI. de ref. cap. 7.*, quo conceditur episcopis, vt patronos & alios possessores reddituum ecclesiasticorum, & demum parochianos cogant ad paroeciam instaurandam.

C A P V T XXVII.

De asylo ecclesiarum.

§. I. **V**Ox *asylum* Graeca est, denotatque locum sanctum, quo confugientes sine piaculo auellere non licet. Apud gentes praesertim Iudaeos, Graecos & Romanos loca asyli fuerunt. Et apud christianos vel a tempore Constantini usu & consuetudine videtur receptum, ut ecclesiae loca perfugii essent, in quibus rei loci sanctitate defenderentur: cui institutioni causam praebuerunt ipsi episcopi, qui pro reis apud magistratus intercedere solebant ad poenae debitae remissionem, aut saltem mitigationem. Sic usu recepto ecclesiarum asylo, christiani imperatores varias ediderunt leges, quibus eius formam & modum constituerunt (a).

§. II. Quicumque vero fuerit asyli modus ex legibus prioribus christianorum principum, certe ex sententia Iustiniani sanctitas asyli ecclesiis concessi ad subleuandos miseros vi oppressos spectabat, non ad inuertenda aliorum iura,

(a) Ius asyli, etiam in ecclesiis, constituendi ad civilem potius quam ad ecclesiasticam potestatem videtur pertinere: civilis enim potestas merum imperium ad animaduertendum in facinorosos homines a Deo accepit: nec iure euangelico vlla loci sanctitas est, qua rei a potestate gladii eximantur. Ipsi ecclesiae patres id adgnouerunt: etenim sublato per Arcadium ecclesiarum asylo ad eius restitutionem impetrandam Africani patres anno cccxcix. legatos ad principes miserunt, *ut pro confugientibus ad ecclesiam quocumque reatu inuolutis legem de gloriosissimis principibus mererentur, ne quis eos audeat abstrahere, can. LXVI. C. Afric.* Sed tandem lapsu saeculorum plerisque iuris canonici interpretibus insedit opinio, ecclesiarum asylum esse iuris ecclesiastici, & ad spiritualem potestatem pertinere.

iura : multo minus in grauioribus criminibus proderat reis ad ecclesiam confugisse. *Templorum cautela*, inquit Iustinianus *nouel. XVII. cap. 7.*, *non nocentibus, sed laesis datur a lege*. Sed in nouis per Occidentem institutis regnis & ciuilibus & ecclesiastica potestas ad humanitatem conspirauit, & asyla ecclesiarum omnibus eo confugientibus, etiam ad poenarum publicarum remissionem, profuerunt. Conc. Aurelian. 1. *can. 3.*, conc. Tolet. *xix. can. 10.*, capit. Reg. Franc. *lib. V. cap. 155.* Sic extensum asylorum priuilegium moribus gentium, quae noua regna fundauerant, conueniebat, & praeterea reipublicae non admodum incommodo fuisse videtur. Germani enim aliique septemtrionales populi, qui per Europam se diffuderunt, a poenis sanguinis erant alieni, & graua delicta ferme multis vindicabant : & praeterea in asylum confugientes rigidae & canonicae subdebantur poenitentiae, qua non minus in bonos ciues, quam bonos christianos proficiebant.

§.III. Post saeculum decimum secundum ampla illa ecclesiarum sanctitas, qua facinorosi omnes asylo defendebantur, sensim summorum pontificum decretalibus restricta est ; iam enim receptum erat, ecclesiasticam potestatem pro iure suo de asylo posse statuere. Ergo asylo deiectionis publici latrones, & nocturni agrorum populatores, *cap. 6. ex. de immunit. ecclesiarum* ; item qui ea spe & consilio deliquerint, ut se sacro loco tueantur ; quique in ecclesiis & earum coemeteriis occiderint, aut membra mutilarint, *cap. ult. ex. eodem* ; & qui ex insidiis homines interfecerint, *cap. 1. ex. de homic. volunt.* Nimirum canonicis poenis desuetis non amplius asylorum fructus esse poterat reorum conuersio, sed potius eorumdem impunitas, atque ideo asyla restringenda videbantur.

§.IV. Praestabant vero confugientibus securitatem non solum ecclesiae ex parte interiori, sed etiam exedrae, quae *septa* etiam dicuntur, *L. 4. C. Th. de iis, qui ad eccles. confugiunt*, idque ne reis continuo in ecclesia versari necesse esset. Et quoniam multae ecclesiae sine exedris erant, canon quidam sub nomine Nicolai papae maiori ecclesiae quadraginta passus, minoribus vero triginta passus per circuitum asylo tribuit, *can. 6. C. 17. q. 4.*
Frue-

Fruebantur autem tanto privilegio etiam ecclesiae non consecratae, modo diuina mysteria in iis celebrarentur; *cap. 9. ex de immunit. ecclesiarum*. Domus quoque, ubi habitant episcopi & parochi, asylo auctae, praesertim si intra septorum ambitum essent. Immo posteriori aetate etiam crucibus per vias defixis, coemeteriis etiam ab ecclesia seiunctis, xenodochiis & aliis locis religionis asylum tributum est.

§. V. Quoties reis prodest ad ecclesiam confugisse, inde per vim abduci nequeant, & qui eos eiecerint, violatae ecclesiarum sanctitatis rei iudicantur. Canones apud Gratianum abducentes ab ecclesia reos inuitos excommunicationi & poenitentiae publicae subiiciunt, *can. 20. & can. 25. C. 17. q. 4.* quae poenae praesertim spectabant eos, qui priuata vi reos ab ecclesiis ad vindictam abducebant. Sed post editas Gregorii IX. decretales etiam magistratus, qui reos ecclesiis abducerent, excommunicati sunt; hac enim aetate inter episcopos & magistratus de asyulis controuersiae exortae erant; & hinc factum, ut magistratus inuitis episcopis confugientes asylo abducerent.

§. VI. Iam si dubitetur, an ad ecclesiam confugientes asylo defendantur, cuius iudicis sit discernere, laici, an ecclesiastici, a duobus ferme saeculis disputatur. Sed si res in origine sua expendatur, videtur constare, hoc iudicium ad iudicem laicum pertinere. Sane legibus principum asyla primum constituta sunt, eorumque iussionibus per plura saecula formam acceperunt. Item Leo imperator legis de asylo a se latae extra urbem Constantinopolim magistratibus mandauit executionem, *L. 6. C. de his, qui ad ecclesiam*. Hinc civiles magistratus sibi iudicium adseruerunt; si dubium esset, an reus asylo defenderetur: quod in omnibus ferme christianis prouinciis receptum erat, ut episcopus Conarruias *lib. II. variar. resolut. cap. 20.* testatur. Quod si in bulla Gregorii XIV. *quum alias nonnulli* cognitio in causa asyli solius iudicis ecclesiastici esse statuatur; bulla ista nullibi christianarum gentium recepta est. V. *Espe. diff. de asylo templor. cap. IX. n. 11.*

§. VII. Post editam Gregorianam decretalem controuersiae de asyulis inter magistratus & episcopos fuerunt fre-

frequentiores, praesertim apud nos; Reges etiam nostri nihil de iuribus maiestatis imminutum volebant, & interrim cum pontificibus aperte decertare detestabantur. Disputatum est apud nos usque ad pacta conuenta inter Benedictum xiv. & Carolum olim Regem nostrum, quibus controuersiae de asylo etiam compositae sunt. Sane modus abducendi reos ab asylo praescriptus est; data forma iudicio, quo, an reus asylo defendatur, decernendum est; auctus numerus criminum asylo deiectorum; & locorum immunium numerus deminutus.

§. VIII. Ac primum quidem si laicus, qui excepti criminis reus putatur, ab asylo extrahendus est, magistratus, ubi adsunt indicia ad capturam, veniam petet ab ecclesiastico superiore, qui in vrbe est episcopus, eiusue vicarius, in dioecesi vero qui superioris vice fungitur; & abductio fit praesente persona ecclesiastica, quam superior ecclesiasticus elegerit. Abductus reus traditur iudici saeculari, qui iurato & in scriptis cauet, se reum nomine ecclesiae detenturum, eumque in integrum restitutum, si asylo locum esse decernatur. Quod si non restituatur, integrum est episcopo poenis canonicis contra magistratum veluti reum violatae immunitatis uti. Licentia autem abstractionis ab ecclesiastico superiore denegata, magistratus eadem praestita cautione reum abducit, sed ea modestia, quae domum Dei decet. *Concord. cap. II. n. 1. seqq.*

§. IX. Civili custodiae reo tradito, magistratus acta iudicialia de crimine conficere debet, eaque quatuor mensium spatio ad episcopum transmittere. Episcopus vero vnus mensis spatio decernet, an reus asylo defendatur. Quod si praescripto quatuor mensium spatio acta iudicialia episcopo non exhibeantur, poterit hic ex formula obligationis petere a magistratu restitutionem rei in ecclesiam, quam iudici non licet differre. Et ubi mensis spatio episcopus non pronuntiauerit, an reus asylo gaudeat, ipso iure cognitio ista ad forum mistum Neapoli constitutum deuoluitur. Vt vero possit episcopus pronuntiare, reum asylo non defendi, indicia ad torturam sufficiunt. Cessat autem obligatio iudicis ad reum in ecclesiam restituendum, ubi pronuntiatum est, reum asylo non gaudere;

dere; at interim noua obligatione se iudex adstringit, de reo iterum in ecclesiam reituendo, si hic criminis indicia diluerit. Integrum interim est fisco laico vel ecclesiastico contra episcopi sententiam ad forum mistum provocare. Episcopi vero, quibus haec cognitio tribuitur, sunt proprie sic dicti episcopi, non inferiores praelati, nisi isti speciali sedis apostolicae indulto hac cognitione augeantur. *Concord. loc. cit. n. 3. seqq.*

§. X. Porro pactis conuentis multa crimina asylo excludunt, quae antea non excludebant. In primis asylo deiectionis incendiarii, quique eis opem, aut consilium scienter dederint, quoties dolo locum sacrum, aut religiosum, & urbana, aut rustica praedia, aut greges incenderint. II. plagiarii, hoc est, qui per vim aut dolum homines abducunt, secumque retinent, ut pecunia se redimant: quique nuntiis, aut litteris pecunias aliasue res extorquent, metu mortis aut incendii iniecto. III. venefici, qui scienter & dolo malo & animo nocendi componunt, vendunt, praebent, venena, licet effectus nullus fuerit. IV. *assassini*, hoc est, qui ad caedem hominis suas locant operas, aut conducunt alienas, quique opem aut consilium dederint, etsi mors secuta non fuerit, modo peruentum sit ad actum proximum, nempe. vulnus. V. latrones & grafsatores viarum siue publicarum, siue vicinalium, quamvis personas non laeserint. VI. qui noctu quauis arte, seu instrumento domus, tabernae, seu alias cellas promtuarias intrauerint, sustulerintque tantum, unde poenam mortis mereantur. VII. qui simulato publicae potestatis nomine noctu domus ingrediuntur, ibique vel furantur, vel vim mulierum honestati inferunt. VIII. qui mensae publicae argentariae tabulas, siue syngraphas adulterant, quique falsa mandata conficiunt, ut depositas in ea pecunias exigant. IX. mercatores, qui dolo malo decoxerunt. X. quaeltores, seu praefecti exactionibus fiscalibus, si in receptis pecuniis id furtum aut fraudem admittant, ut poenae ordinariae locus sit; item publicis argentariis tabernis praefecti, ministrique, & publicorum montium ministri, qui in pecuniis aut pignoribus fidei suae concreditae eiusmodi furtum admittunt, ut legitimam poenam mereantur: quo eodem iure censentur, qui pecunias

nias vniuersitatum conseruant. xi. rei laesae maiestatis in primo & secundo capite, sed in postrema specie continentur tantum, qui ministris ab Rege iurisdictionem habentibus personalem iniuriam inferunt. xii. qui ab asylo reos abstrahunt, aut abstrahi iubent. xiii. qui in locis asyli homicidia, aut mutilationes membrorum, aut alia crimina admittunt, quae communi iure poena sanguinis aut triremium vindicantur, vt & ii, qui asylo exeuntes, eadem crimina admittunt. xiv. abutentes asylo, si in aliam ecclesiam auctoritate episcopi translati, nec se a maleficio abstinere. Et demum confugio excluduntur depopulatores agrorum, haeretici, litteras apostolicas falsantes, homicidae praemeditati, & rei falsae monetae. *Concord. loc. cit. n. 9. & seqq.*

§. XI. Demum pactis conuentis locorum immunitum numerus deminutus est. Etenim asylo priuatae sunt ecclesiae rurales, in quibus eucharistia non seruiatur, modo non sint parochiales, aut ad curam animarum addictae: item oratoria, vulgo capellae, in domibus priuatorum & nobilium exstructa, etsi aditum ad viam publicam habeant, & publicarum capellarum priuilegio nitantur; tum etiam capellae arcium castrorumque clausorum, licet in eis eucharistia custodiatur. Nec asylo donatur turris campanaria ab ecclesiis seiuncta, nec ecclesiae derelictae, nec horti & viridaria & alia loca ecclesiarum & aedium religiosarum parietibus & claustro non comprehensa: item nec tabernae & domus muris ecclesiarum & monasteriorum adnexae, licet interius in ecclesias & monasteria aditus pateat. Domus vero parochi & aliorum clericorum, qui curae animarum addicti sunt, gaudent asylo, modo ecclesiis coniungantur, & interius in eas aditum habeant. Verum in ecclesiis asyli spatium non extenditur vltra atrium, quoties muro circumdatum est, porticus, scalas & portas tam a fronte quam a latere, & adspectum anteriorem. *Concord. loc. cit. n. 26. seqq.*

C A P V T XXVIII.

De sepulturis.

§. I. **S**epultura mortuorum ipsa natura duce inter omnes gentes, etiam barbaras, recepta est, quamvis varii fuerint sepeliendi ritus (a). Sed christiani omni tempore pium & religiosum habuerunt integra cadauera sepelire; idque quia humatio benignior & humanior videretur, & praesertim in spem futurae resurrectionis.

§. II. Apud Romanos sepulcra erant extra vrbes, idque iure duodecim tabularum cautum erat, & saepe novis legibus confirmatum est. Sauaro in *Sidon. lib. III. ep. 12. (b)*. Similiter christiani extra vrbes corpora suorum fratrum sepeliebant; Chrysost. *hom. XVII. de fide, l. 6. C. Th. de sepulcris violatis*; nec enim quod leges publicae ceteris ciuibus denegabant, christianis poterant permittere. Extra vrbes corpora christianorum sepeliebantur in priuatis sepulcris, vel in fornicibus & catacumbis: quae loca dicebantur *cryptae* & *arenaria*, quod in arena foderentur, & *coemeteria*, quasi loca dormitionis. Incongnita antiquioribus christianis fuit in ecclesiis sepultura, eaque

(a) Condebant Aegyptii mortuos, eosque domi seruabant: alii cadauera ipsa, vti erant, humo obruebant: & alii in primis Graeci & Romani cadauera cremabant, & cineres sepeliebant. Per plura saecula stetit vsitio apud Romanos, etsi interim plures humationem vsuiparent; tandem vero sensim cadauera cremari deserunt, qui mos a Commodi imperatoris aetate frequentior euasit.

(b) Extra vrbes vero sepulcra ponebantur ad vias publicas, vt praetereuntes admonerent, se fuisse & illos esse mortales, vt ait Varro de *ling. lat. lib. V.* Sepeliebant vero Romani extra vrbes, ne funestarentur sacra ciuitatis. Paul. *lib. I. sentent. tit. 21. §. 1.*

eaque post datam ecclesiae pacem sensim inualuit (c).

§. IV. Quamuis vero iure nouo christianis omnibus in ecclesia sepultura permissa sit; tamen etiam in noua disciplina fidelium dormitioni potius coemeteria, quam ecclesiae videntur destinata. Conc. Mediolan. t. par. II. cap. 61. V. Espen. par. II. sect. 4. tit. 7. cap. 2. edit. Neapol. Sunt coemeteria loca religiosa episcopali benedictione ad fidelium sepulturam addicta, & ipsis ecclesiis vt plurimum adhaerentia, licet e republica esset extra vrbes transferri, & in locis apertis constitui, vt relinquant incolarum domicilio sanitatem. Vbi vero coemeteria nulla sunt ab ecclesiis distincta, christiani in ecclesiis sepeliuntur, sed sepulcra in choro, aut prope altare non passim concedenda: quod Ferrariensis *de non sepeliendis mortuis prope aras* docet. Interim in loco profano nefas habetur christianos sepelire, & hinc electio sepulturae in loco profano nulla est, cap. 3. ex. *de sepulturis*, & ibi Gonzalez.

§. IV. Iam christiana sepultura censetur pars ecclesiasticae communionis, quae post mortem perseuerat: & inde parochiani in ecclesia parochiali, cum qua viui communicabant, sepeliri debent. Parochiani autem in causa sepulturae sunt, qui in finibus paroeciae ita morantur, vt viui sacramenta in ipsa percipere, & parochi ipsis

(c) Nempe pium & religiosum arbitrabantur christiani apud martyres, quorum reliquiae in ecclesiis conditae erant, post mortem quiescere. Hinc primum imperatoribus veluti priuilegio datum est, vt in vestibulo ecclesiae eorum corpora quiescerent, Euseb. lib. IV. *de vit. Constant. cap. 71.* Chrysost. hom. XXVI. in 2. ad Corinthios: inde reges, episcopi, abbates, digni presbyteri & ipsi laici sanctitate conspicui in ipsis ecclesiis sepulti sunt, conc. Moguntin. can. LII. Interea vero fideles laici in atrio vel porticu ecclesiarum sepeliebantur, conc. Brac. 1. can. 36., conc. Nannat. can. VI., donec tandem saeculo nono & deinceps mos receptus est, vt cadauera omnia in ecclesiis humarentur. Ceterum receptis in ecclesia sepulturis non bene-viuentibus consultum; nam in locis conclusis aer additur tetrus cadauerum particulis, quibus respiratori & vitae noxius euadit.

ipsis administrare teneantur. Hinc peregrini in paroecia, ubi eos decedere contingit, sepeliuntur, modo commode in suam parochiam efferri nequeant, *cap. 5. ex. de sepult. in 6.* Monachi autem & religiosi in monasterii sui ecclesia vel coemeterio sepeliendi sunt, *cap. ult. eod. in 6.*, ipsis enim loco paroeciae monasterium est: & similiter canonici & beneficiarii omnes in ecclesia capituli vel beneficii sui sepeliendi. Quod si contra interdictum cadaver extra propriam ecclesiam tumuletur, si petatur, effodiendum est, & propriae ecclesiae restituendum, *cap. 5. ex. eod.*

§. V. Sed parochialis sepultura duobus casibus locum non habet, puta si exstet maiorum sepulcrum, aut si quis viuis sibi sepulturam elegerit. Sepulcra maiorum eadem ac familiaria videntur esse, in quibus quiescendi omnes de familia ius habent. Quoniam vero quisque apud maiores suos quiescere intendit, hinc existente maiorum sepulcro, cessat parochialis sepultura, & quisque de familia in eo sepeliendus est, *can. 2. C. 13. q. 2.*, quasi ex tacita sepulturae electione, *cap. 1. C. 3. ex. de sepulturis.* Item locum non habet parochialis sepultura, si aliquis sibi locum dormitionis seligat, quod iure canonico puberibus omnibus, etiam vxoribus & filiis familias facere licet, *cap. 7. ex. eodem, cap. 4. eod. in 6.* Quibus vero casibus defuncti sepeliantur extra paroeciam, exsequiae in propria ecclesia celebrandae sunt, *cap. 9. ex. eodem*: quae disciplina in Gallia & Belgio integra seruatur; at in Italia cadauera extra paroeciam sepelienda, antequam domo educantur, per parochum benedicenda sunt, eo-que comite ad sepulturae locum efferenda.

§. VI. Antiqua est disciplina, qua pro mortuis oblationes fiunt, easque ecclesia recipiebat, si christiani in eius communione ex hac vita migrassent. Diu oblationes istae sola offerentium voluntate steterunt, at post saeculum decimum in laudabiles abierunt consuetudines, quibus post exsequias cogi possunt heredes ad consueta oblationes, *cap. 42. ex. de simonia.* Atque haec sunt iura funeraria, quae parochis debentur propter animarum curam. Saeculo nono & sequentibus pleraeque paroeciae nullos statos redditus habebant, quod earum bona vel ad laicos, vel ad monachos, vel canonicos deuoluta erant: hinc

ad alendos clericos piae offerendi consuetudines constabillitae. Ceterum in exigendis iuribus funerariis parochi modum tenere debent, ne videantur ex terra putredini concessa quaeustum facere, praesertim vero humani & liberales esse debent in pauperes.

§. VII. Quod si aliquis extra ecclesiam parochialem sepeliatur, paroeciae *quarta funeraria* seu *canonica* debetur: certa nempe portio oblationum & legatorum, quae ecclesiae sepulturae offeruntur, aut relictæ sunt. Iustum visum fuit, ex obuentionibus funerariis, quae ecclesiae sepulturae adquiruntur, aliquid tribuere ecclesiae parochiali, quae curam spirituales defuncto impendit, *cap. 1. ex. de sepulturis*. Portio ista non est ubique eadem, sed alibi medietas, alibi tertia, alibi quarta integra pro locorum moribus, *cap. 9. ex. eodem*, & interim semper *quarta* dicitur, pendetque etiam ex locorum moribus, aut partibus conuentis, ex quibus oblationibus & relictis deducenda sit. Cadit vero ecclesia parochialis sibi debita quarta triginta aut quadraginta annorum praescriptione cum titulo, vel immemorabili tempore sine titulo. Barb. *de off. parochi par. III. cap. 25a*.

§. VIII. Sepultura ecclesiastica cauent omnes, quibus viuus cum ecclesia communicare non licuit; est enim pars christianae communionis, quae etiam post mortem manet. Itaque ecclesiastica sepultura priuantur infideles, apostatae, haeretici & schismatici manifesti, item excommunicati vt tales denuntiati, quique palam clericum, aut monachum percusserint, & nominatim interdicti, *cap. 10. ex. de sepulturis, cap. 17. ex. de verbor. significat.* Porro non donantur ecclesiastica sepultura, qui in mortali peccato decessisse videntur, quales qui sibi mortem consciuerunt, qui in pascha peccata sua nec confessi sunt, nec eucharistiam sumserunt, *cap. 12. ex. de poenit. & remissionibus*, monachi mortui cum peculio, *cap. 6. ex. de statu monachorum*, fures & latrones in crimine occisi, *cap. 2. ex. de furtis*, vsurarii manifesti, *cap. 2. de vsuris in 6.*, & generatim omnes manifesti peccatores, qui sine poenitentia decesserint. Quod si horum aliquis in loco sacro tumultetur, cadauer, si discerni possit, effodiendum est, & procul ab ecclesia in loco profano sepeliendum, *cap. 12.*

ex.

CAP.XXIX. DE MONASTERIIS. 387

ex. de sepulturis. Vltimum supplicium passi, si condignam poenitentiam egerint, ex aliquorum canonum sententia donari possunt christiana sepultura *can. 30. C. 13. q. 3.* modo leges ciuiles humationem permittant.

C A P V T XXIX.

De Monasteriis.

§. I. **M**onasteria initio fuerunt solitariorum habitacula, speluncis potius quam domibus similia; at instituta a Pachomio vita coenobitica, monasteria etiam fuerunt domus, in quibus coenobitae habitabant. Monasteria ex monasticis institutis in solitudinibus & procul ab vrbibus initio constituta: idque postulare videbatur perpetua poenitentia & ascesis, cui monachi se addicebant: planctus enim & luctus requirunt solitudinem. Primus omnium S. Basilius monachorum domicilia in vrbibus videtur constituisse, vt catholicae fidei contra Arianos suppetias ferrent. Socrat. *lib. IV. cap. 26.* Quo exemplo deinceps in vrbibus, vel prope eas passim monasteria excitata, quamuis etiam posteriori aetate, qui monasticam disciplinam instaurarunt, in solitudinibus suas primas sedes collocarint. Mendicantes vero ab initio in ciuitatibus & oppidis suas aedes posuerunt; vt ita esse possent clericis adiutorio in cura animarum procuranda.

§. II. Quocumque autem loco constituantur noua monasteria & regularium aedes, praecedere debet episcopi, in cuius dioecesi constituuntur, consensus. Conc. Chalced. *can. IV.* Iustin. *nouell. V. cap. 1.* Exortis mendicantibus consensus iste magis euasit necessarius; mendicantes enim contra regulas & naturam vitae monasticae episcopis & parochis in animarum cura, veluti copiae auxiliares, accesserunt; atque ita praeposterum esse videbatur, nouos mendicantium conuentus episcopis insciis & inuitis excitare. Quin ex legibus & moribus prouinciarum

rum nec licet aedificare noua monasteria, nisi etiam civilis potestas adsentiat.

§. III. Iam nouo monasterio seu conuentui excitando sub certa forma licet episcopis consentire, quae a Clemente VIII. in *bul. quoniam ad institutum* & a Gregorio XV. in *bul. quum alias* statuta est. In primis constare debet, nouos colonos sine veterum incommodo posse sustineri: & hinc aduocandi & audiendi priores antiquorum monasteriorum & conuentuum, qui per quatuor millia passuum in locis circum positis existunt. Audiendi quoque incolae loci, & praesertim parochus, maxime si noui religiosi mendicantes sint. Praeterea nullius monasterii permittenda aedificatio est, nisi in eo saltem duodecim monachi seu religiosi habitare, ac ex redditibus & consuetis eleemosynis sustentari possint. Et demum monasteria monialium in urbibus & oppidis constituenda sunt, ne moniales hominum malorum praedae exponantur. Trident. *ses. XXV. de regul. cap. 5.* Vbi vero decretum est, nouum monasterium aedificari, fabrica non inchoanda, nisi prius episcopus in loco preces fundat, & salutis nostrae signum, crucem nempe, terrae desigat. Justin. *nouel. V. cap. 5.*

§. IV. Monasteria omnia origine sua in spiritualibus potestati episcoporum, in quorum dioecesi posita sunt, subiacent, non secus ac reliqua loca sacra & religiosa. Hinc episcopi eadem inuisere, *cap. 8. ex. de relig. domibus*, & in iis actus omnes ecclesiasticae iurisdictionis exercere possunt. *Can. 10. C. 16. q. 1., can. 1. 18. & seq. C. 18. q. 2.* Sed a pluribus saeculis monasteria & monachi, etiam mendicantes, a potestate episcoporum exempti sunt, & vni pontifici parere coeperunt. Qua exemptione ruina monasticae disciplinae promota est, & ordo hierarchiae turbatus. Hinc pluries de exemptionibus abolendis tractatum, sed numquam excisae: tantum in comitiis Tridentinis temperatae sunt, pluribus in eam rem editis decretis. Nimirum monasteria, quibus laicorum spiritualis cura adnexa est, quod spectat ad curam animarum, episcopis subiecta sunt. Trident. *ses. XXV. de regular. cap. 11.* Episcopis quoque tamquam apostolicae sedis delegatis commissa monasteria monialium *apostolus* pontifici subiecta.

Tri-

CAP. XXX. DE HOSPITALIBVS. 389

Trident. *loc. cit.* cap. 9. Illis quoque iure delegato data sanctimonialium omnium exemptarum clausura. Trident. *loc. cit.* cap. 5. Episcopi quoque etiam tamquam apostolicae sedis delegari quotannis inuifunt monasteria in commendationem concessa, vbi neglecta iacet claustralis disciplina. Trident. *ses. XXI. de ref. cap. 8.* Item ab Urbano VIII. episcopis subiecta sunt monasteria recenter erecta, vel deinceps erigenda, in quibus saltem duodecim monachi seu religiosi non sint, *bul. XLIII. §. 14.*

C A P V T XXX.

De hospitalibus.

§. I. **H**ospitalia proprie sic dicta sunt aedes ad hospites & peregrinos excipiendos; at passim eo nomine veniunt loca quaelibet. recipiendis & alendis pauperibus, infirmis aliisque miseris, qui aliena opera indigent, addicta. Hinc hospitalia sunt varii generis, quae nominibus propriis apud veteres designantur, veluti *xenodochia*, quae sunt peregrinorum hospitia; *ptochotrophia*, vbi aluntur pauperes debiles, *orphanotrophia*, vbi pueri parentibus orbi educantur, *brephotrophia*, quae infantium educationi inserviunt; *nosocomia*, vbi infirmi curantur; & *gerontocomia*, vbi pauperes senes aluntur (a).

B b 3

§. II.

(a) Summa semper fuit ecclesiae cura in fouendis & recreandis pauperibus miserisque hominibus, qui aliena opera & auxilio indigerent; at vbi ecclesiae pax data est, coeperunt episcopi & christiani peculiare aedes ad miseros & pauperes excipiendos & fouendos extruere. Praesertim vero christiani Occidentales saeculis octauo & sequenti hoc nomine inclaruerunt: nam ferme omnia monachorum & canonicorum monasteria aedes ad excipiendos peregrinos, pauperes, infirmos habuerunt adnexas, & praeterea christiani multa alia eius generis diuersoria fundarunt. V. Murator. *diff. XXXVII. antiq. Italic.* Tum enim

§. II. Hospitalia autem generatim sic dicta vel religiosa, vel profana sunt. Religiosa episcopi auctoritate, profana iniussu eius fundata sunt. Quibus notis religiosas & profanas hospitales domus interpretes saniores discernunt, idque conuenienter pontificum decretalibus, quae tantum religiosas habent domus hospitales auctoritate episcopi exstructas, *cap. 4. ex. de relig. domib.* Sed non desunt, qui omnia pia loca, quamuis religiosa, a laicis administrata, profana dicunt: contra religiosa, quae clerici procurant. Quae sententia apud nos certo iure nititur, utpote quae pactis conuentis inter Benedictum xiv. & Carolum olim Regem nostrum *cap. V. confirmata est.*

§. III. Hospitalia domus omnes ex veteri ecclesiae disciplina episcoporum potestati & in spiritualibus & in temporalibus subsunt. Conc. Chalced. *can. VIII., L. 42. §. 9., L. 46. §. 3. C. de episc. & clericis & nouel. CXXIII. cap. 23. (b).* Nihil vero intererat, utrum clerici, an laici domus istas procurarent, & utrum iussu, an iniussu episcopi essent exstructae; semper enim erant in episcopi potestate, quando leges ciuiles id constituerant.

§. IV. At labentibus annis multae domus hospitales episcoporum potestatem excusserunt, aliae in totum, aliae tantum in temporalibus. In primis hospitalia regum speciali protectione aucta ab episcoporum potestate subtrahita sunt. Item hospitalia, quae nulla episcopi potestate fundata sunt, veluti loca profana habita, & saltem in

tem-

enim frequentes euaserant sacrae peregrinationes, ad quas fouendas ferme ubique hospitales domus erant necessariae.

(b) Auctoritas autem ista episcoporum origine sua ecclesiastica erat, qua sacris in usum miserorum celebrandis, & tamquam boni patresfamilias temporalibus etiam praesidebant; nam ciuilis & publica in hospitalia potestas politici regiminis erat. Quoniam vero episcopi industrii erant in operibus caritatis procurandis, christiani principes, in primis Iustinianus, iis etiam dederunt publicam & ciuilem in domus hospitales potestatem, *L. 42. §. 9., L. 46. §. 3. C. de episc. & clericis, nouel. CXXIII. cap. 23.* Et similiter idem Iustinianus bona hospitalium bonis ecclesiasticis accensuit, *L. 23. C. de sacros. ecclesiis.*

temporalibus extra episcopi potestatem, *cap. 4. ex. de relig. domib.* Multa quoque hospitalia priuilegiis pontificum ab episcopi potestate subtrahita sunt, & vni pontifici subiecta. Et demum non desuerunt principes, qui episcopos a temporali hospitalium administratione excluderunt, eaque in hac parte laicis iudicibus subiecerunt; quod in Gallia factum est.

§ V. Deminutam episcoporum in domus hospitales potestatem synodi Viennensis & Tridentina curarunt reparandam. Et quidem Viennensis statuit, vt si hospitalium administratores siue clerici, siue laici ignauius in administrationem incumbant, episcopi propria auctoritate in sibi subiectos rectores, in exemptos delegata pontificis procedant, & hospitalia reforment & in integrum restituant. *Clement. 2. de religiosis domib.* Postea synodus Tridentina *ses. VII. de ref. cap. 15.* hunc Viennensem canonem innouauit; item potestatem fecit episcopis, vt etiam tamquam apostolicae sedis delegati in casibus ab iure concessis hospitalia omnia & collegia quaecumque laicorum inuiderent, exceptis iis, quae sub regum immediata protectione sunt sine eorum licentia, *ses. XXII. de ref. cap. 8.* Et demum statuit, vt clerici siue laici hospitalium administratores quotannis ordinario reddant rationes, nisi in fundatione aliter cautum sit; & si consuetudine, vel priuilegio, vel loci statuto aliis ad id deputatis rationes reddendae sint, etiam cum iis loci ordinarius adhibeatur. *Trident. loc. cit. cap. 9.*

§ VI. Decreta ista Tridentina de hospitalibus aliisque locis piis, vtpote quae iura laicorum inueriebant, nec in aliis prouinciis, nec apud nos recepta sunt. Hinc de hospitalium in rebus temporalibus regimine inter saecularem & ecclesiasticam potestatem frequentes controversiae emerferunt. Tandem vero controuersiae istae apud nos pactis conuentis inter Benedictum xiv. & Carolum olim Regem nostrum compositae sunt, & ius certum constitutum, *cap. V. n. 1. seqq.* Tres hospitalium species distinctae, vna eorum, quae sub regum immediata protectione sunt, altera eorum, quae a laicis, & tertia eorum, quae a clericis procurantur. Hospitalia sub regum immediata protectione (qualia censentur, quae regiae fundatio-

nis & dotationis sunt, & quae in ipsa fundatione, ex voluntate fundatoris regiam protectionem meruerunt) ab episcopi potestate & visitatione etiam in spiritualibus eximuntur. Hospitalia a laicis administrata tantum in spiritualibus ab episcopo visitantur; administrationis vero rationes reddendae coram ratiocinatoribus de more electis per eos, ad quos electio illa spectat, & persona ad id ab ordinario deputata, quae gratis interfit. Data quoque foro misto, quod Neapoli sedem habet, potestas in loca pia profana, exceptis iis, quae regum speciali protectione muniuntur. Et demum hospitalia a clericis administrata in spiritualibus & temporalibus ab episcopis visitantur.

§. VII. Iure communi pauperes & miseri in hospitalibus recipere debent sacramenta ab ecclesia parochiali, in cuius finibus posita sunt hospitalia. *Espen. par. II. sect. 4. tit. 6. cap. 3. edit. Neapol.* Et passim hospitalia a laicis administrata manent sub cura parochorum, licet in iis sint extructa sacella. Verum multae ex hisce domibus sunt, quae ad sacra administranda speciales presbyteros habent, quod episcopi, aut pontificis privilegio, aut pactis conventis inductum est.

§. VIII. Hospitalium officiales singulis annis administrationis suae reddere rationes tenentur. *Clement. 2. §. 2. de relig. domib.* Reddendae vero sunt rationes ordinariis, seu aliis, quibus subsunt loca huiusmodi, vel deputatis ab eis, cit. *Clement. 2.* At synodus Tridentina *ses. XXII. de ref. cap. 9.* statuit, ut administratores clerici, siue laici hospitalium & aliorum piorum locorum ordinariis locorum reddere rationes teneantur, nisi in fundatione aliter cautum sit: & quo casu siue ex consuetudine, siue privilegio, siue peculiari loci statuto aliis ad id deputatis reddendae sint, etiam cum iis antistes ordinarius adhibeatur. Sed decretum hoc, utpote extendens episcopi potestatem ad loca laicalia, in hoc regno receptum non est; vigentque pacta conuenta inter Benedictum XIV. & Carolum olim regem nostrum, quae *cap. V. n. 2.* habent, etiam personam ab ordinario deputari debere, ubi rectores laici piorum locorum reddunt rationes, nisi loca illa regiae protectioni specialiter subiaceant.

CA.

C A P V T XXXI.

De oblationibus.

§. I. **V**entum est ad res ecclesiae temporales, quae vñibus ecclesiasticis deferuiunt. Eiusmodi res ad tres praecipuas classes referri possunt, oblationes nempe, fundos seu res immobiles, & decimas & primitias. Oblationis nomine generatim veniunt res omnes siue mobiles, siue soli, quacumque ratione Deo elargitae, siue pertineant ad sacrificii vñum, siue clericorum & pauperum alimentis destinatae sint. Sed in praesenti strictius vocem oblationis accipimus, quatenus denotat res mobiles & muneræ, quae sponte fideles ad altare vel extra altare offerunt.

§. II. Tria oblationum genera statui possunt: aliae tempore sacrificii inferebantur altari; aliae ad episcopi domum deferrebantur; & demum aliae fieri consueverunt in administratione sacramentorum, in exsequiis defunctorum & aliis sacris officiis. Et ad altare quidem tempore oblationis omnes in eucharistia communicantes, si poterant, etiam monachi, offerebant panem & vinum: quo loci etiam oleum & incensum & nouae spicae & vuae solebant offerri, *can. IV. apostol.* Ex oblatis panis & vino eucharistiae elementa desumebantur, & reliqua alendis clericis & pauperibus inserviebant. Sed lapsu temporis, ubi panis azymus in sacris mysteriis adhibitus est, desierunt panis & vini ad altare oblationes, earumque loco missae honorarium successit. Et si adhuc in multis pagis & oppidulis viget mos aliquid offerendi inter missarum sollemnia, oblationes istae post euangelium, non tempore oblationis fiunt, & pro eucharisticis haberi non possunt.

§. III. Secundum genus oblationum est earum, quas christiani, prout possunt & volunt, in ecclesiae vñum elargiuntur. In ecclesia secundo saeculo erat arcae quoddam genus, in quam fideles pro arbitrio & voluntate sua
mo-

modicam stipem apponebant. Tertull. *apol. cap. XXXIX.* Inde institutum fuit *gazophilacium*, hoc est locus in exedris ecclesiae, in quem huius generis oblationes deferbantur & adseruabantur. Conc. Carthag. *iv. can. 93.* August. *serm. L. de diuers.* Quin in ecclesiis Gallicanis huiusmodi oblationes etiam ad altare videntur factae. Conc. Aurel. *i. can. 16. & seq.*

§. IV. Erat quoque tertium genus oblationum, quas christiani in suscipiendis sacramentis, in exsequiis mortuorum, in dedicationibus ecclesiarum aliisque sacris officiis pro pietate sua elargiebantur. Quarto saeculo sollemnis erat mos in baptismo aliquid offerendi. Greg. Nazianz. *orat. XL. de bapt.* Et si synodus Illiberitana *can. XLVIII.* statuit, ne de more catechumeni tempore baptismi numos in concham mitterent: regula ista peculiaris fuit, eique non malum, sed mali species dedit occasionem: nimirum ne sacerdos, quod gratis acceperat, pretio distrahere videretur. Generatim vero in huius generis oblationibus id ecclesia edixit, si quid sponte offeratur, recte accipi, nefarias vero esse exactiones.

§. V. Cuiuscumque vero generis essent oblationes, non ab omnibus christianis accipi solebant, sed tantum ab iis, qui in eucharistia communicabant: Nimirum oblationes, praesertim eucharisticae, erant signum ecclesiasticae communionis; & hinc eorum, qui in eucharistia non communicabant, oblationes respuebantur. Conc. Illiber. *can. XXVIII.* Ipsi poenitentes consistentes dicti, quamuis in precibus communicarent, non tamen offerebant ad altare. Conc. Nicaen. *can. XI.* Ancyra. *can. IV.* Quin si haeretici antequam in haeresim laberentur, aliquid ecclesiae intulissent, id eis post lapsum restitui solebat. Tertull. *de praescript. cap. XXX.* Ambros. *ep. XXX. ad Valentinian.* Interim si poenitentes ante reconciliationem inopini & absolutionis cupidi morerentur, eorum nomine factas oblationes pleraeque ecclesiae recipiebant, conc. Arelat. *ii. can. 12.* Tolet. *xi. can. 12.* Qua receptione in pacem & communionem admissi censebantur.

§. VI. Porro oblationes erant spontanea elargitates, nec aliquis ad eas offerendas cogeatur: quae est antiqua ecclesiae

CAP. XXXI. DE OBLATIONIBVS. 395

clesiae disciplina (a). Verum labentibus annis oblationes, quae in administrandis sacramentis, in exsequiis & ceteris sacris functionibus fiebant, in laudabiles consuetudines abierunt: quae disciplina inualuit in aliquibus ecclesiis post saeculum decimum, tum in concilio generali sub Innocentio III. generatim probata est, vbi statutum, libere conferenda esse christiana sacramenta & reliqua sacra officia, teneri vero fideles ad consuetas oblationes, & ab episcopo cogi posse, si offerre detrectent, *cap. 42. ex. de simonia* (b). Et haec sunt iura parochialia, quae satius fuisset non induci, aut inducta aboleri, vbi primum ecclesiae aliis redditibus auctae sunt; est enim, quantum fieri potest, a ministris ecclesiae amouenda omnis auaritiae turpisque quasus suspicio & occasio. Et recte Tridentini patres *sess. XXI. de ref. cap. 1.* in ordinationibus nec sponte oblata quocumque titulo accipi permiserunt.

§. VII. Oblationes autem omnes, etiam quae sponte fiunt, ad ecclesiam parochialem spectant, idque ob spirituales curam, quae parochis demandata est, *cap. 9. ex. de his, quae fiunt a prael. sine cons. capituli.* Cedunt vero oblationes ecclesiae parochiali, etiam si in alia inferiori capella, aut loco intra paroeciae fines fiant, nisi de contraria offerentium voluntate constet. Barbosa *de off. parochi*

(a) Tantum eucharisticae panis & vini ad altare oblationes necessitate quadam continebantur: nam turpe videbatur, diuites ad altare non offerre. Cypr. *de opera & elemosinis*, August. *serm. CCXV. de tempore*. Quin Hieronymus *epist. I. ad Heliodor.* etiam monachos ad altare offerre adstrictos fuisse testatur. Paui & vini eucharisticae oblationes spectabant ipsum sacrificium, quod christiani omnes suo inodo offerre censebantur, & de eo omnes participabant; vt proinde nefas videretur eo spectantes oblationes a diuitibus non offerri.

(b) Saeculo decimo & deinceps bona paroeciarum, etiam ipsae decimae, pro maxima parte in laicos, monachos & canonicos transierant; & propter malos clericorum mores christiani parum liberales erant in ecclesias parochiales. Hinc clerici non habebant vnde viuere, atque ideo dura temporum conditio pias offerendi consuetudines in necessitatem conuertere fecit.

rochi cap. XXIV. Nimirum fideles offerre praesumuntur ob spiritualem curam, quam de se habet ecclesia: quae praesumptio oblationes ecclesiae parochiali addicit. Cessat vero haec praesumptio, quando constat, aliam esse offerentium voluntatem, & oblationes illis locis seu vñibus cedunt, quibus impendi fideles volunt, edicuntque. V. card. de Luca *disc. XIX. de decimis.* Item oblationes parociae non adquiruntur, si priuilegium aut consuetudo eas alii ecclesiae, aut pio loco addicat.

C A P V T XXXII.

De praediorum ecclesiasticorum acquisitione.

§. I. **Q**Uousque ciuiliſ potestas christianam religionem persecuta est, ecclesiae reditus fuerunt in rebus mobilibus, quas pro pietate sua fideles offerebant, res vero immobiles ferme nullae fuerunt. Tum ecclesia ex sententia iuris ciuiliſ collegiis illicitis accensebatur, quibus nec donare, nec hereditates relinquere ius erat, *L. 8. C. de heredib. instituendis.* Nec a christianis Christus heres poterat institui; quia; vt auctor est Vlpianus *fragm. tit. XXII. §. 6.* dii heredes institui non poterant, praeter eos, quos leges instituere concessissent. Verum post tertii saeculi medietatem plures ecclesiae fundos possidere coeperunt; in longa enim illa imperii confusione post Valeriani captiuitatem continuata non multum valebant leges, atque ideo facile fuit ecclesiis fundos acquirere.

§. II. Sed post pacem christianis datam ecclesia fundos magna copia adquisiuit, idque testamentis & legitimis hereditatibus & variis titulis inter viuos. Et quod spectat testamenta, primus Constantinus M. ecclesiam inter collegia legitima recensuit, eique dedit ius acquirendi ex testamento siue hereditates, siue legata. *Habeat unusquisque licentiam sanctissimo catholicae, ecclesiae, venerabilique concilio decedens honorum, quod optauerit, relinquere, L. 1. C. de sacros. ecclesiis.* Haec lex semper
in

in imperio obrinuit, & apud gentes, quae noua regna in Occidente fundarunt, in primis Longobardos, confirmata est. Et Theodosii iunioris lege, si clerici vel monachi intestato decederent, nullis relictis heredibus, eorum bona ecclesiae vel monasterio, cui fuerant addicti, adscribebantur, *L. 1. C. Th. de bon. clericorum*. Ita hereditates siue testamento, siue ab intestato ecclesia coepit acquirere, & interea largitatibus inter viuos etiam difcebat.

§. III. Verum ex veteribus moribus religioni erat sanctissimis episcopis hereditates adire, vel donationes acceptare, quibus filii, aut alii cognati sibi debitis bonis fraudarentur. *Quicumque vult*, ait Augustinus *serm. XLIX. de diuersis*, *exheredato filio, heredem facere ecclesiam, quae rat alterum, qui suscipiat, non Augustinum, immo Deo propitio neminem inueniet* (a). Quin quod hereditates litium ambagibus implicabant, sanctiores episcopi non multum eas curabant; sed potius cupiebant, vt patresfamilias Christum veluti in numerum filiorum cooptarent, eique virilem relinquerent. *August. loc. cit.* At deinceps moribus in peius delapsis, ferme omnes effusae largitates, quibus nihil filiis aut cognatis relinqueretur, acceptae: quos mores Carolus M. *lib. I. capit. cap. 89.* castigauit.

§. IV. Magna praediorum & mobilium copia ecclesiis & monasteriis accessit per hereditates & donationes: at acquisitiones istae factae sunt vberiores, postquam invaluit doctrina, regnum caelorum obtineri largitionibus in ecclesiam factis (b). Hinc mediis saeculis fere omnes

do-

(a) Summa fuit aequitas Aurelii episcopi Carthaginensis, qui bona omnia ecclesiae donata restituit donanti, cui post donationem filii, quos non sperabat, nati erant, etsi suae potestatis erat, vt non redderet, sed *iure fori*, non *iure poli*, vt loquitur Augustinus *loc. cit.* Non enim Romanae leges rescindebant donationes, quod donantibus inde filii nati dicerentur. V. Vinn. in §. 2. *inst. de donationibus*.

(b) Ex veteribus summo zelo & incredibili vehementia Salvianus *lib. I. aduers. auar.* hanc doctrinam inculcauit. Quin sensim creditum est ab incautis, etiam sine lacrimis ad Deum promerendum valere in ecclesias & monasteria effusas largitates.

donationes & testamenta in pias causas his formulis concepta sunt, *pro salutae animae meae, pro redemptione animae, in remedium aeternae salutis*. Eo etiam contulerunt clericorum & monachorum artes, quibus suadebant fidelibus (saepe non sine cognatorum detrimento) caelestis regni beatitudinem, comminabantur aeternum inferni supplicium, & sub nomine Dei aut alicuius sancti temporalia extorquebant, ut habet Carolus M. *capit. an. 1000CXI*. Nec istae piae artes posterioribus saeculis cessarunt: etenim S. Bonaventura *epist. ad provinciales* & Matthaeus Parisiensis *ad an. 1100CXLI*. veluti hereditas multos ex mendicantibus describunt.

§. V. Multa quoque bona & latifundia in ecclesias & monasteria confluxerunt ex diuitum clericali & monastica vita. Nam plerique eorum, dum se altari, aut monasterio dedicabant, bona sua, aut eorum partem in ecclesias & monasteria transferebant. Quin ubi de more veteris disciplinae parentes monasteriis filios suos infantes offerebant, simul monachis praedia aliqua elargiebantur. V. Murator. *diff. LXVII. antiq. Italicar.* Hinc intelligis, cur antiqui monachi solliciti fuerunt ad adliciendos diuites ad monasticam vitam. Quoniam vero turpe erat, ob temporalia lucra clericatum aut monasticam vitam diuitibus inculcare, synodorum canonibus poenitentiae subiecti sunt episcopi & abbates, qui propter temporalia homines in clericos, aut monachos tonderent, temporalia vero heredibus restituta sunt. Conc. Cabillon. II. anno 1000CXVI. *cap. VII.*

§. VI.

tes. Eo etiam traducta est sententia Christi, qua centuplum & vita aeterna iis promittitur, qui propter Deum terrena reliquissent, quasi esset omnino idem exui rebus suis & sequi Iesum Christum, & bona sua in morte ecclesiis aut monasteriis relinquere. V. Murator. *diff. LXVII. antiq. Italic.* Et quoniam omnes morti proximi pro anima sua aliquid ecclesiis reliquebant; hinc videtur inualuisse, ut si quis intestatus decederet, episcopus loci pro illo testaretur in piam causam, definireque elemosynarum modum, quem defunctus probabiliter reliquisset: qui mos in Gallia, Anglia & in regno Apuliae seruatus est.

§. VI. Vberimus fons, vnde tot praedia in ecclesias & monasteria deriuarunt, fuerunt etiam *precariae*. In hac causa erant precariae praediorum concessionibus, quas ecclesiis fideles faciebant, at eorundem sibi retinebant vsumfructum, & duplum etiam vsufructuario iure de bonis ecclesiasticis accipiebant; aut si vsufructu datorum praediorum abstinebant, triplum de bonis ecclesiasticis consequiebantur: nec tantum ipsi dantes concessio sibi vsufructu fruebantur, verum etiam filii & cognati, de quibus conuenisset. Conc. Turon. III. can. 31., Meldense anno 1000. can. XXII. Ingens fundorum copia per precarias ecclesiis & monasteriis accessit: quilibet enim, praesertim si filiorum spe destituebatur, facile eo veniebat, vt patrimonium suum ecclesiae elargiretur, ab eadem duplum aut triplum quantitatis datae in vsufructum accepturus; ecclesia vero dispendium praesens futuro lucro compensabat, atque ita praedia sua augebat.

§. VII. Item poenitentiarum redemptionibus praedia & opes ecclesiae sibi pararunt. Erant redemptiones istae species quaedam indulgentiarum, quibus psalmorum recitatione, aut flagellis, aut pecuniae & praediorum donationibus canonicae poenitentiae remittebantur. Satis longae octavo saeculo erant canonicae poenitentiae, fueruntque etiam longiores, vbi innaluit, vt pro vno peccato mortali septem annos esset poenitendum; ita eiusdem vel diuersi generis multiplicatis peccatis poenitentia longe ipsam vitam excedebat. V. Thomass. de veteri & noua eccles. discipl. par. III. lib. 1. cap. 74. n. 5. Ergo inuentae poenitentiarum redemptiones, quibus canonicae poenitentiae relaxabantur, & quidem pro numero psalmorum & flagellorum & muneris quantitate. *Quum a poenitentibus terras accipimus*, inquit Petrus Damianus lib. IV. op. 12, *iuxta mensuram muneris eis de quantitate poenitentiae relaxamus*. Interim magna opum & fundorum copia per redemptiones ecclesiis accessit: nam quotusquisque ex diuitibus erat, qui non mallet pecunias & praedia dare, quam durissimam tot annorum poenitentiam subire?

§. VIII. His aliisque titulis ecclesiae & monasteria in variis regionibus res immobiles, quae *ecclesiarum patrimonia* mediis saeculis dicebantur, adquisuerunt. Fue-
runt

runt autem longo temporis interuallo fundi isti tantum priuati iuris, seu *alodia*, vt in mediorum saeculorum monumentis appellantur; at inde bona publica, & vel ipsum summum in populos imperium ecclesiis accessit, quo nomine ecclesia Romana celebratur. Item creuit dignitas & maiestas Romanae sedis regnorum oblationibus, quae a tempore Gregorii VII. frequentes euaserunt. V. Murator. *diff. LXXI. antiq. Italicarum*. Erant regna oblata, quae ipsi reges ecclesiae Romanae veluti dono dabant, eaque tum ab illa possidere profitebantur; atque ita reges & regna in fidem & clientelam Romanae sedis recipiebantur. Huius generis regna ferme omnia Occidentis fuerunt, eoque nomine reges pendebant annuum censum, qui *denarius S. Petri* dicebatur, & aliquando etiam pontificibus iurabant fidelitatem. V. Thomass. *de vet. & noua eccles. discipl. par. III. lib. 1. cap. 32. n. 5.*

§. IX. Porro pleraeque Occidentis ecclesiae & potiora monasteria fundis publicis, seu feudis & regalibus aucta sunt. Et sane sub Regibus Carolinae stirpis in Gallia passim feuda, aliquando cum iurisdictione, ecclesiis quaesita: inde hi mores conualuerunt, & a tempore Ottonis I. imperatoris regalium copia & iurdictio in liberos homines veluti ordinario iure ecclesiis & monasteriis accessit. V. Boëhmer. *iur. eccles. lib. III. tit. 20. §. 79. seqq.* Feuda autem ecclesiis & monasteriis dederunt non tantum reges, verum etiam ipsi beneficiarii, quibus olim a regibus concessum erat, vt accepta feuda ecclesiis & monasteriis relinquere possent. V. Murator. *diff. LXXII. antiq. Italic.* Dederunt autem principes feuda ecclesiis saepe in suorum peccatorum redemptionem, saepe etiam ob politicas rationes, vt nempe adiutorio episcoporum & abbatum, qui magni erant apud populos, régna sua constabilirent: quod de Carolo M. Wilelmus Malmesburiensis *lib. V. de gest. reg. Anglor.* aperte testatur.

§. X. Regalia & feuda ecclesiis concessa sacerdotio non videntur aduersari, modo militia remittatur. At e re christiana satius fuisset, ecclesias feudis & regalibus non donari, inde enim disciplina ecclesiastica ferme omnis intercidit. In primis feudorum regimine episcopi & abbates implicati spiritualia negligenter curarunt; subinde etiam

iam ecclesias suas relinquerunt, vt essent in imperatorum & regum comitatu, & vt regni comitiis interessent. Item ratione feudorum episcopi & abbates in milites versi militem alebant clientelarem, & imperatores & reges in bello comitabantur, & propriis manibus arma tractabant; erant enim ex feudis debita seruitia militaria & equestria. Et quamuis Carolus M. militiam ecclesiis remisit; tamen paullo post iterum illius onus episcopis iniectum. V. Thomass. *de veteri & noua eccles. discipl. par. III. lib. 1. cap. 41.* Porro in tanta opum & diuitiarum vi, quam ecclesiae & monasteria possidebant; creuit ambitus ad dignitates ecclesiasticas, & simonia clericos ferme omnes conspurcauit. Ex feudorum quoque & regalium concessione natae sunt episcoporum & abbatum investiturae (c); inde electiones in principes translatae; &

Pars II.

C

tan-

(c) Nomine *investiturae* veniebat concessio bonorum ecclesiarum, quae a principibus sollemni baculi & anuli pastoralium traditione, semper ac noui episcopi & abbates constituendi erant, fieri solebat. Nimirum feudis & latifundiis permultae ecclesiae Regum beneficio auctae erant; & hinc de more feudorum semper noui episcopi investituras accipere debebant, quae in hac causa per baculi & anuli traditionem expediebantur. Hac vero caerimonia nihil spiritualis tradebatur, sed tantum feuda & reliqua regalia, quae a principibus ecclesiae habebant: quod aperte docet Iuo Carnotensis *ep. LX.* Sub Clodoueo exempla inueniuntur investiturarum, quod Petrus de Marca *de concord. sacryd. & imperij lib. VIII. cap. 12.* docet; at deinceps sub Regibus Carolinae stirpis in vsum abierunt adsiduum, easque & imperatores in imperio, & Reges Galliae, Italiae, Angliae, Scotiae, Hungariae, Poloniae vsurparunt.

Nihil mali in se spectatae continebant investiturae, at inde in abusionem versaee canonicas electiones in principes transulerunt, & quod nefas est, induxerunt simoniam; principes enim pretio episcopatus & abbatias concedere solebant. Creditum etiam, sacra anuli & baculi traditione a principibus dari spiritualia. Ergo summi pontifices magnis animis abolendas investituras susceperunt, signumque ad pugnam Gregorius VII.

extu-

tandem inter imperium & sacerdotium cruenta bella emerferunt, quae rempublicam & ecclesiam longo annorum cursu exagitarunt.

§. XI. Penes ecclesias & alias ecclesiasticas societates per plura saecula stetit libertas bona stabilia adquirendi; at inde multorum principum edictis statutum est, vt sine ciuilibus potestatis adsensu ecclesiae & alii ecclesiastici conuentus fundos non adquirant. Consensus, quo principes acquisitionem praediorum ecclesiis concedunt; *amortizatio* dicitur (d). Salus populi profecto fuit, quae principum leges suauis, ne ipsis inconsultis ecclesiae bona immobilia adquirerent; vbi enim magna fundorum copia vltibus publicis extincta erat, necessarium plane videbatur, concessam ecclesiis adquirendi libertatem cohibere. Peckius *de amortiz. cap. X.* In plerisque christianis prouinciis vario tempore instituta est amortizatio, vbi si principes adquirendi adsensum ecclesiis concedunt, exigunt certam pecuniae quantitatem, quae lege vel consuetudine determinata est.

§. XII.

extulit; pari vi continuarunt successores. Plures synodi celebratae, damnatae inuestiturae, dantes & accipientes excommunicati. V. Natal. Alexand. *diff. IV. in saecul. XI.* Sed plerique Occidentis principes, in primis duo Henrici IV. & V. imperatores, abolitis inuestituris iura regia deminui existimantes, eas abiicere noluerunt. Itaque pugnatum quinquaginta ferme annos, ecclesia non minus quam respublica magnis motibus agitata; tandem vero in synodo Lateranensi sub Callisto II. AN. CIOXXXII. compositae res sunt; placuit enim, vt, restitutis canonicis electionibus & abolita simonia, principes non anuli & baculi traditione, sed scepero darent inuestituras. Mirari subit, cur non ante hoc temperamentum fuerit adhibitum; nam in tot tantisque angustiis vnum de duobus facere oportebat, vel feuda & regalia regibus relinquere, (quod fane erat ecclesiae gloriosum.) vel mutare inuestiturae sollemnitatem, ne principes spiritualia dare viderentur.

(d) Vox *amortizatio* deducta videtur a voce Gallica *amortir*, quod est extinguere: bona enim ecclesiastica, utpote alienari vetita, & publicis oneribus exempta, ciuitati mortua videbantur.

§. XII. In Siciliae regno, quo & Sicilia & regnum Neapolitanum diu comprehensa sunt, ab antiquis vsque temporibus vetitum est, ecclesias praedia adquirere. Sane Fridericus II. in *constit. regni lib. II. tit. 39.* renouata suorum praedecessorum constitutione statuit, ne possessiones hereditariae vel patrimoniales inter viuos quocumque titulo, nisi ex causa aequalis permutationis, in ecclesias & loca religiosa transferrentur; in vltimis vero voluntatibus vt iisdem relicta stabilia intra annum proximioribus defuncti, aut aliis laicis venderentur (e). Obtinuit lex ista sub Friderico; at paullo post regno ad Andegavos reges, qui erant sedi apostolicae addicti, translato, contrariis moribus ferme deluevit. Quin in illa temporum caligine & iuris publici ignorantia sacrilega & ecclesiasticae libertati aduersa credita est. Hinc sub Andeganis & deinceps ecclesiae & loca religiosa apud nos immobilia adquisuerunt: iamque medietas praediorum & reddituum regni penes manus mortuas esse dicitur.

§. XIII. Sed tandem in regno Apuliae litteris Regis nostri v. idus Septembris anni MDCCCLXIX. iterum vetitum est, ecclesias & alia loca pia ecclesiastica deinceps nona rerum dominia quocumque titulo, siue inter viuos, siue in vltimis voluntatibus adquirere. Hinc nullae factae sunt institutiones, donationes & contractus omnes, quibus nouae possessiones locis piis ecclesiasticis adquiruntur, si conditiones adiectae adhuc non extiterint, aut ipsa loca pia non adhuc in pacifica possessione sint. Tantum licet locis piis ecclesiasticis iterum collocare, quae restituntur capita in idem crediti genus, modo id non fiat super bonis stabilibus. Integrum vero relictum est acquirendi ius locis piis laicalibus operum publicorum

C c 2

aut

(e) Haec est germana constitutionis Fridericianae sententia, quod pluribus probatum dedit vir doctissimus & mihi amicissimus Andreas Seraus in *not. ad consultat. Stephani Patrisii de renuntiationib. monialium pag. 139. seqq.*, in vulgatis enim constitutionum libris nonnihil deprauata exhibetur.

aut piorum, quae a laicis administrantur, non item fo-
dalitiis laicorum, quae *congregationes* dicuntur (f).

CA-

(f) Haec est sententia regiarum litterarum, ad quarum ex-
plicationem inde plura alia regia rescripta prodierunt. Et in
primis 112. Kalendas Ianuarias eiusdem anni nouis litteris Rex
edixit, posse dotes sanctimonialium & fructus, qui ex annuis
reditibus locorum ecclesiasticorum supersunt, (quod fuerat in
praecedentibus litteris omissum) in census annuos collocari,
etiam super bonis stabilibus constituta hypotheca, modo si con-
tractus ob debitoris moram rescindatur, stabilia locis ecclesia-
sticis non addicantur, sed vendantur laicis secundum Friderici
constitutionem. Porro regio rescripto 19. Kalendas Iulias anni
C1D1DCC1XX. dato clarius explicatum est, quod de possessione
impugnata prioribus Regis litteris expressum erat: rescriptum
nempe est, contradictionem possessioni anteriorem, & tempore
adquisitae possessionis factam sufficere, vt possessio contradieta
dicatur: subsequentem vero contradictionem talem esse oportere,
vt dubiam vel vitiosam possessionem reddat, qua de re tan-
tum iudici cognitio demandata est:

Nouis quoque litteris 111. idus Iunii anni C1D1DCC1XX. da-
tis Rex statuit, capellanas, quae a testatoribus relinquuntur,
non posse super bonis immobilibus constitui, sed eas tamquam
onus hereditatis habendas esse, officioque iudicis contineri, vt
onus illud exsequatur. Cuius etiam naturae nouis litteris 14.
idus Augusti eiusdem anni Rex esse declarauit capellanas, quae
inter viuos constituuntur. Et quoniam iura fiscalia priuatis
quaesita rebus immobilibus aequivalent, id porro Rex statuit,
vt ea tantum loco facilioris exactionis possint assignari.

Item Rex rescripto suo 14. idus Augusti an. C1D1DCC1XX.
declarauit, sub generali regula, qua locis piis ecclesiasticis no-
vae acquisitiones interdictae sunt, etiam contineri hereditates,
quae ex integro missarum oneribus subiectae sunt. Itaque vo-
luit, vt eiusmodi hereditates onere illo liberae heredibus legi-
timis adquirantur, ita tamen vt heres quotannis in perpetuum
aliquam missam, aut si plures sint heredes, singuli saltem vnani
quotannis celebrari faciant, modo praefatae celebrationi nulla
praedia addicantur, sed quidquid eius rei erit, veluti onus he-
reditarium habeatur.

Sed ad extendendam magis magisque vetitam acquisitionem
praesertim spectant recentiores Regis litterae, quae xvi. Ka-
lendas Septembris anni C1D1DCC1XXI. emissae sunt, & plura
capita

C A P V T XXXIII.

De decimis & primitiis.

§. I. **A** Pud Iudaeos ex legis praecepto decimas & primitias sacerdotibus & Levitis debitas fuisse nemo vnus ignorat. Nomine decimarum decima pars fructuum terrae & pecudum veniebat: primitiae vero erant.

C c 3

primi

capita continent. Et primo quidem Rex tamquam legibus regni & aliis regiis litteris conuenientius declarauit, bona ecclesiastica in emphyteusim concessa tamquam bona alodialia eorum, quibus quaesita sunt, haberi, tantumque semel constituto canoni esse obnoxia, & ita posse emphyteutam de iis pro arbitrio disponere, eaque etiam extinctis lineis, quibus concessa erant, in heredes siue legitimos, siue testamentarios transire. Tantum emphyteusim finire, si triennio canon persolutus non fuerit, aut si fundus ita deterior factus sit, vt eius qualitas notabiliter mutetur. Porro sic finita emphyteusi fundum iterum laicis, sed non aucto canone, concedi debere: fundi vero augmenta pristino emphyteutae cedere, cui a nono emphyteuta praestanda sunt. Et vt verita adquisitio latius serperet, etiam Rex declarauit, eodem iure cum emphyteusi locationes bonorum ecclesiasticorum ad longum tempus censeretur.

Praeterea altero capite Rex declarauit, vt nec pecunia numerata qua demum cumque ratione locis pijs ecclesiasticis relinqui, aut donari possit.

Item tertio capite Rex duo declarauit. Vnum, quae locis pijs restituuntur capita, super rebus soli collocari non posse, quod generalibus de verita adquisitione litteris concessum erat. Alterum, quae supersunt ex annuis locorum piorum ecclesiasticorum redditibus in nullum crediti genus posse collocari, sed potius in vsus pios ex ecclesiae sententia tribuenda. Ita derogatum est anterioribus regiis litteris, quibus, dum agebatur de dotibus monialium, obiter dictum erat, etiam quae supersunt ex fructibus annuis locorum piorum collocari in census posse, etiam super rebus soli hypotheca constituta.

Quarto

primi rerum fructus. Decimae a lege indictae instar tributi videntur fuisse, quod Deus instituta theocratia Iudaeis indixit: qua in re Deus mores aliarum gentium expressit; sollemne enim fuit per Orientem regibus tributi nomine decimas pendi. V. Io. Cleric. in *Genes. XLI.* 34. Quoniam vero nulli vsui decimae erant Deo, hinc eas sacerdotibus & Leuitis, qui in diuisione terrae Chanaan partem non acceperant, in sustentationem pendi iussit. Itaque lex de soluendis decimis populo Iudaico imposita mere ciuilis fuit & iudicialis, etsi summam redoleret aequitatem, quando altaris ministri nullis aliis redditibus erant donati, & pro salute totius populi sacris erant addicti.

§. II. Iure euangelico decimae ad alendos clericos nullae indictae sunt, nec lex ciuilis Iudaeorum christianos poterat adstringere. Hinc primis saeculis christiani spontaneis oblationibus alebant altaris ministros. Interim veteres patres praeceptum Iudaicum de soluendis decimis tamquam morale videntur habuisse, & inde docere coeperunt, christianos iure diuino ad decimas ecclesiae soluendas teneri. Bingham. *orig. eccles. lib. V. cap. 5. §. 1.* Hinc excitati moratiores christiani decimas praestiterunt; generatim vero decimae saeculis octauo & sequentibus imperatae & legibus principum & ecclesiae canonibus. Et necessario quidem hac aetate decimae videntur indictae, nam fere omnes ecclesiarum redditus a militibus & laicis possidebantur: atque ideo ex decimis alimenta clericis videbantur exhibenda, praesertim quando diuino iure niti credebantur. Sed in ecclesia Orientali decimae non receptae, aut si aliquatenus receptae, inde abolitae sunt,

Quarto capite declaratum est, bona immobilia, super quibus congregationes laicales hypothecam habent, ipsis congregationibus non posse adiudicari, idque ea ratione, quod sodalitas ista edicto de non adquirendo tenentur.

Et demum quinto capite Rex declarauit, permutationes bonorum stabilium inter ecclesias seu alia loca pia ecclesiastica & laicos fieri non posse sine venia Regis, quae causa cognita conceditur, aut denegatur.

sunt; *cap. 11. ex. de transactionib. in parte decisa. V. E. spen. par. II. sect. 4. tit. 2. cap. 1. edit. Neapol.*

§. III. Decimae ex regulis decretalium triplicis generis sunt, praediales nempe, personales & mistae. Praediales debentur ex fructibus & prouentibus praediorum siue rusticorum, siue vrbanoꝝ: personales ex rebus, quas industria & arte sua homines adquirunt, veluti ex lucro negotiationis, militiae, venationis: mistae demum ex fructibus, qui ex praediis & industria participant, quales habentur fetus pecoꝝum, lac, lana, similes.

§. IV. Iam vero decimae debentur ecclesiae parochiali, quod ius in decretalibus proponitur, *cap. 29. & seq. ex. de decimis*; vbi enim singulis ecclesiis propria bona addicta sunt, decimae vt plurimum ecclesiis parochialibus cesserunt. Sed ius paroeciae ad decimas eiusdem finibus coarctetur: atque ita decimae personales debentur ecclesiae, in qua fideles tenentur suscipere sacramenta; praediales vero ecclesiae, in cuius finibus praedia sunt, etsi domini in alia paroecia morentur, *cap. 2. de restit. spoliatorum in 6.*; & mistae cedunt ecclesiae, in cuius finibus animalia continuo pascuntur.

§. V. Quamuis decimae ecclesiis parochialibus debeantur; tamen ab aliis ecclesiis, aut a clericis, aut etiam a laicis adquiri & possideri possunt. Et recte distinguit S. Thomas 2. 2. q. 86. art. 3. inter ius ipsum decimas exigendi, & species ipsas decimarum nomine pendi solitas, quorum illud ecclesiis eiusque ministris competit, nec in laicos transferri potest, hae vero etiam a laicis possunt adquiri. Et reapse mediis saeculis plures laici bona ecclesiastica & ipsas decimas adquisiuerunt: quae acquisitiones initio in summa reipublicae & ecclesiae necessitate ex regum & episcoporum auctoritate factae sunt (a). Translata in laicos bona & decimae diceban-

C c 4

tur

(a) Principio res ecclesiae laicis & militibus loco stipendiorum cesserunt regum dono & episcoporum consensu siue conniventia: qui mos tempore Caroli Martelli in summa reipublicae & ecclesiae necessitate incoepit, (tum in Galliam bella Saxonum ingruiebant) inde etiam sine necessitate a regibus con-

tur ecclesiae & altaria. Et quoniam ecclesiae a regibus & episcopis concedebantur propter militiam aut alia seruitia; hinc a laicis eo iure possidebantur, quo cetera beneficia seu feuda, adeo vt in commercio essent, & in heredes transirent. V. Petr. de Marca *not. in can. VII. cont. Claromon.*

§. VI. Possessae a laicis iure feudi ecclesiae temporis lapsu, vbi nulla urgebat necessitas, aut possessores nulla seruitia praestabant, iniuria a pauperum patrimonio distractae visae sunt. Hinc episcopi saeculo decimo & deinceps bona ecclesiarum a laicis possessa variis exhortationibus & delinimentis, & aliquando intentatis minis repetere studuerunt; nec enim initio extrema remedia, quibus laici exasperabantur, conuenire visa sunt. Cui methodo adhaesit etiam ipsa synodus Lateranensis sub Alexandro III., quae edixit, laicos cum animarum periculo decimas detinere, translatas vero in alios laicos ecclesiae restitui debere, & detinentes iam translatas decimas christiana sepultura priuari, *cap. 19. ex. de decimis*. Sed tandem, quod operosum esset sacram praedam a laicorum manibus excutere, damnatae sunt nouae decimarum acquisitiones, antiquae vero in feudum antiquis possessoribus relictae, idque synodo Lateranensi sub Alexandro III. adscribunt. Hinc recepta sententia, quae tantum decimas infeudatas a laicis recte possideri, quae ante illam synodum concessae sunt. Sic vero possessae decimae tamquam bona patrimonialia & priuata reputantur, & pro libito possunt alienari.

§. VII. Praeterea decimae & alia bona ecclesiastica saeculis nono & sequentibus in monasteria & canonicorum

continuarus est, quod Io. Filescus *de sacrilegio laico* pluribus tradit. Item episcopi bonorum ecclesiasticorum concessionibus armatorum copias sibi pararunt, quibus ad bellum de more proficiscerentur, & ad tuenda bona ecclesiastica contra inuasores vterentur. Porro non defuerunt episcopi, qui consanguineos suos decimarum & oblationum concessionibus locupletarunt, *can. 3. C. 16. q. 7*. Et in summa confusione, qua respublica & ecclesia obrutae erant, laici multi parum religiosi in decimas & alia bona ecclesiarum manus iniecerunt, eaque longa possessione usurparunt. Conf. Murator. *diff. LXXII. antiq. Italiae*.

rum collegia deuoluta sunt. Saepe ipsi episcopi & summi pontifices ecclesias monachis & canonicis concesserunt ad instaurandam monasticam disciplinam, & promouendam clericorum communem & regularem vitam. Sed maior pars ecclesiarum & decimarum ad monachos & canonicos deuoluta est dono laicorum, qui sacrilegas reputantes ecclesiarum & decimarum infeudationes, eas monachis & canonicis dare voluerunt; odio tum ob malos mores erant clerici saeculares. Nec in hoc rerum statu sibi monachi defuerunt, qui vel exhortationibus, vel pecunia numerata sibi ecclesias compararunt. Interim translationes istae episcopi aut pontificis consensu fieri debebant, quod in synodis Romana & Melphitana anno CIOXXXVIII. celebratis cautum est; & praeterea translationum ecclesiarum nomine a monachis aut canonicis annuus census episcopis pendi debebat, quo de iure episcopi in translata bona constaret, *can. 4. C.1. q. 3.* Sic a monachis & canonicis adquisitae ecclesiae & decimae potius titulo administrationis, quam proprietatis tenebantur; bona enim ecclesiastica in eorum manibus naturam non mutarunt: atque ideo modica parte sibi delibata, reliquum in pauperes & vsus ecclesiasticos effundant oportet. V. Elpen. *par. 11. sect. 4. tit. 2. cap. 5.*

§. VIII. Iam ubi decimae laicis, monachis, aut canonicis concessae sunt, decimae nouales & minutae speciali titulo ecclesiae parochiali cedunt. Decimae nouales ab agro nouali dictae sunt, agri vero nouales in hac specie interpretibus plenius accipiuntur (b), atque ideo sunt agri de nouo ad culturam redacti, & porro agri culti, qui ex loci consuetudine fructus decimales non ferebant, noua vero

(b) Ager noualis iurisconsultis est terra praecisa, quae anno cessauit, L. 30. §. 2. D. de verbor. significatione, & silua arboribus extirpatis ad culturam redacta, L. 3. §. 2. D. de termino moto. Verum Innocentio III. ager noualis est ager de nouo ad culturam redactus, de quo non exstat memoria, quod aliquando cultus fuerit; cap. 21. ex. de verborum signific. Sic descripsit agrum noualem pontifex in specie immunitatis decimarum a noualibus olim monachis concessa, ne latiori sensu acceptis noualibus, ecclesiae paroeciales grauarentur.

vero cultura ferunt. Nouales ita accepti si in paroecia fiant, eorum decimae speciali titulo pertinent ad ecclesiam parochialem, etsi ab antiquo laici, monachi, aut canonici decumant sint, *cap. 29. ex. de decimis*. Id iure cautum est, ut quam minimum iura paroeciarum laedantur: atque ita antiqua concessio ad decimas, quae tempore acquisitionis percipiebantur, restricta est. Iure quoque speciali decimae *minutae*; quae ex fructibus minoribus, veluti leguminibus, oleribus proueniunt, ad ecclesiam parochialem pertinent, etiam ubi maiores decimae ab aliis percipiuntur, ne multum damnum sentiant paroeciae, quibus cura animarum commissa est.

§. IX. Iure communi ecclesiastico decimarum praestatio christianis omnibus imposita est; debentur enim propter curam animarum, quam eis ecclesia exhibet. V. Gonzalez in *cap. 4. ex. de decimis*. Quin ad praediales decimas quotquot in paroeciae finibus praedia possident, etiam Iudaei, obligantur, *cap. 16. ex. de decimis*; decimae enim istae ex fundis debentur, & ex placitis decretalium in signum vniuersalis domini Deo reservatae sunt, *cap. 26. ex. eod.* Ceterum multi obligatione decimarum soluti sunt, vel praescriptione quadraginta annorum, *cap. 4. 6. & 8. ex. de praescriptionibus*, vel pactis conuentis, *cap. 2. & 8. ex. de transactionibus*; vel voluntaria remissione, *cap. 23. ex. de privilegiis*, & in primis summi pontificis privilegio (c).

§. X. Quicumque ad decimas obstricti sunt, eas sponte sua, praesertim ecclesiis parochialibus, exhibere debent; inde enim altaris ministri & pauperes aluntur. Et quidem decimae praediales non deductis expensis praestantur, industriales vero patiuntur expensarum deductionem, *cap. 26. & 28. ex. de decimis*. Quod si ad decimas exhibendas christiani morosi sint, etiam per excommunicationem.

(c) Monachi ex iuris canonici principiis de terris & laboribus suis ad pendendas decimas tenentur; ex statutis enim monasticis non pascunt oves, sed pascuntur; atque ideo munera ad altare inferre tenebantur, *can. 6. C. 16. q. 1.* Sed iam non minus monachi, quam reliqui regulares primum ex parte, deinde in totum a pendendis decimis pontificum privilegiis exempti sunt.

CAP. XXXIII. DE DECIMIS ET PRIM. 411

tionem cogi possunt, quod in decretalibus *cap. 5. ex. eodem* & in concilio Tridentino *ses. XXV. de res. cap. 12.* statuitur. Sed decretum hoc Tridentinum nec alibi, nec apud nos receptum est: quid enim opus est ecclesiasticis censuris, ubi praesto esse possunt ordinarii iudices, qui reluctantes ad decimas cogant?

§. XI. Interim in tota hac decimarum materia recepti ecclesiarum mores seruandi sunt, nec ferme vlllo in loco ex decretalium regula decimae penduntur: quod ius ab ipsis decretalibus alienum non est, *cap. 20. & 32. ex. de decimis*. Nimirum postquam parochiae rebus soli aliisque redditibus auctae sunt, sensim obligatio ad decimas decreuit, decimae praediales vrbanoꝝ praediorum & personales in multis ecclesiis exoleuerunt, & obligatio ad decimas ad solos terrae fructus restricta est. Quin nec ex omnibus terrae fructibus, nec earum nomine decima pars soluitur, sed minor pars, prout locorum mores habent: quae pars etsi decima minor, adhuc decima audit. Et apud nos multis Regis nostri rescriptis ad Cameram Regalem, ubi parochi ex aliis redditibus congruam sustentationem habent, decimae abrogatae sunt; ubi vero congruam non habent, illius defectus ex decimis suppleri praecipitur.

§. XII. Praeter decimas etiam *primitiae* inter redditus ecclesiasticos relatae sunt. Nomine primitiarum veniunt primi rerum fructus, qui ecclesiae offerendi sunt (d). Inter christianos primitiae longe ante decimas receptae sunt, *Orig. contra Celsum lib. VIII.*, magis vero inualuerunt postquam ecclesiae patres eas etiam iure diuino deberi docere coeperunt. Spectabant autem primitiae primario ad gratias creatori reddendas, at inde etiam clerici vivebant, *can. IV. apostol.* Receptus in ecclesia primitiarum vsus diu stetit, earumque fata eadem, quae decimarum, fuerunt. Et in praesenti disciplina tum exiguntur, si id loci habeant consuetudines. CA-

(d) Antiquissimi instituti est etiam apud gentes, fructuum primitias Deo offerre & consecrare. Apud Iudaeos vero etiam ex diuino praecepto primitiae debebantur, earumque mensura moribus potius, quam ipsa lege praescripta erat. Hieronym. in *Ezechiel. cap. XLVI.*

C A P V T XXXIV.

De recto rerum ecclesiasticarum vsu.

§. I. **R**erum ecclesiasticarum ciuile dominium alii tribuunt Deo, alii pontifici, alii clero, alii pauperibus, quas sententias Franc. Sarmiento *de redditib. ecclief. par. I. cap. i.* expendit & explodit. Vera doctrina est, dominium bonorum ecclesiasticorum esse penes ecclesias particulares, quibus bona addicta sunt. Sane leges ciuiles, quarum auctoritate in ciuitate dominia continentur, *can. i. D. 8.*, collegio catholicae ecclesiae donari & relinqui permiserunt. Quod si res ecclesiarum saepe dicantur *possessio & patrimonium Dei*, vel *Christi*, item *res & patrimonium pauperum*; verba ista ita intelligi debent, quod ecclesiae, cuius Christus caput est, oblatae sunt, & quod in pauperum vsum impendi debent.

§. II. Quoniam vero huius ecclesiae est religionis exercitium, certe bona ecclesiarum in vsum religionis impendenda sunt: atque hinc alendi, qui altari seruiunt; item miseri & pauperes; ecclesiae aedificandae & conseruandae, & vasa & sacra indumenta comparanda. Et primum quidem de rebus ecclesiasticis clerici viuere debent; mancipati enim altaris ministerio ex vniuersitatis bonis viuere debent; quod ius apostolus 1. *ad Cor. IX. v. 7.* & *seq.* magnis argumentis adseruit: *Quis militat suis stipendiis umquam? quis plantat vineam, & de fructu eius non edit? quis pascit gregem, & de lacte gregis non manducat?* Et ante apostolum ipse dominus iussit, ut apostoli, quos relictis rebus suis ad praedicationem euangelii miserat, de euangelio viuerent, *dignus est operarius cibo suo*, ut apud Matth. *cap. X. v. 10.* dicitur, seu, *mercede sua*, ut Lucas *cap. X. v. 7.* expressit.

§. III. Debentur autem clericis alimenta ex ecclesiae bonis propter seruitium ecclesiasticum. Hinc illud decretalium, *beneficium datur propter officium*, *cap. ult. de re-scriptis*

scriptis in 6. Seruitium vero, cuius ratione clerici ius habent ad victualia, est iuge ministerium ecclesiasticum secundum gradum, quem singuli in ecclesia obtinent: quod Christus & apostolus expresserunt, ille exemplo operarii, hic militis, agricolae, pastoris: operarii enim, milites, agricolae, pastores integram sustentationem non accipiunt, nisi continuas operas impendant. Et certe a mente ecclesiae & canonum longe absunt, qui satis esse aiunt, ut clerici viuant de altari, si horas canonicas quotidie etiam priuatim recitent. Papae! quae foret ista clericorum felicitas! parui temporis spatio horis canonicis impenso operariorum nomen mererent? Pusilla pars totius clericalis officii est horarum canonicarum recitatio, & cum illo comparata ferme euanescit.

§. IV. Verum enimvero quamuis operariis & clericis ratione laboris merces debeatur, longe tamen inter utroque distat; nam merces operariis debita est pretium laborum, eisque debet respondere, debita vero clericis est medium vitae sustentandae, ne a sacris functionibus auocentur. Gratis exhibere debent ecclesiae ministri, quod gratis acceperunt: & qui in sacris ministeriis impenduntur, labores extra commercium sunt, nec pretio possunt aestimari. Si merces pretium laborum esset, res sacrae in vile abirent mercimonium. Est haec doctrina ad euangelii normam exacta, & a patribus semper inculcata. Instar omnium sit Augustinus *lib. de pastorib. cap. II.*, non redditur sustentatio necessitatis a populo quasi merces illis, qui sibi in caritate seruiunt, sed tamquam stipendium, quo, ut possint laborare, pascantur.

§. V. Summa autem moderatione clerici ad vitam sustentandam bonis ecclesiasticis uti debent: nam contenti frugali mensa, modestis vestibus & commoda habitatione, nihil vterius percipere possunt. Nefas profecto est in res superfluas & vanas impendi Christi & pauperum patrimonium, & inde clericos genio indulgere. *Ut episcopus*, inquiunt patres Africani, in *conc. Carthag. IV. can. 15.*, vilem suppellectilem & mensam & victum pauperem habeat, & dignitatis suae auctoritatem fide & vitae meritis quaerat. Quae regula in multis aliis synodis confirmata, nouissime a Tridentinis patribus *ses. XXV. de res.*

ref. cap. 1. proposita est, qui addunt, etiam reliquos beneficiarios pro gradus sui conditione redditibus ecclesiasticis moderate uti debere.

§. VI. Quamuis autem iure meritoque clerici altari seruiantes, de altari viuunt; tamen si iis satis ad vitam de rebus suis sit, cessat ius ad vitam de altari sustinendam: & in hac specie possunt quidem retinere beneficia, sed inde redactos fructus in pauperes & alios pios vsus tenentur erogare. Sane reditus ecclesiastici debentur clericis, non ut pretium laborum, sed potius tamquam medium vitae sustentandae; atque ideo si aliunde habeant ad vitam necessaria, qui possunt de altari viuere? Voluit quoque Christus, gratis exhiberi omnia religionis officia, *gratis accepistis; gratis date*: in quod praeceptum sicut non inpingunt clerici pauperes, qui viuunt de bonis ecclesiasticis, ut possint laborare; ita illud violare videntur clerici diuites, qui redditus ecclesiasticos veluti pretium laborum sibi vindicant. Item antiqui canones tum demum permittunt episcopo aliquid accipere de bonis ecclesiasticis, *si indigeat*. *Can. apost. XL1.* conc. Antiochen. *can. XXV.* Concinunt patres, in primis Augustinus *epist. CLXXXV. ad Bonif.* ubi haec habet: *si pauperum compauperes sumus, & nostra sunt (bona ecclesiastica) & illorum: si autem priuatim, quae nobis sufficiunt, possidemus, non sunt illa nostra, sed pauperum, quorum procurationem quodammodo gerimus, non proprietatem nobis usurpatione damanabili vindicamus (a).*

§. VII.

(a) Sed quod canones & patres tamquam certum proponunt, plures ex scholasticis negarunt, quorum doctrina est, clericos beneficiarios priuatis opibus instructos recte suis redditibus parcere, eosque augere, interim vero de bonis ecclesiasticis pro iure suo viuere. Indulget genio sententia ista, quid ergo mirum si per omnium ora volitarit? Praecipuum argumentum, quo nititur, sunt ea diuina oracula, quibus edicitur, dignos esse operarios mercede sua, & neminem suis stipendiis militare. Sed nisi mens laeua fuisset, facile potuissent obseruare, non eadem ratione aestimandam mercedem operariis & sacris ministris debitam. Illa verum laborum pretium est, haec vitae sustentandae

CAP. XXXIV. DE RECTO RERV. EC. 415

§. VII. Pauperes quoque & miseri redditibus ecclesiae alendi & recreandi, immo potior eorum pars in hanc rem impendi debet. Siquidem quae maior religio Deo, potest exhiberi, quam ipsum Christum in pauperibus induere & fouere? Item offerentium ea mens fuit, ut peccata sua eleemosynis redimerent, atque ideo oblationibus suis pauperes alerent & sustinerent. Hinc saepe patres adserunt, pauperum esse ecclesiae patrimonium; & ecclesiae suis canonibus omni tempore edixit, patrimonium sacrum in pauperes erogandum, *can. apost. XLI. conc. Antioch. can. XXV. V. Thomass. de veteri & noua eccles. discipl. par. III. lib. 3. cap. 26. & seqq.* Quin adeo infederat ecclesiae, res ecclesiasticas pauperum esse, ut saepe in canonibus qui eas inuadunt, aut non recte procurant, pauperum necatores appellentur: quod thema Io. Launojus de cura eccles. pro miseris cap. IV. pluribus exornat. Ac dictu indignum! in tanta reddituum ecclesiasticorum copia pauperes ferme sunt, qui minus participant.

§. VIII. Porro reddituum ecclesiasticorum pars impendenda ad ecclesias exstruendas & reparandas, & ad vasa & sacra indumenta comparanda: quae omnia ad exteruum religionis cultum, quo christiani colliguntur, pietas augetur, & diuina beneficia christianis impertiuntur, necessaria sunt. Verum templa, vasa & sacrae vestes potius religione & pietate christianorum, quam magnificentia & splendore suo commendantur, Deoque placent. *Aurum sacramenta non quaerunt*, inquit Ambrosius *lib. II. de off. cap. 28.*, nec auro placent, quae auro non emuntur.

dae medium. Hinc in comparationibus illis operarii & militum cum sacris ministris tantum spectatur sustentatio laboranti debita, nec innuitur eodem iure utraque censeri: quod recte Estius in 1. ad *Timoth. V. 18.* obseruat. Tum recte clerici diuites suis diuitiis parcerent, & de altari iure viuerent, si merces fidei pastoribus proposita laboris pretium esset. Nec a contextu auulsam Christi sententiam oportet interpretari: non ante sententiam de alimentis Christus pronuntiauit, quam apostolos adduxisset, ut omnibus relictis potius exempla, quam praecones essent euangelicae paupertatis. *Matth. cap. X. 9. seq.*

416 INSTITVT. IVRIS CAN. PARS II.

tur. Ceterum vetus morbus est, quo ferme neglectis pauperibus in magnifica & aurea templa & pretiosa indumenta redditus ecclesiarum effunduntur: quos mores S. Bernardus *apol. cap. XI* merito exagitauit.

§. IX. Haec est natura reddituum ecclesiasticorum, vt necessario in religiosos & pios vsus impendi debeant: quae natura semper eadem manet, quaecumque sit exterior procurandi forma, siue episcopi ipsi redditus omnes administrent, siue beneficiariis portio propria cesserit. Et certe etiam post instituta beneficia, quibus certi redditus singulis ministeriis perpetuo adnexi sunt, rerum ecclesiasticarum dominium penes ecclesiam remansit; genius clericatus idem est; seruitus Deo gratis & ex puro castoque corde impendi debet; & stipendia clericis debita non pretium laborum sunt, sed medinm vitae sustentandae. Hinc etiam post instituta beneficia canones, decretales pontificum & saniores ecclesiastici scriptores edicunt, docentque, res ecclesiarum esse patrimonium Christi & pauperum, & clericos necessariis alimentis contentos esse debere. V. *Espen. par. II. sect. 4. tit. 1. cap. 4. edit. Neapol.* Institutis beneficiis tantum mutata est exterior procurandi forma, & loco vnus episcopi tot emerferunt procuratores, quot beneficiarii.

C A P V T XXXV.

De rerum ecclesiasticarum procuratione.

§. I. **R**editus omnes ecclesiarum totius dioecesis ex antiquis regulis in commune ecclesiae principis seu cathedralis aerarium confluiebant, ex quo singulis etiam inferiorum ecclesiarum ministris alimenta praebebantur: quae disciplina per quinque & amplius saecula stetit. Bingham. *orig. eccles. lib. V. cap. 6. §. 1.* Sic in vnam massam conlati redditus ecclesiastici ab episcopo administrabantur. *Can. apost. XXXI. conc. Antioch. can. XXIV. seq.* Praeerat episcopus vniuersae ecclesiae, eique commissae

missae erant fidelium animae, res nempe pretiosiores, cui proinde iustum erat, ut cura & inspectio temporalium daretur. Procurabat autem episcopus res temporales *cum presbyterorum conscientia diaconorumque*, conc. Antioch. can. XXV., ne procuratio ista esset sine testibus, & ut episcopus curarum parte leuaretur.

§. II. Quod vero episcopi & diaconi multis aliis curis erant implicari, ubi redditus ecclesiarum creuerunt, proprius minister, *oeconomus* dictus, institutus est, cui sub episcopo temporalium cura demandaretur. Conc. Chalced. can. XXVI. Eligebatur oeconomus ex propriae ecclesiae clericis vel per episcopum, vel per vniuersum clerum; electus vero episcopi nutu redditus ecclesiae administrabat. Quod si episcopus, aut metropolitanus oeconomum non crearet, à metropolitano aut patriarcha creandus erat. Conc. Nicaen. II. can. 11. Sed post instituta beneficia diaconorum & oeconomi auctoritas in procurandis bonis ecclesiasticis viuente episcopo ferme desit.

§. III. Collecti autem redditus ecclesiastici ab episcopo diaconorum aut oeconomi ministerio in clericos, pauperes & alios vsus religiosos tribuebantur, idque *tamquam Deo intuente*, can. apost. XXXVII. Hinc ex communi arca singulis mensibus pecuniae clericis dabantur, esculenta vero singulis hebdomadis aut diebus pro cuiusque gradu & necessitate. Sed deinceps quod episcopi & ministri non bene sortasse tribuebant, saeculo quinto in ecclesia Romana inualuit; ut ex redditibus ecclesiasticis quatuor aequales partes fierent, quarum vna episcopo, altera toti clero, tertia pauperibus, quarta sacris vasis & instrumentis & fabricae ecclesiae cederet, can. 27. C. 12. q. 2. Ab ecclesia Romana in alias Occidentis ecclesias mos tribuendi in quatuor portiones transiit; at ecclesia Hispaniensis tres partes faciebat, quarum vnam episcopus, alteram clerus, tertiam ecclesia ferebat, conc. Bracar. I. can. 25., in qua procuratione si in tributum pauperes non veniant, pro certo tenendum est, episcopi partem etiam pauperibus suffecisse. Sed lapsu temporis, ubi instituta sunt beneficia, haec quadrupartita distributio antiquata & sublata est.

§. IV. Quoniam vero episcopi morte, aut alias vacante sede regimen ecclesiae vacantis ad presbyterium de-

voluebatur; hinc etiam eius auctoritate siue diaconorum, siue oeconomi ministerio redditus temporales administrabantur. Conc. Chalced. *can. XXV.* Visitatores etiam episcopi, qui ad regendas ecclesias vacantes interim mittebantur, sollicitudinem habere debebant, vt res illarum integrae seruarentur, & distributiones more solito fierent, Greg. M. *epist. 7. 19. 38.*; etenim etiam sede vacante clericis alimenta erant tribuenda, & onera episcopatus sustinenda (a). In praesenti disciplina vbi capituli est fructus colligere, vnus pluresue oeconomi sede vacante constituuntur, qui interim rerum ecclesiae curam gerant, & futuro episcopo administrationis suae reddant rationem. Trident. *sess. XXV. de res. cap. 16.*

§. V. Vetus abusus est, qua defunctis episcopis eorum spolia & ecclesiarum bona siue a clericis, siue a laicis diripiantur. Hinc inualuit regia ecclesiarum vacantium custodia, qua reges id curabant, vt canones seruarentur, vt institueretur oeconomus, vt prohiberentur praedae, & clerici consuetas sportulas acciperent, & reliqui prouentus incolumes successoribus seruarentur. Hincm. Remens. *ep. IX. cap. 41.* V. Thomass. *de vet. & noua eccles. discipl. par. III. lib. 2. cap. 54.* Regia custodia in Gallia sub regibus secundae stirpis recepta erat: & apud nos etiam sub Nortmannis & Sueuis obtinuit. Et quidem initio *balliis* (b) dederunt reges nostri, vt custodiam & curam spoliiorum episcopalium bonorumque ecclesiarum vacantium haberent: & quoniam sibi commissae custodia balliui abutebantur, statuit rex Rogerius *const. peruenit tit. de administr. rer. eccles. post mortem praelati*, vt eam curam tres meliores fidiolioresque clerici susciperent, qui necessaria ecclesiarum ministris tribuerent, reliqua vero in opus ecclesiae futuro episcopo, cui redderent rationes, reseruant.

(a) Statuit synodus Chalcedonensis *cit. can. XXV.*, vt redditus ecclesiae viduae penes oeconomum integri referuntur. Sed id ita intelligendum est, reseruari futuro episcopo redditus omnes praeter eos, quos ad impendia necessaria & onera episcopatus tribuere oportebat, vt recte Zonaras obseruat.

(b) Balliui erant iudices in ciuitatibus & locis inferioribus.

rent. Sed desiit regia ecclesiarum custodia apud nos sub regibus Andegauenſibus, tantumque hoc tempore ecclesiae cathedrales regiae nominationis vacantes sub regia custodia sunt (c).

§. VI. Iam vero labentibus annis in multis ecclesiis, & praesertim in Italia, redditus ecclesiarum & beneficiorum vacantium, (vt nunc nihil dicam de spoliis defunctorum beneficiariorum) qui ex canonum statutis ad ecclesiam aut beneficiarium successorem pertinebant, ad fi-

D d 2 scum

(c) Occasione custodiae saepe reges fructus ecclesiarum vacantium suos fecerunt; at inde id ius in plerisque prouinciis euasit ordinarium, instituta *regalia*, vt appellatur, qua fit, vt reges episcopatuum vacantium fructus percipiant, & beneficia sine cura animarum ab episcopo conferri solita conferant, donec nouus episcopus inuestituram honorum ecclesiasticorum a rege accipiat. Regaliae origo a feudis in ecclesias collatis repetenda est, quod Petrus de Marca *de concord. sacerdot. & imperii lib. VIII. cap. 19.* aliique recte obseruarunt: quum enim in multis prouinciis feuda morte beneficiarii cum suis redditibus ad dominum redirent, & ab eo derinerentur, donec nouus vassallus soluto reliquo inuestituram a domino acciperet; eodem iure habita sunt feuda ecclesiarum collata. Ita coeperunt reges iure optimo frui redditibus feudorum, quae ad ecclesias vacantes pertinebant, & occasione feudorum ceteros redditus, & ipsam beneficiorum sine cura animarum collationem occuparunt: collatio enim beneficiorum plerisque decretalium interpretibus veluti pars fructuum ecclesiae habebatur. Regalia saeculo decimo secundo in Gallia, Germania & Anglia obtinebat, eaque etiam utebantur inferiores dynastae, qui feuda ecclesiis contulissent: at Fridericus II. in imperio illam aboleuit. In regno Siciliae regia custodia ecclesiarum vacantium, non regalia obtinuit. Vbi sunt regalia principes ecclesiae non inuita, saltem in locis vbi *ex fundatione aut consuetudine vigeat*, cap. ex diligenti *de iure patronatus in 1. collect. ap. Ant. August. cap. 13. de elect. in 6.* Pertinebat primitus regalia ad ecclesias, quae feuda possidebant, at edicto Ludouici XIV. in Gallia ad omnes ecclesias cathedrales etiam feudis non auctas cum aliqua moderatione extensa est: cui inuocationi Innocentius XI. summus pontifex intercessit, sed Gallicani antistites pro bono pacis consenserunt. Ceterum perceptos fructus reges Galliae plerumque nouis episcopis concedunt.

scum pontificium deuoluti sunt : qui nouus acquirendi modus sub Ioanne xxii. incepit, conualuit vero & latius se se diffudit in schismate Auenionensi. Hinc *collectores* & *subcollectores apostolici* id etiam habuerunt in mandatis, vt reclusus ecclesiarum & beneficiorum vacantium nomine pontificis occuparent, eique colligerent. Cedunt autem fisco pontificio fructus pendentes tempore vacationis, & qui ea durante proueniunt pro rata temporis, quocumque modo, praeterquam cessione, beneficia vacauerint, *bull. Iulii III. cum sit nobis* & *bul. dudum ex certis*. Et licet in Italiae regionibus, vbi erant apostolici collectores, beneficia tantum collationi pontificis addicta ex bulla Pii iv. fructus tempore vacationis fisco pontificio ferrent, *cap. 2. de reservationib. in 7. decretal. Petri Matthaei*; tamen in regno Apuliae ecclesiae & beneficia prorsus omnia, quocumque mense vacauerint, huic oneri subiecta sunt bulla Pii iv. apud Redoanum *de spoliis*; tantumque regia intercessione exceptae sunt ecclesiae cathedrales regiae nominationis & beneficia iuris patronatus regii & feudalis, quorum omnium fructus tempore vacationis successoribus cedunt: quo iure nunc vtimur.

C A P V T XXXVI.

De rebus ecclesiasticis non alienandis.

§. I. **E**Xpense in vsus religiosos ante explicatos in casibus quotidianis non ex ipsis ecclesiarum fundis, sed potius ex fructibus faciendae sunt: etenim & legibus civilibus & sacris canonibus interdicta est rerum ecclesiasticarum alienatio, *L. 14. & 17. C. de sacros. eccles., nouel. VII. cap. 1.*, conc. Carthag. v. *can. 4.*, conc. Agath. *can. VII.* Interest enim ecclesiae perpetuo possidere fundos, vnde clerici & pauperes viuunt, & religiosus cultus sustinetur. Spectat vero alienandi interdictum etiam ad monasteria & loca religiosa, quae nomine ecclesiae etiam intelliguntur, *cit. nouel. VII. cap. 1.*

§. II.

CAP. XXXVI. DE REBUS ETC. 421

§. II. Nomen autem *alienationis* in hac causa late accipitur, continetque non solum domini translationem quouis titulo factam, sed etiam quemvis actum, quo redditus deminuuntur, aut ecclesia impeditur, quo minus re sua libere fruatur. Hinc res ecclesiasticae nec vendi, nec donari, nec permutari, nec in emphyteusim, nec in usufructum concedi possunt. Conc. Carthag. iv. *can. 32., nouel. VII. cap. 1. (a)*. Vetitum quoque est, res ecclesiasticas pignori aut hypothecae supponi, *L. 22. C. de sacros. ecclesiis*, & in feudum concedi. Porro nec licet de rebus ecclesiasticis transigere, *cap. 2. C. 8. ex. de transactionibus*: nec seruos earum manumittere, *cap. 3. ex. de rebus ecclesiae alienandis*, nec praedia ad longum tempus, hoc est ad decem annos, locare. Et ex decretali Pauli II. nec ultra triennium res ecclesiarum locare licet, *extrauag. ambitiosae de rebus ecclesiae non alienandis inter communes*: quod ius multis in locis non seruatur.

§. III. Res autem ecclesiasticae, quarum vetita est alienatio, sunt illae, unde annui redditus proueniunt, & quae vñsibus ecclesiae perpetuo addictae sunt. Itaque vetantur alienari praedia omnia siue rustica, siue urbana, & iura, item mobilia pretiosa Deo dicata, *L. 22. C. de sacros. ecclesiis, nouel. VII. cap. 1., cap. 5. ex. de rebus ecclesiae alienandis*. Nec alienari possunt rustica mancipia, *cit. cap. 5.*, quibus de more Romanorum olim pleraeque ecclesiae ad sua praedia excolenda utebantur. Arbores quoque grandes, unde fructus annui proueniunt, & quae caedi non solent, non alienantur. Qua in re beneficiarii usufructuarii similes sunt, qui fruuntur quidem fructibus arborum, at in locum demortuarum alias submittere tenentur. Zypaeus in *iuris nouo tit. de rebus eccles. non alienandis*.

Dd 3

§. IV.

(a) Canon sub nomine concilii Siluaneensis inter vetitas alienationis species recenset *conditionem*, *cap. 5. ex. de rebus ecclesiae alienandis*. Sed quae species alienationis *conditio* est? Recte sentire videntur Ant. Augustinus & Cuiacius, qui eam vocem tamquam importune intrusam ab hoc canone explodunt, & quidem summa ratione, quod in Iustiniani *nouel. VII. cap. 1.*, unde hic canon desumptus est, desideratur.

§. IV. Quamuis autem bona ecclesiarum alienari prohibeantur, tamen ex iusta causa & legitimis sollemnibus recte distrahuntur; nec enim natura sua sunt extra commercium, ut earum alienatio intrinsecus vetetur. Iustae autem alienationis causae tres recensentur, necessitas, pietas, & utilitas. V. Espen. *par. II. sect. 4. tit. 5. cap. 4. edit. Neapol.* Et necessitas quidem facit, ut res ecclesiarum possint alienari, veluti si aere alieno prematur ecclesia, nec possit ex fructibus satisfieri. Item ex causa pietatis res ecclesiasticae, etiam vasa initiata, alienantur, veluti si captiui redimendi sint, aut pauperes tempore famis alendi & recreandi, *cap. 14. 15. & 70. C. 12. q. 2.* Et demum propter utilitatem bona ecclesiastica recte etiam distrahuntur, veluti si siluestria loca aut aedes ruinosae dentur in emphyteusim.

§. V. Ex legitima causa factae rerum ecclesiasticarum alienationes tum ratae erunt, si sollemnibus per canones praescriptis celebrentur; sollemnia enim iuris civilis parum curantur. Et olim quidem ferme in synodo provinciae decernebatur alienatio, *can. 53. C. 12. q. 2.*; tum, quod synodi euassissent rariores, statutum est, ut alienatio totius cleri tractatu, consensu & subscriptione, atque episcopi auctoritate celebraretur, *can. 52. eodem.* Nomine cleri post canonicorum institutionem venit collegium, seu capitulum ecclesiae, cuius bona alienanda sunt, si illa collegium habeat: in monasteriis vero cleri vicem gerit monachorum conuentus. Quod si alienanda sit res ecclesiae, quae collegio caret, usu receptum est, ut vnus episcopi inquisitione & decreto alienatio fiat. V. Rebus. *in compend. alienat. rer. eccles.* Haec autem sollemnitas abrogata est Pauli II. decretali, qua statutum, ut rerum ecclesiasticarum alienationes *inconsulto Romano pontifice* non fierent, *extrauag. ambitiosae de rebus ecclesiae non alienandis inter communes.* Quod quidem ius apud nos receptum erat, secus in aliis christianis prouincijs. At rescripto Regis nostri XIII. Kal. Februarias an. MDCCCLXXVI. ad Cameram regalem dato, Regis esse dicitur videre, num contractus de alienandis rebus ecclesiasticis legitimi sint & utiles, eosque probare.

§. VI. Quod si non ex iusta causa & neglectis sollemni-

CAP. XXXVII. DE NATURA ETC. 423

fœmnibus iure canonico præscriptis, res ecclesiæ alienatæ sint, alienatio irrita est, nihil iuris in accipientem transit, & licet quibuslibet ecclesiasticis alienata simul cum fructibus vindicare, *can. 53. C. 12. q. 2., cap. 1. ex. de his quæ fiunt a praelato sine consensu capituli, cap. 6. ex. de rebus ecclesiæ alienandis*: item episcopi deponerentur, clerici vero, qui alienationi subscripsissent, anathemate seriebantur, *can. 8. C. 10. q. 2., cit. cap. 6.*; at in extrauaganti Pauli II. etiã alienantes & recipientes excommunicantur. Ceterum in multis christianis prouincijs, præfertim in Gallia & Belgio, omiffæ sollemnitates non vitiant alienationem, modò ex iusta causa facta sit, & ecclesiæ utilis habeatur. V. *Espen. par. II. sect. 4. tit. 5. cap. 4.* Quod si post alienationem rite factam appareat non leue damnum ecclesiæ illatum, hæc, non secus ac minor, poterit beneficio in integrum restitutionis uti, *cap. 1. ex. de in integrum restitutione.*

CAP V T XXXVII.

De natura & origine beneficiorum ecclesiasticorum.

§. I. **H**Actenus bona ecclesiastica generatim considerauimus; nunc ea ipsa in partes tributa & singulis officiis perpetuo adnexa expendi debent; non quia bona sic tributa aliquam intrinsecam subierint mutationem, sed quia nouas loquendi formulas & exteriorem disciplinam a veteri multum diuersam induxerunt. Vox *beneficii*, quæ ab iure feudali in ecclesiam translata videtur (a), denotat ius percipiendorum fructuum ex bonis,

D d 4

nis,

(a) Agri fiscales, qui medijs sæculis a principibus pro seruitio militari & fide militibus dabantur, *beneficia* dici solebant, & Germanica voce *feuda*. Initio data sunt feuda ad vitam, postea euaserunt hereditaria, atque adeo certis familijs addicta.
Iam

nis, quae singulis titulis & ministeriis perpetuo adnexa sunt, quod auctoritate ecclesiastica institutum clericis propter officium ad vitam assignatur. Hac notione vocem beneficii interpretes iuris canonici intelligunt, & quidem vocis proprietati & ecclesiasticis monumentis conuenienter; at theologi eo nomine ipsum ecclesiasticum officium, cui redditus perpetuo adnexi sunt, intelligunt. Vtra definitio eligatur, quod spectat ad rei naturam, parum videtur interesse; etenim etiam canonistae intelligunt beneficii causam esse saerum ministerium.

§. II. Sic accepta beneficia posteriori aetate inualuerunt; nam etsi clericis semper ius fuerit, propter seruitium ecclesiasticum de altari viuere; tamen per plura saecula a communi aerario alimenta acceperunt (b). Exorta sunt ecclesiastica beneficia a partitione bonorum, eaque perpetua in singulos titulos & ministeria, quae partitio saeculo sexto in ecclesiis ruralibus fieri coepta, tum latius extensa est, sensimque eo ventum, vt etiam parociae urbanae suos proprios redditus haberent (c).

§. III.

Iam vero bona ecclesiastica suis titulis perpetuo adnexa & pro ecclesiastico seruitio dari solita feudorum instar exhibere visa sunt, & hinc *beneficia* audierunt.

(b) Dum adhuc redditus omnes ecclesiae in commune administrabantur, episcopi veluti extra ordinem clericis vel remuneratione, vel humanitate praedia ecclesiastica, saepe non adeo magna, in vfum fructum concedebant. Conc. Agath. anno 1051. *can. XXIII.*, Conc. Aurelian. I. *can. 22.* Sic vero data praedia morte vfusufructuarii vel finito concessionis tempore ad ecclesiam reuertebantur, *can. 61. C. 16. q. 1.* Sed praedia ista proprie sic dicta beneficia non erant.

(c) Principio in Occidente saeculo sexto oblationes, quae fiebant ad altare, ecclesiis ruralibus addictae sunt, salua plerumque episcopis tertia aut quarta portione, *can. 7. C. 10. q. 1.* & paulo post iisdem ruralibus ecclesiis etiam statim ex fundis redditus assignari sunt. Conc. Aurelian. III. *can. 5.* Semel recepti mores latius producti sunt, idque quod non semper ex fide bona procedebat communis aerarii procuratio; & quod commodius videbatur statos redditus paroeciis agrestibus assignare, quam earum clericis ex communi penu, saepe tam longe posito, necessa-

§. III. Ita paullatim inualuerunt, parochialia beneficia; at praebendae canonicales exortae sunt a partitione bonorum, quae a canonicis in commune possidebantur. Nempe ubi canonici in summa saeculi decimi confusione vitam communem reliquerunt, Christi patrimonium in varia frustula tributum est. Etenim in ecclesiis cathedralibus bona inter episcopum & collegium dinisa sunt, & hinc distinctio inter *mensam episcopi* & *capituli*, & inde ipsa mensa capituli cathedralis, ut & reliquorum capitulorum, abiit in tot partes, quot erant canonici, eorumque ministeriis perperui reditus addicti sunt, quos ipsi perciperent. Sic vero tributis reditus *praebendae* nomen, quo in vita communi designabatur quotidianae victus praestationes canonicis dari solitae, retinuerunt.

§. IV. Iam tria sunt, quae beneficii ecclesiastici naturam constituunt: debet nimirum esse perpetuum, auctoritate ecclesiastica institutum, & dari propter sacrum officium, quorum vnum si desit, ecclesiasticum beneficium non dicitur. Et perpetuum quidem, hoc est quousque viuit beneficiarius, beneficium esse debet; beneficii enim datione ad certum ministerium in ecclesia obeundum beneficiarii vocantur, quae addictio natura sua perpetua est, atque ideo perpetuum stante ministerio, etiam ius ad proventus perpetuum sit, oportet. Qua in re datio beneficii respondet ordinationi, quae ordinatorum clericos perpetuo suis titulis, unde accipiebant vidualia, adscribebat. Hinc ex communi sententia beneficia ecclesiastica dici non possunt *laicales capellaniae* & *legata pia*; nam etsi obligent ad missarum celebrationem; aut ad aliud sacrum officium; tamen non sunt perpetua, utpote quae pro arbitrio conferuntur & auferuntur.

§. V. Porro non est beneficium, nisi auctoritas

ritas

cessaria praebere. Et profecto quaelibet agrestis ecclesia nono saeculo suis propriis decimis & fundis erat instructa, *can. 25. C. 23. q. 8.* Sed hac aetate ecclesiae urbanae antiquam seruabant disciplinam, quae & ipsa tandem desoeuit, & proprii stabilesque reditus non minus ruralibus, quam urbanis parochiis perpetuo adnexi sunt.

ritas episcopi, aut pontificis, qua illud in titulum erigatur atque excitetur. Constat beneficium ex iure ad prouentus & sacro officio: quum vero redditus ecclesiastici, & multo magis sacra ministeria, nisi ex ecclesiae auctoritate nequeant dispensari; sit profecto, vt nullum intelligatur beneficium, quod ecclesiastica auctoritate non constituatur & fundetur. Hinc *laicales capellaniae & legata pia*, quae episcopi auctoritate in beneficium non attolluntur, mera stipendia aut eleemosynae sunt, etsi ex voluntate testatoris in perpetuum dentur.

§. VI. Quod tertio loco ad naturam ecclesiastici beneficii requiritur, est, vt detur propter sacrum officium; nec enim alio iure licet clericis de altari viuere, quam quod altari seruiunt. Nomine sacri officii etiam in noua disciplina venit iuge seruitium in functionibus beneficiario demandatis, ratione cuius operarius dici queat, & pastor seu cooperatores in ecclesia administranda. Innoc. III. *lib. I. epist. 82.* Trident. *ses. XXI. de ref. cap. 3.* V. Espen. *de offic. & institut. canonic. par. I. cap. 2.* Et si tempus a diuino ministerio vacuum superest, illud orationi, lectioni scripturarum & canonum, & bonis piisque operibus impendendum est. Hinc manifesti erroris conuincuntur, qui officium beneficiariorum censent esse horarum canonicarum recitationem. Nata videtur portentosa ista sententia ex vulgato illo, *beneficium datur propter officium*: nam nomine officii ex vulgari sensu horas canonicas interpretati sunt.

§. VII. Ex veteris disciplinae regulis beneficia ordinationi adhaerebant, eamque consequabantur, nec seorsum dabantur ordines & ius ad prouentus ecclesiasticos, sed ius ad prouentus ordinationi inesse censebatur. Verum temporis lapsu nexus ille inter ordinationem & ius ad prouentus abruptus est, & ordinatione quidem tantum data potestas ad sacra obeunda, beneficiis vero officia cum suis redditibus perpetuo demandata: quae diuisio in summa saeculi decimi confusione primum exorta, & inde sensim recepta, disciplinae ecclesiasticae mutationem & ruinam promouit. Inde aucta res canonica, nimirum exortae variae beneficiorum diuisiones, multae conditae regulae, quae ius collationis modum, formam, aetatem

tem & qualitatem beneficiariorum stabilirent: quae omnia in veteri disciplina cessabant, tantumque antiqui canones de sacris ordinationibus & ordinandorum qualitatibus statuebant. V. Duaren. *de sacr. minister. lib. II. cap. 3.* Inde ordines, qui ius non dabant ad prouentus, contemptui fuerunt; contra magni facta beneficia. Inde multi sine beneficio ordinati, & numerus clericorum vagantium & inertium creuit.

§. VIII. Quod vero varii generis sunt ecclesiastica officia, quibus perpetuo reditus cesserunt; varium quoque oportet esse genus beneficiorum. Principio alia sunt maiora, alia minora. Maiora dicuntur, quibus gradus primores in ecclesia cum cura animarum & sacra iurisdictione adhaerent, qualia beneficia obtinent summus pontifex, patriarchae, archiepiscopi, episcopi, abbates cum quasi episcopali potestate. Ceterum *beneficii* nomine generatim sumto beneficia maiora non veniunt, immo nec ipsa *dignitatis* voce, quum sint dignitatum apices.

§. IX. Minora beneficia censentur reliqua omnia ecclesiastica & monastica officia, quibus proprii stabileque reditus adhaerent, cuius generis sunt dignitates, personatus, paroeciae, & beneficia simplicia: quamuis dignitates relatione ad cetera minora inter maiora censeantur. Dignitas strictè ita dicta est beneficium, cui sub episcopo proprii reditus & iurisdictione insunt. Variant autem in numero & ordine dignitatum ecclesiarum instituta, immo in vna ecclesia canonicatus solum merum officium est, quod alibi dignitas reputatur: cuius varietatis ratio inde petenda est, quod dignitates potius usu & fundatione, quam generali ecclesiae decreto inuoluerunt. V. Espen. *par. II. sect. 3. tit. 1. cap. 2. edit. Neapol.* Ceterum moribus hodiernis reuocata ad episcopos ferme omni spiritali iurisdictione, iacent in plerisque ecclesiis dignitates, tantumque nomen & nobiliores sedes in choro retinent; & hinc *ventosae & inanes* audiunt. Fagnan. *ad cap. ad haec ex. de praebendis.*

§. X. Vox *personatus* in pontificum decretalibus aliquando eadem est ac dignitas, *cap. 8. ex. de constitutionibus, cap. 8. ex. de rescriptis*; at in specie *personatus* nomine intelligunt interpretes beneficium, cui aliqua praemi-

minentia sine iurisdictione inest, veluti in choro sedes nobilior (d). Ceterum in materiis, quas dicunt *odiosas*, nomine generali beneficii dignitates & personatus non veniunt.

§. XI. Inter minora beneficia censentur, quae *curata* & *simplicia* vocari solent. *Curata* sunt, quae animarum curam in foro interiore habent adnexam, qualia sunt parroeciae. *Simplicia* curam animarum non habent, sed beneficiarii aliter diuinae rei incumbentes, officio suo satisfaciunt, qualia sunt canonicatus & capellaniae perpetuae ecclesiastica potestate excitatae. Verum praebendae canonicales etsi inter simplicia beneficia habeantur, accedunt tamen ad dignitates, cap. 11. de *rescriptis* in 6., & in odiosis simplicium beneficiorum nomine non veniunt. Alio quoque sensu saepe sumitur simplex beneficium, pro eo nempe, quod adsiduitatem non requirit.

§. XII. Porro beneficiorum alia sunt *saecularia*, alia *regularia*. Saecularia sunt, quae spectant ecclesiasticum ministerium stricte sic dictum, quo monastica officia non continentur: dictaque sunt *saecularia*, non quod laicis conferri possint, sed quod regularibus opponantur. Regularia sunt, quae monasticam disciplinam spectant, aut quae per monachos regi consueuerunt. Hinc abbatiae & reliqua omnia officia claustralia suis propriis donata redditibus

(d) Vox *personatus* a personis videtur deriuata: erant vero *personae* Gallorum lingua presbyteri vicarii, qui ecclesiis, quae monachis & canonicis erant addictae, modico prouentu, sed titulo & magna fructuum parte penes illos remanente, inserviebant, can. 4. C. 1. q. 3. Itaque personatus erat ecclesia seu beneficium, cuius cura vicariis committebatur: tantumque diserebant a ceteris beneficiis, quod duplici beneficiario donabantur, quorum vnus titulum, itemque optimam fructuum partem habebat, alter vero sub nomine *personae*, seu vicarii modico prouentu officium sustinebat. Et reapse in antiquis monumentis personatus modo ad eos, quibus titulus ecclesiae seu officii adhaeret, modo ad personas refertur, cap. 4. ex. de *filiis presbyterum* & cap. 6. de *praebendis* in 6.; sed interpretes nostri vnam personatus speciem definiunt, eum scilicet, qui penes tituli possessorem residet.

tibus regularia beneficia sunt: & praeterea censentur etiam regularia, quae habent quidem officium ecclesiasticum, sed per monachos regi consueverunt (e). Adquisita vero sunt monachis saecularia ista beneficia vel fundatione, vel incorporatione, quod nempe monasteriis adnexa sunt, vel quadraginta annorum praescriptione.

C A P V T XXXVIII.

De beneficiariorum adsiduitate.

§. I. **A**dsiduitas in beneficiis, quae *residentia* dici consuevit, est continua in loco beneficii praesentia, vt beneficiarii iniuncta sibi munera per se possint exercere. Ita non mera est localis & desidiosa praesentia, sed laboriosa. Trident. *ses. VI. de ref. cap. 1.* Et profecto sententia ecclesiae non longe distant ab absentibus episcopi & beneficiarii praesentes, qui sibi iniuncta onera parum curant, redditibus colligendis & saeculi curis praecipue intenti, *cap. 2. ex. de translatione episcopi.*

§. II. In veteri disciplina, qua ius percipiendi ab ecclesia alimenta ordinationi erat adnexum, clerici omnes vna & perpetua morandi in ecclesiis suis lege tenebantur, vt iuge impenderent officium. Thomass. *de vet. & noua eccles. discipl. par. II. lib. 1. cap. 1. seqq.* Sed deinceps vbi ab ordinatione beneficia distracta sunt, haec, non secus ac ordinatio, beneficiarios ecclesiis suis perpetua immorandi lege adstrinxerunt. Beneficia dantur propter ecclesiastica ministeria, quae beneficiarii in suis ecclesiis per
se

(e) Vtriusque generis regularia beneficia ex lapsa monachorum disciplina originem habent suam; nec enim satis congruit monasticae disciplinae, vt claustralia officia suis propriis redditibus ab arca communi distinctis aucta sint; nec proprium est monachorum ecclesiastica officia & spiritualem curam extra claustrum exercere.

se explere tenentur. Obligant vero ex generali canonum regula ad praesentiam beneficia omnia, *cap. 3. ex. de clericis non residentibus*; nam singula dantur propter ecclesiasticum ministerium, quod vicaria alterius opera non recte impletur. Thomass. *loc. cit. lib. 3. cap. 34.* Quae enim officia industriam personae requirunt, qualia sunt ecclesiastica, non recte per vicarium impleri possunt; nam & inter artifices longa differentia est & ingenii & naturae & doctrinae & institutionis, quod recte iurisconsultus obseruat, *L. 31. D. de solutionibus.*

§. III. Intrinseca quidem est omnibus beneficiis adiduitas, at in summa saeculi decimi confusione paene omnis defecit, iamque saeculo vndecimo ecclesiae ferme omnes a suis pastoribus erant derelictae. Vbi primum eodem saeculo inclinante a tanta calamitate ecclesia coepit respirare, canones condidit, qui beneficiarios, immo clericos omnes, ad adiduitatem compellerent. V. Thomass. *loc. cit. cap. 6. & 34.* Sed vlcus alte insederat, nec totum simul cedebat curationi: ac proinde curae interrim fuit malis exitioribus mederi, dilata minorum morborum curatione. Ergo conditi canones, qui in parochiis, dignitatibus & praebendis canonicorum omnino restituerent iuberentque adiduitatem, silentio ommissis reliquis beneficiis, *cap. 3. ex. de clericis non residentibus, cap. 5. & 38. ex. de praebendis, cap. 9. ex. de concess. praebendae*; non quod ecclesia sentiret, reliquos beneficiarios ecclesiis suis recte abesse, sed quod maiora mala in primis curare oportebat.

§. IV. Interim hoc de adiduitate reliquorum beneficiorum silentio, tolerantia & impunitate sensim post Alexandrum III. inualuit, paroecias, dignitates & canonicatus ad adiduitatem obligare, non vero reliqua inferiora beneficia, quae propterea *simplicia* dicta sunt. Nouitas ista sub Gregorio IX. iam recepta erat, *cap. ult. ex. de clericis non residentibus*, magisque deinceps firmata est sententia illa, quae officium in beneficiis horarum canonicarum recitationem etiam priuatam interpretatur. Ita inualuit distinctio beneficiorum *compatibilium* & *incompatibilium*, vt vocantur. Deinceps iamdiu receptam disciplinam de non necessaria adiduitate in simplicibus beneficiis

CAP. XXXVIII. DE BENEF. ADSID. 431

ciis Tridentini patres, *ses. VI. de ref. cap. 4. & ses. XXIV. de ref. cap. 17.* retinuerunt, seu potius tolerarunt, nam Tridentina doctrina est, clericos omnes ecclesiis suis perpetuo adscribi, *ses. XXIII. de ref. cap. 16.*

§. V. Interim aliquando ex iustis probatisque causis licet beneficiariis, qui adsidui esse iubentur, extra suas ecclesias versari, & quidem sine culpa. Et sane canonici possunt ecclesiis suis abesse aut propter episcopi seruitium in iis, quae spectant ad ecclesiam, *cap. 7. ex. de clericis non residentibus*, modo non sint ultra duos, *cap. 15. ex. eodem*, aut propter scientiarum sacrarum studia, *cap. 12. ex. eodem, cap. ult. ex. de magistris*. Porro brevis absentia etiam sine legitima causa impunis est, quin etiam vacat culpa, si ex causa probabili sit: qua ratione per regulas Tridentinas *ses. XXIV. de ref. cap. 12.* licet canonicis trium mensium spatio ecclesiis suis abesse: quod intelligendum, si ex honesta & probabili causa absentia contingat; nec enim facile credendum, synodum genio canonicorum indulgere voluisse. V. Espen. *par. I. tit. 7. cap. 9.*

§. VI. Aduersus beneficiarios in ecclesiis suis non adsiduos poenae canonicae locum habent. Iure decretalium beneficiarii ultra sex menses ecclesiis suis absentes beneficii priuatione, suspensione, aut excommunicatione plectuntur, *cap. 11. ex. de clericis non residentibus*, liberumque est ordinario antistiti, vel ab excommunicatione vel suspensione incipere, & tandem contumacem beneficio spoliare, vel posthabita excommunicatione priuationem beneficii decernere. Gonzalez *in cit. cap. 11.* Parochi & alii beneficiarii, quibus cura animarum commissa est, si ultra duos menses & sine licentia episcopi absint, fructus suos non faciunt, & ex contumacia tum intentatis censuris, tum denique beneficii priuatione puniuntur. Trident. *ses. XXIII. de ref. cap. 1.* Et canonici, qui ultra tres menses ecclesiis suis absuerint, primo anno media parte redditum exuentur, altero omnibus spoliabuntur; & si ne tum quidem ecclesiae suae se reddant, rigore canonum coërcentur. Trident. *ses. XXIV. de ref. cap. 12.*

CAPVT XXXIX.

De vetita beneficiorum multitudine.

§. I. **V**Num eodem tempore clericum duabus ecclesiis adscribi vetus disciplina non patiebatur, conc. Chalced. *can. X.* Nicaen. *II. can. 13.*, nec enim vnus idemque clericus poterat eodem tempore duabus ecclesiis inferuire, & praeterea clerici duas ecclesias inhiantes sacrum ministerium in turpem quaestum vertebant. Postquam beneficia seorsum ab ordinatione conferri coepta sunt, etiam interdictum est, ne plura simul beneficia darentur; beneficium enim datur propter officium, quod per se quisque debet implere; atque ideo in eadem ecclesia, multo magis in diuersis, vetatur quis plura habere beneficia. Porro qui plura obtinent beneficia, stipendia pluribus ministris addicta vsurpant, *cap. 3. ex. de cleric. non residentibus*, & sacrorum ministrorum numerum imminuunt, *extrauag. exsecrabilis de praebendis inter communes*. Et recte obseruat S. Thomas *quodlib. IX. q. 7. art. 11.* multitudinem beneficiorum vni datorum non esse ex actionibus indifferentibus, sed intrinsecam continere malitiam.

§. II. Sed lapsa saeculo nono & sequenti ecclesiastica disciplina plura simul vni beneficia data sunt, erantque multi saeculo decimo secundo, qui *vix ecclesiarum suarum numerum cognouerant*, quod Petrus Blesensis *lib. I. in Iob.* testatur. Interim vbi primum a calamitate & confusione decimi saeculi ecclesia respirauit, vidit operosum esse integram disciplinam restitui. Ergo curae praesertim fuit, exitioribus malis primum mederi, in futurum dilata minorum morborum medicina. Hinc synodus Lateranensis sub Alexandro III. duas dignitates, aut duas paroecias deinceps simul obtineri vetuit, & quidem ea addita poena, vt accipiens caderet secundo beneficio, dans vero largiendi potestate priuaretur, *cap. 3. ex. de clericis non residentibus*.

§. III.

§. III. Sic vetita beneficiorum pluralitas ecclesiae parum profuit, siue clericorum delinquentium multitudine, siue quod beneficiarius non ipso iure cadebat secundo beneficio contra canones accepto. Itaque Innocentius III. in concilio generali maiori cura emendandis abusibus incubuit, statuitque, ut nullus duas simul paroecias, aut dignitates, aut personatus obtineat, ipsoque iure cadat primo beneficio, qui alterum sine venia sedis apostolicae consequatur, *cap. 28. ex. de praebendis*. Qua eadem ratione praebendarum coaceruatio vetita est, *cap. 9. ex. de concess. praebendae*.

§. IV. Hisce decretis singularitas & adfuitas dignitatum, paroeciarum, personatum & praebendarum restituta est, silentio praetermissis reliquis minoribus beneficiis, non quod ecclesia probaret, simul reliqua beneficia coaceruari, sed quod tempori tantisper cedendum erat, & grauiora mala primum curare oportebat. Interim eo ecclesiae silentio & antistitum negligentia inde natum est dogma, dignitates, paroecias, personatus & canonicales praebendas ad adfuitatem obligare, reliqua vero minora beneficia ad praesentiam non adstringere, & propterea posse inuicem vel cum illorum vno coaceruari: quae doctrina aetate Gregorii IX. vsu probabatur, *cap. ult. ex. de clericis non residentibus*. Ita nata est partitio beneficiorum in *singularia*, & *coaceruata*, seu ut habent vulgares loquendi formulae, in *incompatibilia*, & *compatibilia* (a). Quae doctrina deinceps in ecclesia magis tolerata, quam probata est.

Part II.

E c

§. V.

(a) Plerique interpretes *incompatibilia* beneficia talia esse docent vel ratione tituli, vel ratione retentionis. Singularia primi generis vacant ipso iure per alterius ademptionem, qualia sunt duae paroeciae, duae dignitates, duo personatus; item duo beneficia eiusdem similisque functionis in eadem ecclesia, quae vocant *uniformia in eodem recto*, veluti duo canonicatus. Singularia secundi generis non vacant ipso iure per alterius ademptionem, sed beneficiarius debet alterutrum operare, alioquin altero per superiorem exuetur, qualia sunt canonicatus in diuersis ecclesiis, & beneficia disformia in eadem ecclesia.

§. V. Quis vero crederet? etiam post Innocentium III. coaceruatio dignitatum, paroeciarum & praebendarum frequenter obtinuit, idque siue negligentia, siue fraude antistitum, quibus instaurata disciplina magis curae esse debuisset. Sane admodum frequentes fuerunt pontificiae indulgentiae, vt plurimum sine causa concessae, ad obtinenda plura singularia beneficia. Eo quoque contulerunt fictae commendae, quae saepe in perpetuum gratia beneficiariorum datae sunt, vt vnum beneficium commendatione, alterum titulo possent retinere. Conc. Salmuriense anno MDCLIII. *can. XXVII.* Rursus alii vicariae specie seu titulo alia aliis coaceruata adquirebant beneficia, nam vbi dignitate aliqua aut paroecia aucti erant, alteram siue dignitatem, siue paroeciam cum opima fructuum parte sub vicarii nomine sibi dari curabant, non vero titulum, qui cum modico prouentu alteri concedebatur. Vnita quoque sunt in vnum plura singularia beneficia non bono ecclesiae, sed beneficiariorum, vt quae beneficia distracta habere non poterant, ea inuicem unita ad vitam possiderent.

§. VI. Quo tempore Tridentina synodus indicta est, multa beneficia singularia, etiam maiora, alia aliis congesta possidebantur. Hinc his malis medendis synodus intendit atque in primis vetuit, plures deinceps vni conferri ecclesias parochiales, aut alia singularia beneficia, reprobatis inuolucris illis *unionis ad vitam & commendae perpetuae*. Trident. *ses. VII. de ref. cap. 4.* Inde sanctiori edito decreto statuit, vt vnum vni beneficium siue in titulum, siue in commendam deinceps conferatur, nisi ad honestam sustentationem vnum non sufficiat, quo casu secundum conferri permisit, modo vtrumque adiduitatem non requirat. Trident. *ses. XXIV. de ref. cap. 17.* Ergo etiam ipsa simplicia beneficia, quae alendo beneficiario sufficiant, singularia & *incompatibilia* euaserunt. Nihil vero statuit synodus, quinam redditus ad honestam beneficiarii sustentationem sufficiant; at in compertis est, eam debere esse modestam & frugalem. Ceterum moribus praesentibus nulli intenditur controuersia, quod duo possideat beneficia, quorum vnum aut ambo maximi redditus fiat, modo vtrumque adiduitatem non requirat.

V. Elpen.

V. Espen. *par. II. sect. 3. tit. 3. cap. 3. edit. Neapol.*

§. VII. Iam. ut plura singularia beneficia ab uno obtineantur, necessaria est superioris venia, qua canones relaxentur. Moribus praesentibus superior iste est tantum summus pontifex, etsi in veteri disciplina etiam episcopi ad habenda plura beneficia indulgentiam concederent. Alteserra *in cap. 28. ex. de praebendis*. Venia autem concedi non debet, nisi ex necessaria & vili in ecclesiam causa, qua incommoda ex coacervatione beneficiorum compensari possint; nec enim summus pontifex dominus est ministeriorum & prouentuum ecclesiae, sed potius fidelis dispensator (b). Quoniam vero indulgentia ista canonibus aduersatur, hinc stricte accipienda est, nec a casu ad casum recte producit: & tum recta erit, si omnia ex fide bona exponantur. Indultas vero venias tenentur beneficiarii petentibus episcopis exhibere, quibus integrum est eas expendere, & minus legitime impetratas reicere, *cap. 3. de offic. ordinarii in 6. Trident. sess. VII. de res. cap. 5.*

§. VIII. Qui plura singularia beneficia sine legitima indulgentia obtinent, decreto synodi Lateranensis sub Alexandro III. secunda dignitate seu paroecia exuendus erat, *cap. 3. ex. de clericis non residentibus*; at canone Innocentii III. in concilio generali cadit ipso iure prima paroecia, seu dignitate, seu personatu, qui alterum singulare consequitur beneficium, *cap. 28. de praebendis*. Vacatio autem ipso iure non collatione alterius singularis beneficii, sed potius pacifica possessione inducitur: & pa-

E c 2

cifica

(b) Hinc recte docent saniores theologi & canonistae, apud Deum tutos non esse, sed tantum fori externi poenas euitare, qui ex minus idonea causa obtinent plura beneficia. Conf. Espen. *par. II. sect. 3. tit. 3. cap. 5. edit. Neapol.* Sane licet qui indulgentiam concedit, expendere debeat, an idonea subsit causa; tamen ille, qui petit minus iustam indulgentiam, est causa iniquitatis, & vitur permissa iniquitate. Et acute S. Bernardus *epist. VII. n. 9.* clericis, qui plura beneficia iuste possidere credebant ob veniam concessam, reponebat, *utinam non licentiam quaesissetis, sed consilium, id est, non ut liceret, sed, an liceret.*

cifica possessio tum censetur, si nulla lis in iudicio de beneficio mora sit, nullisque molestiis de facto turbata fuerit, aut si per beneficiarium steterit, quo minus pacifica foret. Porro alterius beneficii possessionem adepto ad duos usque menses prioris retentio conceditur, ut possit experiri, an molestiae superueniant. Quod si post pacificam possessionem beneficiarius utrumque retinere praesumat, etiam alterum amittet, & ad sacros ordines suscipiendos & alia beneficia inhabilis euadit, *cit. cap. 28., extrauag. execrabilis de praebend. inter communes*. Interim interpretum sententia vacatio ipso iure ferme locum habet in beneficiis, quae dicuntur *incompatibilia* ratione tituli, nam quae talia sunt retentione, demum sententia iudicis vacare dicuntur.

C A P V T XL.

De beneficiorum collatione.

§. I. **C**ollatio beneficii, quae etiam dicitur *donatio* & *institutio*, est datio vacantis beneficii ab eo facta, qui eius dandi habet potestatem. Quod si collatio collegio canonicorum competat; vocari solet *electio*, quae si nulla indiget superioris confirmatione, beneficium dicitur *electiuum collatiuum*; si vero a superiore confirmanda est, *electiuum confirmatiuum*. Quoniam vero collatores non semper pro libertate sua beneficia donant, sed aliquando ratione iuris alterius certis personis ab alio praesentatis conferre debent; hinc collatio est aut libera, aut minus libera, quarum illa *collatio* stricto sensu, haec *institutio* itidem stricto sensu appellatur.

§. II. Collatio beneficiorum, ubi seorsum ab ordinatione facta est, veluti pars voluntariae iurisdictionis haberi coepit, quae ecclesiastica ministeria dispensantur. Origine vero sua pertinet ad episcopos; episcopi enim non minus sunt ministeriorum Dei, quam reddituum ecclesiasticorum dispensatores & procuratores. Eodem ordinario iure in
suis

CAP. XL. DE BENEF. COLLAT. 439

saís ecclesiis conferunt beneficia praelati inferiores, qui quasi episcopalem habent iurisdictionem, *cap. ult. ex. de institutionibus, cap. 3. de officio ordinarii in 6.* Verum episcopi auctoritate senatus ecclesiastici seu collegii canonicorum matris ecclesiae beneficia conferebant, *cap. 4. ex. de his, quae fiunt a prael. sine consensu capituli*: qua in se elucet antiqui mores.

§. III. Sancta haec ex communi senatus consilio beneficia conferendi ratio pro maxima parte labefactata est, postquam beneficia seorsum ab ordinatione collata sunt: iamque inter clericos effraserunt alii ordinarii collatores, varique in variis ecclesiis inualuerunt mores. Sane in multis locis praebendas & canonicatus ecclesiae cathedralis solus episcopus, contra alibi solum canonicorum collegium, *cap. 31. ex. de electione*, alibi episcopus simul & collegium conferunt, *cap. 15. ex. de concess. praebendae (a)*. Praebendas quoque ecclesiarum collegiatarum vel solus episcopus, vel capituli praeses pro varietate locorum confert. Porro ipsi archidiaconi etiam iure conferendi beneficia aucti sunt, *cap. 15. ex. de officio delegati, cap. 7. ex. de praebendis*. Sed vicarius generalis beneficia non confert, nisi id ab episcopo ei specialiter committatur, *cap. ult. ex. de officio vicarii in 6.*, tantumque a patronis praesentatos pro iure suo potest instituere.

§. IV. Quamvis collegium canonicorum ecclesiae cathedralis sede vacante episcopalem habeat iurisdictionem; non tamen confert beneficia, quae ad liberam solius episcopi collationem pertinent, *cap. 7. ex. de rescriptis, cap. 2. ex. ne sede vacante aliquid innouetur*; collatio enim beneficiorum moram ferre potest; & in interregno qui gubernant, ea differre debent, quae sine damno dif-

E e 3

ferri

(a) Vbi episcopus & canonici simul beneficia conferunt, etiam varii sunt mores: nam concurrunt episcopus vel vt merus canonicus, *cap. 15. ex. de concess. praebendae*, vel tamquam collegii moderator & praeses, vel aequali potestate: quo posteriori casu episcopi suffragium totius collegii suffragio aequi-valet.

ferri possunt (b). Sed capitulum sede vacante recte confert beneficia, quae coniunctim ad episcopum & capitulum pertinent; & multo magis confert beneficia, quorum collatio viuenti episcopo ad solum capitulum pertinebat, sicut etiam pro iure suo praesentatos a patronis instituit.

§. V. Iam collatio beneficiorum, ubi ab ordinatione seiuncta est, fit peculiari actione, qua collator voluntatem suam declarat, se huic aut illi tribuere beneficium: idque etiam nudis verbis fieri potest. Et quoniam voluntas collegii canonicorum ex maiori suffragiorum numero censetur; hinc beneficia *electiua collatiua* per electionem communibus electionis regulis adstrictam conferuntur; forma enim *cap. quia propter ex. de electione* tantum locum habet in eligendis praelatis, quorum morte ecclesia vidua censetur. Ceterum receptis moribus collationes fieri, aut probari nequeunt sine litteris, nec beneficiarii solent in possessionem beneficiorum immitti, nisi litteras collationis exhibeant.

§. VI. Beneficia ubi vacauerint, intra certum tempus conferenda sunt, ex diutina enim vacatione multa in rem ecclesiasticam incommoda promanant. Et quidem dignitates capitulorum, paroeciae & omnia minora beneficia sex mensium spatium conferenda sunt, *cap. 2. ex. de concess. praebendae*, tribus vero mensibus episcopatus & maiores dignitates regulares, *cap. 41. ex. de electione*. Semestre autem istud a die scientiae vacationis computatur, & praeterea non currit, si iusto impedimento siue iuris, siue facti collator cessauerit, *cap. 3. ex. de concess. praebendae*.

§. VII. Quod si stato tempore collatores non conferant beneficium, pro ea vice collatione cadunt: & si collatio pertineat ad capitulum, deuoluitur ad episcopum, contra ad capitulum, ubi solius episcopi est conferre: &
 si v-

(b) Vulgo docent interpretes decretalium, ideo non posse capitulum sede vacante beneficia episcopalis collationis dare, quod collatio sit pars fructuum; fructus vero integros episcopo oportet reservare. Apage profanum dogma; collatio nempe beneficiorum est pars spiritualis potestatis, qua ecclesiae ministri constituuntur.

si vtriusque demum par negligentia sit, deuolutio sit ad metropolitani, & ita porro ad alios superiores antistites usque ad summum pontificem, *cap. 2. ex. de concess. prae-bendae*. Atque id est negligentiam praelatorum supplere. Verum recepti mores non serunt, vt episcopi negligentia a capitulo suppleatur: & in multis ecclesiis praesertim huius regni solus papa confert beneficia, quae ordinarii collatores statuto tempore non contulerint.

§. VIII. Semel collata beneficia, antequam vacent, iterum conferri, aut promitti non possunt, *cap. 2. ex. de concess. prae-bendae*. Sane collationes aut promissiones beneficiorum nondum vacantium alienae mortis desiderandae ansam praebent, quo nihil a viri boni officio alienius. Itaque collatio aut promissio nondum vacantis beneficii nulla prorsus est, nec inde vlla nascitur obligatio. Et si iure decretalium probetur datio canonicatus sine praebenda cum spe primo vacaturae, *cap. 3. ex. de prae-bendis*; vt & promissio beneficii generaliter facta, quum occasio collationis se obtulerit, *cap. 19. ex. de concess. prae-bendae*; id forte eam rationem habet, quod sine alterius morte vacare praebenda aut beneficium poterat, aut de nouo institui, ac proinde captatio mortis cessare videbatur.

§. IX. Beneficia quoque integre conferri debent, nec dignitatum, siue praebendarum licet sectionem instituire, siue quod titulus ipse diuidatur, siue quod redditus in duas pluresue partes secentur, *cap. 8. ex. de prae-bendis, cap. 7. ex. de censibus*. Quin veluti turpia & simoniaca damnata sunt pacta, quibus patroni & antistites in partem reddituum cum beneficiariis paciscuntur, *cap. vn. ex. vt ecclesiast. beneficia sine diminutione conseruantur*. Officium sane ecclesiasticum, cui perpetuo redditus adnexi sunt, vnum est, ac proinde vni integrum cum suis prouentibus conferendum. Ceterum auctis ecclesiarum redditibus ex rationabili causa potest vacans beneficium in duo dispeci; quemadmodum ex idonea causa licet portionem fructuum ex beneficio delibare, & alteri clerico addicere.

§. X. Peracta collatione beneficiarius in beneficii possessionem deducendus est, quam dicunt *institutionem corporalem*, sine qua nec fructus percipere, nec demandatum officium potest explicare. Ante possessionem beneficiarii,

& praesertim parochi, obedientiam suo episcopo promittere & iurare debent; & qui praebendis & dignitatibus in ecclesiis cathedralibus donantur, & coram episcopo & in collegio catholicam fidem debent profiteri. Trident. *ses. XXIV. de res. cap. 12.* Spectat autem haec missio in possessionem ad antistitem collatorem, *cap. 9. ex. de privilegiis*, & in decretalibus etiam archidiacono tribuitur, *cap. 7. ex. de officio archidiaconi*.

C A P V T XLI.

*De mandatis apostolicis, reservationibus
& praeventionibus.*

§. I. **V**eteri ecclesiae disciplina summus pontifex in ecclesiis Romae metropoli subiectis pro iure suo clericos videtur ordinare potuisse, etsi hoc iure parce admodum vteretur. Sed postquam beneficia ab ordinatione seiuncta sunt, Romani pontifices beneficia ferme omnia totius Occidentis sui arbitrii & collationis fecerunt, exclusis episcopis, quibus congenita est beneficiorum collatio. Quae tanta moles sensim crevit per pontificum *mandata, reservationes & praeventiones*.

§. II. Et mandata quidem *de providendo*, ut vocantur, erant pontificum diplomata, quibus praecipiebant collatoribus, ut designatis clericis aliquod elargirentur beneficium: erantque mandata ista duplicis generis; alia enim dabantur pro iam vacantibus beneficiis, alia vero ad primo vacatura, quae etiam *gratiae expectatiuae* audiebant. Primus Hadrianus IV. extra fines Romanae metropolis mandata de providendo ad collatores dedit: qui usus semel inductus a successoribus continuatus est, & latius productus. Sed non omnes pontifices eadem ratione mandatis usi sunt, nam alii non amplius vno mandato eandem ecclesiam gravare consueverunt, *cap. 30. ex. de rescriptis in parte decisa & cap. 38. ex. eodem*: alii vero nullum tenere modum, & mandata mandatis congesterunt;

CAP. XLI. DE MANDATIS ETC. 441

runt; immo etiam pro vno eodemque beneficio contraria mandata dederunt: Profectebantur vero pontifices, se mandatis suis consulere velle clericis litteratis & bonae opinionis, praesertim vero pauperibus, etsi clerici mandatis aucti saepe nec pauperes, nec litterati essent.

§. III. Initio mandata ista pontificum commendationes potius fuerunt & preces, quibus pro reuerentia sedis apostolicae multum ordinarii collatores tribuerunt, praesertim ubi erant rariora, aut idonei clerici commendabantur. Sed deinceps aucto mandatorum numero antistites saepe obedire detrectarunt. Hinc pontifices stilo mutato preces verterunt in praecepta, & triplicis generis litteras scripserunt, *monitorias* nempe, *praeceptorias* & *exsecutorias*. Franc. Flórens in *tit. decretal. de rescriptis*. Monitoriae tantum clericos ordinariis collatoribus commendabant: qui si non parerent, dabantur praeceptoriae, quibus monita in verâ praecepta transibant: & si collatores in pari contumacia persisterent, exsecutor dabatur, qui morosos antistites puniret, & ad beneficii dationem cogeret, vel ipse tum vacans vel primo vacaturum conferret. Sed processu temporis conualuit auctoritas mandatorum, nec amplius tres litterae diuersis temporibus scriptae, sed tantum vna statim addito exsecutore, qui cessante collatore conferret.

§. IV. Satis firmato mandatorum usu, Romani pontifices ad beneficiorum reservationes transierunt, quae sunt decreta, quibus pontifices collationi suae vacantia vel vacatura beneficia addicunt, ordinariis collatoribus eorum conferendorum ablata potestate. Sunt vero reservationes aut generales, aut particulares, prout plura eiusdem, vel diuersi generis, vel personarum beneficia, aut vnum vacans vel vacaturum summus pontifex in se recipit & reseruat. Item reservationes aliae sunt in corpore iuris comprehensae, quae ex receptiõe sententia sunt, quae sexto decretalium continentur; aliae extra corpus iuris, quales extraneis, regulis cancellariae & ceteris posterioribus bullis continentur (a). Beneficia reseruata alias di-

(a) Pertinent quidem ad systema iuris pontificii & extraneas Ioannis XXI. & quae *communes* dicuntur; at reservationes

dicuntur *affecta*; at adfecta striete sic dicta sunt beneficia non reseruata, quibus conferendis se immiscuit summus pontifex, aut alias manum apposuit, qui actus collationem pro ea vice pontifici addicit.

§. V. Prima & in corpore iuris comprehensa reseruatio Clementi IV. tribuitur, eaque pontificiae collationi addicit quaecumque beneficia *apud sedem apostolicam*, seu *Romanam curiam* vacarent; *cap. 2. de praebendis in 6.* Vacare apud sedem apostolicam initio dicebantur beneficia, si in loco, vbi curia morabatur, beneficiarii deederent; at Bonifacius VIII. etiam in curia vacare decrevit beneficia omnia, quae morte accedentium aut discedentium a Romana curia in locis finitimis, seu quae quadraginta miliaribus a curia distabant, vacarent; item beneficia curialium, qui in locis curiae vicinis morerentur, modo ibi domum propriam non haberent; vel qui in loco, vnde curia discedit, infirmi remanentes, mortem occumberent, *cap. 34. de praebendis in 6.* Debet vero summus pontifex in comitatu vacantia beneficia vnius mensis spatio conferre: quo tempore elapso ea ordinarii antistites pro iure suo conferunt, idque ne diutina vacatio ecclesiis oblit; *cap. 3. eodem*: ob quam eandem rationem etiam ordinariis antistitibus licet conferre parochias, quae defuncto pontifice in comitatu vacauerint, vel eo viuo vacauerint, sed ante obitum ab eodem collatae non sunt, *cap. 4. eodem.*

§. VI. Postquam semel ad generales reseruaciones aditus patuit, nouae in dies reseruaciones emerferunt, antiquae confirmatae & latius extensae sunt. Sane Ioannes XXII. praeter beneficia per obitum apud sedem apostolicam vacantia, collationi pontificiae addixit beneficia prorsus omnia siue maiora, siue minora, quae quocumque alio modo eo loci vacarent: item beneficia cardinalium, lega-

tiones lis comprehensae ferme extra corpus iuris reputantur, fortasse quod eiusmodi reseruaciones erant temporariae, *Espen. par. II. sect. 3. tit. 6. cap. 4. edit. Neapol.*, aut potius quod extrauagantium codices (vtpote priuato studio collecti) initio ad corpus iuris pontificii non spectabant.

CAP. XLI. DE MANDATIS ETC. 443.

legatorum, officialium curiae, & capellanorum commendatitiorum pontificis, quocumque demum loco mortem obirent, *extrauag. ex debito 4. de electione inter communes*; & praeterea beneficia, quae ob retentionem, aut ademptionem alterius singularis beneficii ipso iure vacarent, *extrauag. execrabilis de praebendis inter communes*. Satis amplae reservationes, quas inde Benedictus XII. latioribus verbis confirmavit in *extrauag. ad regimen de praebendis inter communes*. Sed duo isti pontifices a se inductas reservationes ad vitae suae tempus arctarunt, & praeterea contestati sunt, se ideo tot beneficia reseruasse, ut optimos quosque clericos ad ecclesias promouerent.

§. VII. Exemplo horum pontificum successores siue antiquas, siue nouas reservationes temporariis ad vitam suam decretis includere consueuerunt: & hinc natae regulae cancellariae, quae morte pontificum extinguuntur, donec a nouo pontifice non sine additionibus, mutationibus, aut detractionibus iterum publicentur, & reuiscant. Regulis vero cancellariae non tantum episcopatus & dignitates praecipuae in ecclesiis cathedralibus & collegiatis, verum etiam omnia ferme reliqua beneficia collationi pontificiae cesserunt: tantumque episcopis relicta minora beneficia, alias non reseruata, quae quatuor mensibus, Martio nempe, Iunio, Septembri & Decembri vacauerint (b).

§. VIII.

(b) Inuat distinctius exhibere reservationes beneficiorum regulis cancellariae comprehensas. Principio regulae illae, prout nunc sunt, addicunt collationi pontificiae beneficia omnia, quae Ioannes XXII. & Benedictus XII. sibi ad vitam reseruauerant; & praeterea beneficia omnia officialium Romanae curiae, etiam si ante obitum officiales esse desierint; tum beneficia, de quibus ordinarii antistites contra Tridentinas regulas disposuerint, *reg. I. cancell.* Item ecclesias omnes episcopales & monasteria omnia virorum, quorum annui redditus excedunt ducentos florenos aureos, & beneficia, quae vacante sede episcopali, aut alterius praelati seu collatoris vacauerint, & ad illius solam collationem pertinebant, *reg. II.* Summa ducentorum florenorum auri ferme quatuor centum triginta ducatos Neapolitanos exaequat.

§.VIII. Porro pontifices ad beneficia in ecclesiis Occidentis conferenda *praeuentionibus* vsi sunt. Nomine *praeuentionis* venit quaedam occupatio, qua beneficia nondum a collatoribus data Romanus pontifex pro suo arbitrio e-largitur. Praeuationes aetate Bonifacii VIII. iam rece-pae erant, *cap. 31. de praebendis in 6.*; atque ex hoc tempore veluti in medio posita beneficia ecclesiarum Oc-cidentis esse videbantur, ad quae occupanda & conferenda pontifices & ordinarii collatores concurrerent. Quoniam
vero

Porro regulae cancellariae pontifici reseruant beneficia in fraudem reservationis ab iis resignata, aut dimissa, qui ab se-de apostolica incompatibilia beneficia expectant, tum & ipsa incompatibilia, quae a pontifice obtinuerint, *reg. III.* Item maiores dignitates post pontificalem in ecclesiis cathedralibus, & quae in collegiatis sunt principales, redditumque decem flo-renorum auri communi aestimatione excedunt; prioratus etiam & praeceptorias generales ordinum, exceptis militaribus: & beneficia, quae familiares papae, etiam dum is cardinalis erat, & cardinalium continui commensales obtinent, & in posterum familiaritate durante obtinebunt, etiamsi familiares quauis ra-tione esse desierint, *reg. IV.* Item beneficia, quae collectores & vnici in quacumque ciuitate vel dioecesi subcollectores redi-tuum camerae apostolicae durante eorum officio obtinent, *reg. V.*; & beneficia curialium in itinere decedentium, dum cu-ria transfertur, *reg. VI.*; & beneficia cubiculationum etiam ho-noris & cursorum pontificis, *reg. VII.*

Ad haec, regulis cancellariae reseruantur etiam beneficia ecclesiarum S. Ioannis Laterani, S. Petri & S. Mariae maio-ris, & quae vacant in titulis cardinalium ipsis absentibus, *reg. VIII.* Item beneficia omnia non reseruata, quae octo mensibus, nempe Ianuario, Febuario, Aprili, Maio, Iulio, Augusto, Octobri & Nouembri vacauerint, *reg. IX.*; etsi episcopis, qui in ecclesiis suis adidui sunt, non vero aliis collatoribus, con-cedatur, vt alternis cum pontifice mensibus beneficia alias non reseruata conferant. Item nouo cuique pontifici reseruantur be-neficia, quae papa defunctus sibi reseruauerat, & ante obitum vacantia non contulerit, *reg. X.* Et demum beneficia tempora-riis regulis & constitutionibus reseruari solita, quae vacante a-postolica sede vacauerint, & antistites ordinarii non contulerint, vel non iure contulerint, *reg. LXVIII.*

vero ambitu candidatorum ad praeueniendos ordinarios collatores multae fraudes in curiam irreperant, & beneficia necdum mortuis beneficiariis obtinebantur; prodiit regula cancellariae *de verisimili noticia*, qua decernitur, irritas esse collationes pontificias praeuentione factas, nisi a die mortis beneficiarii id tempus effluerit, vt probabile sit, de ea pontificem certiores fieri potuisse. Quae regula etiam iocum habet, vbi verisimilis quidem noticia poterat haberi, sed probetur, nuntium ante mortem iter Romanum suscepisse: quod *cursum ambitiosum* appellare solent. Ceterum in ecclesiis, vbi per menses collatio beneficiorum inter pontificem & episcopos tributa est, nullus est amplius praeuentionis vsus. Chokier *in proem. reg. VIII. Cancell. n. 17.*

§. IX. Ita Romani pontifices mandatis, referuationibus, praeuentionibus suae potestatis & collationis ferme omnia Occidentis beneficia reddiderunt (c): qua ratione aucta quidem est Romanae sedis dignitas; at exitiale vulnus ecclesiasticae disciplinae inflictum est. Principio mandata captandae alienae mortis praebebant occasionem, quo

(c) Sed quibus rationibus Romani pontifices omnia ferme Occidentis beneficia suo arbitrio & collationi referuarunt? Sunt, qui opinantur, Romanos pontifices id lucri studio fecisse, vt nempe suos cognatos amicosque ipsamque Romanam curiam locupletarent. Nec sane negari potest, aliquos pontifices referuationum auctores ad rem fuisse auditores. Verum si res in origine sua expendatur, videntur clerici sine titulo ordinati & Romam magno numero confluentes, mandata primum induxisse; pontifices enim sui muneris esse iudicarunt, vacantes clericos antistitibus ad obrinendum aliquod beneficium commendare: qui mos magis magisque intalescentibus sine titulo ordinationibus latius se diffudit. Sed praeuentiones & referuationes noua etiam doctrina innituntur, ecclesias omnes Occidentis ab ecclesia Romana fundatas fuisse, & plenariam omnium beneficiorum collationem ad pontificem pertinere: quae doctrina in ipsis referuationibus saepe exprimitur, *cap. 2. de praebendis in 6.* Et inde etiam increbuerunt illa doctorum placita, Romanum pontificem esse collatorem collatorum, & summum in ecclesia omnium beneficiorum dispensatorem.

quo nihil est a viri boni officio alienius. Mandatis quoque omnia litibus impleta; nam saepe pro pluribus clericis eidem antistiti pontifices mandata dederunt, saepe etiam idem beneficium diuersis mandatis adstrinxerunt; vni vero collato beneficio, ceteri sibi ius ademptum existimabant. Porro mandatis, reservationibus & praeuentionibus aditus dignioribus ad beneficia praecclusus; in tanta enim negotiorum multitudine, quibus aula Romana perstrepebat, facile non erat candidatorum merita expendere, etsi alias pontifices intenderent optimis clericis consulere. Item clerici peregrini, legum & sermonis patrii ignari ad beneficia promoti; hierarchicus ordo turbatus, coactique sunt episcopi reddere rationem de beneficiariis, quos ipsi non constituerant.

§. X. Satis in ecclesiarum perniciem creuerant mandata de prouidendo, reservationes & praeuentiones. Hinc viri cordatiores has nouitates semper reprobarunt, & in synodo Constantiensi moderatio reservationum, sed nullo effectu, expetita. Sed deinceps synodus Basileensis *sess. XII. & XXIII. cap. 1. & 6.* reservationes omnes abrogauit praeter comprehensas in corpore iuris, quasque pontifices in regionibus ciuili imperio sedis apostolicae addictis facere vellent. Excidit quoque synodus ista expectationes ad beneficia, quae non conferuntur per electionem: tantumque pontifici relictæ est facultas mandatorum ad vnum beneficium, si collator habeat in suo iure decem; ad duo, si habeat quinquaginta vel plura; ita tamen ne vnus idemque pontifex duas concederet eiusdem capituli praebendas. Ius vero praeuentionis illaesus intactumque pontifici relictum est.

§. XI. Haec decreta Galli in comitiis Bituricensibus anno *MDCCCXXXVIII.* perlubenter exceperunt, eaque mox in *pragmaticam sanctionem* coniecta sunt. Ita in Gallia canonicae electiones & liberae beneficiorum electiones restitutæ: quae disciplina usque ad pacta conuenta inter Leonem x. & Franciscum i. regem stetit (d). Sed in Italia,

(d) Pacta ista prorsus inuito & repugnante clero inita sunt, usque nominatio episcoporum & abbatum & priorum conuentua-

Italia, Hispania & multis aliis prouinciis, ubi decreta Basileensia non pari veneratione, ac in Gallia, recepta sunt, mandata, reservationes & praeuentiones continuatae, & latius diffusae. Ergo ventum ad comitia Tridentina, in quibus mandata de prouidendo & reservationes mentales prorsus abolitae sunt, at reservationes & praeuentiones integrae relictae sunt. Trident. *ses. XXIV. de res. cap. 19.* Reservationes mentales ab Iulio II. & Leone X. indutae erant, quibus summus pontifex aliquod beneficium sibi reservabat, ut illud inde certo clerico, cuius nomen apud se retinebat, conferret. Hoc decreto parum promota est ecclesiastica disciplina; & quid quaeso boni sperari poterat ex abolitione mandatorum, ubi beneficia ferme omnia pontifici erant reservata?

§. XII. Iam vero post synodum Tridentinam, quasi satis beneficiorum antiquae reservationes non continerent, pontifices novas induxerunt. Et quidem Pius V. in bulla *ex apostolatus officio* collationi pontificiae addixit beneficia, quae ob haeresim vacarent, paroecias non collatas per sollemne examen ex forma synodi Tridentinae; & in bulla *in conferendis* beneficia, quae contracta fiducia, seu, ut dicitur, *in confidentiam* recipiuntur, ita nempe, ut beneficiarius ex pacto acceptum beneficium resignet sequestro, vel alteri, aut ut pensionem, siue fructus aliquos inde praestet. Item reservata sunt beneficia vacantia ex resignatione, in qua decretalis Gregorii XIII. *humano vix iudicio* seruata non fuit. Et demum ex bullis Sixti V. & Benedicti XIII. beneficia eo nomine vacantia, quod habitus & tonsura clericalis non deferatur.

§. XIII. Reservationes clausae in corpore iuris non adeo graues visae sunt, & hinc passim vbique receptae. Sed extra corpus iuris vagantes, utpote graues, nec omnes, nec prout verba sonant, in christianis prouinciis obtri-

tualium, qui ex forma *cap. quia* propter *ex. de electione* eligi debent, regi cessit, pontifici vero confirmatio, praeter episcopatus vacantes in curia, quos solus papa confert; reservationes prorsus extinctae; mandata potius restricta, quam omnino sublata; praeuentio vero integra pontifici relictæ est.

obtinent, sed quatenus receptae. Porro generalibus reservationibus non continentur iuris patronatus laici & missi beneficia, quae olim, nisi ex adfensu patronorum, nec mandatis de providendo subiiciebantur. Nec hodie regia potestas apud nos ratas habet pontificis collationes, in quibus ille ex certa scientia & expressione vel in totum, vel pro parte suffragiis patronorum derogauerit.

§. XIV. Iam in collatione beneficiorum, quae pontifici reservata sunt, beneficiarii ex propriis pecuniis pendunt *annatas*, ut dicuntur, antequam bullas collationis consequantur. Sunt *annatae* media pars fructuum primi anni ex collato beneficio provenientium, qui fisco pontificio, cardinalibus & inferioribus ministris in collatione beneficii per praematuram solutionem pendi debent. Sic descriptas annatas Bonifacius ix. inter incendia schismatis Avenionensis induxisse videtur, ut suam suorumque levaret necessitatem, quod tradit Platina *in vit. Bonif. IX.* Initio annatis subiecta beneficia conferri consueva, at inde, ut reditus esset uberior, extensae sunt ad beneficia unita, ita tamen ut (quod numquam vacarent) decimo quinto quoque anno penderentur^(e). Ut vero constaret de annatarum quantitate, prodiit regula cancellariae *de exprimendo vero valore beneficiorum in impetrationibus*: quae regula in episcopatibus & abbatibus, in quibus annatae secundum antiquas taxationes penduntur, locum non habet. Ceterum minuta beneficia, quae redditum viginti quatuor aureorum de camera non excedunt, annatis non subiacent, quod in Italia servatur: nam extra Italiam

(e) Annatae non ab omnibus probatae, quin a multis viris doctis tamquam simoniacaeductae, quod non gratis beneficia conferantur. Sed exactio non videtur esse pro collatione, sed potius ad sustinendas Romanae curiae necessitates: qua ratione Petrus de Marca *lib. VI. de C.S. & l. cap. 12.* & Thomassinus *de vet. & nova eccles. discipl. par. III. lib. 2. cap. 58.* nihil turpis lucri annatis inesse contendunt. Quamquam negandum non videatur, clericorum necessitates a multis saeculis luxu & saeculi pompis aestimari.

liam ferme sola beneficia, quae dicuntur *consistorialia*, vectigalia sunt, non item reliqua minora. V. Espen. *par. II. sect. 3. tit. 7. cap. 4.*

C A P V T XLII.

De commendis beneficiorum.

§. I. Species quoque collationis beneficiorum ex nonis moribus censentur *commendae*, contra quam quod in veteri disciplina obtinebat. Et quidem prisca aetate in commendationem dare ecclesiam, erat eam vacantem interim idoneo clerico regendam committere, qui a redditibus ecclesiae commissae tantum necessaria alimenta decerpebat, eiusque officium desinebat statim ac proprius pastor ecclesiae dabatur. Nonnumquam etiam episcopis, quos sedibus suis barbari eiecissent, abbatiae in spiritualibus & temporalibus ad longum tempus commendatae. Greg. M. *lib. I. ep. 38. & seq.* Et quoniam commendae ad tempus erant, receptis regulis non repugnare videbatur, ut pastores aliarum ecclesiarum eas susciperent, aut etiam saeculares clerici interim monasteria administrarent. Ita inualuit regula iuris canonici, vnum clericum duas ecclesias posse retinere, vnam *titulo*, seu proprio & perpetuo iure, alteram *commendatione*, quam regulam Leo IV. & Gregorius IV. proponunt, *can. 3. C. 21. q. 1., cap. 54. ex. de electione.*

§. II. Sic descriptae commendae utilitati ecclesiarum inferuebant, nec iis canones erant impedimento. At quod in utilitatem ecclesiarum receptum erat, labentibus annis in ipsarum perniciem mirabiliter conuersum est. Et sane episcopi alique ordinarii collatores fucis commendarum plura singularia beneficia vni coeperunt conferre; nam vnum beneficium in titulum possidenti perpetuas aliarum ecclesiarum dabant commendas, idque sacris canonibus aduersari non credebatur, etsi integrum negotium in beneficiarii utilitatem cederet. Conc. Salmurienfe

Pars II.

Ff

rienfe

riente anno CIOCLIII. *can. XXVIII.* Praeterea saepe non presbyteri paroecias & clerici saeculares monasteria in commendationem perpetuam acceperunt, idque eo colore, quod clerici commendarum non necessario eiusdem ordinis & instituti esse deberent, ac veri pastores. Interim synodus Salmuriensis vetuit, paroecias iis commendari, qui aliam paroeciam, aliudue beneficium obtinerent: & synodus Lugdunensis sub Gregorio x. paroeciarum itidem commendas excidit, tantumque in ecclesiae vtilitatem ad sex menses eas permisit commendari, *cap. 15. ex. de elect. in 6.*

§. III. Post synodum Lugdunensem cessarunt quidem episcopi paroecias in commendationem perpetuo dare; at deinceps opera Romanorum pontificum commendae omnis generis beneficiorum, etiam episcopatum & abbatiarum, ad locupletandos clericos torrentis instar exundasse visae sunt. Tantaе licentiae aditum Clemens v. apernit; *extranag. 2. de praebendis inter communes*: inde quousque Avenione fixa stetit sedes apostolica, & multo magis in schismate Auenionensi abusiones creuerunt; nam dissentientes pontifices siue coaceruatione beneficiorum, siue commendarum effusione rem promouebant suam. Exstincto schismate mali mores etiam steterunt: praesertim vero commendabantur monasteria cardinalibus & praelatis, qui id sibi oneris imponi petebant, ad instaurandam monasticam disciplinam.

§. IV. Vix autem dici potest, quo exitiali vulnere affecta est ecclesiastica disciplina, ex quo commendae, quae in ecclesiarum vtilitatem erant institutae, in commodum clericorum degenerarunt. Reditus ecclesiarum absumti, ecclesiae & monasteria collapsa, perdita omnis siue clericorum, siue monachorum disciplina, Dei cultus neglectus, peregrinis hospitia denegata, pauperibus nihil relictum, *extranag. 2. de praebendis inter communes, conc. Lateran. sub Leone x. sess. IX.* Nam boni isti custodes & in rem suam procuratores vnice redditibus colligendis solliciti, nihil aut parum clericis & monachis ad vitam sustinendam, & ad externum religionis cultum relinquebant; & ab ecclesiis sibi commendatis absentes qui clericalem & monasticam vitam poterant promouere?

§. V.

§. V. In tanta ecclesiarum & monasteriorum calamitate degeneres commendae inuicia canonica iurisprudentia semper continuarunt; status enim Romanae curiae talis erat, ut nec mala commendarum, nec remedia ferre posset. At Tridentini patres commendas omnes, saltem in futurum, videntur abrogasse; in primis *ses. VII. de ref. cap. 4.* prorsus eliminaverunt commendas, quae ecclesiarum & beneficiorum singularium coaceruationi inserviebant; & deinde tum vigentes commendas monasteriorum, in quibus erant monachorum conventus, quousque viverent fiduciarii abbates, tolerarunt, exceptis monasteriis, quae erant ordinum capita, in quibus etiam tum vigentes commendas sustulerunt; at ubi toleratae commendae vacarent, iterum monasteria commendari vetuerunt: *quae vero in posterum vacabunt, non nisi regularibus spectatae vitae & sanctitatis conferantur, ses. XXV. de regularibus cap. 21.* Ita Tridentina synodus commendas omnes monasteriorum in futurum deleuit, V. *Espon. par. I. tit. 31. cap. 7.* At quis crederet! commendae monasteriorum & prioratuum, quae in commendam dari consueverant, etiam post Tridentinum continuarunt, monasteriis ordinum principibus tantum exceptis. Passim quoque in commendam conceduntur monasteria monachis destituta: quin etiam ipsa simplicia beneficia saecularia in perpetuum cardinalibus solent commendari. Sed in monasteriis in commendam dari consuetis mensae abbatis & monachorum seiunctae sunt. *Gregor. XIII. bul. superna XVIII. in bull. Rom.*

§. VI. Illud interim observandum, moribus praesentibus commendas potius verbis, quam re differre a beneficiis; etenim non secus ac beneficia in perpetuum conceduntur, & fiduciarii clerici effecta iuris iisdem ferme praerogatiis ac veri beneficiarii fruuntur. Ita habeant liberam proventuum administrationem; habeant iurisdictionem in monachos, qua utuntur, si in beneficio ipsi morentur, & ordinarius praelatus eius vicarius ab sit. *Ant. Faber in cod. lib. I. tit. 2. des. 34.* Porro in Gallia commendis aucti ad sacros ordines suscipiendos coguntur, conc. Rothomag. anno MDCLXXII. *tit. de monaster. cap. IV., & in Italia similiter tenentur ad ordines susci-*

piendos, & ad adfiduam moram, si animarum cura interior monachorum aut aliorum fidelium ipsis fiduciariis incumbat. Gallimart. *adnot. ad Trident. fef. VI. de ref. cap. 2.* Ceterum commendata beneficia pristinam qualitatem non deperdunt, etfi longo vfu commendentur iis, qui eiusdem ordinis & instituti, ac veri titulares, non sunt.

§. VII. Solus summus pontifex ex recepta disciplina commendas concedit. Nempe perpetuae commendae, quae effectu iuris vera beneficia reputantur, iis concedi solent, qui qualitatibus ad obtinenda beneficia destituuntur, veluti monastica beneficia praelatis saecularibus. Hinc solus summus pontifex, cui soli competit facultas canones relaxandi, commendas concedit, quod dum facit, canones relaxare censetur. Immo ex noua disciplina nec episcopis licere videtur semestres paroeciarum vacantium commendas ex forma synodi Lugdunensis sub Gregorio x. concedere; nam Tridentina synodus *fef. XXIV. de ref. cap. 18.* decreuit, vt episcopus statim a notitia vacationis paroeciarum, si opus fuerit, oeconomum seu vicarium constituat cum congrua fructuum parte, qui ecclesiam regat, quoufque parochus constitutatur.

C A P Y T XLIII.

De laica beneficiorum collatione.

§. I. **Q**uamuis beneficiorum collatio res spiritualis sit, & sacerdotio cohaereat, tamen medijs saeculis laici plures eam sibi nullo iure adquisuerunt. Sane laici nono saeculo & deinceps in ecclesiis, quas in feudum ante acceperant, beneficiarios creare, eosque mox pro arbitrio expellere solebant. Interim quod laicis ministeriorum Dei dispensatio non competebat, canones eiusmodi ecclesiarum concessionem pluries damnarunt. Thomass. *de vet. & noua eccles. discipl. par. II. lib. 1. cap. 55.* Quibus iteratis decretis non per omnia desierunt laicorum collationes; nam Carolus Molinaeus *ad reg. de infirmis resi-*

resignantib. n. 416. seqq. plures nobiles laicos recenset, qui beneficia, immo paroecias conferunt.

§. II. Frequentibus canonibus abolitae quidem sunt pleraeque laicorum collationes, at integra remanserunt iura regum, qui olim contulerunt, & nunc conferunt multa beneficia, praesertim aere regio fundata. Hoc iure vsi sunt olim reges Angliae, *cap. 4. de consuetud. in 3. collect. apud Ant. Augustinum*, & reges Galliae & Apuliae etiam nunc vtuntur. Et certe Reges nostri creant archipresbyterum Alti Muri, priorem S. Nicolai Bariensis, abbatem S. Egidii Altraeuillae, qui omnes quasi episcopali dignitate decorantur; & porro conferunt multa alia minora beneficia in variis dioecesium regni siue simplicitia, siue cum cura animarum. V. Chioccarel. *arch. tom. VI. & Troylum tom. IV. hist. par. 2. cap. 3.*

§. III. At qui possunt reges suapte potestate beneficia conferre, & sacra officia committere, non interueniente episcopi iussione, aut confirmatione? Varia commenti sunt rei canonicae consulti ad hunc nodum extricandum; verum illud magis videtur ad rem, reges beneficia conferre, tamquam episcoporum vicarios ex expressa vel tacita ecclesiae concessione, separatis enim ab ordinatione beneficiis, horum collatio etiam laicis adquiri potuit, immobili penes episcopos ordinum collatione remanente. Ipse Bonifacius VIII. etsi Philippo Pulcro minus aequus, professus est, beneficiorum collationem laico posse competere, *ecclesiae consensu tacito vel expresso, ap. Raynaldum ad an. CIOCCCXI. n. 34.* Hinc si reges conferunt beneficia, nec eius rei existat privilegium, dicendum est, longa consuetudine ex tacito ecclesiae consensu beneficiorum collationem regibus quaesitam.

C A P V T XLIV.

De iure patronatus.

§. I. **A**ntistites beneficiorum collatores saepe tenentur conferre certis clericis, quos alius ex iure in ecclesiam nominauerit: quo casu offerens *patronus*, beneficium *iuris patronatus*, & collatio stricto sensu *institutio* dici solet. Itaque ius patronatus est facultas a canonibus data, qua patronus vacante beneficio idoneum ministrum offert, ab episcopo, aliove collatore instituendum, & simul aliis iuribus partim vtilibus, partim onerosis, partim honorificis vtitur. Hoc sensu acceptae voces *patroni* & *iuris patronatus* etiam postquam res ipsa innotuerat, non occurrunt: veteres enim utebantur nominibus *fundatoris* & *aedificatoris*, nominatio vero tis data potius *gratia*, quam ius dicebatur.

§. II. Hoc sensu acceptum ius patronatus in ecclesia diu ignotum, tempore addito sensim receptum est. Et in Occidente quidem primum synodus Arausicana anno ccccxli. *can. X.* gratiam fecit episcopo, qui in aliena dioecesi ecclesiam exstrueret, vt ad eam regendam pro arbitrio clericos eligeret, & loci episcopo sisteret ordinandos. Satis restrictum beneficium, quod tantum episcopus augebatur; at deinceps & in Occidente & in Oriente etiam fundatores omnes iure nominationis aucti sunt. quae disciplina saeculo sexto iam inualuerat, *L. 46. §. 3. C. de episc. & clericis*, conc. Tolet. ix. *can. 2.* Sed hac aetate praerogatiua ista personalis erat, nec in heredes fundatorum transibat, quod expresse mox laudatus canon ii. Toletanus edicit, donec eo ventum est, vt nominatio fundatoribus concessa etiam in heredes deuolueretur. Et ita ius patronatus, quod rebus sacris adhaeret, inter iura hereditaria reputari coeptum est.

§. III. Pluribus vero modis ius patronatus acquiritur, quorum potiores sunt ecclesiae fundatio seu constructio,
& do-

& dotatio. Et fundatio quidem, qua ius patronatus adquiritur, est ecclesiae aedificatio, quae contineat dotationem; vetant enim canones, ecclesiam aedificari, nisi prius satis reddituum alendis ministris & sustinendo religionis exercitio tribuatur, *can. 26. C. 16. q. 7., can. 9. D. 1. de consecr. V. Franc. de Roye in prolegom. de iure patron. cap. XIII.* Et profecto non conuenit eum canonicis sententia illa, quae habet, etiam adquiri ius patronatus sola fundi, seu areae, in qua ecclesia aedificetur, datione. Quod si ecclesia aedificata sit, & eius redditus defecerint, tum sola dotis assignatione ius patronatus adquiritur, Trident. *ses. XIV. de ref. cap. 12.*; haec enim liberalitas aequiualeat fundationi. Inest autem ius patronatus ecclesiae fundationi; aut dotationi, nec necesse est, ut specialiter reseruetur, *cap. 25. ex. de iure patronatus*, modo expresse aut tacite eidem non renuntietur.

§. IV. Adquiritur quoque ius patronatus antiqua possessione, *cap. 24. ex. de electione*, & quidem contra patronum quadraginta annorum possessione, at contra ecclesiam liberam vetusta possessione, cuius contraria memoria non exitat, praesertim si praescribens laicus sit, *cap. 1. de praescript. in 6.* Vbi ius patronatus in heredes deuolutum est, sensim veluti cetera iura hereditaria haberi coepit, atque ideo praescriptioni obnoxium. Antiqua possessione adquiri ius patronatus etiam Tridentina synodus *ses. XXIV. de ref. cap. 9.* admittit; verum probari voluit ex multiplicatis praesentationibus per antiquissimum temporis cursum, qui hominum memoriam excedat: & si agatur de personis & vniuersitatibus, in quibus praesumi potest usurpatio, plenior probationem ad docendum verum titulum praescripsit, & immemorabilem possessionem tum suffragari voluit, si praeter reliqua ad eam necessaria praesentationes etiam continuatae non minori quinquaginta annorum spatio, quae omnes effectum habuerint, authenticis scripturis probentur. Sed decretum hoc nec alibi, nec apud nos receptum est.

§. V. Porro multi patronatus ex regum, aut episcoporum & pontificum liberalitate originem habuerunt. Nimirum a tempore Caroli Martelli consueuerunt principes monasteria & ecclesias militibus in feudum aut alodium

concedere. Milites autem acceptas ecclesias veluti in privato dominio tenebant, & presbyteros, etiam inscio episcopo, instituebant & expellebant. Interim episcopi omni studio ecclesias a manibus laicorum excutere curarunt, & multis canonibus statutum, ne laici ecclesias concederent. Hinc multi laicorum bonam mentem induerunt, & a se possessas ecclesias cesserunt monachis aut canonicis, & ita exorti sunt multi ecclesiastici patronatus: in ecclesiis vero, quas laici retinuerunt, collatio versa est in nominationem. Ipsi quoque episcopi & pontifices ecclesias multas collegiis canonicorum aut monasteriis adiunxerunt, quo factum est, ut in multis ecclesiis canonicis & monachis ius patronatus adquisitum sit. Privilegiis item summorum pontificum aliquando etiam patronatus quaesiti, sed eiusmodi privilegia synodus Tridentina *ses. XXV. de ref. cap. 9.* videtur abrogasse, exceptis patronatibus, qui super ecclesiis cathedralibus competunt, & qui summis potestatibus & studiorum vniuersitatibus concessi sunt.

§. VI. Iam ius patronatus aliud ecclesiasticum, aliud laicum est. Ecclesiasticum ecclesiae seu dignitati adhaeret, fortasse quia ecclesia ex alterius ecclesiae prouentibus fundata est, aut si patronus laicus ius suum alicui ecclesiae cedat. Contra laicum dicitur, quod ratione patrimonii in ecclesiam collati siue clerico, siue laico competit; cuius naturae etiam est patronatus, si a clerico beneficium ex prouentibus ecclesiasticis excitetur; ex praesenti enim disciplina clerici in foro externo redditus ecclesiasticos ad instar proprii patrimonii tractant. Franc. de Roze *proleg. ad tit. de iure patron. cap. VI.* Ex his duabus speciebus constatur mista patronatus species, veluti si ex duobus laicis patronis alter ius suum ecclesiae cedat. Vtriusque naturam, si patroni coniunctim praesentent, mistus patronatus induit, & in speciebus obuientibus ea conditio attenditur, quae patronis magis fauet.

§. VII. Porro ius patronatus in *reale* & *personale* diuidi solet, quorum illud glebae, seu fundo adhaeret, illudque exercet, qui fundum tenet; hoc vero certae personae seu familiae competit, nulla alterius rei habita ratione, diciturque personale, non quod finiatur cum persona,

sona, sed ut ab eo, quod rei adhaeret; distinguatur. Ius patronatus, quod fundo adhaeret, ab oratoriis & sacellis, quae in villis suis in familiae commodum nobiles excitare consueverunt, originem videtur habuisse: haec enim sacella, utpote in commodum villarum, seu in iis habitantium exstructa, videntur ex mente fundatorum rebus ipsis adnexa. V. *Espen. par. II. sess. 3. tit. 8. cap. 2. edit. Neapol.* Quod si patronatus feudo adhaereat, & feudum in ecclesiam transferatur, ille naturam non mutat, atque ideo laicus perseverat; ratione enim feudorum ecclesiae tamquam laici reputantur.

§. VIII. Ius patronatus semel quaesitum in alios pluribus modis transfertur. Et primum quidem patronatus ecclesiasticus cum officio, seu dignitate, cui adnexus est, transfertur; seorsum vero transferri non potest, nisi ex forma, qua res ecclesiarum solent alienari. Patronatus quoque rei adhaereus, una cum ipsa re ad instar aliorum iurium, quae praedijs inhaerent, transfertur, siue dominium plenum, siue semiplenum, quod *utile* appellant, transferatur, licet in fundi alienatione nulla patronatus mentio iniiciatur, *cap. 13. ex. de iure patronatus*. Hinc si patronatus fundo dotali adhaereat, ad maritum, stante matrimonio, praesentatio spectat: receptumque etiam est, praesentationem a bonae fidei possessore factam valere, & inde factam institutionem sustineri, etiamsi fundus postea evincatur, *cap. 19. ex. eodem*. Sed patronatus personalis transfertur cum hereditate siue testamentaria, siue legitima in heredes in solidum, licet hereditas inaequaliter diuidatur, quia ius hoc est individuum, excepto iure praesentandi, in quo heredes in stirpes, non in capita succedunt, *Clement. 2. de iure patronatus*. Ceterum potest fundator patronatum alicui de familia, siue etiam extraneo assignare: quò casu cum hereditate fundatoris patronatus non transfertur. Patronatus transfertur etiam permutatione cum alia re spirituali, *cap. 6. ex. de rer. permutatione*, & donatione, seu cessione, quae si ecclesiae vel monasterio fiat, episcopi consensu opus non est, *cap. ult. de iure patronat. in 6.*

§. IX. Iura patronis debita plura sunt, sed praecipuum est *nominatio seu praesentatio*, qua patronus, ecclesia

eclesia seu beneficio vacante, rectorem collatori offert, a quo instituatur (a). Praesentatio ista tum facta censetur, si electum patronus collatori sistat: quod hodie fieri solet per authenticas litteras collatori praesentatas. Si patroni plures sint, & collegium componant, praesentatio per collegium fieri debet secundum receptas regulas electionis: si vero pluribus seorsum patronatus competat, singuli seorsum possunt nominare: nec tenentur omnes eundem clericum sistere: & si plures quam duo patroni sint, ille praesferendus, qui a maiori parte nominatur, *cap. 3. ex. de iure patronatus*. Praesentatio autem, si patronatus ecclesiasticus est, fieri debet intra sex menses, si vero laicus, intra quatuor; *cap. vii. §. 1. de iure patron. in 6.* Incipit utrumque tempus a die scientiae vacationis, eoque exacto & litteris nominationis non exhibitis, ordinarius antistes pro iure suo beneficium confert.

§. X. Quousque legitimum tempus ad offerendum non impletur, patronus laicus, rebus integris, hoc est nondum facta institutione, pro iure suo plures, vnum post alium potest offerre, non item ecclesiasticus, qui vnum tantum praesentabit, quae differentia demum Lucii III. rescripto inualuit, *cap. 24. ex. de iure patronatus*. Verum dum secundum laicus patronus praesentat, primo oblatum reiicere vetatur: & hinc variatio ista doctoribus *cumulativa* dicitur. Videtur autem laicis concessa plures offerendi potestas, ut episcopi collatio liberior, & ius patroni non adeo efficax euaderet. Quidquid vero huius rei sit, pluribus per successionem praesentatis, integrum est episcopo eorum vni conferre beneficium.

§. XI. Si inter plures oriatur controuerfia, cui patronatus competat, ut ad patroni praesentationem beneficium conferri debeat, intra sex, aut quatuor menses

pro

(a) Solus ecclesiae rector seu beneficiarius patroni nominatione instituendus est, & si necessarii sint alii clerici ad ecclesiae seruitium, ii etiam sine adfensu patroni constituuntur, quae est recepta disciplina veteribus regulis aduersa; antiquitus enim omnes clerici a patrono etiam offerebantur. Conc. Arausic. 1. can. 10., nouel. Luffin. CXXIII. cap. 18.

CAP. XLIV. DE IVRE PATRON. 459

pro patroni qualitate finienda est, *cap. 3. O. 27. ex. de iure patronatus*: nam eo tempore elapso libere confert ordinarius antistes. Quod si constet, beneficium esse iuris patronatus, & inter litigantes de vnus nominatione conveniat; tum etiam si lis tempore legitimo finita non sit, praesentatio est admittenda, nullum enim inde in ecclesiam damnum deriuatur. Verum praescripta tempora non procedunt, si lis inter patronum & episcopum siue de ipso patronatu, siue de nominati qualitatibus emergat, & quousque quaestio est, patroni nominatio non praescribitur, ne facile sit episcopo excitatis controuersis patronos iure praesentationis spoliare. V. Franc. de Roye in *cap. 3. ex. de iure patronatus*.

§. XII. Qui autem a patrono offertur instituendus, idoneus obtinendo beneficio esse debet; pertinetque profecto ad patroni officium, ut optimi quique beneficiis augeantur. Conc. Tolet. ix. *can. 2*. Idoneus autem ille censetur esse, qui condiciones habet a canonibus ad beneficia adquirenda praescriptas, & in fundatione appositas. Ut vero constet, nominatum esse idoneum, in eius qualitates pro iure suo episcopus inquit, nisi ab vniuersitatibus studiorum praesentatio fiat. *Novel. LVII. cap. 2*. Trident. *sess. VII. de ref. cap. 13*. Quod si examine instituto nominatus idoneus non reperiatur, collator eum a beneficio repellit, *cit. can. II. conc. Tolet.*, modo palam constet, praesentatum esse indignum, *capit. reg. Franc. lib. V. cap. 178.*; nam si in hac re solius episcopi iudicio standum sit, patroni facile iuribus suis exciderent. Hinc ab iudicio collatoris praesentatum veluti indignum reiicientis locus est appellationi. *Garcias de benef. par. X. cap. 4. §. 9*. Vbi nominatus tamquam indignus reiectus est, patronus ecclesiasticus pro ea vice nominatione cadit, non vero laicus, qui alios potest offerre. Franc. de Roye ad *cap. 14. ex. de iure patronatus*.

§. XIII. Praesentatione intra tempus legitimum a patrono facta, tenetur collator antistes beneficium dare praesentato: quae est collatio minus libera, quae stricto sensu dicitur *institutio*. Et si praeter patroni nominationem beneficium detur, institutio nulla est; nominatus enim per praesentationem ius ad beneficium acquirit, *can. 32. C. 16*.

C. 16. q. 7. Tum vero nulla est beneficii collatio, si inuito patrono fiat; nam si nondum tempore ad praesentandum impleto collator beneficium conferat, & patronus eo currente nullum offerat, institutio sustinetur, eique saltem tacite patronus censetur consentire; currente enim ad praesentandum tempore inest antistitibus, licet obstricta, facultas conferendi; & hinc dum patronus iure suo non utitur, firma manet antistitis collatio. V. *Espen. par. II. sect. 3. tit. 8. cap. 5. edit. Neapol.*

§. XIV. Praeter praesentationem etiam alia iura sive utilia, sive onerosa, sive honorifica patronis competunt. Et ad utilia iura quod spectat, patroni ad inopiam redacti ab ecclesiis, quas fundarunt, aut dotarunt, iure exigunt alimenta, eaque ecclesia, veluti vicem rependens, praebet, *can. 30. C. 16. q. 7.* Hinc non omnibus patronis debentur alimenta, sed illis tantum, qui ecclesias fundarunt, vel bonis suis auxerunt, etsi fundator ea de re nihil sibi suisque stipulatus sit, vel iuri nominandi renuntiavit. V. *Espen. loc. cit. cap. 6.* Alimenta autem patrono pauperi ab ecclesia exhibenda sunt pro eius conditione, & ecclesiae redditibus. Porro etiam extra necessitatem potest patronus in fundatione sibi suisque, immo extraneo reservare annuam pensionem, *cap. 16. ex. de censibus*: quae ab episcopo probata & admissa recte exigitur.

§. XV. Illud vero oneris patronis incumbit, ut summa vigilantia ecclesias tueantur, & praeterea videant, num beneficiarii ex ecclesiae sententia sacros prouentus administrent. *Conc. Tolet. ix. can. 1. V. Franc. de Roye proleg. de iure patr. cap. 27.* Itaque si beneficiarii inferiores aliquid de bonis ecclesiae defraudauerint, patroni aut eos amice debent admonere, aut episcopo, sive iudici denuntiare; & si eodem vitio episcopus laborer, metropolitano adire, contra metropolitanum vero Regem ipsum interpellare, quod aperte laudatus canon Toletanus habet. Et quamvis synodus Tridentina *sess. XXIV. de ref. cap. 3.* statuerit, ne patroni administrandis sacramentis, aut visitationi vestimentorum ecclesiae, aut eiusdem prouentibus se immisceant; tamen non videtur sustulisse vigilantiam patronis olim ab ecclesia datam; sed canon iste videtur tantum cauere, ne iunctio ista in abusionem degeneret.

§. XVI.

§. XVI. Demum patronis, qui fundarunt, aut dotarunt ecclesias, debentur iura quaedam *honorifica* interpretibus dicta, idque etsi illi praesentationi renuntiarint. Sunt iura ista signa quaedam honoris & reuerentiae, quibus patronos suos ecclesia colit. Olim non erant determinata, sed in noua disciplina haec passim recepta sunt, *honor processionis, precum, thuris, sedis, aquae benedictae, panis benedicti, & sepulturae*. Honor processionis in noua disciplina exhibetur patrono, si illi in ecclesiam venienti clerus in processionem digestus occurrat, itemque si illi honoratior locus in publica & sollempni processione concedatur. Sed sollempnis occursum tantum regibus & principibus patronis exhiberi solet. Honor precum facit, ut patroni nomen inter publicas preces recitetur. Honor thuris id patrono tribuit, ut thuris suffimen in publicis functionibus patrono speciatim exhibeatur. Honor aquae benedictae facit, ut dum aqua illa adspargitur, praecipue patroni ratio habeatur: & honor panis benedicti id proprium habet, ut patronus ante omnes eum accipiat, & offerat. Honor sedis desert patrono perpetuam & fixam in ecclesia sedem, quae eo honoratior censetur, quo est proximior sanctuario: Et demum honor sepulturae eo spectat, ut patronus honoratiore ecclesiae loco sepeliatur. Ceterum in his signis honoris exhibendis ecclesiarum mores seruandi sunt, tum quod spectat ad exhibitionis modum, tum ad personas, quibus praestantur.

C A P V T XLV.

Quibus conferenda beneficia.

§. I. **B**eneficia iis tantum conferre licet, qui qualitatibus per canones requisitis aucti sunt: quas qualitates separata ab ordinibus beneficiorum collatione noui canones praescripserunt. Principio beneficiorum incapaces

paces ferme laici sunt (a), tantumque clericis & monachis ea conferri debent, & quidem eo discrimine, vt saecularia clericis, regularia regularibus conferantur. V. *Espen. par. II. sect. tit. 1. cap. 3. edit. Neapol.* Sane vita clericalis & monastica sibi invicem aduersantur, & idcirco nec clericis beneficia monastica, quae monachalem disciplinam spectant, nec monachis saecularia beneficia conferenda. Hinc recepta sententia est, saecularia beneficia, quibus nulla subest cura animarum, monachis sine venia pontificis conferri non posse. Verum vtrum similiter pontificis indulgentia necessaria sit, an tantum venia suorum praelatorum requiratur, vt possint monachi & canonici regulares ad parochiales curas promoueri, interpretes disputant.

§. II. Item clericus aut monachus beneficiorum capax debet esse aetate legitima. Et decani quidem, archidiaconi & parochi creati non possunt, nisi vicesimum quintum annum attigerint, quod synodus Lateranensis sub Alexandro III. statuit, *cap. 7. §. 2. ex. de electione.* Et ex cancellariae regula a Paulo III. edita quatuordecim annos nati capaces sunt praebendarum in ecclesiis cathedralibus, decem annos nati in collegiatis inferioribus, & septem annorum aetas sufficit ad capellanias & simplicia beneficia: qua regula statutos annos impletos esse oportet. Verum Tridentina synodus *ses. XXIV. de ref. cap. 12.*, innouato concilii Lateranensis canone, insuper statuit, ad dignitates & personatus, quibus animarum cura nulla subest, clericos *viginti duobus annis non minores*, hoc est maiores, promoueri; ad simplicia vero beneficia obtinenda quatuordecim annos inceptos sufficere, *ses. XXIII. de ref. cap. 6.*, nisi canonicis incumbat onus, quod ordinem sacrum requirat. Sic statuta aetas nihil commune habet cum aetate ad ordines necessaria: & hinc qui ex indulgentia ante annum vicesimum

(a) Tantum ex lege foundationis consensu superioris ecclesiastici probata potest laico patrono praebenda canonicalis vel dignitas reservari, vt apud nos exemplo esse possunt Reges nostri, quibus in basilica S. Nicolai Bariensis ex lege foundationis prima dignitas thesaurarii competit.

munum quintum presbyter creatus est, adhuc incapax ad parochiales curas censetur. Ceterum Tridentinus canon de simplicibus beneficiis ita acceptus est, ut in beneficiis antiquis, hoc est ante eius synodi publicationem fundatis, praesentari & institui valeant clerici septennio maiores; at in novis qui quatuordecim annorum sunt. Verum apud nos pactis conuentis inter Benedictum XIV. & Carolum olim Regem nostrum *cap. IV. n. 5.* haec interpretatio restricta est, & septennio maiores tantum ea antiqua beneficia possunt obtinere, ad quae in tabulis foundationis vocantur.

§. III. Porro qui beneficiis donantur, certo ordine debent esse initiati, aut quamprimum initiari. Et quidem archidiaconi, decani, parochi & quotquot in ecclesiis cathedralibus & collegiatis beneficia obtinent, quibus certi ordines sunt adnexi, intra annum post collatum beneficium ordine necessario debent initiari, *cap. 14. de electione in 6., Clement. 2. de aetate & qualitat. ordinandorum.* Incipit autem annus ex decreto synodi Lugdunensis sub Gregorio X. a die commissi regiminis, *cit. cap. 14.*; at Bonifacii VIII. interpretatione currit a tempore, quo beneficiarius habet *pacificam possessionem*, aut per eum stetit, quo minus haberet, modo ista causa ordinationem non impedierit, *cap. 35. de elect. in 6.* Si praefixo tempore beneficiarius non ordinatur, & beneficium parochiale sit, ipso iure nullaue praemissa monitione paroecia cadit, *cit. cap. 14.*, exceptis ecclesiis collegiatis parochialibus, in quibus beneficiarius legitimo tempore non ordinatus sententia iudicis beneficio exuetur, *cap. 22. eod. in 6.* Haec omnia vera sunt ex generalibus decretalium regulis; nam ex fundatione, aut ecclesiarum moribus saepe ordo necessarius est tempore collationis: quo casu ordo dicitur adnexus *actu*, & ipsam collationem praecedere debet. V. Garciam *de benefic. par. VII. cap. 1. n. 57.* & Fagnan. *ad cap. ut abbates ex. de aetate & qualitat. ordinandorum.*

§. IV. Necessaria quoque est iis, qui beneficiis augentur, scientia, quae functionibus beneficio adnexis respondeat. Ita parochiales curae iis conferendae, qui eminenti rerum diuinarum & sacrarum canonum scientia praef-

praediti sunt; cura enim animarum veluti ars artium merito habetur. Nec minor fortasse scientia necessaria est in dignitatibus & canonicis ecclesiae cathedralis, qui ex noua disciplina ecclesiae senatum, cuius adiutorio & consilio episcopus ecclesiam regere debeat, constituunt. Hinc vota illa synodi Tridentinae, vt in ecclesiis cathedralibus & collegiatis insignibus, dignitates omnes & saltem dimidia pars canonicatum scientia illustribus viris, qui academicis theologiae & iuris canonici gradibus fulgerent, conferantur. Trident. *ses. XXIV. de ref. cap. 12.*

§. V. Iam incapaces beneficiorum sunt clerici a canone alieni, item excommunicati, aliaue censura ecclesiastica irretiti, *cap. 26. ex. de rescriptis, cap. 7. ex. de clerico excomm. ministrante.* Verum natis ex iniustis nuptiis potest episcopus ad minores ordines & simplicia beneficia veniam indulgere, *cap. 1. de filiis presbyterorum in 6.*, modo non sint illegitimi filii clericorum, quibus nec ex venia episcopi licet aliquod obtinere beneficium in ecclesia, vbi pater aliquod beneficium obtinet, aut obtinuerit; idque vt a locis Deo dicatis paternae incontinentiae memoria longe arceatur, *cap. 15. ex. de filiis presbyterorum.* Item filii presbyterorum etiam legitimi, hoc est ante patris ordinationem ex iustis nuptiis suscepti, vetantur obtinere beneficia, quae eorum pater nulla persona intermedia obtinuerit, *cap. 11. ex. eodem*: idque ad extirpandas ab ecclesia hereditarias successiones. Nec capaces sunt beneficiorum clerici coniugati, *cap. 1. & 3. ex. de clericis coniugatis*: quae disciplina inducta est, vbi copia fundorum sacris officiis accessit, ne patres amore filiorum bona ecclesiae in filios transferre studerent. Et demum beneficia ex peculiaribus ecclesiarum & regnorum moribus tantum eiusdem ecclesiae, aut provinciae, aut regni ciuibus conferenda sunt: quod ius etiam obtinet apud nos, litteris enim Caroli VI. beneficia & pensiones huius regni tantum eiusdem ciuibus conferri debent.

§. VI. Ex pluribus clericis, qui nullis impedimentis detinentur, beneficium digniori conferri oportet; peccantque profecto grauiter collatores, qui posthabitis dignioribus dignos beneficiis augent. *Espen. par. II. sect. 3. tit. 14. cap. 2. edit. Neapol.* Sane quo digniores sunt pastores & bene-

beneficiarii, eo melius ecclesia administratur, & in virtutibus proficit: quae ratio etiam locum habet in simplicibus beneficiis. Ille vero dignior censetur, qui praeter aliis secundum praesentem rerum statum ecclesiae utilior esse valeat. S. Thom. 2. 2. q. 63. art. 2. Quod si iure decretalium ratae sint collationes dignis factae, & collatores poenis tum subiiciantur, si indignos beneficiis auxerint, aut elegerint, cap. 19. ex. de praebendis, cap. 7. de electione in 6.; id quidem spectat forum externum ad evitandas lites, at in foro interno procul dubio peccant, qui minus dignos praefecerunt. V. Thomass. de veteri & noua eccles. discipl. par. II. lib. 1. cap. 40.

§. VII. Verum quidem est, iure decretalium non rescindi collationes beneficiorum dignis factas; at quod spectat ad parochias, expressa lege collatores Tridentina synodus adstrinxit; ut eas dignioribus conferant. Et quo melius dignior innotescat, sollemni examine, quod *concursum* vocant, paroecias omnes, etsi reservatas vel adfectas, dandas edixit; nisi admodum exigui redditus sint, aut nemo sit, qui examini se sistat, aut in locis sint aperta factiones, quae in tumultus euaderent; quibus casibus concessum episcopo priuatum examen instituere. Instituire debent examen episcopus ipse, aut, eo impedito, vicarius generalis, & examinatores synodales saltem tres: qui doctrinam, mores, vitam candidatorum explorent, & inde renuntient quotquot idoneos iudicauerint, ex quibus iudicio episcopi seligendus dignior, eique ab eo, cuius est conferre, paroecia danda est. Quod si paroecia sit iuris patronatus ecclesiastici, & institutio ad episcopum pertineat, patronus ex probatis digniorem ei sistere tenetur: si vero alterius sit institutio, episcopus digniorem designabit, quem patronus collatori praesentet. Sed si patronatus sit laicus, a patrono oblatus examini subiiciendus, qui si idoneus reperiatur, admittendus est. Trident. sess. XXIV. de ref. cap. 18.

§. VIII. Haec est forma conferendi parochias, quam Tridentina synodus proposuit, quae etiam iudicio episcopi seligentis standum praecipit, nec appellationem admittit. Inde Pius v. bulla in conferendis, sacra congregatio concilii Clementis xi. iussu, & nouissime Benedictus xiv.

Part II.

G g

bulia

bullæ cum illud LXVIII. exactiorem formam examini instituendo proposuerunt, multa innouarunt, dederuntque etiam facultatem ab irrationabili examinatorum & episcopi iudicio prouocandi, non impedita tamen executione electionis ab antistite factæ. Verum Pii constitutio, quod iura patronorum deminueret, & in collationibus deuolutis ad sedem apostolicam, vel deuoluendis vi eiusdem constitutionis sollempne examen remitteret, nec alibi, nec apud nos recepta est. Quin nec apud nos amplius admittuntur collationes in forma *dignum*, vt dicitur, quibus summus pontifex. resignatas in fauorem pauperum remisso sollempni examine conferre solet.

C A P V T XLVI.

De coniungendis ecclesiis & beneficiis.

§. I. **C**oniunctio ecclesiarum & beneficiorum, quæ communiter *vnio* dici solet, est duarum, pluriusue ecclesiarum seu beneficiorum legitima auctoritate ex iusta causa facta coadunatio. Quæ quidem coniunctio tribus modis fieri consuevit: confusione, si duæ pluresue ecclesiae, seu beneficia in vnum veluti corpus coalescant, & inde vna ecclesia, vnumue beneficium fiat: subiectione, si singulae proprium coetum retineant, sed altera principalis euadat, cui altera tamquam filia & fundus accedat: & demum aequè principaliter, si neutra ecclesia alteri subiiciatur, sed ambabus suum titulum gradumque retinentibus idem minister praeficiatur: qua ratione cathedrales praesertim adunari consueuerunt. Quacumque vero ratione vniantur ecclesiae, seu beneficia, coniunctiones solent esse perpetuae, vt scilicet durante causa non reuocentur.

§. II. Cuiuscumque autem generis ecclesiae & beneficia coniungantur, id superioris ecclesiastici legitima auctoritate fieri debet. Et summus quidem pontifex ampla donatur potestate ecclesias & beneficia omnia coniungen-

di;

di; praesertim vero ei reservata est ecclesiarum cathedralium coniunctio, quod ius in noua disciplina receptum est, *cap. 8. ex. de excessib. praelatorum*; etenim secundum antiquos canones episcopatum adunatio (vt & eorum sectio, & nouae cathedrae institutio) a metropolitano & synodo prouinciae decernebatur. Fleuryus *disc. IV. in histor. ecclesiast. n. 4.* Sed episcopi adunant ecclesias & beneficia suae dioecesis, *cap. 8. ex. de excessib. praelatorum*: quo iure vitur etiam capitulum sede vacante, modo iuri episcopali non derogetur: atque ita nequit adunare beneficia; quae ad liberam solius episcopi collationem pertinent. Inferiores vero antistites, licet ordinaria iurisdictione aucti, ecclesias & beneficia sibi subiecta nequeunt adunare, nisi praescriptione longaeua talem iurisdictionem sibi quaesierint. V. Gonzalez *in cit. cap. 8.*

§. III. Interim coniunctio ecclesiarum & beneficiorum non pro arbitrio superioris ecclesiastici fieri potest, sed ex causis legitimis, quae sunt evidens ecclesiae necessitas, aut utilitas, *cap. 33. ex. de praebendis*, puta quod duae ecclesiae sint adeo pauperes, vt ad victum duorum presbyterorum non sufficiant, aut ecclesiae belli vel temporis iniuria desolatae sint, aut si deminutus sit fidelium numerus, *can. 48. C. 16. q. 1.*, aut si redditus necessarij sint ad adolescentes in seminariis educandos, aut alias ad Dei cultum sustinendum. Trident. *ses. XXIII. de ref. cap. 18. & ses. XXIV. de ref. cap. 15.* Quin nec ex omni causa promiscue omnes ecclesias coniungere licet, nam ad vniendas paroecias maior causa adesse debet. Quod si ex nulla iusta causa coniunctio fiat, ea, veluti peruerrens ecclesiarum statum, rescindenda est. Et hinc statuit Tridentina synodus *ses. VII. de ref. cap. 6.*, ab episcopis expendi coniunctiones perpetuas beneficiorum a quadraginta annis factas, rescindique quas non ex probatis causis factas apparuerit: at hoc decretum, saltem quod spectat ad beneficia adnexa ecclesiis laici patronatus, apud nos receptum non est.

§. IV. Verum non omnia beneficia sine delectu alijs ecclesijs seu beneficijs coniungere licet. Sane non licet episcopis ecclesias mensae suae vel capituli adnectere, *Clement. 2. de rebus ecclesiae non alienandis*. Item vnus

diocesis beneficia alterius dioecesis beneficiis non coniunguntur, Trident. *ses. XIV. de ref. cap. 9.*, & seminariis & canonicatibus exigui redditus tantum beneficia simplicia saecularia vnire fas est. Trident. *ses. XXIII. de ref. cap. 18.* & *ses. XXIV. de ref. cap. 15.* Item non permittit synodus Tridentina paroecias coniungi monasteriis, dignitatibus, praebendis canonicalibus, vel alijs simplicibus beneficiis & hospitalibus, *ses. XXIV. de ref. cap. 13.*; nec porro finit, beneficia liberae collationis adnecti paroeciis, seu alijs iuris patronatus beneficiis, ita vt adnexa beneficia etiam iuris patronatus fiant, additque, a quadraginta annis huius generis peractas coniunctiones ad examen reuocari, *ses. XXV. de ref. cap. 9.* Sed hoc decretum, vt pote deminuens iura patronorum, apud nos receptum non est.

§. V. Quo autem constet de legitimis causis, ecclesiarum coniunctiones sub certo ritu & forma faciendae sunt. Principio vocandi sunt omnes, quorum interest, veluti beneficiorum possessores & populus eius ecclesiae, quae coniungenda est, item patroni, siue laici, siue ecclesiastici, sine quorum consensu beneficia iuris patronatus, praesertim laici, coniungere non licet. V. Turricellum *de unionib. cap. IX.* Vocatis autem omnibus, quorum interest, episcopus cum consilio & adnsu capituli coniunctionem decernit, *cap. 1. & seqq. de his, quae fiunt a prael. sine consensu capituli*, Trident. *ses. XXIV. de ref. cap. 15.* Nec beneficia ad inferiores antistites spectantia possunt episcopi coniungere, nisi ex consensu praelati inferioris, cui ea subsunt. *Clement. 1. de statu monach.*

§. VI. Iam medijs saeculis paroeciae multae monasteriis aut collegiis canonicorum, aut simplicibus beneficiis adnexae sunt, & quidem ferme saluo ecclesiarum statu per subiectionem, nempe vt redditus omnes monasteriis aut canonicis cederent, paroeciae vero saluae remanerent (a).

Quod

(a) Sane multi laicorum a se iure feudi possessas ecclesias monachis & canonicis ex consensu episcopi cesserunt, quae monasteriis & capitulis adnexae sunt. Nimirum saeculo decimo & sequentibus ob malos mores clerici saeculares odio erant: contra

CAP. XLVI. DE CONIVGENDIS ETC. 469

Quod vero in paroeciis, quae monasteriis, capitulis, alterius beneficio adnexae fuerant, cura animarum exerceri debebat; coeperunt monachi & canonici *ecclesiam* ab *altari* distinguere. Dicebant *ecclesiam* bona omnia temporalia & redditus; *altare* vero sacramentorum administrationem & curam spiritualem. Hac inducta distinctione, qui paroecias unitas tenebant, redditus sibi reseruarunt, altare vero presbyteris, qui *vicarii*, & in Gallia *personae* dicebantur *can. 4. C. 1. q. 3.*, committebant. Sed semper ac novus presbyter altari praeficiendus erat, aliquid pecuniae episcopis pendebatur: quae pensatio *redemptio altarium* dicebatur (b): itemque soluebatur episcopo annuus census, ut inde de iure episcopali in paroecias unitas constaret. Quoniam vero redemptionibus altarium ipsa animarum cura vendi videbatur, synodus Claromontana sub Urbano II. eas tamquam simoniacas explosit; sed saluum annuum censum reliquit, *cir. can. 4. V. Thomass. de vet. & nova eccles. discipl. par. III. lib. 1. cap. 10.*

§. VII. Presbyteri, qui a monachis & canonicis ad regendas ecclesias unitas episcopis sistebantur, ubi adsumti erant, pro arbitrio patronorum videntur eiis potuisse: qua ratione non bene curae animarum consulebatur. Quid enim boni sperare licebat a frequenti vicariorum mutatione & a conductitiis presbyteris, qui non iusta sustentatione saepe contenti, plus aequo patronis erant addicti? Hinc saeculo decimo multis canonibus & pon-

G g 3

tificum

tra in novis rei monasticae & canonicae vitae reparationibus monachi & canonici sanctitatis laude inclarescebant. Christ. Lupus *schol. in conc. V. Gregorii VII. can. 9.* Hinc laici nefarium reputantes a se iure feudi paroecias possideri, eas potius monachis & canonicis, quam clericis saecularibus cedere voluerunt. Item mediis saeculis ipsi episcopi & summi pontifices ecclesias multas monachis & canonicis addixerunt ad instaurationem monasticae & canonicae vitae promouendam.

(b) Redemptio altarium ex iure feudali videtur inualuisse, quod Petrus de Marca *in can. VII. conc. Claromontani* observat: iure enim feudali receptum erat, ut quoties novus vassallus feudo donabatur, certam pecuniae quantitatem domino penderet.

titicum rescriptis statutum, vt in ecclesiis, quae monasteriis & canonicis coniunctae erant, perpetui vicarii instituerentur, *cap. 30. ex. de praebendis*: quam disciplinam Tridentini patres *ses. VII. de ref. cap. 7.* confirmarunt. Itaque vicarii euaserunt veri beneficiarii, vtpote qui iure proprio & perpetuo curam animarum acceperunt, tantumque nominis sono a parochis distant. Quae recepta disciplina abbates, canonici aliique, qui ecclesias sic vnitas possident, pastores non re, sed nomine sunt, & tandem dicti sunt *pastores primitiui*: quo verbo tantum significatur, ecclesias in temporalibus vnitas esse, sed spiritualem curam in vicarios perpetuos deuolutam. Interim perpetui vicarii a monasteriis & capitulis nominantur, at ab episcopis, quibus curae spiritualis reddere rationem debent, instituuntur.

§. VIII. Iam vbi redditus integri ecclesiarum vnitatum cedebant monachis, aut canonicis, seu alii beneficiario, iure verendum erat, ne perpetui vicarii fame perirent, si eorum sustentatio arbitrio monachorum & canonicorum relinqueretur. Hinc merito variis canonibus cautum, vt ex redditibus ecclesiae vnitae certa reddituum quantitas assignaretur, quae alendo vicario & curae parochiali sustentandas sufficeret, *cap. 30. ex. de praebendis*; qua portione non assignata vetantur episcopi a monachis nominatos instituere, *cap. 12. ex. eod.* Atque haec est portio *congrua*, quae alias *sufficiens*, *competens* & *competentia pastoralis* dicta est. Tantum vero assignari debet in congruam, *quod rectoris & parochiae necessitati decenter sufficiat*, inquiunt Tridentini patres *ses. XXIV. de ref. cap. 13.*

§. IX. Coniunctioni ecclesiarum & beneficiorum opponitur earumidem dissociatio, qua vna ecclesia vnumque beneficium in duo abeunt. Diuisio ecclesiarum generaliter vetita est, *cap. 8. & 36. ex. de praebendis*, valetque regula, *vt ecclesiastica beneficia sine diminutione conferantur*. Sed ex ecclesiae vtilitate, aut necessitate recte vna ecclesia in duas diuidetur, *cap. 26. ex. eodem*, & quidem eiusdem auctoritate, a quo coniunctio decernitur, iisque, quorum interest, auditis. Immo si coniunctio facta sit ob certam causam, puta belli, aut paupertatis, tunc si
causa

caussa cesset, etiam coniunctio cessabit, Rebus. in *praxi* sit. de *union. reuocatione*; dissociatio enim ecclesiarum favorabilis censetur. Ceterum per dissociationem beneficiis in pristinum statum restitutis, collatio aut praesentatio ad illum spectabit, cuius antea fuerat, nisi in coniunctione collator aut patronus aperte suo iuri renuntiaverit.

C A P V T XLVII.

De renuntiandis & permutandis beneficiis.

§. I. **R**enuntiatio beneficii, quae alias *resignatio* dicitur, est spontanea dimissio ecclesiastici officii, quae ex causa ab ecclesiastico superiore probatur & admittitur. Est vero triplex, simplex seu pura, si absque vlla conditione beneficium apud superiorem eiuremus; in fauorem, si deponamus beneficium sub ea conditione, ut alicui certae personae conferatur; & demum ex causa permutationis, si duo eiurent quidem sua beneficia, at eo pacto, ut alteri alterius beneficium a superiore conferatur. Verum stilo curiae dimissio simplex & pura *renuntiatio* dicitur, at si fiat in fauorem, *resignatio*.

§. II. Simplex beneficii renuntiatio sacris canonibus probatur, modo sponte & ex iusta causa fiat, & sacra antistitis auctoritate probetur, *cap. 4. ex. de renuntiatione*. Renuntiationes beneficiorum a tempore Alexandri III. frequentiores euaserunt: nec in libris decretalium alterius antiquioris pontificis reperiuntur rescripta, quae de iis agant, quod Franc. de Roye *instit. iuris can. lib. II. cap. 18.* obseruat: antiquitus enim beneficia adhaerebant ordinationi, atque ideo clerici potius sacro ministerio, quam beneficiis renuntiabant.

§. III. Permutationes beneficiorum antiquis patribus ignotae, separatis ab ordinatione beneficiis excogitatae sunt. Sed eas statim inuentas ecclesia damnavit, *cap. 8. ex. de praebendis, cap. 5. ex. de rerum permutatione*. Quid enim turpius, quam ut beneficiarii de sacris officiis paci-

scantur, & ea veluti in commercium adducant? Quod vero non vetabatur episcopus mutuo transferre beneficiarios in eas ecclesias, in quibus fidelium vtilitati impensius feliciusque seruirent *cit. cap. 5.*, sensum receptum est, vt beneficia ex causa permutationis dimissa non aliis, quam permutare volentibus conferri liceret, *cap. vn. de rerum permutatione in 6., Clement. vn. eodem.* Hinc coeperunt beneficiarii de permutandis beneficiis inter se pacisci, & pacta conuenta in scripturam redigere, demum episcopum adire: qui degeneres mores ex facilitate episcoporum inualuerunt. Interim si episcopi beneficiarios de permutatione beneficiorum pactos duxerint mutuo transferre, potius ecclesiarum, quam permutantium vtilitatem spectare debent; nam iure canonico pacta de permutandis beneficiis non probantur.

§. IV. Item resignatio beneficii in fauorem naturae sacrorum officiorum aduersatur; officia enim ecclesiastica eius generis non sunt, vt clerici de iis pro arbitrio disponere valeant. Conc. Antioch. *can. XXIII.* Sed demum initio saeculi decimi sexti coeperunt beneficiarii ecclesias & beneficia veluti ex pacto & sub certo modo resignare, vt certo alicui clerico darentur. *Espen. par. II. sect. 3. tit. 10. cap. 1. edit. Neapol.* Quae quidem resignationes, vt pote ex pacto conceptae, turpes habentur, vetitum est enim de rebus spiritualibus pacisci, *cap. 5. ex de rerum permutatione*: saepe etiam beneficia resignantur consanguineis, tantum vt lautius viuant, aut si extraneis, id ex quaestu fieri solet: & demum resignatis beneficiis in fauorem dignioribus aditus ocluditur. Interim sacris canonibus inuitis eiusmodi resignationes frequentiores euaserunt, praesertim in canonicorum praebendis, idque ob pontificis auctoritatem, qua conceduntur, quaque ab omni vitio elui creditum est.

§. V. Iam non sine iusta & probabili causa, quae in ecclesiae vtilitatem cedat, eiurari oportet beneficia; per beneficium enim clerici certae ecclesiae adscribuntur, quod vinculum sine iusta causa soluere non licet. At iamdiu inualuit, vt cuique quodammodo liberum esset, non tantum suum beneficium simpliciter eiurare; verum etiam illud in alterius fauorem resignare, aut cum alio bene-

beneficio permutare : idque ferme sine ulla causa, praesertim si agatur de beneficiis, quibus nulla cura animarum adnexa est. Qui degeneres mores videntur inualuisse ex facilitate episcoporum in admittendis etiam sine ulla causis renuntiationibus, quod ipsis gratum esset nova collationibus alios clericos beneficiis augere. Et quamvis Pius v. in bulla *quanta ecclesiae LVIII.* tantum ex certis causis renuntiationes beneficiorum ab ordinariis antistitibus admitti decreuerit; tamen decretalis ista in multis locis recepta non est.

§. VI. Item ut renuntiatio beneficii recte fiat, interponenda est superioris auctoritas, qui causam expendat, & vinculum, quo renuntians cum ecclesia sua adstringitur, soluat. Superior iste, si episcopus, aut alius ab iurisdictione episcopali exemptus, velit munus eiurare, iure decretalium est summus pontifex, *cap. 2. & seqq. ex de translat. episcopi & cap. 15. ex de renuntiatione*; episcopus vero ubi inferiores beneficiarii suis beneficiis renuntiant, *cap. 4. ex eodem*. Ceterum ex facilitate episcoporum in admittendis renuntiationibus inualuit, ut simplices renuntiationes etiam coram ordinariis collatoribus recte fiant: immo inferiores praelati iure admittunt ex causa permutationis resignationes, modo ad iduis moribus id ius sibi quaesierint. At renuntiationes in fauorem tantum pontificis auctoritate fiunt: cuius reservationis ea ratio vulgo assignatur, ut pontificia auctoritate eluatur labes simoniaca, qua illae infectae sunt (a). Et ubi episcopus permutationes beneficiorum iuris patronatus decernit, audire debet patronos, qui si laici sint, debent etiam consentire.

§. VII. Quisquis vero beneficium ecclesiasticum habet,

(a) Multum quidem haec ratio videtur contulisse, ut resignationes in fauorem soli pontifici reservarentur; at vera non est sententia, quae habet, simoniam in his resignationibus auctoritate pontificis elui posse: etenim quae pacta res spirituales in commercium adducunt, natura sua turpia sunt, nullius auctoritate purganda. V. *Espan. par. II. sect. 3. tit. 10. cap. 2. edit. Neapol.*

bet, si iusta probabilique causa ducatur, illud potest renuntiare, etiam si beneficiarius criminis accusatus, immo etiam si damnatus sit, modo a sententia aduersus se lata appellauerit. V. Flamin. Paril. *de resignat. benef. lib. IX. q. 16.* Sed impubes si beneficio aliquo auctus sit, illud propter consilii infirmitatem eiurare posse non videtur: contra aetate minor etiam sine curatore renuntiare non vetatur, modo fraus omnis absit, minores enim in spiritualibus pro maioribus habentur, *cap. fin. ex. de iudiciis in 6.* Porro, si quis ad sacros ordines beneficii titulo promotus sit, illud vetatur eiurare, nisi eiusmodi promotio exprimatur, & praeterea constet, renuntianti aliunde satis esse ad vitam sustinendam. Trident. *ses. XXI. de ref. cap. 2.* Eiurari vero debet beneficium vel ab ipso beneficiario praesente, vel ab alio, quem ille eius rei gratia specialem procuratorem constituerit.

§. VIII. Iam si quis infirmus resignet beneficium, siue simpliciter, siue ex causa permutationis, siue in favorem, & intra viginti dies a die praestiti per ipsum resignantem consensus ex ea infirmitate moriatur, collatio vi resignationis facta nulla est, & beneficium morte vacare censetur, vt habet reg. xx. ante XIX. cancellariae *de infirmis resignantibus*, quae locum habet etiam in resignationibus, quae coram antistite ordinario fiunt: itemque si resignatio in infirmitate fiat, sed vi supplicationis in bona valetudine signatae, quod a Clemente VII. additum videtur. Espen. *par. II. sect. 3. tit. 10. cap. 5.* Prodiit haec regula ad evitandas beneficiariorum artes & nundinationes, qui dum sibi mortem instare animaduertebant, beneficia sua infirmi resignabant (b).

§. IX.

(b) Ex regula de infirmis resignantibus alia regula cancellariae *de publicandis resignationibus* originem habuisse videtur, quae habet, resignationes in loco beneficiorum debere publicari, & novos beneficiarios possessionem petere, idque intra sex menses a die datae supplicationis, si resignationes Romae, intra mensem, si alibi factae sint; beneficia vero vacare per obitum, si resignantes post statuta tempora in possessione decesserint; & collationes illorum, tamquam resignatione vacantium factas, & omnia

CAP. XLVII. DE RENUNTIANDIS ECT. 475

§. IX. Per superiorem admissa & iure impleta renuntiatione, ius renuntiantis ad beneficium prorsus extinguitur, illudque in nouum beneficium facta collatione transmittitur; & hinc qui beneficium eiurauit, illud amplius repetere vetatur, *cap. 3. §. 6. ex. de renuntiatione*, Trident. *ses. XXV. de ref. cap. 7.* Verum in renuntiatione ex causa permutationis si ex vna parte collatio facta sit, tum alter praemoriatur; & in resignatione in fauorem si illi, cuius causa eiuratum est, beneficium non conferatur, licet renuntiantibus sua beneficia repetere. Huiusmodi enim renuntiationes sub conditione, seu potius sub certo modo conceptae sunt, atque ideo modo non impleto resolvuntur. V. Flamin. Paris. *de resignat. benef. lib. I. q. 2. & 3.* Quin locus est regressui, etiam vbi utrimque perfecta permutatione, ex interuallo alterius beneficium ex defectu iuris permutantis euincatur, vel litigiosum aut fictum appareat: quippe quod collatio sub certo modo facta etiam ex interuallo resolvitur. Interim vbi locum habet regressus, ex multorum sententia moribus probata sine noua collatione regrediens repetit beneficium, modo alteri vim non inferat, sed legitima auctoritate apprehendat possessionem. V. *Espen. loc. cit. cap. 7.*

CA-

& omnia deinceps acta nullius momenti esse. Vbiq; serme obtinuit regula ista vsque ad Gregorium XIII. qui edita bulla *humano vix iudicio LXXXV.* nouam beneficii resignati publicationis formam constituit, contra quam factas resignationes irritas declarauit, & beneficia ipso iure vacantia pontificiae collationi addixit. Hinc regula de publicandis resignationibus Romae neglecta est, nec inter regulas cancellariae deinceps relata. In multis prouinciis Gregorii bulla recepta non est, at apud nos admissa, nisi in eo, quod collationi pontificiae reservabat etiam laici patronatus beneficia, quae ob omissionem Gregorianam publicationem vacabant.

C A P V T XLVIII.

De pensionibus ecclesiasticis.

§. I. **P**ensio in re canonica est quaedam beneficii delibatio, qua ex eo, quod totum beneficiarii foret, pars aliqua decerpitur, & alteri clerico ex iusta causa assignatur. Sunt vero pensionum duae potissimum species, aliae decerpuntur a beneficiis, & dantur clericis, qui vel tamquam perpetui vicarii ecclesiae deseruiunt, vel ecclesiae in subsidium addicuntur; aliae vero absque villo onere clericis non deseruientibus conceduntur: de qua postrema pensionum specie hic agendum est (a).

§. II. Pensiones tantum eleemosynae titulo constitui possunt clericis, qui ecclesiae non deseruiunt: tantum enim ratione seruitii, aut ratione paupertatis licet de altari viuere. Hanc esse pensionum naturam contestati sunt sapientes illi theologi a Paulo III. de reformanda ecclesiae disciplina percontati, *nulla alia de causa nulloquo alio iure pensiones constitui possunt, nisi ut quaedam eleemosynae, quae in pios usus indigentibus concedi possunt.*

§. III.

(a) Vfus pensionum in ecclesia satis antiquus est; patres enim aequitati conuenire iudicarunt, vt clericis pauperibus, qui ex iusta causa ecclesiae suae non deseruirent, de bonis ecclesiasticis alimenta praeberentur. Conc. Ephesin. aet. VII. epist. ad synodum Pamphyliac, Chalced. aet. X. XII. & XIV. Pensiones autem istae, vbi adhuc redditus ecclesiastici in vnam arcam confluxebant, admodum rarae videntur fuisse; singuli enim clerici ab ecclesia sua accipiebant victualia, ac proinde raro contingebat, vt clericus non deseruiret, & pensione aliqua augeretur. Sed institutis beneficiis euaserant frequentiores; ea enim facta institutione multi clerici sine beneficiis creati sunt, exortique multi, qui ex redditibus ecclesiae sine villo labore viuere in deliciis habuere.

§. III. Verum quum facilis sit ab iusto ad iniquum transitus, vbi beneficia instituta sunt, pensiones a primigenia natura degenerarunt & aliam veluti formam induerunt. Sane pluralitas beneficiorum toties sacris canonicis excisa degeneribus pensionibus ferme aut retenta, aut restituta est, saltem vt profani clerici (quod appetebant vnum) ampliores redditus acquirerent: qui enim beneficium habent, iure ex alienis beneficiis pensiones percipere posse credunt. Clericis quoque diuitibus pensiones constitutæ, & quidem ea vbertate, vt integros paene redditus absumerent: & hinc beneficiariis alimenta subtracta, pauperibus nihil relictum, sacra supellex vilis & neglecta, sacrae aedes collapsæ. Itaque inualuit sententia, pensiones esse odiosas, & sacris canonibus aduersas, idque in tanto earum abusu verum est; nam si pensiones in sua origine spectentur, nihil habent a canonum doctrina alienum.

§. IV. Iam pensiones ex iusta causa constitui possunt, veluti si quis clericus de ecclesia sua benemeritus, aut inops sit, aut mala valetudine laboret. Moribus receptis ex causa pacis conciliandæ, veluti si beneficium litigiosum sit, ex causa renuntiationis siue puræ, siue in fauorem, & ex causa permutationis beneficiorum vt plurimum pensiones decerpantur. Nec dubium est, ex his causis recte pensionem constitui, modo superioris auctoritate, non partium conuentione procedat, negotium omne ex ecclesiae vtilitate suscipiatur, & clerici, quibus assignatur, pauperes sint. At vt habent recepti mores, pensiones ex his causis fere nefariae sunt, & hominum profanorum praedæ res pauperum obiciunt. V. *Espen. par. II. sect. 3. tit. 11. cap. 3. edit. Neapol.* Sane dum beneficium litigiosum est, saepe ex pacto litigantium pensio procedit: idque transactionis species est, quæ in rebus spiritualibus nefaria censetur, *cap. 7. ex. de transactionibus*. Porro nullo iure nititur pensio, quam alter deposcit tantum, quod in fauorem eiurat beneficium: & si resignat tantum, vt onere se eximat, & fructus colligat, (quod saepe fieri solet) quid aliud hoc est, quam redditus sacros diripere? Et quæ imponantur pensiones in permutandis beneficiis, vt eorum inaequales prouen-

tus

tus ad aequalitatem reducantur, sacra officia, tamquam si essent res profanae, in commercium adducunt.

§. V. Nec tantum ex iusta causa, verum etiam superioris auctoritate pensiones decerni debent. Et olim quidem redditibus ecclesiae in vnam arcam confluentibus, episcopi pro iure suo decerpabant pensiones, portiones nempe communis aëarii non seruiantibus clericis in eleemosynam assignatas. At institutis beneficiis, quibus proprii redditus perpetuo cesserunt, sensim ad vnum pontificem deuoluta est pensionum decerpendarum potestas: idque ea ratione, quod in earum concessione deberent canones relaxari, qui beneficia scindi vetant, *cap. 8. ex. de praebendis*, aut iis ab episcopo onus imponi, *cap. 7. ex. de censibus*. Non desunt tamen interpretes, qui docent, etiam episcopis ius esse pensiones imponendi. Garcias *de benef. par. I. cap. 5. §. 2.* At vbi episcopi pensiones concedunt, ex receptiore sententia distat inter pensionem ab episcopo & a pontifice impositam: haec enim ipsi beneficio imposita censetur, ac veluti species seruitutis ecclesiasticis regulis aduersa reputatur; illa vero tantum beneficiarium addicere creditur, cuius morte extinguitur.

§. VI. Quantitas pensionis moderata esse debet, vt integra beneficiario supersit sustentatio, & praeterea talis redditus, qui beneficii oneribus sufficiat. Et propterea naturae huius vestigialis aduersatur, vt integri fructus pensionibus absumantur. Hinc statuerunt Tridentini patres *ses. XXIV. de ref. cap. 13.* ne pensionibus onerari possent cathedrales ecclesiae, quae mille ducatos annuos, & parochiales, quae centum suis fructibus non superent. Receptum quoque est, vt si resignetur canonicatus, aut similis dignitas, pensio non delibetur, nisi redditus sint ultra centum ducatos. Flamif. *Parif. de resignat. benef. lib. VI. §. 2.* Et in beneficiis, ex quibus pensiones decerpere licet, sola dimidia aut tertia fructuum pars plerumque a pontifice solet reservari, teste Fagnano. Quaecumque vero pars decerpatur, in pecunia, non in fructibus constituenda est, idque vt evitentur discordiae, quae ex fructuum communione oriri solent.

§. VII. Pensiones autem beneficia proprie sic dicta non censentur, quod Duarenus *de fact. ministeriis lib. VI.*

cap. 4.

cap. 4. post alios recte observat; nec enim propter aliquod sacrum ministerium constitui solent. Hinc mortuo creditore non dicuntur vacare, ut impetrari, sicut aliquod beneficium, possint; sed velut ususfructus extinguuntur. Remittuntur etiam absque villa antistitis venia; at beneficium, nisi superioris auctoritas accedat, non recte ciatur. Quamvis vero pensio beneficium non sit, est tamen beneficii loco, praesertim si eleemosynae modum excedat. Et profecto Sixtus v. voluit, ut tantum clerici pensionibus augeri possint, qui eo reditu aucti ex Pii v. bulla *ex proximo* quotidie officium B. Mariae virginis debent recitare. Nec videtur dubitandum, debere clericos pensionibus auctos ecclesiae generalis commodis adlaborare, & saltem ecclesiae, cui eos addixit ordinatio, deservire. Ignavos fucos qui alet ecclesia?

§. VIII. Iam pensiones a pontifice constitutae inhaerent beneficio; illudque comitantur ad quamcumque personam transeat. Interim pensio extinguitur morte creditoris, degradatione, crimine haereticis, aut laesae maiestatis, percussione cuiusvis cardinalis, aut episcopi, in cuius dioecesi pensio constituta est, item matrimonio, religiosa professione, remissione, & interitu rei, cui pensio erat imposita. V. Caballut. *theor. & prax. iur. canon. lib. II. cap. 14. n. 15. seqq.* Porro extinguitur pensio redemptione, quae fit repraesentatis; seu in antecessum solutis aliquot annis pensionum solutionibus, idque pontificis auctoritate (a). Nec tantum redimuntur pensiones, verum etiam in alterum transcribi possunt; modo transferendi potestas a pontifice facta sit. Hieronym. Gigas *de pensionib. quaest. XII.*

CA-

(a) Vulgo eo colore probantur pensionum redemptiones, quod repraesentatis istis solutionibus beneficia onere imposito liberantur. At qui cernunt acutum, novum commercii genus redemptionibus saepe inesse non dubitant. Nam qui resignant in favorem, saepe quaerunt clericos pecuniosos, qui statim reservatas pensiones possint redimere. Quo casu redemptio pensionis a beneficii venditione vix aliquid distat.

C A P V T XLIX.

De peculio clericorum.

§. I. **B**ona clericorum duplicis generis sunt, priuata scilicet, seu patrimonialia, quae ex ciuilibus causis acquiruntur; & profectitia, quae ex redditibus ecclesiasticis & sacro officio obueniunt. Et profectitia quidem peculii instar habentur, siue seruorum, siue profectitii filiorumfamilias; beneficiarii enim domini non sunt reddituum ecclesiasticorum, sed nudam habent administrationem, quod superius *cap. XXXIV.* dictum est; & hinc quidquid ex redditibus ecclesiasticis clerici possident, *peculii* nomine dici potuit exemplo peculii seruorum & profectitii filiorumfamilias, cuius vsus & administratio penes seruum filiumue, dominium penes dominum patremue erat. Porro haec eadem profectitia clericorum bona post eorum mortem *spolia* dicta sunt: idque quod clerici exemplo monachorum ad mortem decumbentes, consueverunt rebus peculiaribus se vltro spoliare, ne ecclesia damnum vllum sentiret.

§. II. Quod spectat ad bona priuata seu patrimonialia, clerici sunt eorum domini, atque ideo de iis siue inter viuos, siue testamento statuere possunt, & si intestato moriantur, locus est legitimae successioni. *Can. apostol. XL.*, conc. Antioch. *can. XXIV.*, *L. 42. §. 2. C. de episc. & clericis.* Censentur autem bona priuata & patrimonialia, quae episcopus aut beneficiarius ante ordinationem ex quacumque causa adquisierit, & quae post ordinationem non intuitu ecclesiae parauerit, *cir. L. 42. §. 2., can. 2. C. 12. q. 3.* Quod si clerici intestato decedant nullis relictis heredibus siue ciuili, siue honorario iure vocatis, eorum priuata bona ecclesiae, cui fuerant addicti, adscribebantur, *L. 1. C. Th. de bonis clericor.*

§. III. Verum enimvero de bonis profectitiis, hoc est intuitu ecclesiae quaesitis, clerici in veteri disciplina non minus

CAP. XLIX. DE PECVLIO CLER. 481

minus iure civili, quam sacris canonibus testari vetabantur *can. XL. apostol., cap. 7. & seq. ex. de testamentis, L. 42. §. 2. C. de episc. & clericis (a)*: nec enim talium bonorum domini erant, sed meri procuratores.

§. IV. Quando igitur clerici domini non sunt rerum ecclesiasticarum, atque ideo vetiti sunt de rebus inde quaesitis testari; profecto spolia decedentium beneficiariorum iure peculii ad ecclesiam reuerti debent, *can. apost. XL., conc. Antioch. can. XXIV., L. 42. §. 2. C. de episc. & clericis*. Hinc synodus sexta oecumenica statuit, vt mortuo episcopo res eius aut ecclesiae, donec alius episcopos constituitur, clerus eiusdem ecclesiae custodiat, *can. 48. C. 12. q. 2.* Nomine ecclesiae, ad quam pertinebant spolia decedentium beneficiariorum, ante beneficiariorum institutionem veniebat commune ecclesiae matris aerarium; at postea venire coepit ecclesia, in qua beneficium fundatum est. Hinc si canonicus aliquis decedat, capitulum spoliiorum eius curam habere & canonicamtributionem facere debet, successor vero in beneficio eam curam habet, si parochus aut alius beneficiarius moriatur, *cap. 12. ex. de testamentis (b)*.

Pars II.

Hh

§. V.

(a) Principio tantum intestabiles facti videntur episcopi & administratores ecclesiarum & xenodochiorum, *can. XL. apostol., L. 42. §. 2. C. de episc. & clericis*, non vero reliqui clerici, qui ex legibus Iustiniani de rebus quomodocumque quaesitis testari poterant, etsi essent sub patris potestate, tamquam si bona ista castrensis peculii instar essent, *novel. CXXIII. cap. 19.* Nempe episcopi & rerum ecclesiasticarum procuratores facile ex pauperum patrimonio multa poterant comparare; sed reliqui clerici (vtpote qui quotidianis ad necessitatem sportulis viuerent) non adeo multum ex altari poterant acquirere, vt iis testamenti factio iure interdiceretur. Deinceps vero vbi beneficia instituta sunt, quibus vberes redditus perpetuo cesserunt, beneficiariis omnibus de rebus profectiis testari interdictum est, *cap. 1. ex. de peculio clericorum, cap. 7. & seq. ex. de testamentis*.

(b) Spolia decedentium beneficiariorum veluti iure peculii ad ecclesiam pertinent; at antiquus morbus est, quo clerici statim ac episcopus animam efflauerat, ea diripere & inuadere consue-

482 INSTITVT. IVRIS CAN. PARS II.

§. V. Interim post instituta beneficia episcopi nonnulli aut assiduis moribus, aut sedis apostolicae priuilegio spolia inferiorum beneficiariorum intestato decedentium, quae ad ecclesiam pertinebant, sibi coeperunt vindicare, *cap. 18. ex. de verb. signific., cap. ult. de officio ordinarii in 6.* Abbates quoque quidquid a prioribus sibi subiectis congestum fuerat, post eorum mortem saepe occupabant. Nec sane eiusmodi consuetudines, aut priuilegia a natura rerum ecclesiasticarum abhorrebant, modo episcopi in vsus canonicos accepta spolia tribuerent. Summi rerum ecclesiae procuratores erant episcopi, & quidquid inferioribus beneficiariis cessit, id veluti precario datum videbatur. Quod si beneficiarius decedens, voluntatem suam quomodocumque declaret, cui pio vsui impendi velit, quae ipse relinquet, spolia, cessat episcopi priuilegium, vt de bonis illis disponat, *cap. 13. ex. de testamentis.*

§. VI. Quod vero mirum videri debet, labentibus annis in multis ecclesiis sensim inualuit, vt beneficiarii etiam de rebus ab ecclesia profectis testarentur: idque primum locum habuit in mobilibus, & quidem ea moderatione, vt posset beneficiarius pauperibus, aut aliis, qui viuenti seruierant, aut religiosis locis aliquid relinquere *cap. 12. ex. de testamentis*; tum receptus mos sensim conualuit & aliam formam induit, qua liceret clericis & mobilia & immobilia occasione ecclesiae quaesita etiam
non

verint. Hinc synodus Chalcedonenfis *can. XXII.* depositionem intentauit clericis, qui tale facinus auderent. Sed semel vsurpatae direptiones inde a clericis continuatae, & eorum fortasse exemplo deinceps laici, praesertim duces & comites, spolia episcoporum & parochorum, vt & bona ecclesiarum vacantium, inuaserunt. V. Thomass. *de vet. & noua eccles. discipl. par. III. lib. 2. cap. 54.* Ergo synodus Lateranensis sub Innocentio II. canonem Chalcedonensem renouauit, damnavitque consuetas spoliatorum episcoporum direptiones, *can. 47. C. 12. q. 2.* Et summi imperantes in diem crescentibus spoliatorum & bonorum ecclesiae direptionibus, quae sede vacante contingebant, ecclesiarum vacantium custodiam sibi vindicarunt, qua de re superius dictum est *cap. XXXV. §. 5.*

non pauperibus testamento relinquere: qui mos saeculo decimo quinto & in Gallia & Hispania obtinebat. Non parum his moribus inducendis contulit testandi venia ab episcopis & pontifice saepe beneficiariis concessa, & difficultas patrimonialia a profectitiis discernendi. Spectabat vero haec testandi facultas praesertim beneficiarios, nam episcopi ferme antiquae disciplinae suberant, nisi indulgentia speciali sedis apostolicae testamento factio concederetur. Quin ex generali regni Galliae consuetudine beneficiariis intestato decedentibus heredes legitimi etiam in bonis ab ecclesia profectis succedunt. Broudaeus not. ad Louetium.

§. VII. Sed tandem in spolia beneficiariorum manus iniecerunt Romani pontifices, eaque fisco pontificio cedere iusserunt: idque contigit sede apostolica Auenionem translata, & praesertim schismatis deinceps secuti tempore, ut pontifices satis pecuniarum ad se tuendos & partes suas sustinendas corraderent, cessitque res ex voto pontificum, nullo ferme aduersante. Thomass. de vet. & noua eccles. discipl. par. III. lib. 2. cap. 57. Hinc missi in multas prouincias exactores, collectores dicti, qui beneficiariorum spolia colligerent, & fisco pontificio inferrent: restituta vero ecclesiae unitate semel receptae exactiones in plerisque locis continuauerunt. Et quo quaestus vberior esset, Pius IV. irrita pronuntiauit testamenta praelatorum & beneficiariorum, qui de bonis profectitiis restarentur, nisi papa, cuius erant haec spolia, permittente. Item idem pontifex edita bulla *decens esse* spolio contineri voluit etiam bona, quae sibi clerici negotio, vel alio illicito quaestu parassent, quod supra modum fisco pontificio profuit.

§ VIII. Nonitates istae, quibus spolia decedentium beneficiariorum in fiscum pontificium deuoluebantur, in multis christianis prouinciis receptae sunt: in Gallia initio etiam admissae, sed inde constanter reiectae. Apud nos sub regibus Andegauis pontifices spolia decedentium beneficiariorum occuparunt, sub Aragonensibus restituta est ecclesiae disciplina, regno collectoribus eiectis; at sub Austriacis iterum spolia in fiscum pontificium illata. Initio tamen beneficia regiae collationis a spoliis pontificiis

subtracta sunt : tum litteris Caroli olim regis nostri etiam beneficia omnia iuris patronatus regii & feudalis, & beneficia, quae redditum triginta ducatorum auri de camera non excedunt, exempta sunt.

§ IX. Spoliis episcoporum & beneficiariorum ad fiscum pontificium deuolutis, ecclesia non minus, quam respublica turbata est: nam exactores pontificii inter spolia etiam vasa & ornamenta ecclesiarum, vt & bona privata clericorum, censebant, omniaque illegitimis modis inuadebant, perturbabant. Quae incommoda praesertim in regno Apuliae inualuerunt, vbi sub regibus Andegauis & Austriacis aut non ita pontificiae admissae, aut non qua opus erat constantia reiectae. Sed tandem regni beneficiarii tot molestiis liberati sunt; non quidem restituta ecclesiastica disciplina, sed de spoliis cum Sisto v. inita transactione, qua pleraque capitula ecclesiarum cathedralium pro spoliis canonicorum & beneficiariorum totius dioecesis annuam pecuniae quantitatem fisco pontificio soluendam promiserunt; & vicissim summus pontifex spolia remisit, & beneficiariis facultatem de rebus profectitiis testandi concessit, easque ad heredes legitimos transmittendi, exceptis tantum rebus illicita negotiatione quaesitis. Interim episcopi, abbates & reliqui inferiores praelati transactione hac comprehensi non sunt: quibus propterea morientibus spolia adhuc in summi pontificis fiscum inuehebantur: idque stetit vsque ad Innocentium XII., qui edita bulla *inscrutabili* iura camerae apostolicae in colligendis spoliis episcoporum & praelatorum huius regni prorsus aboleuit, eaque ecclesiis restituit, ita tamen vt liceret antistitibus in suarum ecclesiarum cathedralium & paroeciarum vtilitatem disponere.

C A P V T L.

*De immunitate a tributis ecclesiarum bonis
& clericis concessa.*

§. I. **T**ributum est pecunia, quae ciuibus ad reipublicae onera sustinenda imperatur; inde vero nomen accepit, quod ubi primum Romae impositum est, tributum a singulis pendebatur. A tributis iure Romano distabant proprie sic dicta *vestigalia*, quae alio quouis nomine imposita erant, veluti pecunia, quae portorii, vel salis, vel vicesimae nomine exigi solebat: Samuel Petiti. *var. lect. lib. II. cap. 1.* Sed tributa duplicis generis erant, vnum capitibus liberis vel ratione habitationis vel artificii, alterum fundis impositum erat. Vtraque vel ordinaria, vel extraordinaria erant. Ordinaria, quae vocari solent *canones & indictiones*, ordinario iure pendebantur: extraordinaria pro reipublicae necessitate supra canonicas indictiones, quousque necessitates vrgerent, imponebantur: & hinc vocari solebant *superindicta*, exstatque titulus in utroque Codice *de superindicto*.

§. II. Praeterea iure Romano erant quaedam extraordinaria munera tributis adfinia, quae ciuium capitibus & bonis imminebant, & *sordida munera* dicebantur, qualia erant pollinis conficiendi cura, panis excoctio, pistrini obsequium, angariae & parangariae, viarum & pontium constructiones & reparationes, aliaque manualia opera, quae Iac. Gothofredus in *L. 15. C. Th. de extraordinariis siue sordid. muneribus* enarrat. Angariae & parangariae erant iumentorum & plaustrorum praestationes, ad annonae militaris aliarumque specierum fiscalium transuectionem: & angariae quidem, si transuectiones fiebant via publica & ordinaria; parangariae vero, si extra viam publicam, ubi cursus publicus dispositus non erat. Verum in muneribus sordidis distinguere oportet munus personis impositum a pecuniae praestatione, quae ratione muneris praestabatur. Proprie munus sordidum erant ipsa ma-

nalia opera ; nam pecuniae praestatio potius erat tributum superindictum.

§. III. Iure gentium praedia ecclesiarum , clerici & eorum bona tributis subiacent , eaque ex forma cuiusque reipublicae debent inferre . Nimirum placuit inter gentes , vt pecunia , quae ad sustinendas reipublicae necessitates necessaria est , ex ciuium collationibus , quae & ipsis capitibus liberis & agris & aliis fortunis imponuntur , colligatur . Et quoniam bona ecclesiarum , etsi piis vsibus addicta , adhuc manent sub civili imperio , & clerici per domini sortem non desinunt esse ciues ; hinc fit , vt iure gentium non minus bona ecclesiarum , quam ipsi clerici eorumque bona tributis subiaceant . Hoc gentium ius ipsi veteres patres adgnouerunt , & apertis verbis professi sunt , bona ecclesiarum tributis subiacere . *Si tributum petit imperator , inquit Ambrosius orat. contra Auxent. cap. XXXII. , non negamus . Agri ecclesiastici solunt tributum . Soluimus , quae sunt Caesaris , Caesari ; & quae sunt Dei , Deo . Tributum Caesaris est , non negatur . Et vt alios mittam , Augustinus de catechiz. rudib. cap. XXI. ex apostoli sententia , quae habet , omnem hominem potestatibus sublimioribus subiectum esse , & ex subiectione tributa deberi , docet , etiam clericos saluo Dei nostri cultu tributa soluisse ; idque etiam ipsum dominum fecisse , vt nobis huius sanae doctrinae praeberet exemplum (a).*

§. IV. :

1. (a) Huic doctrinae obstare videntur Bonifacius VIII. & synodus Tridentina , quorum ille docet , ecclesias , clericos & eorum bona etiam iure diuino a saecularibus exactionibus esse immunes , cap. 4. de immunit. ecclesiarum in 6. ; haec vero habet , immunitatem ecclesiae & personarum ecclesiasticarum *Dei ordinatione & canonicis sanctionibus constitutam , ses. XXV. de res. cap. 20.* Verum haec dicta non sunt nimium virgenda , sed potius benigna interpretatione emollienda , vt hanc sententiam habeant , immunitatem ecclesiarum & clericorum ab oneribus civilibus esse consonam iis , quae in scripturis consignata sunt , vbi legitur regem Pharaonem & Artaxersem a tributis tertiam & personas sacerdotum exemisse . *Genf. XLVII. v. 26. & Esdrae 1. cap. 7. v. 24.*

§. IV. Quoniam vero aequum erat, ut praedia christianis sacrisque usibus dedicata, tributis non subiacerent, & clerici in ciuitate essent gratiosi; pro pietate sua christiani principes & ecclesias & clericos a multis publicis oneribus exemerunt. Et primū quidem Constantinus M. initio imperii sui bona ecclesiarum a tributis omnibus videretur exemisse, *L. 1. C. Th. de annona & tributis*. Sed auctis ecclesiarum praediis sequentes imperatores concessam immunitatem, velut reipublicae grauem, sustulerunt: certe enim Ambrosii aetate ex agris ecclesiarum tributa pendebantur. Inde Honorius & Theodosius Iunior praedia *usibus caelestium secretorum* destinata a superindictis & sordidis muneribus, non vero ab ordinariis & canonicis illationibus, exemerunt, *L. 40. C. Th. de episcopis & clericis*. Concessa vero a superindictis immunitas non semper generalis fuit; etenim deinceps ecclesiae subiectae fuerunt angariis & parangariis; si ipse imperator iter faceret, *L. 21. C. de cursu publico*, item superindictis ad viarum & pontium munitionem & instaurationem, *L. 6. C. Th. de itinere muniendo*.

§. V. Porro christianorum imperatorum priuilegio clerici a tributis pro capite libero exempti sunt. Binghamus *orig. eccles. lib. V. cap. 3. §. 2*: Sed pro reliquis illationibus Constantius clericos nouis collationibus, onere metati, seu recipiendi hospitio milites & officiales imperii transeuntes, ab exactionibus ob mercaturam alimoniae causa susceptam, item a sordidis muneribus & personalibus omnibus oneribus exempt, *L. 8. & 10. C. Th. de episcopis & clericis*. Quam immunitatem post synodum Ariminensem idem Constantius reuocauit edita lege, qua priuati clericorum fundi fiscalibus pensitationibus subiecti sunt, tantumque iis data exemptio a sordidis muneribus & illatione pro mercatura, si exiguis vacarent negotiis, *L. 15. C. Th. eodem*. Sed deinceps clerici ab extraordinariis collationibus & sordidis muneribus immunes facti sunt, quod ex quadam Honorii & Arcadii lege constat, ut hi, qui ecclesiae obtemperant, his, quibus ecclesia, beneficiis persuantur, *L. 30. C. Th. eodem*.

§. VI. Immunitas a tributis ecclesiarum bonis iure ciuili concessa, vbi in Europa ex ruinis Romani imperii

noua regna emerferunt, in diem creuit, praesertim regum Francorum secundae stirpis liberalitate. Sane Carolus M. a tributis Regi pendi solitis bona ecclesiarum & earum homines exempt, *capit. reg. Franc. lib. V. cap. 187.* Verum haec exemptio praecipue spectabat canonicas illationes, nam a quibuldam extraordinariis oneribus ecclesiae immunes non erant, veluti si ageretur de munien- dis itineribus & pontibus reficiendis, si tamen illae eo loci haberent possessiones, *capit. lib. VI. cap. 107.* Item oneri metati, hoc est hospitii, ecclesiae subiectae erant, si imperatores eorumque consanguinei, aut palatini officiales, aut legati iter facerent. Praeterea quae sibi noua praedia ecclesiae comparabant, oneribus publicis, quibus antea obnoxia fuerant, subiiciebantur, nisi peculiari regum concessione eximerentur, *capit. lib. III. cap. 86.*

§. VII. Verum enimvero immunitas ecclesiis in capitularibus concessa praecipue spectabat tributa, quae regibus pendebantur: nam quod spectat onera seu seruitia senioribus debita, tantum *mansus*, decimae, oblationes, domus & hortus fruebantur immunitate; & si quid amplius ecclesiae haberent, consuetis seruitiis subdebantur, *capit. reg. Franc. lib. I. cap. 19. & lib. V. cap. 45. Mansus* erat certus agri modus, a manendo fortasse dictus, quod quifque colonorum cum familia sua in eo moraretur. *Car. Dufresne gloss. med. & infimae latinit. v. mansus.* Itaque hac aetate conditione meliore erant urbanae quam agrestes ecclesiae: illae enim, quod in ciuitatibus nulli erant seniores, generali fruebantur immunitate; haec vero immunes erant a regum vectigalibus; at quod spectat ad seruitia dominorum, praedia ultra mansum, domum & hortum iisdem suberant (b).

§. VIII.

(b) Sub regibus Francorum secundae stirpis iam erant constituta feuda, & seniores, qui erant domini vicorum, a praediis & incolis multa exigebant seruitia, quae erant *annui census, xenia, pastus, paraueredi, seu caballorum saginationes*, ut synodus Trosleiana anno 1000. *cap. VI.* expressit. Quoniam vero a seruitiis, quae senioribus debebantur, aequum non erat generalem ecclesiis agrestibus concedere immunitatem, (seniores

§. VIII. Concessa ex forma capitularium bonis ecclesiasticis a tributis immunitas in Gallia, Italia & reliquis Occidentis prouinciis diu stetit; at post saeculum decimum latius producta est, adeo ut omnia paroeciarum bona etiam a seruitiis dominorum exempta sint. Interim coeperunt ciuitatum rectores extraordinariis oneribus ecclesiarum bona grauare. Hinc synodi Lateranenses sub Alexandro III. & Innocentio III. generalem immunitatem rebus ecclesiarum dederunt, seu potius confirmarunt, excommunicatione comminata contra rectores ciuitatum, qui ecclesiis collectas imponerent, nisi in publica necessitate, aut utilitate ipsi clerici symbolas sponte conferrent, *cap. 4. & 7. ex. de immunitate ecclesiae*. Ita veluti iure proprio a synodis conditi canones, qui bona ecclesiarum a tributis eximerent, idque contra morem vetustatis, qua quidquid eius rei erat, a principibus statuabatur, aut expetebatur, & ex forma legum ciuiliū aut ad sensu principum inde canones condebantur. Ergo saeculo decimo tertio bona ecclesiarum a tributis erant exempta, contra vero bona priuata clericorum iis erant addicta (c).

§. IX.

niores enim regibus militiam & obsequia debebant) principes mansum ecclesiarum, qui veluti dos paroeciae habebatur, & praeterea decimas, oblationes, domum & hortum a seruitiis dominorum exemptum; non si quid ultra ecclesiae possiderent.

(c) Synodus Melphitana sub Urbano II. *can. XI.* & Narbonensis anno MDCCXXVII. *can. XII.* iure veluti proprio bona clericorum a tributis exemerunt. At canones isti populorum moribus recepti non videntur: quod constat Friderici II. verbis ad Gregorium IX. summum pontificem, qui querebatur, quod Fridericus contra formam pacis tributa ecclesiis & monasteriis imposuisset: *talliae & collectae clericis & personis ecclesiasticis, non pro ecclesiasticis rebus, sed pro feudalibus & patrimonialibus imponuntur, secundum quod est ius commune, & obtinet ubique per orbem*. Talliae erant praestationes, siue tributa sic dicta a taleis, seu taljis, quae erant latercula lignea, in quibus solutiones solebant adnotari, parte altera penes dominum, altera penes tenentem remanente. Conf. Car. Dufresne in *glossar. mediae & infim. latinit. v. talea*. Itaque saeculo decimo

§. IX. In Siciliae regno ab ipsa ferme regni constitutione ecclesiarum priuata bona, non secus ac in aliis prouincijs, generatim a tributis exempta sunt; at non item bona priuata clericorum, quae sub Friderico II. ordinarijs & extraordinarijs collationibus subiecta erant. Sed regno ad Andegauos translato, clericorum bonis pro parte tributa remissa sunt: etenim Carolus II. in cap. *item statuimus XCVIII.* clericis, qui *clericaliter* uiuebant, concessit exemptionem a tributis, *de portionibus eos legitime contingentibus*, hoc est de bonis, quae successione ab intestato adquirebantur. Quod ius regno ad Aragonenses translato integrum stetit: & praeterea cauit Ferdinandus I. Rex, ut quae bona semel certo oneri addicta erant, semper illud exsoluerent, licet clerici ea titulo alienationis a laicis adquirerent, *pragm. 3. tit. de clericis seu diaconis seluaticis*: quod ius aequissimum erat, & iuri Romano & capitularibus regum Francorum conforme; bona enim transire debent cum onere suo.

§. X. Sic constituta legibus nostris ecclesiarum & clericorum a tributis immunitas labentibus annis latius extenta est: nam ecclesiae in diem censita bona adquisuerunt, unde non amplius onera soluta, & clerici curis suis publica onera a priuatis suis bonis, quocumque titulo quaesitis, excusserunt: immo non desuerunt clerici, qui per summam iniustitiam aliena praedia nomine suo suscipiebant, & a tributis excusabant. Hinc vetera & noua onera in laicos eorumque bona, quae in diem crescebant, reiecta. Quibus malis medendis tandem inuegnit Carolus olim rex noster, qui tractatu habito cum Benedicto XIV. summo pontifice ad formam non adeo grauem

decimo tertio omnia ecclesiarum non feudalia bona tributis erant exempta, non item bona priuata clericorum, quae tum ex iure communi, quod ubique seruabatur, fiscalibus omnibus oneribus suberant. Et certe errant, qui tenent, canones Lateranenses de immunitate a tributis etiam bona priuata clericorum comprehendisse: bona enim *ecclesiarum & clericorum & pauperum usibus deputata*, de quibus illi statuunt, sunt bona ecclesiarum, non bona clericorum priuata.

CAP. L. DE IMMUNITATE ETC. 491

verem ecclesiarum & clericorum exemptionem a tributis reduxit. Principio placuit, ut bona ecclesiarum, monasteriorum & aliorum locorum religiosorum in censu describantur, eorumque nomine penderetur dimidium eius, quod laici pensitant, detractis tamen oneribus, quorum numero personarum alimenta non veniunt: idque praestari placuit, quousque regni necessitates exposculent, & pro oneribus, quae tempore tractatus erant imposita, non quae deinceps imponerentur. *Cap. I. n. 1. & 2.*

§. XI. Sed ab hac pensitatione immunita facta sunt bona beneficiorum, quorum titulo clerici ordinantur, pro ea tamen reddituum quantitate, quae sacro patrimonio secundum dioecesis formam responderet; & praeterea bona paroeciarum, seminariorum & xenodochiorum. Porro si quae bona a die tractatus habiti ecclesiae & alia loca religiosa adquisierint, per omnia in perpetuum tributis subiecta sunt. Item bona priuata clericorum, non secus ac laicorum, tributis omnibus subiecta sunt, praeter bona illa, quae clericis sine beneficio ordinatis in patrimonio titulum solent assignari; haec enim bonorum portio a die, quo clerici hypodiaconi creantur, ab omnibus oneribus exempta est, sed pro quantitate, quam intra viginti quatuor & quadraginta ducatos annuos synodi locales, aut episcopi definiunt. Et demum certa forma statuta est immunitatibus, quae a vestigali ab vniuersitatibus super tritico aliisque rebus ad victum necessariis exigi solito, clericis concedebantur. *Cap. I. n. 3. & seqq.*

§. XII. Quamuis autem inde usque a Carolo M. bona ecclesiarum & monasteriorum ampla a tributis & censibus immunitate aucta sint; tamen ex hisdem bonis in regia aeraria aliis nominibus tantundem & fortasse etiam plus inferebatur, quam ex tributis colligi poterat. Et sane in Gallia sub regibus secundae stirpis recepta erant *annua dona*, quae ab ecclesiis cathedralibus & multis monasteriis quotannis regibus necessario exhibebantur, & a tributis tantum nominis sono distabant (d). Consistebant au-

tem

(d) Id constat ex Hincmaro Remensi *de ordine palatii*: ubi ita loquitur: *caussa suae defensionis regi ac reipublicae vestigalia,*

tem dona vt plurimum in *equis*, *lanceis*, *scutis* aliisque similibus speciebus, eorumque modus satis amplus erat; refert enim Arno monachus in *vita S. Benedicti Anianensis* annuis donis & militia adeo grauata fuisse nonnulla monasteria, vt monachis alimenta & vestes defuerint.

§. XIII. Praeter annua dona, si quando reipublicae necessitas postulabat, ecclesiae ex suis bonis symbolas contulerunt, & suis illationibus extraordinariis auxilio fuerunt ciuitati. Videntur autem ista subsidia saepe indicta ipsius ciuilis potestatis imperio. At Alexander III. in concilio Lateranensi edixit, vt deliberet episcopus cum suo clero, num suadeat vtilitas, aut iubeat necessitas de rebus ecclesiae aliquid in communes ciuitatis vsus conferendi; & tum si laici ipsi non possint, subsidia ab ecclesiis praestentur, sed nulla vi, itemque nulla laicorum interposita auctoritate, *cap. 4. ex. de immunitate ecclesiae*. Et non multo post Innocentius III. in concilio generali voluit, vt subsidia laboranti ciuitati non conferantur sine Romani pontificis auctoritate, *cap. 6. ex. eodem*. Vtrumque hoc decretum moribus eius aetatis erat accommodatum, quando iura summorum imperantium in bona ecclesiarum & clericos oblanguescebant, & episcopi de publicis necessitatibus sedere iudices non dubitabant. Sed in compertis esse debet, pro iure suo principes in reipublicae necessitatibus posse ecclesiarum & clericorum bonis collationes imponere (e).

IN-

galia, quae nobiscum annua dona vocantur, praestat ecclesia, seruans quod iubet apostolus: cui honorem. honorem, cui vectigal, vectigal praestat regi ac defensoribus vestris. Et inde Ludouicus II. III. rator inquisitionem faciendam edixit, unde, vel quae dona annalia aut tributa publica exigi debeant: quod scilicet inter aeriarii statos redditus annua dona censeretur.

(e) In Gallia iamdiu est, quod reges sine pontificis assensu collectas sub nomine *dni gratuiti* de bonis ecclesiasticis exigere consueuerunt: quin dona ista gratuita *decimae* alias dicta, euaserunt ordinaria & quotannis pendì solent.

INSTITVTIONVM

IVRIS CANONICI

P A R S III.

De iudiciis ecclesiasticis.

C A P V T I.

De iurisdictione ecclesiae propriae.

§. I.



Ox *iurisdictione* apud veteres patres ad significandam ecclesiasticam potestatem vix occurrit, eiusque loco illi potius usurpant *potestatis* & *auctoritatis* vocabula. Primus, qui ab iure civili vocem iurisdictionis in ecclesiam intulit, Gregorius M. *lib. XIV. ep. 8.* fuisse videtur: inde sensim ea vox in iure canonico recepta est, praesertim, ubi longe lateque diffuso legum Romanarum studio, ecclesiastici illis addiscendis in primis operam navarunt. Satis vero ampla est in iure canonico iurisdictionis significatio; omnis enim potestas, qua episcopi aliique ecclesiae ministri pollent, siue sacra administrent, siue doctrinam fidei doceant, siue novos ritus instituunt, siue causas audiant, siue decernant, siue iudicem dent, siue poenas in facinorosos infligant, iurisdictionis nomine continetur.

§. II. Iurisdictione autem ecclesiastica aut sacerdotio cohaeret, eique propria & intrinseca est, aut ei extrinsecus aduenit. Et quidem Christi sacerdotium propria potestate auctum esse, qua ecclesia gubernetur, in compertis

pertis est : Christus enim docendi & baptizandi potestatem suis apostolis dedit, Matth. XXVIII. 18. *seqq.*, eisque ligandi aut soluendi ius concessit, Ioan. XX. 22. *seqq.*, immo etiam fontes & contumaces extra ecclesiam proiiciendi. Matth. XVIII. 15. *seqq.* Nempe ecclesia societas religiosa est, cuius finis est sanctitas & perfectio spiritualis in hoc saeculo, & in altero aeternae beatitudinis consecutio; sicque constituta ecclesia vsque ad saeculi consummationem stare debet. Itaque proprium regimen in ecclesia esse oportuit, qua staret & conseruaretur; societatum enim natura talis est, vt vix diu stare possint sine certo ordine & potestate, qua dirigantur.

§. III. Verum, enimvero potestas haec sacerdotio intrinseca & ecclesiae propria tota spiritualis est, nec quidquam cum imperio & rebus temporalibus commune habet. Spectat ecclesia animae salutem & alterius beatae vitae consecutionem: atque ideo potestas ecclesiastica tantum spiritualis est, tantumque internam honestatem & religionem spectat. Et aperte Iesus Christus apud Ioannem XVIII. v. 36. professus est, *regnum suum non esse de hoc mundo*, hoc est temporale regnum non esse, vt ex patrum sententia Augustinus Calmet eum locum interpretatur: & hinc quum quis eius arbitrium super familia eriscunda exposceret, respondit, *quis me constituit iudicem, aut diuisorem super vos?* Luc. XII. v. 14. Item tantum spirituales verbi & sacramentorum potestatem, vt & ius facinorosos ab ecclesia eiiciendi Christus apostolis suis demandauit: quo omnis spectabat potestas, qua ipse a patre suo auctus erat. Matth. XXVIII. 18. *seqq.*

§. IV. Quae quum ita sint, potestas ecclesiae propria & sacerdotio intrinseca versatur circa spiritualia, eaque sacerdotes docent christianam fidem & morum regulas, sacramenta administrant, quaestiones doctrinae definiunt, siue fidem, siue mores spectent; canones condunt, quibus fides & morum regulae confirmantur, & in dubiis explicantur, & ritus sacramentales aliaeque sacrae caerimoniae constituuntur; canones iuris humani ex iusta causa relaxant, & si salus ecclesiae postulet, prorsus abrogant; pastores & ministros instituunt ad perficiendum opus domini ad saeculi finem, & ad hanc iurisdictionem
exer-

exercendam; eisdemque, si indigni euadant, munere suo deiciunt; christianos peccatores admonent, iisque poenitentiam irrogant; & peccatores contumaces & immedicabiles, qui ceteros inficere possunt, a suo corpore abscindunt. Haec ferme sunt iura ecclesiae propria, quibus vel sub ethnicis imperatoribus etiam usa est.

§. V. Haec vero potestas ecclesiae propria in duas veluti species dispesci solet, in *ordinis* scilicet, & *iurisdictionis* strictae sic dictae potestatem. Spectat potestas ordinis ad ea, quae sine sacerdotali charactere exerceri non possunt, qualia sunt sacrorum ministrorum creatio, potestas eucharistiae conficiendae: potestas vero iurisdictionis continet externam ecclesiae administrationem, qualia ius contumaces ab ecclesia eiiciendi, deponendi minus dignos ministros, & beneficia instituendi (a). Ignota veteribus fuit distinctio ista, & tum demum audita est, quum confirmatio episcoporum ab ordinatione separata est. Nempe in noua disciplina episcopus per confirmationem pastor ecclesiae constituitur; atque hinc receptum est, posse episcopos confirmatos, etsi non ordinatos, ecclesiam in omnibus administrare, iis tantum exceptis, quae *quousque* ab ordinatione dependent. V. Espen. *par. I. tit. 14. cap. 5.*

§. VI. Iam ecclesiae spiritualis potestas; qua doctrinam docet, sacramenta administrat, & poenas spirituales irrogat, generalis est, eaque reguntur christiani omnes, etiam vrbibus & prouinciis praefecti, qui in spiritualibus ecclesiae eiusque antistitibus subiiciuntur. Conc. Arelat. 1. *can. 7.* Hinc vi spiritualis potestatis etiam in impios & profanos magistratus possunt episcopi gladio spirituali animaduertere, eosque ecclesiastica communione eicere. *Si dux quisquam*, inquit Chrysostomus *hom. LXXXII.*

in

(a) Antiqui interpretes *legem iurisdictionis* & *legem diocesanam* veluti diuerfas proponunt: illius enim nomine intelligunt ordinis & iuris dicundi potestatem; huius vero nomine potestatem in res ecclesiae temporales & iura episcopo debita, qualia synodaticum, procuraciones. Quam distinctionem Innocentius IV. confirmavit, *cap. 1. de verbor. signific. in 6. V. Florent. in tract. de antiquo iure patronatus.*

in *Matthaeum*, si consul ipse, si qui diademate ornatur, indigne adeat, cohibe ac coërce, hoc est, ad eucharistiam non admittas: maiorem tu illo habes potestatem. Quamvis non semper e re ecclesiae erit, in omnibus casibus vti gladio spirituali contra eos, qui cum imperio praesunt, qua de re alibi commodius differemus.

§. VII. Iam vero quae pertinent ad spiritualem potestatem, proprie sunt ecclesiae, nec in ea aliquid directe principes saeculi possunt. Et quamquam apud gentes sollemne fuerit religionis & reipublicae administrationem in vnam personam coalescere; tamen apud christianos ea duo inter se distincta sunt, & religio antistitibus, reipublica vero principibus commissa est. Et profecto Christus ipse, qui ecclesiam suam diuina auctoritate instituit, tantum sacerdotes eius regendae potestate auxit, nihilque habet, quo de potestate principum in res spirituales constet (b). Quae doctrina in ecclesia semper obtinuit, & a patribus semper inculcata est: quod Petrus de Marca lib. II. de conc. sacerdotii & imperii cap. 1. pluribus illustrat. Item ipsi christiani principes in primis Valentinianus senior, Marcianus & Iustinianus aperte professi sunt, spiritualia ad sacerdotes pertinere. Hinc non iure principes res fidei definirent, ab ecclesiae communione contumaces, tamquam ethnicos & publicanos, eiicerent, aut caerimonias, quibus sacramenta aut aliae res spirituales administrantur, statuerent (c).

CA.

(b) Nec quempiam moueat pontificatus maximus, quem ipsi christiani imperatores ad Gratianum vsque susceperunt. Etenim pontificatus maximus erat ex reliquiis ethnicae religionis, quem ex arcanis dominationis christiani imperatores suscipiebant; at inde nulla potestas in sacra christianorum principibus accedebat. Quin principes sacerdotium illud extrinsecus potius, quam ex animo retinuisse videntur, quatenus pontificia illa auctoritas ad reipublicae regimen erat necessaria. Grauius de Romano imperio cap. VII.

(c) Videtur Constantinus M. etiam directe de rebus spiritualibus ius dixisse. Certe in causa inter Caecilianum & Donatistas iudices dedit, qui eorum causam in synodo Romana tractarent

C A P V T II.

De iurisdictione ecclesiastica in causis civilibus laicorum.

§. I. **I**urisdiction, quae sacerdotio extrinsecus aduenit, in duobus ferme consistit, in decidendis nempe causis civilibus siue laicorum, siue clericorum, & in puniendis etiam in foro externo civilibus clericorum delictis. Et ad lites laicorum quod spectat, doctrina est christiana religionis, ne fideles facile de rebus transitoriis litigent. *Qui vult tecum iudicio contendere*, ait Christus apud Matthaeum V. 40., *& tunicam tuam tollere, dimitte ei & pallium*. Et alibi, *qui auferit, quae tua sunt, ne repetas*, Luc. VI. 30. Sane christiana morum philosophia tota in caritate posita est; caritas vero ne leuem quidem patitur animorum dissensionem: & sine odiis & dissensionibus lites non exercentur. Cui doctrinae primis saeculis

Pars III. I i vim

clarent & finirent: inde Donatistis eius tribunal appellanti-
bus, alterum iudicium episcopale in vrbe Arelatensi concessit; & porro post synodum Arelatensem rursus haereticis ad eius maiestatem confugientibus, vltimum ipse in hac causa tulit iudicium. Causa ista erat mere ecclesiastica. Itaque Valesius in *Euseb. lib. III. de vit. Constant. cap. 51.* dissimulare non potuit, aliquando pius Constantinum sibi in negotiis ecclesiasticis vindicasse, quam laico principi conueniret. Sed tam synodum Romanam, quam Arelatensem pro iure suo dedit Constantinus; christiani enim imperatores clericos iudices ad tractandas causas ecclesiasticas, ecclesia non inuita, dare consueverunt: idque inde videtur inualuisse, quod extraordinariae synodi sine principis concessione haberi non poterant. Et si ipse imperator deum cognouit, id coactus pro bono pacis fecit, ne Donatistae ulterius contra iudices ecclesiasticos & ordinem iudiciorum clamarent, ea de re postea ab episcopis veniam petiturus, quod Augustinus *epist. CLXII.* obseruat.

vim multam addebat opinio de iamiam instanti die domini, quae a rebus terrenis christianos multum distrahere debebat.

§. II. Haec litium fuga christianae religionis summa perfectio est, ad quam vix paucis contendere licet. Hinc christiani iusti, etsi minus perfecti, sua semper repetere potuerunt; at primis saeculis ex regulis christianae pietatis id faciendum erat *ecclesiastico iudicio, non forensi*, vt Augustinus *lib. III. ad Bonif. cap. 5.* loquitur. Et profecto aegre ferens apostolus, Corinthios apud iudices ethnicos litigare, veluti per indulgentiam concedit, vt christianos litium suarum iudices, seu potius arbitros constituent, *1. ad Cor. VI.* Summa vero ratione apostolus id Corinthiis inculcauit, ne christiana religio apud ethnicos vilesceret, & ne christiani eorum dictis obicerentur, quasi verbis non re caritatem, sui abnegationem & rerum terrenarum contemptum praedicarent.

§. III. Quamuis autem generaliter edixerit apostolus, vt christiani, relictis ethnicis iudicibus, apud fratres suos lites, si quas haberent, deponerent; nihil tamen ea doctrina de magistratuum in christianos imperio & iurisdictione detractum est; eiusdem enim apostoli doctrina est, omnem hominem ciuili potestati iure diuino subiectum esse, *ad Rom XIII. 1. seqq.* Et recte vidit Estius, apostoli sermonem praecipue spectare ad actorem, in cuius potestate erat apud magistratum lites suas instituere; reo enim vocato non licebat magistratus iurisdictionem declinare. Nec audiendi sunt, qui tenent, apostoli auctoritate christianos a magistratuum ethnicorum iurisdictione in causis pecuniariis exemptos fuisse, nec eis in conscientia subiectionem debuisse: quem errorem Barclaius *de potest. papae cap. XXI.* late confutauit.

§. IV. Dum vero vult apostolus, vt christiani ecclesiastico iudicio, non forensi lites componant suas, non designat, cuius generis christianos in arbitros seligi oportet: quin eius sententia est, omnem christiānum, alias sapientem, huic oneri parem esse (a). Et quoniam inter christi-

(a) Scribit quidem apostolus *cit. epist. ad Cor. VI. v. 4. fac-*
cu-

christianos episcopi in primis sapientia & iustitia eminebant; (qui ad episcopatum promouebantur, virtutum meritis longe alios anteibant) hinc christiani sensim ad episcopos, tamquam ad pacificatores & arbitros, lites suas deferre coeperunt. Nec episcopi id onus detestabant, qui alias ratione muneris sui pacem christianam gregi sibi commisso debebant instillare: quia eorum aliqui credebant, hoc onus sibi ab apostolo iniectum fuisse, cuius sententiae Augustinus fuit *de opere monachorum cap. XIX.* Quod vero episcopi saepe aliis curis grauabantur, aliquando lites decidendas presbyteris aut diaconis commiserunt, & quandoque etiam laicis aequitatis studiosis, praesertim si suspicio esset, clericos ex litium decisione aliquod sibi lucrum captare. Socrat. *lib. VII. cap. 37.*

§. V. Iam episcopi in causis laicorum pecuniariis decidendis vnice aequitatem sectabantur, tamquam pacis sequestres, studebantque aliquo adhibito temperamento dissidentes in concordiam adducere; nec formulas in foro receptas vsurpabant. Et ne errarent, vbi ius obscurum erat, laicos iurisperitos consulere consueuerunt, quod ex Augustino *serm. XLIX. de diuers.* constat. Nihil vero lucri ex litium decisione ad episcopos redibat; totumque negotium breui temporis spatio finiebatur, vt animorum motus inter litigantes cito residerent, atque vt omnino residerent, saepe iureiurando super altare aut super reliquias martyrum lites finitae. Greg. Turonens. *lib. V. cap. 32.* Quod si arbitrium haud feliciter cessurum videbatur, iudicium non suscipiendum Ambrosius *de officiis lib. II. cap. 24.* monebat. Vere christiana & digna nostris episcopis erat haec lites finiendi methodus: & hinc cuiusvis sectae homines adibant episcopos, eosque litium suarum arbitros constituiebant. Possid. *vit. August. cap. XIX.*

cularia iudicia si habueritis, contemptibiles, qui sunt in ecclesia, illos constituite ad iudicandum; ac id dixit non absolute, sed potius per comparisonem, quasi e re christiana magis esset, infimos christianorum de causis fratrum arbitrari, quam apud ethnicos contendere, vt recte Eftius in locum obseruat.

§. VI. Translato ad christianos imperio, antiquam in causis pecuniariis episcopos adeundi consuetudinem imperatores confirmarunt, & multam vim episcopalibus arbitriis dederunt. Et quid quaeso melius ciuitati poterat euenire, quam si cito lites praeciderentur, & amputatis odiis, pax & amor inter ciues conciliaretur? Itaque Arcadius & Honorius liberum omnibus esse voluerunt, vt ex consensu causas suas pecuniarias ad episcopos deferrent, *L. 7. C. de episcopali audientia*: quod idem edita alia lege Valentianus III. edixit, *noel. XII. tit. de episc. iudicio ad calcem C. Th.* Hinc non vera ciuilis iurisdiclio episcopis data; vera enim iurisdiclio etiam nolentes cogit, sed tantum antiqua episcopos adeundi consuetudo ab imperatoribus confirmata est, at non sine auctoritatis accessione: nam episcoporum arbitria sic rata & firma facta sunt, vt inde non liceret prouocare, tamquam si a praefecto praetorio pronuntiata essent; & hinc ordinariis magistratibus eorumque officiis datum, vt ea omnino exsequerentur, *cir. L. 8.*

§. VII. His omnibus aduersari videtur lex sub nomine Constantini M. ad Ablauium praefectum praetorio, quae exstat in extrauaganti seu subditio C. Th. titulo *de episcopali iudicio*. Etenim ea lege litigantibus conceditur, vt in quauis parte iudicii ante sententiam sacrosanctae legis antistitis iudicium eligant, *etiamsi altera pars refragatur*. Seldenus & Alteserra hanc legem veluti genuinam tuentur: contra ex meliori ratione eam Iac. Gothofredus *not. in cit. L.* veluti spuriam explodit, contenditque, opus esse posteriori aetate a falsariis miscellionibus confarcinatum. Sane contraria est omnibus aliis genuinis imperatorum legibus, quae tantum ex consensu litigantibus permittunt adire episcopi iudicium. Deinde Constantinus id tantum litigantibus dedit, vt ad episcoporum iudicium prouocarent, si magistratus ciuiles reicere vellent, teste Sozomeno *lib. I. cap. 9.*: quod argumento est, ex compacto potuisse litigantes episcopi eligere iudicium, non etiam altera parte refragante.

§. VIII. Haec fuit per plura saecula episcoporum auctoritas in decidendis causis pecuniariis laicorum; at labentibus annis auctoritas ista abiit in veram iurisdictionem,

nem, quae saeculi ignorantia & curis clericorum longe lateque propagata est, haecenus ut magistratum iuris dicendi potestas fere omnis interciderit. Confidit sub Constantini nomine constitutio, quae saeculo octavo exeunte in scenam prodierat, quaeque permittebat litigantibus in quacumque iudicii parte, etiam altero invito, eligere auctoritatem iudicium, occasionem praebebat, ut arbitria episcoporum in causis pecuniariis in veram iurisdictionem degenerarent. Nimirum eam legem sub nomine Theodosii Carolus M. probavit, & in omnibus sibi subiectis provinciis valere voluit, quocumque iure populi viverent, *lib. VI. cap. 366. edit. Baluz.* Ita iurisdictionis episcoporum auctoritati accessit, modo litigantium alter episcopi iudicium elegerit, nam hoc casu pars altera necessario apud episcopum debebat comparere. Crevit inde episcopalis iurisdictionis auctoritate Gratiani, qui eam legem etiam sub nomine Theodosii Concordiae suae inseruit, *can. 35. seq. C. 11. q. 1.*, & eius usum late produxit (b).

§. IX. Postquam arbitria episcoporum in vera iudicia abierunt, variis rationibus civilis episcoporum iurisdictionis ad negotia ferme omnia civilia laicorum producta est. Principio causas omnes, quibus peccatum aliquod, aut mala fides inesset, suae iurisdictionis esse episcopi tenebant, quod eorum erat iudicare de peccato, *cap. 13. ex de iudiciis*, atque idcirco de ipsa re, cuius causa peccatum erat. Hac ratione causarum omnes ad forum ecclesiasticum devolvebantur, nam vix villae erant, quibus peccatum aliquod aut mala fides, saltem ex una parte, non inesset. Sed facile erat observare cognitionem de peccato ad sacerdotes in foro interno, non externo pertinere.

§. X. Praeterea ratione iurisiurandi, matrimonii, testamenti, & cuiuslibet causarum pie ad forum ecclesiasticum

(b) Sed quae causa fuit, cur legem Constantino in titulo post Th. C. adiecto tributam posterior aetas sub nomine Theodosii exhibuerit? Nimirum, inquit Alteserra *lib. I. de iurisdictione cap. 7.*, stultior & suprior aetas leges Theodosianas vulgo appellabat eas omnes, quae in codice Theodosiano positaerant, etsi alias a Theodosio haberent auctores.

tum ciuiles laicorum caussae trahi solebant, iis enim titulis mira interpretatione qualitatem spiritualem negotiis ferme omnibus ecclesiastici adaspergebant. Et cognitio quidem de iureiurando iure decretalium episcopis tribuitur, *cap. 13. ex. de iudiciis*: & hinc facile cognitio ad contractus, quibus iusiurandum inferebatur, extendi potuit. Causae de matrimonio & inde pendentes, veluti de sponsalibus, dotibus, natalibus, alimentis ecclesiasticae cognitionis censebantur, tamquam quae sacramento matrimonii adnexae erant, vel inde pendebant, quando reuera pendebant a matrimonii contractu. Causae quoque de testamentis & rerum piarum negotiis ecclesiasticae habebantur, siue quod testamenta a duobus notariis, ecclesiastico vno, altero laico scribi solebant (c), siue quod christiani imperatores curam testamentorum & causarum piarum episcopis demandauerant, *L. 28. & L. 46. C. de episcopis & clericis*.

§. XI. Item ecclesiasticae cognitionis & potestatis reputabatur iudicis laici supplere negligentiam. Concesserat quidem episcopis Iustinianus, vt semel in hebdomada carcere detentos inuiserent, & indices sui officii admonerent; si vero indices negligentes essent, ea de re principem ipsum facerent certiorum; *L. 22. C. de episc. audientia*. At episcopi mediis saeculis vltius progressi sunt, sibiue ius esse contendebant, magistratum negligentiam supplere. Inde si qua causa in longum apud indices laicos traheretur, ad forum suum eam episcopi transferebant: & inde episcopi de iudicibus suspectis iudicarunt: quae abusus in Gallia & in Hispania & in regno Apuliae sub regibus Andegauis obtinuit, eoque deuenit facilitas reginae Ioannae II., vt edita lege cauerit, suspensiones magistratum excepta Neapoli vbique in regno

(c) *Manus sola incidens tabellionis apostolici efficiebat, leuibusque velut per deuia gyris, negotium ecclesiasticum, quod alias & nisi mixtum illa fuisset, plane erat profanum, & a profanis, seu saecularibus regiisque iudicibus indicandum, inquit Mornacius ad L. 3. C. de episc. audientia.*

regno apud loci episcopum eiusque vicarium tractari ,
rit. CCLXV. magnae Curiae.

§. XII. His aliisque rationibus causae fere omnes civiles laicorum ad suam cognitionem & forum ecclesiastici traxerunt. Hinc per longas aetates vnum paene forum ecclesiasticum emicuit, totoque illo tempore evuluit & veluti emarcuit regia iurisdicção, quod de regno Galliae Mornacius *ad L. 8. C. de episc. audientia* obleruat; etenim reges Galliae secundae stirpis tot beneficiis a sede apostolica aucti & deinceps successores diu passi sunt in sibi subiectis provinciis supra modum ecclesiasticam iurisdictionem extendi. Similiter in regno Apuliae sub Andegavis mirum in modum extensa est ecclesiastica iurisdicção; Andegavi enim reges exemplo regum Francorum, vnde erant oriundi, & porro novis beneficiis a sede apostolica acceptis, non aegre tulerunt deminutione civilis iurisdictionis ecclesiasticam augeri.

§. XIII. Sed tandem ecclesiastica iurisdicção in causis temporalibus laicorum omnino defecit, eoque, vnde abscesserat, reuersa est, idque sensim factum, sed non sine turbis, quas saepe ecclesiastici iuris sui conservandi causa excitarunt (d). Sibi autem vitio vertere debent ecclesiastici, quod iurisdictionem in causas civiles laicorum omnino amiserint; nam & contra concedentium mentem summopere eam extenderunt; & praeterea causas, quas ex bono & aequo tractare debuissent, forensibus tricis implicuerunt. Tantum apud nos ex pactis conuentis inter Benedictum xiv. & Carolum olim Regem nostrum *cap. VI. n. 7.* laici, qui in ecclesiasticis curiis actorum magistros agunt, quique episcoporum aliorumue praelatorum *cursores* appellantur, in civilibus, mistis & crimi-

(d) Celebris est disputatio, quae super ecclesiastica iurisdictione in Gallia anno cccccxvii. habita est inter nobiles regiosque ministros & praelatos coram Philippo Valesio rege Galliae. Nobilium & magistratuum partes Petrus Cugnerius, contra praelatorum Bertrandus, episcopus Aduensis, sustinebat. Quam extensa tum fuerit episcopalis iurisdicção, constat ex articulis, qui in medium propositi sunt.

nalibus causis, quod ad *restrictionem personalem* spectat, ab episcopis praelatisque, in quorum ministerio sunt, iudicari & coerceri debent, nisi ea causa sit, ut poena mortis aut treremium iure statui in eos possit.

C A P V T III.

De iurisdictione ecclesiastica in causis civilibus clericorum.

§. I. **V**idimus christianos omnes ex regulis christianae perfectionis sua iudicio repetere non debere; at hoc instituto magis clerici adstringuntur, qui in sortem domini euocati, perfectionem amplecti intelliguntur. Et quamvis rerum dominia cum sacerdotio non pugnent, atque ideo non teneantur clerici sua omnia relinquere; tamen quando rerum temporalium occasione lites excitantur, ratio propriae vocationis id videtur postulare, ut nec sua iudiciis repetant, nec ab aliis prouocati sua tueantur. *Episcopus*, inquit synodus Carthaginiensis *iv. can. 19.*, *apud Gratianum can. 1. C. 14. q. 1.*, *nec prouocatus pro rebus transitoriis litiget.*

§. II. Verum pauci clericorum sunt, qui a rebus temporalibus ita sunt alieni, ut eas non persequantur, & defendant. Hinc dum rerum temporalium dominium clericis relictum est, eorum infirmitati seruiens ecclesia, permisit, ut sibi ablata repeterent quidem, sed ecclesiastico iudicio, non forensi: cui disciplinae ratione vocationis suae magis adstringebantur clerici, quam ceteri christiani. Hinc canones poenis canonicis subiecerunt clericum, qui cum clerico negotium habens, relicto proprio episcopo, ad saecularia iudicia procurrat. *Conc. Chalced. can. IX.*, *Carthag. iii. can. 9. apud Gratianum can. 43. C. 11. q. 1.* Regulae istae decernunt de clerico, qui cum alio clerico negotium habeat; nam si negotium esset cum laico, & laicus in episcopum non consentiret, necessario lis apud publicum iudicem erat intendenda: quo casu tantum

CAP. III. DE IVRISDICTIONE ETC. 505

tum ex episcopi concessione⁷ licebat clericis apud magistratum comparere. Conc. Agath. *can. XXXII. (a)*.

§. III. Haec fuit ecclesiae disciplina usque ad Iustinianum, qui primum monachos & clericos in causis civilibus a magistratuum iurisdictione exemit. Et quidem hic imperator in primis sanctimonialium & monachorum causas ad episcopos deferri iussit, *novel. LXXIX. cap. 1.*, qua constitutione abrogata est lex quaedam Anthemii, quae statuebat, monachos in ius extra proprias provincias non vocari, sed apud suarum provinciarum ordinarios iudices, *L. 33. C. de episcopis*. Inde idem Iustinianus rogante Menna archiepiscopo Constantinopolitano etiam clericos in causis civilibus exemit a magistratuum iurisdictione, eosque apud proprios episcopos iussit conveniri, *novel. LXXXIII*. Sed generale hoc privilegium non

(a) Iam dum ecclesia voluit, ut clerici adversus clericos in causis pecuniariis apud publicos iudices non litigarent; tantum sanctiorem disciplinam promovere intendebat, ut clerici molestiis fori expediti melius altari deseruirent; non vero iura principum temeravit, nec clericos magistratuum potestate in causis civilibus exemit. Clericos, qui sunt ciues, a potestate magistratuum eximere, non erat ecclesiae, sed summorum imperantium. Hinc canones tantum poenis canonicis subiiciunt clericos; qui contra alios clericos coram magistratu ius suum persequerentur; nec unquam statuunt, ut clerici a magistratibus vocati non se sistant, nec latas sententias nullas dicunt. Et profecto si clerici apud publicos iudices in causis pecuniariis conveniebantur, debebant comparere: tantum erat in potestate actoris, utrum ecclesiastico, an forensi iudicio experiri mallet, *L. 13. C. de episcop. audientia, L. 25. C. de episcop. & cleric.*

Huic iurisprudentiae adversatur canon xxxii. concilii Agathensis apud Gratianum *can. 17. C. 1. q. 1.*, clericum nullus praesumat, apud saecularem iudicem, episcopo non permittente, pulsare. At Gratianus canonem Agathensem interpolavit, & in alienum sensum detorsit. Genuina canonis lectio apud Labbaeum ita habet, *ne clericus quemquam praesumat apud saecularem iudicem, episcopo non permittente, pulsare*: quod convenit antiquae disciplinae, qua non licebat clericis lites suas apud saecularem iudicem, nisi permittente episcopo, intendere.

non fuit; nam si ob causae naturam, aut aliam difficultatem episcopus litem finire non poterat, tum licebat apud publicos iudices clericum conuenire. Et alia edita lege idem imperator a sententia episcopi publicum iudicem appellare permisit, *noyel. CXXIII. cap. 21.*

§. V. Ratio autem, qua Iustinianus monachis & clericis in causis ciuilibus fori priuilegium concessit, haec profecto fuit, ne illi litibus implicati, & strepitu fori distracti, a solitudine & altaris seruitio auocarentur. Certe imperator voluit, vt episcopi sanctimonialium & monachorum causas, non tamquam iudices ex formulis & strepitu fori, sed potius *honeste & sacerdotaliter* iudicent, vt a contentione monachi expediti, sine distractione Deo vacarent; idemque etiam habet nouella LXXXIII., quam sic Cuiacius contraxit, *clerici actione pecuniaria committuntur coram episcopo, qui litem finiat celerrime sine sumptu & scriptura sollempni.* Nimirum episcopi iudicabant tamquam arbitri reiectis formulis forensibus, & temporis compendio & concordiae inter partes conciliandae studebant. Sed temporis lapsu in episcoporum audientias tricae forenses irrepsērunt; quo factum, vt contra finem concedentis clerici priuilegio vtantur.

§. VI. Ita primum legibus principum inductum monachorum & clericorum in causis ciuilibus fori priuilegium, quod temporis lapsu variis principum edictis, synodorum canonibus & pontificum decretalibus confirmatum & auctum est (b). Hinc clerici ecclesiastico foro ad-

dicti,

(b) Nec tantum confirmatum & auctum est medijs saeculis fori priuilegium clericis concessum; verum etiam creditum, illud ecclesiae auctoritate processisse, nec a potestate principum pendere. Haec sententia praesertim post Gratianum inualuit, quando interpretes antiquitatis incuriosi vnice ex illius concordia & posteriorum pontificum decretalibus rem canonicam metiebantur. Et profecto multa siue prorsus supposita, siue corrupta Gratianus refert monumenta, quibus non obscure traditur, ab ecclesiae auctoritate profectam clericorum exemptionem, *can. 3. & 17. C. 11. q. 1.* Ex quibus aliisque eiusdem farinae monumentis facile erat, in saeculo antiquitatis ignaro, doctrinam induci, clericos ecclesiae auctoritate a iurisdictione ciuili exemptos esse.

CAP. III. DE IVRISDICTIONE ETC. 507

dicti, censurae ecclesiasticae subiecti iudices saeculares, qui clericos iudicio suo stare compellerent, & lata sententia tamquam ab iudice non proprio dicta viribus omnino caret, exceptis tantum feudalibus causis, quarum cognitio domino feudi reservata est. Conc. Lateran. 111. can. 14.; cap. 4. ex. de iudiciis, cap. 6. & seq. ex. de foro competenti. Quin in plerisque locis mos inualuit, ut clerici etiam laicos coram ecclesiastico iudice convenirent ad vindicandas res a laicis possessas, licet eas suas esse rei contenderent, cap. 5. ex. de foro competenti.

§. VII.* Sed labentibus annis in plerisque christianis provinciis praesertim in Gallia & Belgio clericorum fori privilegium in causis pecuniariis deminutum est: atque ita clerici in actionibus in rem & causis mistis, quin etiam in causis personalibus, quibus aliquid *realitatis* sit admistum, apud laicos iudices conveniri solent. V. Espen. par. III. tit. 1. cap. 4. Item in iisdem locis decretalium dispositio, qua vetatur clericus fori privilegio abrenuntiare, in causis civilibus usu sublata est, teste Mornacio ad L. 4. D. de pactis. Causa tantae mutationis videtur repetenda a tris forensibus, quae in forum ecclesiasticum irrepserant; ubi enim modus litigandi apud iudices ecclesiasticos intricatior prae foro civili evaserat, e re sua esse viderunt clerici potius apud laicos, quam ecclesiasticos iudices conveniri: & magistratus sensum iurisdictionem vindicarunt suam, quando experientia innotuit, honeste & sacerdotaliter, ut ait Iustinianus, causas in foro episcopali non tractari.

§. VIII. Quod vero spectat ad Siciliae regnum, quo & Sicilia proprie sic dicta & Apulia continebantur, sub regibus Nortmannis & Suevis clericorum fori privilegium in causis pecuniariis non integrum obtinuit. Etenim clerici in actionibus in rem, si res essent eorum propriae, non ecclesiae, conveniri debebant apud iudicem saecularem eius loci, ubi res sita erat, quod Gulielmus 1. Rex in const. si quis clericus tit. de clericis conveniendis statuit, & inde Fridericus 11. in const. de burgenfaticis tit. de sacramento praestando a baiulis confirmavit. Quo tempore constitutiones istae conditae sunt, causae in foro ecclesiastico tris forensibus agitabantur, clericosque ab altaris servitio

tio auocabant; vt proinde iustum visum fuerit Regibus nostris, clericorum fori priuilegium in causis pecuniariis ad solas actiones personales restringere. Interim pragmatici nostri has constitutiones nihil valere pronuntiarunt, vtpote libertati ecclesiasticae aduersas: qua in re iuris publici ignorantia errarunt.

§. IX. Sed deinceps regno ad Andegauos reges translato, clericorum fori priuilegium extensum est, & clerici non coniugati in causis omnibus, siue in rem, siue in personam a laicorum iurisdictione exempti, suis episcopis per omnia subiecti sunt, exceptis causis feudilibus: quod ius pactis inuestiturae Carolo I. a Clemente IV. datae comprehensum est. Parum videbatur Carolo aliquid de iurisdictione in clericos remittere, dum regnum, cuius erat appetentissimus, acquireret. Hoc idem ius inde Carolus II. in cap. *item statuimus XCIV.* confirmauit. Ita abrogatae sunt apud nos regni constitutiones, quibus clerici in actionibus in rem apud laicos iudices conueniri debebant: & deinceps ius a Carolo II. confirmatum obtinuit: etsi hodie plures species excipiantur, in quibus clerici apud magistratum conueniendi sint, de quibus inferius.

C A P V T IV.

De iurisdictione criminali ecclesiastica.

§. I. **P**otestatem criminum, quae in ciuitate admittuntur, puniendorum inter iura maiestatis censerī, nemo vnus ignorat. Nimirum, quae ad ciuium securitatem spectant, ea omnia ciuiliſ potestatis iura constituunt: ciuium vero securitas haberi non potest, nisi crimina pro varia reipublicae ratione debitis poenis vindicentur: poenarum enim metu homines a criminibus admittendis deterrentur, & quisque in officio manet: qua ratione & ad laesi satisfactionem procurandam poenae in ciuitate receptae sunt, quod Grotius *de iure belli ac pacis lib. II. cap. 20.* pluribus illustrat.

§. II.

§. II. Ciuilis vero potestas pro iure suo punit vindicatque crimina omnia, quisque demum sit, siue laicus, siue clericus, qui delinquit; clerici enim per domini sortem non desinunt esse ciues. Et profecto apostolus, nullo facto personarum discrimine, ciuilis imperii esse docet criminum puniendorum potestatem. Eius enim sententia est, omnem hominem iure diuino subiectum esse ciuili potestati, quae ex Dei ordinatione gladium portat, illumque in lacinorosos omnes exercet. *Omnis anima*, hoc est omnis homo, *potestatibus sublimioribus subdita sit: non enim est potestas nisi a Deo* Itaque qui resistit potestati, Dei ordinationi resistit Dei enim minister est tibi in bonum: si autem malum feceris, time: non enim sine causa gladium portat. Dei enim minister est: vindex in iram ei, qui malum agit, ad Rom. XIII. 1. seqq. Quibus verbis apostolus aperte docet, iure diuino ad ciuilem potestatem spectare ius criminum puniendorum, quisque demum sit, qui delinquit; loquitur enim de illa potestate, quae gladium portat, & cui tributa penduntur.

§. III. Porro veteres patres tenent, clericos omnes, etiam episcopos, iure diuino subiectos esse ciuili potestati. Instar omnium sit Chrysostomus, qui *hom. XXIII. in epist. ad Rom.* ex verbis apostoli hanc doctrinam proponit: *potestatibus ex debito obedire iubet apostolus; ostendens, quod ista imperentur omnibus, & sacerdotibus & monachis; non solum saecularibus, id quod statim in ipso exordio declarat, quum dicit: omnis anima potestatibus sublimioribus subdita sit: etiamsi apostolus sis, si euangelista, si propheta; siue quisquis tandem fuerit, non enim pietatem euertit ista subiectio.* Chrysostomo ex recentioribus omnino concinit S. Bernardus, qui *ep. XLII. ad archiepiscopum Senonensem* ex eadem apostoli doctrina concludit, etiam ipsum archiepiscopum ciuili potestati se subiectum agnoscere debere: *omnis anima potestatibus sublimioribus subdita sit: si omnis, & uestra: quis vos excipit ab vniuersitate? Si quis tentat excipere, conitur decipere.*

§. IV. Haec autem principum in puniendis criminibus potestas numquam fuit, nec est ecclesiae impedimento, quominus in foro interno delicta coërcea. Nimirum apud christianos forum interius instituit Christus, ut ito-

tum

rum amissam per peccata innocentiam recuperare possumus. Verum nihil habet eiusmodi forum cum potestate principum in puniendis delictis, quam ad diuersos fines dirigantur, illud nempe ad salutem aeternam, haec vero ad ciuitatis securitatem. Hinc mira fuit per plura saecula in puniendis delictis sacerdotii & imperii concordia. Primum reos damnabant ciuiles magistratus: inde damnatos ecclesia poenitentiae subiiciebat: cumque saeculo nonnulli reorum iactare coepissent, *nihil pertinere ad episcopum, quae a publico examinata dignoscuntur, & discussa*, eorum audaciam synodus Ioannis-papae repressit, cap. 1. ex. de off. iudicis ordinarii.

§. V. Quoniam vero a ratione alienum videbatur, clericos delinquentes publicis iudiciis coerceri; pro pietate sua christiani principes clericos ab imperio magistratus exemerunt, eorumque delicta episcopis commiserunt punienda: idque sensim factum est. Crimina clericorum duplicis generis sunt, *communia* nempe, seu *ciuilia*, & *ecclesiastica*. Communia sunt, quae clerici committunt tamquam ciues, iisque publica tranquillitas in primis turbatur & euertitur, qualia homicidium, peculatus, adulterium, furtum. Ecclesiastica vero sunt, quae directe contra religionem & ecclesiasticam disciplinam admittuntur, quaeque poenis canonicis vindicantur, qualia apostasia, haeresis, schisma, simonia.

§. VI. Iam vero christiani imperatores in ecclesiasticis & ciuilibus criminibus, quae leuia videbantur, clericos a potestate ordinariorum iudicum exemerunt, non etiam in delictis ciuilibus grauioribus. Certe Valentinianus senior voluit, vt sacerdotes de sacerdotibus in causa fidei, vel ecclesiastici alicuius ordinis, vel morum iudicaret, quod testatur Ambrosius *epist. XXXII. (a)*. Item im-

(a) Causae ecclesiastici ordinis erant crimina ecclesiastica; mores vero erant vitia, quae a laicis admissa leuia videbantur; at grauius prae dubio erant, si a clericis, qui perfectionem amplexi sunt, admitterentur, qualia scortatus, ebrietas, alea. Et licet veteri de moribus iudicio & grauiores & leuiiores mores venirent, teste Vlpiano *fragm. tit. VI. §. 12.*; tamen in *L. 2. C. Th. de repudiis* aperte crimina & mores separantur.

imperatores Valens, Gratianus & Valentinianus decernunt, vt clerici in diffensionibus leuibusque delictis, quae ad religionis obseruantiam pertinent, a suae dioecesis synodis audiantur; in ciuilibus vero ordinariis extraordinariisue iudiciis subiecti sint, *L. 23. C. Th. de episcopis & clericis*. Et in hanc sententiam deinceps suas dederunt leges Theodosius M. in *L. 3. tit. de episc. iudicio post G. Th.*, modo lex ista illius sit, Arcadius & Honorius in *L. 11. C. Th. de religione*, & Valentinianus III. in *noel. XII. ad calcem C. Th.* Ceterum in ea parte, qua statuunt imperatores, vt in rebus fidei & religionis episcopi iudices sedent, videntur potius confirmasse ius ecclesiasticum, quo causae istae ad episcopos deferuntur, quam aliquid de nouo statuisset, aut tribuisset (b).

§. VII. Sic per christianos imperatores statuta in criminibus ecclesiasticis clericorum a publicis iudiciis exemptio ad Iustinianum vsque stetit immutata; at sub hoc imperatore incepit disciplinae mutatio. Etenim quamuis Iustinianus in *noel. LXXXIII.* primum ex sententia antecedentium legum clericorum exemptionem in causis ecclesiasticis probarit; tamen inde noua edita constitutione cauit, vt laici iudices clericos & monachos communium criminum reos inscio episcopo non damnarent, ac si laico iudici cum episcopo non conueniret, ad se referri iussit, *noel. CXXIII. cap. 21.* Qua constitutione indulgit quidem Iustinianus clericis ciuiliu criminum reis, vt a publicis iudiciis inscio episcopo non damnarentur; at interim integram reliquit principis in clericos facinorosos potestatem (c).

§. VIII.

(b) Certe Ambrosius *cir. ep. XXXII.* adfirmat, statuisset Valentinianum, in causa fidei, vel ecclesiastici alicuius ordinis eum iudicare debere, qui nec munere impar sit, nec iure dissimilis. Et Arcadius & Honorius *cir. L. V.* habent, quoties de religione agitur, episcopos oportet indicare. Quae loca aperte probant, imperatores in causis ecclesiasticis nullam exemptionem concessisse, sed ecclesiae disciplinam potius confirmasse.

(c) Quin non desunt viri iuris publici scientissimi, qui tenent, non posse principes eximere aliquem ex ciuibus a suprema

ma

§.VIII. Exemptio ab Iustiniano clericis concessa, qua illi in criminalibus iudicio quodam misto puniebantur, in ecclesiis Occidentis saeculo sexto & initio sequentis recepta erat. Conc. Antioffiens. *can. XLIII.*, conc. Paris. *v. can. 4.* Sed deinceps clerici in criminalibus, exclusi iudiciis publicis, per omnia episcoporum iurisdictioni addicti sunt (d): quod ius habent regum Francorum capitularia *lib. I. cap. 38. & lib. V. cap. 378.*, & saepe posteriores canones & decretales confirmant, & quidem censura contra iudices proposita, qui poenas de criminosis clericis sumere auderent. Hinc Gratianus manum admouit ad antiqua monumenta, quae in suam concordiam coniecit, eaque mutilauit, aut alias interpolauit, vt cum nouis canonibus & falsis & posterioribus decretalibus concineat (e). Quin ubi iuris canonici consulti tantum ex Gra-

ma imperii potestate; nam sic exempti ciues, vtpote a capite non pendentes, vnum corpus cum reliquis ciuibus non conficerent. Conf. Barclaius *de potest. papae cap. XXXIII.*

(d) Generalis exemptio clericorum in omnibus criminibus a potestate iuris gladii moribus eius aetatis, qua concessa est, perbelle conuenit. Nimirum in nouis regnis, quae populi septentrionales ex ruinis Romani imperii in Occidente fundarunt, crimina ferme omnia multis seu poenis pecuniariis, quas *compensationes* dicebant, solebant expiari, & raro admodum sanguis effusus. V. Car. Dufresne *in glossar. mediae & infim. latinit. v. componere*. Hinc nec receptae politiae, nec ecclesiae mansuetudini aduersabatur, episcopos de criminibus omnibus clericorum iudices sedere & poenas irrogare. Et licet ecclesia legibus Romanis viueret, tamen illa sanguinis poenas iure Romano propositas mansuetudine sua obliterauit.

(e) Et profecto a lege sub nomine Theodosii M. qua statuebatur, ne clerici ad iudicia ordinariorum iudicum in causis ecclesiasticis traherentur, detraxit verba ista *quantum ad causas ecclesiasticas*, *can. 5. C. 11. q. 1.* Et in canone iv. synodi v. Parisiensis, quo ex scientia episcopi poterat magistratus in clericos ciuiliu criminum reos animaduertere, verba *sine scientia pontificis* ita mutauit *sine licentia pontificis*, *can. 2. loc. cit.*, vt videretur veluti ab episcopi delegatione pendere magistratus potestatem.

CAP. IV. DE IURISDICTIONE ETC. 513

Gratiano & decretalibus a Gregorio IX. collectis sapiebant, ferme recepta est doctrina, clericorum exemptionem, praesertim in causis criminalibus, esse iuris diuini, & idcirco nulli laicae constitutioni obnoxiam. V. Espen. *par. III. tit. 3. cap. 2.* Quo etiam spectant concilium Lateranense v. *ses. V.* & Tridentinum *ses. XXV. de ref. cap. 20.*, dum id edicunt, tam iure diuino, quam humano nullam esse laicis in clericos potestatem.

§. IX. Haec autem, quae iure Romano, suae regum Francorum capitularibus, siue ecclesiasticis decretis de clericorum privilegio fori in criminalibus statuta sunt, in christianis prouinciis non generatim obtinent, sed quatenus vsu recepta, aut probata sunt. Nimirum ubi medijs saeculis magnus erat numerus clericorum, qui impune scelera grauiora admittebant, moribus aut legibus principum crimina quaedam excepta sunt, quae si clerici admitterent, a publicis iudicibus punirentur. Ita in Gallia in clericos atrociorum criminum reos regii iudices animaduertunt, quae crimina *privilegiata* dicuntur. V. Espen. *par. III. tit. 3. cap. 2.* Et quamuis in his criminibus alias in Gallia simul magistratus & episcopus iudicarent; tamen moribus praesentibus in delictis atrocioribus soli iudices regii cognoscunt. Roussell. *hist. iurisd. pontif. lib. IV cap. 3.* Similiter in Belgio nonnulla crimina clericorum etiam a publicis iudicibus vindicantur, teste Espenio *loc. cit.* Et in Venetorum republica leuia tantum clericorum delicta iudicio iudicum ecclesiasticorum committuntur. Sarpus *in considerationib.*

§. X. Nunc videamus oportet, qua ratione fori privilegium in causis criminalibus in regno Siciliae constitutum est. Principio statuit Gulielmus II. Rex, vt clerici in omnibus delictis in foro ecclesiae iudicentur secundum ius ecclesiasticum, *excepto si de perduellione aliquis fuerit appellatus, vel de alio magno huiusmodi maleficio, quod spectat ad maiestatem, const. de personis tit. ubi clericus in maleficiis debeat conueniri.* Inde ubi regnum in duo diuisum est, in regno Neapolitano Carolus II. Andegavus voluit, vt clerici in omnibus causis, siue criminalibus, siue ciuilibus, siue mistis, exceptis causis feudalibus, coram iudice ecclesiastico conueniantur, *cap. item sta-*

Pars III.

K k

quimus

514 INSTITVT. IVRIS CAN. PARS III.

tuius xci. tit. de non trahendis clericis. Ampla quidem exemptio; at abrogata non videtur Gulielmi constitutio, qua clerici in crimine maiestatis iudicibus publicis addicuntur (f). Sane qua demum cumque generali formula exemptio concipiatur, crimen maiestatis non complectitur: non enim videtur princeps ei concessisse priuilegium, qui contra maiestatem committit; sunt enim nonnulla scelera, quae omnem honorem excludunt, L. 1. C. ubi senatores, & in causa maiestatis omnibus aequa conditio est, L. 4. C. ad L. Iul. maiestatis.

C A P V T V.

Qui clerici & monachi fori priuilegium habeant, & an illud possint eiurare.

§. I. **E**X veteris disciplinae regulis clerici omnes, siue maiores, siue minores, etiam qui sine ordine erant in canone, item monachi & monastriae fori priuilegio utebantur. Nouel. LXXXIII. & CXXIII. cap. 21., conc. Parisiense v. can. 4. Ipsi clerici coniugati, etiam qui in ministerio suis utebantur vxoribus, fori priuilegio tuti erant, eoque etiam vsi sunt solius primae tonsurae clerici, vbi nouum hoc clericorum genus in ecclesia receptum est. Clerici autem tum gaudebant fori priuilegio, si ecclesiae, cui addicti erant, deseruirent (a).

§. II.

(f) Nec audiendi sunt Andreas de Isernia & Matthaeus Afflictus, qui non solum docent, clericos in crimine maiestatis de magistratuum imperio exemptos esse; verum etiam eos, vt pote ciuili potestati minime subiectos, (noua profecto theologia, nouum ius publicum) crimen maiestatis admittere non posse.

(a) Sane Iustinianus clericos omnes in causis pecuniariis apud episcopos conueniri voluit, ne a sacris amouerantur obsequiis, nouel. LXXXIII. Et generatim clericorum personales immunitates potius ob iuge ecclesiae ministerium, quam ob dignitatem

& or-

§. II. Verum labentibus annis lapsa ecclesiastica disciplina fori priuilegium praesertim in causis criminalibus potius ob ordinis dignitatem & characterem, quam ob ecclesiae seruitium clericis datum reputatum est: quae doctrina post saeculum decimum in magna clericorum multitudine, qui sine beneficio ordinati ecclesiae non deserviebant, generatim inualuit. Et ut nemo a clericalibus priuilegiis excluderetur, saeculo decimo tertio & sequentibus docuerunt decretalium interpretes, primam tonsuram esse ordinem, & characterem imprimere, ut ita attonsi omnes fierent omnino sacri, & ecclesiae foro addicti censerentur. V. Espen. *par. III. tit. 3. cap. 3.* Hinc doctrina illa, clericos omnes fori priuilegio, praesertim in criminalibus, gaudere, etsi ecclesiae non deseruirent, nec habitum & tonsuram clericalem gererent, *cap. 12. de sent. excomm. in 6.*

§. III. Hoc iure ferme viximus vsque ad synodum Tridentinam, quae saltem ex parte veterem disciplinam restituit. Etenim de clericis minoribus non coniugatis statuit, ut tum demum gaudeant fori priuilegio, si beneficium habeant ecclesiasticum, aut clericalem habitum & tonsuram gerentes, de mandato episcopi ecclesiae inserviant, aut in aliquo seminario aut schola, quasi in via ad maiores ordines, versentur. Trident. *ses. XXIII. de de ref. cap. 6.* Quo decreto etsi patres de clericis beneficiariis agentes, aperte nihil habeant de ecclesiae seruitio & habitu & tonsura clericali; tamen exploratum esse debet, etiam clericos beneficiarios ex synodi mente ecclesiae debere deseruire, ut fori priuilegio utantur; & si id patres non expresse sint, ea ratione factum videtur, quod maxime beneficiariorum erat ecclesiae deseruire, benefi-

K k 2

cium

& ordinis characterem concessae sunt, ne sacrilego liuore quorumdam a diuinis obsequiis auocentur, ut Constantinus M. in *L. 2. C. Th. de episc. & clericis* expressit. Hinc si quis vitam clericalem, seu, quod idem erat, ecclesiae ministerium deseruisset, prout natales aut facultates erant, vel curiae, seu senatui patriae suae, vel ordini suo perpetuo sociabatur; *L. 39. C. Th. eodem.*

316 INSTITVT. IVRIS CAN. PARS III.

cium enim datur propter officium. Quidquid vero sit, apud nos etiam requiritur ecclesiae seruitium & habitus & tonsura clericalis, vt beneficiarii fori priuilegio vtantur, quod litteris Regis nostri anno MDCCCLX. ad Cameram Regalem comprehensum est.

§. IV. Clerici coniugati post saeculum vndecimum omnibus clericalibus priuilegiis spoliati sunt, & inhabiles facti ad retinenda beneficia, *cap. 7. ex. de clericis coniugatis*. V. Thomass. *de vet. & noua eccles. discipl. par. I. lib. 2. cap. 56*. Id factum videtur ad compescendam clericorum incontinentiam, quae saeculo decimo & deinceps increbuerat. Sed postea redintegrato caelibatus clericalis vigore, humanius cum clericis coniugatis actum est, eisque Bonifacius VIII. concessit, ne propter crimina criminaliter aut ciuilitur coram magistratu conueniantur, modo vnicam & virginem duxerint, & habitum & tonsuram gerant, *cap. vn. de cleric. coniugatis in 6*. Quod priuilegium confirmarunt Tridentini patres, eo tamen addito, vt coniugati iussu episcopi alicui ecclesiae addicantur, *ses. XXII. de ref. cap. 6*.

§. V. Plures alii, etsi non monachi, nec clerici, iure canonico, aut doctorum placitis fori priuilegio gaudent, quales tirores vitae monasticae seu nouitii, quousque in tirocinio perseuerant, Fagnan ad *cap. nullus ex. de se-ro comp. n. 59.* item seruientes seu quocumque alio nomine militis, seu monasteriis, seu collegiis addicti. Trident. *ses. XXIV. de ref. cap. 11*. Clerici quoque seu diaconi sic dicti *siluatici*, hoc est clerici, qui nulla tonsura initiati vestem clericalem aut eremiticam indunt, & alicui ecclesiae vrbanæ seu capellis suburbanis inseruiunt. Episcoporum quoque familia laica, quae varia officia complectitur, veluti cancellarios, scribas, domesticos, cursores, omnium interpretum consensu fori priuilegio vitur. Nec desunt doctores, qui etiam ad clericorum familiam, veluti uxorem, filios, famulos fori priuilegium extendunt. V. Fagnan. *loc. cit.*

§. VI. Haecenus dicta de iis, qui fori priuilegio gaudent, non omnia apud nos peraeque seruantur, quod patris conuentis inter Benedictum XIV. & Carolum olim Regem nostrum aliqua addita, multa vero reiecta sunt.

Prin-

Principio placuit, solos clericos, qui secundum Tridentinas regulas viuunt, & religiosos omnes vtriusque sexus, qui velle monastica suscepta vitam communem sub disciplina & obedientia regulari viuunt, aut qui extra monasterium degunt, superiorum suorum iussu necessaria negotia obituri, fori priuilegio gaudere; non item alias personas, quocumque nomine veniant, quae fori priuilegio deiectae sunt, *cap. III. n. 1.* Clerici vero minores & primae tonsurae quotannis debent probare, se secundum sacros canones vixisse, aliter eorum nomina ab albo clericorum, quod in ecclesia cathedrali publice habendum est, delentur, & clericalia priuilegia amittunt, *cap. IV. n. 8.*

§. VII. Iam eadem conuentione *cap. III. n. 1.* & 2. placuit, vt clerici coniugati in solis criminalibus causis, quae criminaliter aguntur, fori priuilegium habeant, modo vivant ex regulis Tridentinis, & artibus & negotiis abstineant, quae clericos dedecent; in reliquis vero omnibus apud iudicem laicum conueniantur. Laicus vero iudex tantum super bonis sententiam exsequetur: & si id veret reorum inopia, ad capturam rei etiam procedet, sed prius ab ecclesiastico iudice venia petita, quam hic omnino dabit. Vt vero coniugati clerici sibi concessio priuilegio vtantur, quotannis apud episcopum loci debent probare, se ex forma canonum vixisse, & ab eodem litteras, quae id testentur, gratis accipere. Vtuntur hoc priuilegio tantum ipsi coniugati, nec ad vxores & filios extenditur.

§. VIII. Porro iisdem pactis conuentis *loc. cit. n. 5.* & 7. placuit, vt laici, qui in ecclesiastico foro actorum magistros agunt, quique episcoporum aliorumque praelatorum *cursores* appellantur, in ciuilibus, criminalibus mistisque causis, quod spectat personalem restrictionem, fori habeant priuilegium, quousque in ministerio sunt, nisi ea causa sit, vt poena mortis aut treremium iure statui in eos possit: quo casu tantum regionum iudicum in eos iurisdiclio est: officiales vero baronales tantum eos in carceres detrudere possunt, & regios iudices ea de re facere certiores. Sed actorum magistri & cursores intra praefinitum numerum esse debent.

518 INSTITVT. IVRIS CAN. PARS III.

§. IX. Iure decretalium clerici minores, qui habitum vitamque clericalem abiicerent, fori priuilegio non ex-
cidebant, nisi ter admoniti in statu laicali persisterent,
*cap. ult. ex. de vita & honest. clericorum, cap. 44. ex. de
sentent. excommunicationis*. Sed deinceps distinctum est in-
ter minores clericos beneficiarios & non beneficiarios,
receptumque est, illos seruata iudicii forma & monitio-
ne praemissa fori priuilegio spoliandos, hos vero ipso iu-
re ob desertam vitam & habitum clericalem excidere,
quod Innocentius XIII. in bulla *apostolici ministerii* & Be-
nedictus XIII. in bulla *in supremo militantis* statuerunt. In-
terim apud nos litteris Regis nostri ad Cameram Regalem
mense Septembri anni MDCCCLX. datis etiam clerici be-
neficiarii ipso iure cadunt fori priuilegio, si ex regulis
Tridentinis & pactorum conuentorum forma non vivant.
Qui vero ipso iure amiserunt fori priuilegium, etsi alias
ex fide bona possent pro arbitrio ad clericalem vitam re-
verti; tamen apud nos semel albo clericorum deiecti, ite-
rum clericalem vitam pro arbitrio suscipere videntur in-
terdicti.

§. X. Quicumque fori ecclesiastici priuilegium habent,
ex principiis iuris veteris concesso priuilegio poterant re-
nuntiare, & in iudicem laicum consentire, *novel. CXXIII.
cap. 8.*, idque ob regulam iuris antiqui, qua omnibus li-
cebat his, quae pro se indulta sunt, renuntiare. Verum
Innocentius III. summus pontifex omnino interdixit ele-
ricis fori priuilegio abrenuntiare, & in iudicem laicum
consentire, nulliusque momenti esse dixit renuntiationem,
etsi sacramento factam, *cap. 12. ex. de foro compeenti*:
idque duabus praesertim rationibus, vna, quod priuatorum
pactis iuri publico non recte renuntiatur, fori vero pri-
uilegium iuris publici est: altera, quod per veteres cano-
nes prohibetur clericis laicum forum adire (b). Ita sum-
mus

(b) De hoc Innocentii III. rescripto in diuersa abeunt inter-
pretes. Cuiacius, Struchius, Vulteijs aliique multis conten-
dunt, pontificem contra iuris rationes constituisse, non posse
clericum fori priuilegio abrenuntiare, & in iudicem laicum con-
sentire. Contra Cironius, Gonzalez aliique pontificem ab hac

mus pontifex dignitati ordinis clericorum consuluit, quae deturpari videbatur, si clericis liceret privilegio ordini concesso renuntiare. Rescriptum hoc Innocentianum statim in usum versum est, & multarum synodorum decretis confirmatum; mediis enim saeculis certum habebatur, posse pontifices suis decretalibus leges civiles abrogare. Tantum ex regulis decretalium licet clericis in ecclesiasticum iudicem, alias incompetentem, ex venia proprii episcopi consentire, *cap. 18. ex. eodem.*

C A P V T VI.

De foro competenti.

§. I. **F**orum siue forus Romanis & negotiationis & excendarum litium locus fuit, qua de re multa habet Polletus *hisl. fori Romani cap. 1. & seq.*, qui tamen non recte adfirmat, forum virilis generis Latinum non esse. V. Cuiac. *in tit. decretal. de foro competenti.* Dictum vero fuit forum a ferendo, quod eo loci & controuersiae iudici definiendae, & merces venales ferebantur, ut Varro obseruat. Itaque forum, ubi de iudiciis agitur, est locus iudiciorum, & saepe etiam pro ipso iudicio sumitur. Forum vero in iudiciis est competens, si

K k 4

com-

nota strenue vindicant. Sed hac in re duo videntur distinguenda: vnum, num ex principiis iuris civilis pontifex recte prohibuerit clericis fori renuntiationem; alterum, num pro iure suo potuerit ius vetus abrogare: Et primum quidem tum recte iuri publico non potest priuatorum pactis renuntiari, si ipsa lex renuntiationem non permittat, non item si illam concedat, *L. ult. §. ult. C. de temporib. appellacionum*: in specie vero fori clericalis aperte ius ipsum publicum renuntiationem clericis permittit, *L. 51. C. de episcopis & clericis, nouel. CXXIII. cap. 8.* Alterum, tempore, quo vixit Innocentius III. certum habebatur, posse pontifices contra ius civile respondere.

competat iis, qui eo controuersias deferunt suas, atque ideo est forum iudicis proprii, seu competentis, qui scilicet cognoscendi habet potestatem & in reum iurisdictionem.

§. II. Quando autem competens iudex forum constituit, dubio procul ecclesia forum proprium habet, in quo non minus de rebus spiritualibus, quam de rebus temporalibus iudicatur. Et quod spectat ad res spirituales, ecclesiae forum tantum competens est, praesertim si iuris quaestiones agitentur, idque siue rei clerici, siue laici sint. Potestas enim spiritualis iure clauium continetur, quas Christus solis apostolis & eorum successoribus concedidit. Hinc Osius Cordubensis apud Athanasium *apol. II.* admonuit Constantinum M., imperii & sacerdotii fines esse constitutos, & diuinae ordinationi eos aduersari, qui ipsius imperium malignis oculis carperent: itemque ipsum imperatorem fines a Deo positos transire, si ecclesiae & sacerdotibus diuinitus concessa iura usurparet.

§. III. Verum enimvero forum ecclesiae, praesertim pro ea parte, quae ad peccata eorumque medelas spectat, in veteri disciplina totum internum fuit & sacramentale, quod Morinus de *administr. poenit. lib. I. cap. 10.* pluribus illustrat. Et quamuis veteres patres in puniendis criminibus multa iudiciaria & veluti sollemnem iudiciorum ordinem adhiberent, si in reos accusatos & non confessos procederent; tamen externa omnis forma ad peccatorum poenitentiam & forum internum spectabat. Forum eiusmodi saeculo decimo secundo in duo diuisum est, vnum *internum*, alterum *externum*: & internum quidem sine iuris ambagibus exercetur, & in crimina prorsus omnia sacramentali ratione procedit: externum vero complectitur censuras & alias causas ecclesiasticas, quae per iuris ambages apud iudicem tractantur & deciduntur.

§. IV. Causarum ecclesiasticarum, quae tantum ad episcopale forum spectant, aliae sunt de rebus sacris, aliae de criminibus. Et de rebus sacris in primis censentur causae de sacramentis, quas, quod spectat ad eorum naturam (a)

& con-

(a) Quod spectant, inquam, eorum naturam: nam circa

CAP. VI. DE FORO COMPETENTI. 521

& constitutionem, ecclesiasticae cognitionis esse in compertis est. Verum ex causis sacramentalibus vix vllae ad forum contentiosum hodie producuntur, exceptis matrimonialibus, quae per iuris ambages tractari solent.

§. V. Iure veteri causae omnes ad matrimonii contractum spectantes, & inde pendentes, veluti de dote, sponsalitiis largitionibus, natalibus, alimentis praestandis ad saeculare forum pertinebant. Tantum ecclesiasticae cognitionis erant sacramentum, canonica impedimenta, nuptiarum benedictio, alique ritus, quibus in domino matrimonium contrahi posset. At labentibus annis matrimonii sacramentum contractum veluti occupauit & ad se traxit: inde quaestiones matrimoniales etiam de contractu & inde pendentes, veluti spirituales, aut spiritualibus incidentes, ad forum ecclesiasticum conuolarunt, quod ius decretales exhibent, *cap. 5. ex. qui filii sint legitimi, cap. 3. ex. de donationibus inter virum & uxorem*. Interim praesentibus prouinciarum institutis ferme solae quaestiones de vi matrimonii & sponsaliorum & de sacris ritibus fori ecclesiastici sunt: quod ius etiam apud nos patris conuentis inter Benedictum xiv. & Carolum olim Regem nostrum comprehensum est, *cap. VI. n. 3.*

§. VI. Causae quoque beneficiariae spiritualibus accensentur, atque ideo ecclesiastici fori sunt, siue de ipsa collatione, siue de qualitatibus beneficiariorum, siue de ipsius beneficii priuatione, siue de excitandis, siue coniungendis, siue diuidendis beneficiis agatur. Et quoniam causae iuris patronatus spiritualibus adnexae sunt, iure decretalium etiam ad forum ecclesiasticum pertinent, *cap. 3. ex. de iudiciis*. Capellaniae tamen merae laicales. & legata pia, quae nulla episcopi auctoritate constituta sunt, bene-

modum, tempus, locum ea exhibendi & celebrandi, nec non eorum ministros plura intercurrere queunt externam politiam spectantia, & ad quae principum eorumque magistratuum cura se extendere potest, quin & subinde debet: utpote quibus incumbit externae politicae curam habere, atque curare, ut omnia recto ordine etiam in ecclesia agantur, ut Elpenius par. III. tit. 2. cap. 1. loquitur.

beneficiariis fori ecclesiastici causis non accensentur. Quin litteris Regis nostri III. idus Iunii anni MDCCCLXX. statutum, capellanas a testatoribus relictas aestimandas tamquam onus hereditatis, cuius executio pro celebratione missarum officio iudicis continetur.

§. VII. Item causae funerariae fori ecclesiastici sunt, si nempe agatur de concedenda vel neganda mortuis sepultura, de eiusdem electione, benedictione cadaveris, usu crucis parochialis, & de solutis iuribus funerariis inter ecclesias & clericos diuidendis. Quin iure decretalium etiam fori episcopalis est cogere laicos ad consuetas funerarias oblationes praestandas, si sponte non offerantur, *cap. 42. ex. de simonia*. Sed moribus hodiernis etiam huius regni actio ad soluenda iura funeraria fori laici esse censetur; est enim actio personalis, qua debita pecunia postulat, nec aliquid spiritualis creditur continere.

§. VIII. Praeterea causae decimarum iure decretalium foro ecclesiastico addictae; habentur enim decimae veluti sacer census Deo debitus in signum supremi & vniuersalis dominii, *cap. 14. & 26. ex. de decimis*: quae doctrina ex moribus Iudaicis in ecclesiam irrepsit. Itaque si quaestio sit, num decimae, aut qua mensura debeantur, iudicis ecclesiastici est iudicare: cuius etiam est cogere per censuras laicos ad decimarum solutionem, *cap. 5. ex. eodem, Trident. sess. XXV. de ref. cap. 12.*

§. IX. Causae ecclesiasticae, veluti beneficiorum & decimarum, iure decretalium pertinent ad forum ecclesiasticum, tam si de ipso iure, quam si de possessione controuersia sit. At in Gallia, Belgio & plerisque christianis prouinciis iudicium de iure, seu *petitorium*, ut dicunt, remittitur quidem ad iudicem ecclesiasticum; at iudicium possessionis in regis auditoriis tractari solet, si agatur de retinenda vel recuperanda possessione; non item de adipiscenda, nam hoc iudicium plus iuris, quam possessionis habere videtur. Nec religio est regis magistratibus de causarum ecclesiasticarum possessione cognoscere; nam de possessione quaestiones, veluti quae merum factum continent, temporales reputantur. Et licet in pleno possessionis iudicio etiam iura & tituli ambarum partium discuti & ventilari soleant, idque ut constet de legitima

CAP. VI. DE FORO COMPETENTI. 323

gitima alterius partis possessione; tamen id obiter fit, & sententia non super proprietate & titulis, sed tantum super possessione pronuntiatur. Finito possessionis iudicio, & per omnia executioni dato, liberum est victo iuris quaestionem in foro ecclesiastico intendere, etsi id raro fiat, quia expensis in iudicio possessionis iuribus & titulis mala esse videtur causa eius, qui iudicio possessionis victus est.

§. X. In regno Neapolitano etiam causae beneficiorum in iudicio possessionis tractantur in regis auditoriis at causae decimarum, etiam ubi de iure tractatur, in foro laico & praesertim in Sacro Consilio ex antiquis moribus cognoscuntur & iudicantur. Nec patitur regia iurisdictio, causas decimarum in foro ecclesiastico quomodolibet audiri, neque laicos ab ecclesiasticis iudiciis ad earum solutionem compelli; decretum enim Tridentinum, quo licet episcopis excommunicare quotquot decimas subtrahunt, aut earum solutionem impediunt, apud nos receptum non est. Sane eiusmodi quaestiones potius factum, quam ius ipsum doctoribus nostris spectare visae sunt, receptas nempe consuetudines & pacta, quibus christiani ad decimas ecclesiis soluendas obligantur. V. de Franchis *dec. CIII. n. 4.*

§. XI. Praeterea in multis catholicis prouinciis causae iuris patronatus laici, siue de iure, siue de possessione quaeratur, laici fori esse putantur: quod tradit Alteserra *de iurisdict. eccles. lib. VI. cap. 1.* Sed in regno nostro causae iuris patronatus etiam laicalis ad iudicem ecclesiasticum pertinent: tantumque excipiuntur causae iuris patronatus regii & feudalis, itemque alterius laici patronatus, si in patronatu feudali, quaeratur, num feudo sit adnexus, & in reliquis laicis patronatibus, si quaeratur, num sint de vniuersitate bonorum: in quibus speciebus cognitio ad iudicem laicum pertinet: quod pactis conuentis inter Benedictum XIV. & Carolum olim regem nostrum *cap. VI. n. 4.* continetur.

§. XII. Causae criminales fori ecclesiastici propriae; quamdiu vnum fuit ecclesiae forum, internum nempo, crimina omnia fidelium erant, quae salutaribus poenitentis & sacramentali ratione ecclesia curabat. At ubi for-
rum

rum externum ab interno separatum est, hoc nullam diminutionem subiit, nec subire poterat; at ratione externi fori criminum distinctio in *ecclesiastica*, *ciuilia* & *mista* inualuit. Ecclesiastica religionem & fidem directe laedunt, qualia sunt haeresis, schisma, simonia. Ciuilia directe laedunt rempublicam, nec in foro externo aliquid spirituale continent, qualia homicidium, peculatus, furtum. Et demum mista dicuntur, quae religionem & rempublicam eodem tempore laedere videntur, qualia adulterium, concubinatus, sodomia, sacrilegium.

§. XIII. Quod spectat crimina ecclesiastica, in compertis est, eorum cognitionem ad forum ecclesiasticum pertinere, siue clerici, siue laici delinquant; ecclesiae enim est videre, num admissum crimen reuera tale sit, & canonicas poenas irrogare. Non tamen ex regulis ecclesiasticis vetitum est magistratibus in haereticos iudicio ecclesiae damnatos poenis ciuilibus animaduertere: V. Feuret. *de abusu lib. VIII. cap. 2.* Verum in regno Neapolitano crimina ecclesiastica solius iudicis ecclesiastici iudicio & punitiōi reservata sunt cum plena potestate animaduertendi in laicos: quod ius pactis conuentis inter Benedictum xiv. & Carolum olim regem nostrum *cap. VI. n. 1.* comprehensum est. Solius quoque iudicis ecclesiastici est de polygamia cognoscere, & poenas in polygamos irrogare, quod iisdem pactis conuentis *n. 2.* cauetur. Interim regis litteris anno c1710ccxlv1. vetiti sunt iudices ecclesiastici in causis haeresis reos siue ecclesiasticos, siue laicos citare, aut carceribus tradere, nisi acta informationis antea Regi exhibuerint, & ab eo id agendi specialem veniam impetrauerint: nec inde instructo iudicio sententiam executioni possunt mandare, nisi Regi iterum acta exhibeantur, & ab eodem venia impetrata sit. Quae omnia Regi placuerunt ad iudiciariam S. Officii formam penitus exscindendam.

§. XIV. Crimina mista iure decretalium canonicis poenis vindicant episcopi, ciuilibus vero laici indices, *cap. 2. ex. de maledicis, cap. 5. de poenis in 6.* quod regulis christianae religionis conuenit. Verum temporis lapsu ecclesiastici contendere coeperunt, etiam ius esse foro ecclesiae talia crimina poenis ciuilibus punire, idemque etiam

CAP. VI. DE FORO COMPETENTI. 525

etiam magistratus facere posse, & idcirco locum esse praeuentioni, iudicisque praeuenientis esse iurisdictionem. Hinc inter ecclesiasticos & laicos iudices controuersiae; nam solius civilis potestatis esse tenebant regii iudices, poenis civilibus in laicos criminum militum reos animaduerrere. Sed demum in nostro regno pactis conuentis inter Benedictum xiv. & Carolum olim Regem nostrum compositae controuersiae, datumque episcopis tantum poenis canonicis laicorum crimina misti fori expiare, *cap. VI. n. 5.* Quibus etiam poenis episcopi contra publicos reos civilium delictorum possunt procedere.

§. XV. Forum ecclesiae etiam de causis temporalibus saltem clericorum cognoscit & iudicat, idque postquam vera iurisdictione episcopis data est. Etenim iure Romano in causis civilibus ecclesia forum & iurisdictionem non habet, quod Cuiacius parat. *C. de episc. audientia* & Franc. Florens tract. *de iurisdictione eccles. in praefatione* docent. Aperta est sententia Valentiniani iii. *noel. XII. de episc. iudicio ad calcem C. Th., episcopi & presbyteri forum legibus non habent*: & in utroque codice tantum *episcopalis audientia* & *episcopale iudicium* episcopis conceditur, non iurisdictione. Episcopi quoque iure Romano non habent in causis civilibus rei iudicatae executionem, sed eorum sententias magistratus exequuntur. *L. 8. C. de episcopali audientia.* Sed nouis legibus & moribus episcopi etiam in causas profanas saltem clericorum forum sibi quaesierunt.

§. XVI. Iam vero quisque in proprio foro conueniendus est, hoc est apud eum iudicem, qui in reum habet iurisdictionem. Nimirum reus in iudicium venit inuitus, atque ideo apud iudicem, qui eum vocare & cogere potest, debet conueniri. Quoniam vero clerici fori priuilegio vtuntur, quo de fori civilis iurisdictione exempti sunt; hinc in causis temporalibus laici apud laicos iudices, clerici vero, & qui eorum iure censentur, apud ecclesiasticos conueniri debent, nisi causa talis sit, quae clericos de foro laico non eximit.

§. XVII. Reus siue in ecclesiasticis, siue in civilibus iudiciis ex quatuor praecipue causis forum sortitur, domicilio nempe, contractu, re sita, & maleficio, quod ci-
vili

vili & canonico iure constitutum est. Principio forum sit proprium domicilio, ibique reus ferme ex quavis causa recte conuenitur. Domicilium vero positum certo loco intelligitur, vbi quis larem, rerumque ac fortunarum summam constituit, vnde rursus non sit discessurus, si nihil auocet, vnde, quum profectus est, peregrinari videtur, *L. 7. C. de incolis*; vel si in aliquo loco per decennium commoratus, ibi sedem constituat, *L. 2. C. eodem (b)*.

§. XVIII. Item forum euadit competens & proprium ex causa contractus; vbi enim contractus initus est, ibi actione in personam reus praesens conuenitur; censetur nimirum contrahentes iurisdictioni eius loci, vbi contrahunt, se subicere. Locus vero contractus ille intelligitur, vbi contractus initus est, nisi expressum sit, quo loco pecunia soluenda sit; nam in hac specie contractus eo loci initus censetur, vbi pecuniam solui placuit, *L. 3. D. de rebus auctoris iudicis possidendis*. Qui vero extra domicilium contraxit, actione directa in loco contractus, si ibi praesens reperiatur, arbitraria in domicilio conuenitur, *L. vn. C. vbi conueniatur, qui certo loco*.

§. XIX. Forum quoque facit proprium locus, vbi res controuersa sita est, ibi enim in rem actio aduersus possidentem intenditur, *L. 3. C. vbi in rem actio*, quasi quod actio rem ipsam persequi videatur. Nec refert, vtrum immobilis, an mobilis res sit, de qua contenditur: quin etiam actio intenditur, etsi possessor absit, *L. 2. C. eod.* Res vero sita non impedit, quo minus liberum sit actori,

(b) Praeter proprium cuiusque domicilium, haecenus descriptum, datur etiam commune, quod iure Romano ipsa Roma erat. *L. 33. D. ad municipalem*. Hinc vnusquisque Romae repertus ex quavis priuata causa ibi conueniebatur, nisi ius reuocandi domum haberet, *L. 2. §. 3. seqq. D. de iudiciis*. Simili iure etiam Roma christiana communis omnium clericorum patria habetur: quo fit, vt clerici peregrini Romae reperti, ibi recte conueniantur, etsi nulla alia causa sit, qua forum proprium fiat, nisi ex iusta & necessaria causa in urbem venerint, quo casu habent ius reuocandi domum, *cap. ult. ex de foro competenti*.

CAP. VI. DE FORO COMPETENTI. 527

ri, in loco domicilii eadem actione reum conuenire, *L. 38. D. de iudiis*. Iure canonico etiam beneficio forum competens fit, veluti re sita, *cap. 3. de temporib. ordinationum in 6.*, & ita in causis beneficiariis recte apud episcopum beneficii clerici conueniuntur.

§. XX. Praeterea ex causa admissi criminis forum competens euadit: quaestiones enim ubi commissa, aut inchoata sunt crimina, perfici debent, etsi alterius loci aut prouinciae sit, qui deliquit, *L. 7. C. vlt. D. de accusationibus, cap. 14. ex. de foro competenti*. Sane ubi quis deliquit, maior est copia probationum & maius expensarum compendium, & praeterea iustum est, reum exemplo poenae prodesse, ubi obfuit exemplo delicti. Quod si reus a loco delicti absit, etiam alibi quaestio perfici potest, *L. 1. C. ubi de criminibus*, nisi magistratus loci criminis admissi petat, reum ad se transmitti, in loco patrati delicti puniendum, *L. 7. C. de custodia reorum, nouel. CXXXIV. cap. 5.*

§. XXI. Sunt etiam alii modi, quibus forum alias incompetens proprium euadit, quales praecipui sunt consensus litigantium, continentia causae, & privilegium. Et quidem iure Romano in causis civilibus licet litigantibus in alienum iudicem consentire, quo consensu iurisdiclio profertur, seu, vt dici solet, *prorogatur*, & incompetens iudex competens euadit, *L. 1. C. seq. C. de iudiis*. Iure decretalium clerici ex proprii episcopi voluntate in alienum iudicem ecclesiasticum recte consentiunt, *cap. 18. ex. de foro competenti*, non item in iudicem laicum, *cap. 12. ex. eodem*. Ex antiquo vsu in regno nostro clerici etiam infcio episcopo in forum nuntii apostolici Neapoli commorantis consentiebant; at regis litteris ad praesidem Sacri Consilii mense Augusto anni MDCCCLXIX. datis vetiti sunt notarii scripturis inserere formulam, qua clerici iurisdictioni nuntii apostolici consentiant, eique se subiiciant.

§. XXII. Continentia quoque causae iudicem alias incompetentem facit proprium, hoc est, si quaestioni principaliter propositae incidat quaestio, cuius ipse directe cognitionem non habebat, idque ne causae continentia & contextus abruptatur, *L. 9. C. de iudiis*. Et hinc iu-

re

re decretalium quaestiones de dote & alimentis praestandis, quae matrimonialibus incidebant, in foro ecclesiastico tractabantur, *cap. 3. ex. de donationib. inter virum & uxorem*. Verum tum iudici principis quaestionis de incidentibus cognoscere licet, si tantum iure prohibitus, non si omnino incapax sit: qua ratione incidens spiritalis quaestio apud iudicem laicum ad episcopale forum ableganda est.

§. XXIII. Forum denique euadit competens priuilegio; multi enim concessis priuilegiis subtrahiti sunt ab ordinarii iudicis iurisdictione, & alii iudici addicti, quales iure Romano viri clarissimi, milites, iique etiam, quibus fori electio concessa est, quales pupilli, viduae, & miserabiles personae, *L. vn. C. quando imperator inter pupillos vel viduas*. Similiter iure decretalium monachi, regulares, ecclesiae multae, itemque multa canonicorum capitula priuilegiis apostolicae sedis in totum, aut pro parte ab episcoporum suorum iurisdictione exempti sunt. Hinc iure decretalium exempti in exemptionis articulis forum sedis apostolicae sortiuntur, aut illius iudicis, cui eos priuilegium addixit.

C A P V T VII.

Quibus in causis clerici apud iudicem laicum conueniuntur.

§. I. **Q**Vamuis iure non minus ciuili, quam canonico clerici de magistratuum iurisdictione exempti sint; sunt tamen multae causae tam ciuiles, quam criminales, in quibus apud laicum iudicem conueniuntur. Et ad negotia ciuilia quod spectat, principio causae omnes feudales contra ecclesias & monasteria, quae feuda saecularia tenent, in curia domini directi, qui feudum concessit, tractari & iudicari debent, quod feudorum disciplina postulabat, & in decretalibus probatur, *cap. 6. & seq. ex. de foro competenti*. In regno Apuliae id ius obtinet,

tinet; illudque pacta conuenta inter reges Andegauos & Aragonenses & sedem apostolicam confirmarunt. Hinc causae omnes feudales, siue clerici, siue monachi agant, siue conueniantur, in Camera Summariae, si fisci intersit, alias in Sacro Consilio agitantur & deciduntur.

§. II. Praeterea in multis prouinciis praesertim in Gallia & Belgio clerici in foro laico conueniuntur in omnibus actionibus in rem, quin etiam in actionibus, quae causam mistam habent. V. *Espen. par. III. tit. 1. cap. 4.* Idem ius saltem ex parte obtinet apud nos, etenim antiquo huius regni usu causae omnes de hereditatibus & fideicommissis ad solum iudicem laicum spectant, siue controuersiae emergant ex testamentorum vitiis, aut ambiguae intestatae hereditatis iuribus, siue clerici agant, siue conueniantur. Item causae iuris congrui laici iudicis cognitionis sunt, etiamsi clerici conueniantur: quae in re etsi inter pragmaticos nostros non conueniebat; tamen litteris Caroli olim Regis nostri ea cognitio ad solum iudicem laicum delata est. Quod confirmauit Rex noster litteris suis xvii. calendas Aprilis an. c1710ccclxii. datis, idque ea ratione. Rex factum edixit, quod congrui actio in rem est.

§. III. Praeterea causae nuntiationis noui operis etiam contra clericos in hoc nostro regno apud iudicem laicum agitantur. Nouum opus dicitur nuntiari, si quis impeditur, ne aedificando, aut demoliendo pristinam rei faciem mutet, & alterius iura laedat. Non conuenit inter doctores nostros, cuius iudicis sit iudicare, si clericis opus nouum a laicis nuntietur. Ergo ad euitandas controuersias iudices laici, dum nouum opus clericis nuntiabatur, coeperunt non clericis ipsis, sed laicis eorum operariis prohibere, ne ultra procederent, vt ita sponte sua clerici apud iudicem laicum comparerent, iura sua persecuturi. Quam procedendi formam regia Pragmatica anno c1710ccxxxviii. §. 1. n. 10. probare videtur, dum hanc nuntiandi consuetam formam refert, *fabrificatores desistant.*

§. IV. Similiter si agatur actione in personam ex contractu, qui mercaturam spectat, clerici in hoc regno apud iudicem laicum conueniuntur, quod Rex noster x. calendas Augusti anno c1710ccclxix. litteris suis statuit. Indi-

gni profecto sunt clerici fori priuilegio, qui contra sui status vocationem mercimoniis vacant. Quin Rex posterioribus litteris x. calendas Iulias anno cxi. dccc. lxx. idem ius esse declarauit, si clerici litteras collybisticas, quae ad mercaturam non pertinent, scripserint, idque quod earum scriptio contractum quemcumque in mercimonium conuertat. Verum si executio personalis facienda sit, auxilium iudicis ecclesiastici implorandum est, quod absque vlla causae cognitione impertiri debet.

§. V. Iam in omnibus profanis causis si quis post citationem ab iudice laico factam in clerum sit adscitus, is praescriptione & priuilegio fori non inuatur, & causam persequi debet apud iudicem, qui iudicium coepit, qua in re leges & decretales conspirant, *L. 17. D. de iudiciis, L. 19. D. de iurisdictione, cap. 19. ex. de foro competenti*. Eadem ratione si lis coepta sit cum defuncto laico, clericus eius heres eam in eodem foro persequi debet, etsi reus sit, quia succedit in defuncti locum, & ideo post coeptum iudicium alterius fori fictione iuris factus videtur. V. Couarruu. *pract. quæst. cap. VIII*. Quin tradunt doctores nostri, clericos non iuari fori priuilegio, si rem, de qua apud iudicem laicum lis instituta est, etiam particulari titulo adquirant, sed teneri apud iudicem, qui cognoscere coeperat, iudicium suscipere. Carol. Ant. de Rola *prax. ciuil. par. 1. cap. 2. dist. 3. n. 32*.

§. VI. Porro clericus, qui apud iudicem laicum experitur, reconueniri apud eundem iudicem recte potest, etsi alias agentis iudex esset incompetens. Sane statuit Iustinianus, licere iudici, qui reum absoluerit, actorem e contrario condemnare, si reus vicissim ab eo aliquid petierit, nihil obstante exceptione, quod iudex agentis incompetens esse cognoscatur, *L. 14. C. de sententiis & interlocutionibus*. Iuris ciuiliis regula de reconuentione apud eundem iudicem iisdem paene Iustiniani verbis sub Zephyrini papae ficto nomine apud Gratianum refertur, *can. 1. C. 3. q. 8.*, & in decretalibus pontificum probatur, *cap. 1. & seq. ex. de mutuis petitionibus*. Hinc iudicio reconuentionis victus clericus sententiae iudicis laici, vbi ea transit in rem iudicatam, parere debet, alias

im-

implorata episcopi manu in eum executio etiam per personae coactionem fiet.

§. VII. Quod vero spectat ad causas criminales, et si in Gallia & multis aliis christianis prouinciis clericorum graua crimina a iudicibus regiis puniuntur; tamen in regno Neapolitano pauca crimina sunt, quae clericos foro saeculari addicunt. Tale est crimen laesae maiestatis, quod Rex Gulielmus II. dum fori priuilegium clericis confirmauit, nominatim excepit, & ciuili imperio reseruauit. *Const. de personis tit. ubi clericus in maleficiis debeat conueniri*. Cui constitutioni non derogauit Carolus II. Andegauus in cap. *item statuimus*. XCIV. quo statuitur, vt clerici in omnibus causis & ciuilibus & criminalibus, exceptis feudalibus, coram ecclesiastico iudice conueniantur & iudicentur; quod supra cap. IV. obseruatum est.

§. VIII. Praeterea in crimine *assassinatus* seu *assassinii* clerici in foro laico puniuntur, utpote qui crimine admissio cadunt ipso iure fori priuilegio, cap. I. *de homic. in 6*. Assassinii in specie sunt, qui in caedem hominis suas locant operas, aut conducunt alienas (a). Disputabatur vero, utrum iudex laicus de assassinii qualitate poterat iudicare, an oporteret, sententiam iudicis ecclesiastici praecedere, quae clericum crimen admisisse declararet, vt ita laicus iudex in clericum procederet. Sed tandem in nostro regno pactis conuentis inter Benedictum XIV. & Carolum olim Regem nostrum cap. III. n. 3. placuit, vt si clericus assassinii reus habeatur, & laicus iudex capturam praeueniat, captum carcere saeculari ecclesiae nomine

(a) Assassinii erant populi, qui in montibus Phoeniciae morabantur, ubi satis munita habebant castra, quod Carolus Dufresnius in *glossar. mediae & inf. Latinit. v. assassini* docet. Eorum opera Sarraceni utebantur ad occidendos ex insidiis christianos principes, vt eorum morte belli patrii molem a se auerterent. Alteserra de *iurisdic. ecclesiast. lib. I. cap. 3*. inde assassinorum appellatio translata est ad sicarios, homicidas, grassatores omnes, praesertim eos, qui in caedem hominis suas locant operas, aut conducunt alienas, vt post alios mox laudatus Dufresnius obseruat.

mine detineat, & acta iudicialia conficiat; sed antequam ad sententiam deueniat, ea intra menses quatuor ad forum mistum Neapoli constitutum transmittat, cuius erit cognitio actis, reoque audito, super qualitate assassinii pronuntiare.

§. IX. Item iisdem pactis conuentis *loc. cit. n. 4.* placuit, vt clerici, aut aliae personae ecclesiasticae, qui res regijs tributis obnoxias, vulgo *controbandi*, deferant, sint persona tuti, res vero deperdant.

§. X. Illud commune est tam criminalibus, quam civilibus contra clericos iudiciis, vt facti quaestio, vtrum quis clericus sit, nec ne, quae apud iudicem laicum incidat, apud eundem agitari debeat: quod ius in plerisque locis seruatur contra expressam decretalium sententiam, qua cognitio ista ecclesiastico iudici tribuitur, *cap. 12. de sentent. excommunicationis in 6.* Viget idem ius in regno Apuliae, vbi ritibus Magnae Curiae comprehensum est, vt si quis clericus apud iudicem laicum conuentus, velit clericatus exceptione illius iurisdictionem declinare, debeat coram eodem *principaliter (b)* comparere, & legitima sui clericatus documenta ostendere, vt ita iudex de proposita exceptione cognoscat, *rim CCXXXV. M. Curiae*. Sane facti quaestio haec est, & quae facti sunt, temporalia esse non ambigitur. Item quisque origine sua subiectus est publicae iurisdictioni eius loci, in quo moratur: ac proinde si vocetur a magistratu, debet comparere privilegia sua allegaturus, *L. 2. D. si quis in ius vocatus*, alias confusio in ciuitatem induceretur. Dum vero iudex apud nos de exceptione clericatus cognoscit, statim ac reum clericum esse animaduertit, eum ad proprium iudicem transmittere debet, etsi cetera iudicii sollemnia deficiant.

CA-

(b) Videtur tamen id intelligendum secundum regulas iuris communis, vt in criminalibus cogatur clericus *personaliter* coram iudice laico comparere ad sua probanda privilegia; nam in causis civilibus nulla esse potest ratio, cur non liceat clerico, se per procuratorem tueri. *Rapol. de iure regni par. 1. lib. 1. cap. 7. n. 11.*

C A P V T VIII.

De causis episcoporum.

§. I. **V**idendum modo coram quo iudice examinandae & tractandae sint episcoporum causae. Exploratum est, ex veteri disciplina causas ecclesiasticas contra episcopos in synodis prouincialibus iudicari consueuuisse, etsi illi de gradu suo deiici, aut de vna in aliam ecclesiam transferri deberent. Certe synodus Nicaena *can. V.* omnes causas in prouincia exortas in eiusdem prouinciae synodo definiri iubet: quo canone etiam causas contra episcopos comprehensas fuisse synodus generalis Constantinopolitana *can. II.* & Africani patres *can. 138. C. Afr.* docent. Eandem disciplinam proponit concilium Antiochenum *can. XIV. & seq.*, immo ipsa synodus Sardicensis, quae etsi tribuat episcopo Romano ius decernendi, an causa in prouincia debeat retractari; tamen aperte habet, criminales episcoporum causas ad prouincialis synodi audientiam pertinere. Conc. Sardic. *can. III. & V. ap. Dionys. Exiguus (a).*

§. II. Nec tantum episcoporum causae, verum etiam ipsorum metropolitanorum in synodis prouincialibus tractabantur: erat quippe metropolitanus princeps synodi prouincialis, at eiusdem iudicio suberat. At institutis patriarchis, quorum auctoritas in plures prouincias extendebatur.

L 1 3

deba-

(a) In Africa ad tractandas causas contra episcopos veluti extraordinaria synodus, quae duodecim episcopis constabat, cogebatur, *can. 3. & seq. C. 15. q. 7.* Ingens erat in Africanis prouinciis numerus episcoporum, ut permolestum esset in singulis criminalibus episcoporum causis prouincialem synodum haberi: & hinc si extra statum habendae synodi tempus deferri episcopum contingeret, episcopi duodecim cum primatu prouinciae conueniebant.

debat, synodus Chalcedonensis causas contra metropolitanos ad dioecesis exarchum, seu patriarcham, aut apud sedem Constantinopolitanam pro arbitrio conquerentium deferri voluit. Conc. Chalced. *can. IX. & XVI. (b)*. Haec disciplina in Oriente, ubi multi erant patriarchae, facile obtinuit, non item in Occidente, ubi metropolitani etiam post synodum Chalcedonensem in synodis provincialibus iudicati sunt. V. Dupin. *de antiq. eccles. discipl. diff. II. cap. 1. §. 4.* Nimirum in Occidentis dioecibus praeter Romanum pontificem, cuius patriarchalis potestas Romana dioecesi diu stetit inclusa, nulli alii erant proprie sic dicti patriarchae. At Romani pontifices etiam canonum Chalcedonensium praeiudicio primam cognitionem in causis metropolitanorum sedi apostolicae tribuerunt. Greg. M. *lib. VIII. ep. 8.*

§. III. Disciplina, quae habet, causas episcoporum in synodis provincialibus tractari debere, per octo & amplius saecula obrinuit; inde sensim mutata est, & in Occidente causas maiores episcoporum inter apostolica iura transierunt. Tanta mutationi causam praecipue dederunt falsae decretales, quae initio noni saeculi opera Isidori Mercatoris sub nomine primorum pontificum in ecclesiae perniciem prodierunt. Nimirum in iis sub nomine Eleutherii, Iulii aliorumque pontificum edicitur, non licere synodis provincialibus praeter sententiam Romani pontificis episcopos damnare, quod antiquis monumentis
& ve-

(b) De hoc privilegio sedis Constantinopolitanae eruditorum anceps iudicium. Alii ambitum Anatolii, episcopi Constantinopolitani, accusant, quasi eo spectantes canones ipse scripserit, & in synodo Chalcedonensi probari curauerit. Contra Petrus de Marca *de concord. sacerdot. & imperii lib. VII. cap. 5.* docet, sedi regiae urbis pro arbitrio conquerentium tributum fuisse de metropolitanis Orientis iudicium, quod Constantino- poli erat synodus quaedam perpetua *ἐκκλησια* Graecis dicta, quae componebatur ex episcopis, qui ex omnibus imperii provinciis eo confluebant. Dupinus vero *diff. II. de antiqua eccles. disciplina cap. 1. §. 4.* tenet, privilegium illud ad duas tantum dioeceses Asianam & Ponticam spectasse.

& veteris disciplinae vsui aduersatur; synodi enim prouinciales per plura saecula episcopos inficio pontifice damnare consueuerunt. Quae doctrina diu dubia haesit (c), sed tandem exeunte saeculo decimo & deinceps vna cum falsis decretalibus ferme vbique per Occidentem recepta est: quin etiam in summa disciplinae corruptione synodi prouinciales rariores euaserunt. Ita non tantum receptum, episcopos in synodis praeter pontificis auctoritatem non posse damnari; verum etiam eorum causae, tamquam maiores, primo iudicio ad summum pontificem deuolutae sunt. Quae recepta disciplina in *dictatu* sub nomine Gregorii vi. *can. III.* veluti certum proponitur, solum papam posse *deponere episcopos, vel reconciliare*.

§. IV. Verum noua disciplina non omnes episcoporum causas, sed tantum maiores summo pontifici addicit: quod ius exortum videtur ex antiquorum canonum & falsarum decretalium collatione. Nimirum canonum collectores, & praecipue Gratianus, codicibus suis & antiquos canones, qui generatim causas contra episcopos synodis prouincialibus attribuunt, & falsas decretales, quae episcopos praeter pontificis auctoritatem non damnandos decernunt, inseruerunt. Hinc ad concordiam distinctum est inter causas maiores & minores, quarum illae pontifici reseruatae sunt, hae synodis & metropolitans relictas. Maiores causae dictae sunt, quae deiectione a gradu puniuntur: minores vero, quae vel mitiorem correctionem merentur, vel rem pecuniariam spectant. Hanc disciplinam non obscure Innocentius iii. probauit, qui tantum episcoporum translationem, depositionem & cessionem inter pontificis reseruata recensuit, *cap. 2. ex. de*

(c) Proposita in falsis decretalibus doctrina de episcopis praeter summi pontificis auctoritatem non damnandis statim recepta non est. Etenim Gallicani antistites ubi animaduertunt, nouis decretalibus iura metropolitano- & synodorum prouincialium labefactari, illis canonicam auctoritatem denegarunt, quod non essent in codice canonum, (falsaria manus tum cognita non erat) & Romanis pontificibus Nicolao i. & Hadriano ii. qui nouitates illas tuebantur, diu resisterunt.

translatione episcopi. Et tandem synodus Tridentina *sess. XXIV. de res. cap. 5.* iamdiu inductam disciplinam confirmavit.

§. V. Iam vero mores & leges prouinciarum, quibus clerici in criminibus ciuilibus grauioribus iudicio & animaduersioni magistratuum subiiciuntur, praecipue spectant ad presbyteros & alios inferioris gradus clericos, non item ad episcopos: nam *hactenus non scimus*, inquit Espenius *par. III. tit. 3. cap. 4.*, ad episcopos laicam iurisdictionem ratione criminis, quantumuis atrocis, esse extensam. Hinc in actis cleri Gallicani refertur Regis Galliae declaratio vi. calendas Maias anno MDCLVI. emissā, qua habetur, iudicium contra episcopos in crimine laesae maiestatis instrui per iudices ecclesiasticos secundum canonicas sanctiones & formam in regno consuetam. Et id quidem recte in Gallia & in aliis prouinciis, ubi obtinet, ne quis etiam volens extra regnum ex quauis causa iudicari possit: nam ubi tale ius non viget, nescio an principes patiantur, crimina laesae maiestatis ab episcopis admissa extra sui territorii fines vindicari.

C A P V T IX.

De conciliis.

§. I. **H**Actenus de ecclesiastica potestate & foro competenti; dicendum deinceps de iudiciis, per quos potestas ista exercetur & explicatur, de conciliis nempe, aliisque tam ordinariis, quam delegatis iudiciis. Concilia in re ecclesiastica sunt conuentus catholicorum antistitum ad tractandum de fide & ecclesiastica disciplina rite conuocatorum. Graecis concilia dicuntur *synodos*, quod ex diuersis locis in eandem viam locumque antistites conueniant. Ita ab ecclesia tamquam pars a toto concilia differunt; nam ecclesia est totius christiani populi, concilium vero tantum antistitum conuentus.

§. II. Concilia vero ecclesiastica vel sunt generalia, vel

vel particularia. Generalia, quae Graecis οἰκουμενικαὶ συν-
 οδοὶ dicuntur, ex totius christiani orbis episcopis cele-
 brantur, quibusque summus pontifex ordinario iure, aut
 per se, aut per legatos suos praest. Particularia, quae
 Graecis συνοδοὶ τοπικαὶ *synodi locales* dicuntur, triplicis
 generis sunt, dioeclesana, prouincialia & episcopalia.
 Dioeclesana sic dicta a *dioecesi*, quae apud veteres saepe plu-
 rium prouinciarum ambitum comprehendit, ab episcopis
 & metropolitanis vnus dioecesis celebrantur. Accedunt
 vero ad dioeclesanas synodos concilia regionalia seu natio-
 nalia, quae, deletio imperio Romano & mutata repu-
 blicae forma, in regnis Occidentis celebrari coepta sunt,
 cuius generis sunt multa Gallicana & Hispaniensia. Pro-
 vincialia episcopi vnus prouinciae praeside metropolita-
 no, & episcopalia vnus ecclesiae clerici praeside episco-
 po componunt (a).

§. III.

(a) Sunt vero aliae peculiare synodi, quae propriam veluti
 speciem constituunt, quales erant synodi perpetuae, & mistae
 seu regiae. Et quidem Constantinopoli perpetua veluti synodus
 morabatur, *συνήκοντα*, quasi *perpetua* & *popularis* dicta, quae
 praeside episcopo Constantinopolitano habebatur ab episcopis,
 qui ex vniuersis imperii prouinciis ob ecclesiasticas necessitates
 in aulam Imperatoriam confluebant. In ea difficiliores totius
 Orientis ecclesiasticae causae tractabantur, quas vel ipse impe-
 rator episcopo Constantinopolitano committebat, vel quas con-
 querentes ad eum praesulem vltro deferabant. V. Thomass. *de*
vet. & noua eccles. discipl. par. II. lib. 3. cap. 43. Romae
 quoque quotquot peregrini episcopi reperiabantur, cum ponti-
 fice & clero conuenire solebant, si qua gravis causa occurreret,
 aut negotium aliquod expedire oporteret, cuius generis concilia
 multa in monumentis ecclesiasticis occurrunt.

Regia seu mista concilia, quae *placita*, *colloquia* & *conuentus*
 etiam dicebantur, ex regni optimatibus & comitibus, itemque
 ex episcopis & abbatibus coalescebant, ad res ciuiles &
 ecclesiasticas tractandas. Huius generis concilia frequentiora fue-
 runt in regnis Occidentis, quae ex ruinis Romani imperii
 emerferunt, vbi negotia publica in conuentu optimatum & epi-
 scoporum & abbatum tractari solebant: & inde nati in Gallia
 & Hispania misti conuentus, cuius generis sunt multa Galli-
 cana

§. III. Concilia in ecclesia sunt apostolicae originis & institutionis, ea enim in expediendis negotiis ecclesiasticis, praecipue in controuersia de legalibus, apostoli ipsi adhibuerunt, *act. XV.* Et profecto conueniebat ecclesiastico regimini, per Christum instituto, in plurimorum conuentu res ecclesiasticas tractari; siquidem apostoli in solidum ecclesiae regimen & administrationem acceperunt, *Ioan. XX. v. 21.* Partitio ecclesiae in paroecias de unitate episcopatus nihil imminuit, sed tantum in rebus ordinariis & quotidianis gregis portionem singulis addixit, quae est Cypriani *de unit. ecclesiae doctrina*. Ita ubi aliquis momenti negotia emergebant, ecclesia quatenus licuit, concilia celebrauit, praesertim quando certa erat, Christum ipsum adesse, ubi plures de eius nomine coerentur.

§. IV. Primigenii iudices, unde concilia, siue generalia, siue dioecesana; siue provincialia coalescunt, episcopi sunt, quibus regimen ecclesiae primario demandatum est. Quod si ipsi conuenire ad concilium impediantur, possunt suas vices presbyteris, aut diaconis committere. *Concil. Arelat. II. can. 18. & seq.*, *conc. Trull. can. VII.* Vicarii isti eorum nomine, a quibus mittebantur, sententiam dicebant: sedebant vero in conciliis Orientis in iisdem locis, quibus sedere debuissent illi, unde missi erant: contra in conciliis Occidentis post episcopos sedebant. In noua disciplina diaconi & presbyteri cardinales ex speciali priuilegio etiam in conciliis generalibus tamquam veri iudices sedent: quo eodem iure abbates consecrati; & superiores generales ordinum regularium vtuntur.

§. V.

cana & Toletana concilia. Rex ipse conuentum indicebat, at non in omnibus causis vniuersi deliberabant: etenim de rebus mere spiritualibus tractabant tantum episcopi & abbates; de rebus temporalibus soli procures; omnes vero conueniebant, si de rebus mistis tractare oporteret. Hinc, *Remens. epist. III. cap. 35.* Condita per synodos decreta principi debebant exhiberi, eademque a principe confirmata in Gallia *capitularia* audiebant.

§. V. Conciliis quoque siue generalibus, siue particularibus etiam presbyteri, diaconi & inferiores clerici interesse consueverunt, eoque se conferebant vel inuitati, vel episcopos suos comitaturi. Et presbyteri quidem & diaconi scientia & eruditione praecellentes cum haereticis praesentibus disputabant (b), quo nomine Origenes Arabico, Malchion presbyter Antiocheno, & Athanasius diaconus Nicaeno interfuerunt. Euseb. *hist. eccles. lib. VI. cap. 37. & lib. VII. cap. 28.*, Socrat. *lib. I. cap. 8.* Adventantes item episcopos diaconi in concilium deducebant. Et archidiaconus clericorum & reliquorum fidelium querelas ad synodum deferbat. Conc. Tolet. *iv. can. 4.* Ex reliquis clericis multi erant notarii, qui per notas & compendia verborum acta conciliorum celeriter scribebant.

§. VI. Praeterea synodis fideles laici, ipsique principes & magistratus interesse consueverunt; quamvis labentibus annis non omnibus promiscue fidelibus concessum synodis particularibus interesse; idque fortasse ad turbas evitandas; inualuit enim mos synodos habere clausis ecclesiae ianuis, & ad conuentum tantum admitti laicos, qui electione concilii interesse meruissent. Conc. Tolet. *iv. can. 4.* Aderant vero principes aliique fideles in fidei tractatibus & decisionibus, at ubi canonica contra clericos iudicia tractabantur, discedebant, qui mos praesertim in Oriente obtinuit. Thomass. *diff. XII. in conc. Chalced. n. 46. seqq.* Sed praesentes synodis principes aliique christiani non dicebant sententiam, sed potius discebant, itemque

(b) Presbyteri veteri stante disciplina etiam tamquam iudices in multis conciliis suffragium dedisse videntur, quod constat ex nonnullis subscriptionibus, quae eos iudices fuisse aperte probant. V. Habert. *not. in libr. pontif. Graecor. p. 175.* Et quae ratio impendebat, presbyteros in conciliis iudices sedere, quando in conuentu de legalibus vna cum apostolis iudicarent? Quidquid vero huius rei sit, presbyteri in noua disciplina in conciliis iudices non sedent, soloque doctrinae suffragio donantur, tantumque in concilio Basileensi ad iudiciale & plenum suffragium admissi sunt.

que principes & magistratus ordinem conseruabant, & ab episcopis dictatam fidem auctoritate sua confirmabant.

§. VII. Quae in synodis ecclesiasticis tractari consueverunt, ad tria ferme capita reducuntur, fidem nempe, disciplinam, & iudicia siue criminalia, siue ciuilia. Ante omnia, quae fidei erant, ex antiquis regulis tractabantur, inde ordine suo sequebantur disciplinae ordinatio, & iudicia canonica. Mediis vero saeculis vbi potestas ecclesiastica posita a patribus fines egressa est, concilia in Occidente etiam res ciuiles ventilare & decernere coeperunt. Res fidei in conciliis generalibus definitae omnino certae sunt, at decreta circa disciplinam non semper meliora proponunt. Sed moribus iamdiu receptis synodi prouinciales & episcopales de rebus fidei ferme nihil tractant, & iudicia extra synodos agitantur.

§. VIII. Ordinarius autem habendis conciliis ecclesiasticis locus ecclesia est, quod ex antiquis monumentis constat. Mendoza *not. in conc. Illiberit. cap. IX.* Nomen vero ecclesiae latiore sensu in hac caussa accipitur, vt etiam exedras seu ecclesiae adiacentia aedificia completatur. Et profecto in basilicae secretario concilia Carthaginensia tertium, quartum, quintum & sextum habita sunt, & hinc ipsae conciliorum sessiones *secretaria* dictae sunt. V. Car. Dufresne *comm. in Paullum Sitenarium*. Item in baptisterio Sophiano celebrata esse concilia, synodus Chalcedonensis *act. I.* testatur (c). Sed etiam extra ecclesiam synodos licet habere, vt constat ex synodis sexta & quini-sexta, quae Constantinopoli in regiarum aedium laqueato cubiculo, quod *trullus* vocabatur, celebratae sunt. Cabass. *in notitia ecclesiast. saec. I.*

§. IX. Praeterea sollempni forma ritumque concilia haberi consueuerunt, vt ordine omnia fierent, & dignitas confessus seruaretur. Confessus in coronae formam instituitur, conc. Tolet. *iv. can. 4.*, & in eo ex antiquis regulis epi-

(c) Leo Allatius *de consensu lib. II. cap. 11.* & seq. recenset aliqua concilia in catechumenis celebrata, seu in porticibus in altum naui ecclesiae positis, in quibus tempore celebrationis sacrorum officiorum mulieres a viris secretae morabantur.

episcopi primo ordine sedent, seruata ecclesiarum & ordinationis suae praerogatiua: nobiliorem vero locum occupat, qui synodo praeeft. Sed in praesenti disciplina ante episcopos sedent cardinales, etsi non episcopi, vt enim praesentes mores habent, cardinales supra patriarchas reputantur. Post episcopos abbates consecrati sedent, & inde generales ordinum religiosorum praepositi. Presbyteri in conciliis, siue generalibus, siue prouincialibus a tergo episcoporum sedent, diaconi & reliqui clerici adstant; at presbyteri in synodis vnius episcopatus vno confessu cum episcopo sedent secundum suae dignitatis ordinem (d). Omnes sacris vestibus & cuique gradui propriis induti confessum exornant. In medio confessus sacer thronus collocari consuevit, cui duo codices impositi, euangeliorum vnus, alter canonum, vt ad eos veluti ad lydios lapides inde dogmata fidei, hinc morum & disciplinae regulae explorari possent. Reliquiae quoque & imagines sanctorum ad synodos delatae, vt confessus sacratior videretur. Sic disposito confessu funduntur preces, & tum actiones conciliares incipiunt.

§. X. Concilia de veteri more, etiam posteriore aetate retento, per acclamationes finem habere solent; eaeque patrum subscriptiones sequuntur. Subscriptiones eo ordine institutae, quo patres in synodis sederant: ante omnes vero subscripserunt pontificis legati, licet presbyteri & diaconi essent. Qui suffragium habebant, tamquam iudices subscribebant, qui vero suffragio destituti conciliis aderant, subscriptione sua veris suffragiis accedebant. Missa item sunt concilia ad episcopos absentes, vt illis subscriberent, & aliquando etiam ad monachos sanctitatis laude insignes. Euagr. lib. II. cap. 9. seq. Ipsi quoque principes conciliis non semel subscripserunt, non quidem tamquam iudices in causis fidei, sed tamquam synodalibus decretis adhaerentes, eaque confirmantes.

§. XI.

(d) Dignitas ex regulis veteris disciplinae ab antiquitate ordinationis censebatur; at nouis moribus, qui iurisdictionem aut dignitatem obtinent, ceteris praeferruntur: inde sedent parochi secundum tempus, quo parochiis aucti sunt.

§. XI. Sed persequamur nunc singulas conciliorum species, quid singulis proprium insit, enarraturi. Et vniuersalia quidem concilia a totius christiani orbis episcopis celebrantur. *Orbis autem christianus & οἰκουμένη terra, quae habitatur*, apud veteres ipsum Romanum imperium designant. *Luc. cap. II. v. 1., L. 9. D. ad L. Rhodiam de iactu. V. Suicer. v. οἰκουμένη.* Hinc oecumenica seu generalia concilia veteribus erant, quae ex omnibus imperii Romani prouincijs habebantur, quod Iustellus *not. in C. eccles. Afric. can. 18.* aliique viri docti observant. Qui erant in barbarico episcopi, non facile poterant conuenire, quamuis Nicaeno concilio Persidis episcopus & Scythiae adfuerint. *Euseb. de vita Constantini cap. VI.* Verum labentibus annis primum schismate Graecorum, inde haeresibus Occidentis concilium generale ex episcopis Occidentis, qui cum ecclesia Romana communicant, coaluit, & ita potius patriarchale quam generale censendum est, quod de ipso concilio Tridentino Christ. Lupus *schol. in dictat. Gregorii VII. can. XVI.* obseruat.

§. XII. Secundum veteres regulas ad generale concilium vniuersi christiani orbis episcopi debent inuitari; at non est necesse, vt omnes conueniant; sufficit multorum ex omni ecclesia praesentia. Praesertim adesse generali synodo debebant maiorum gentium patriarchae, qui si adesse vetabantur, satis erat mittere legatos & litteras dogmaticas, quibus se & suas patriarchales synodos omnibus actis & agendis communicare & consentire testarentur. Illud vero exploratum est, iure non haberi generalia ecclesiae comitia, si summus pontifex non consentiat, & praestet auctoritatem. Sed ipsa pontificis praesentia, non est necessaria, sed sufficit eius legatos adesse. Quod si ecclesia Romana schismate laboret, aut summus pontifex sit dubius, aut haereticus, detentus, mentecaptus, aperte simoniacus, aut in perniciem vniuersae ecclesiae actiones suas dirigat, concilium etiam absque papa recte habetur. *V. Bossuet. defens. doctr. rat. lib. III. cap. 1.*

§. XIII. Quo autem ex christiano orbe episcopi conueniant & synodum celebrent, indictio legitima praecedat oportet. In veteri disciplina synodos oecumenicas indixe-

dixerunt christiani imperatores missis dualibus litteris ad metropolitanos & patriarchas, qui sibi subiectis episcopis mox celebrandam synodum denuntiabant, quod argumentum Io. Launojus *lib. VI. epist. 1. segg.* fuse pertrahat (e). Indicentes vero imperatores concilia etiam litteras tractorias dabant, quibus ad iter faciendum & expensas necessarias episcopis opus erat. Sed post saeculum octauum Orientis imperio ab Occidentali penitus seiuncto, itemque ipso Occidente in varia regna dissecto, non erat amplius in vnus principis potestate omnes christiani orbis episcopos in vnum concilium conuocare, quin nec solidi Occidentis, in quo multa regna potestatem imperialem excusserunt. Ita post saeculum decimum generalia concilia Occidentis pontifices Romani indixerunt. Conciliis vero a pontifice indictis etiam principes debent consentire, quo, facilius sit eorum celebratio, episcopis egredi regnis & prouinciis liceat, & spiritualis ecclesiae auctoritas temporali gladio fulciatur. Quod si schismate

Ro-

(e) Non leuis disputatio est, quo iure olim imperatores synodos generales indixerint. Graeci scriptores, & ex catholicis Richerius & Febronius contendunt, ad iura imperatoris pertinere synodum generalem indicare. Ex aduerso Baronius, Thomassinus, Nat. Alexander alique magno numero docent, semper summi pontificis proprium fuisse generalia concilia conuocare: & si priora oecumenica concilia ab imperatoribus conuocata sint, id factum potius, quam iure gestum interpretantur, & factum quidem, cui ecclesiae aut pontificis auctoritas praeluxit, aut accessit. Nimirum facile non erat in veteri disciplina sine auctoritate imperatoris generalia concilia celebrari; per publicas leges conuentus agitare principe non concedente erat interdictum, litteris tractoriis ab imperatore datis ad iter faciendum & necessarias impensas episcopis opus erat, & sacra ecclesiae potestas temporali imperio erat suslinenda. Hinc factum, aiunt, vt ecclesia synodos ab imperatoribus impetraret, vel principibus illas indicentibus adfentiretur. Medius inter has sententias Io. Launojus docet; indictionem non pertinere ad naturam conciliorum, & disciplinae exterioris, non dogmatis esse, quis concilia generalia indicat.

Romana ecclesia laboret, concilium alias necessarium indicunt cardinales, sed principibus consentientibus. Certi quoque iuris est, ipsam generalem synodum, antequam dissoluatur, aliam sequentem indicare posse.

§. XIV. Iam vero auctoritas summi pontificis generalibus conciliis necessaria, ei ins tribuit, siue per se, siue per legatos conuentui praesidendi: quae *προεδρία* in veteri disciplina, quae spiritualia erant, spectabat. Concilium oecumenicum vniuersalem repraesentat ecclesiam, cuius ecclesia Romana centrum est: atque ideo qui inter episcopos speciali praerogatiua fulget, etiam generali concilio debet praesidere. Praesidet vero summus pontifex cum relationis & suffragii praerogatiua. Et hinc in conciliis, antequam ad res propositas definiendas gradus fieret, litterae pontificis, quae in consessu episcoporum coram beatissimo apostolo Petro conditae erant, legebantur. Referre autem & censere oportet pontifices secundum receptam fidem & antiquam traditionem, quae sincerius in ecclesia Romana semper seruata est. Sed tum per synodos receptae fuerunt litterae pontificis, quum instituto examine constabat, illas ex recta fide & disciplinae regulis scriptas fuisse: quod cardinalis Cusanus *de concord. lib. II. cap. 17.* obseruat.

§. XV. Generalia concilia celebrari debent ex graui & necessaria causa, quae magnas inter se ecclesias scindat, nec pax aliter restitui posse videtur, nisi ecclesiae vniuersae auctoritate. Quid magis rationi contrarium, quam ob leues quaestiones sollicitari christianum orbem, & ecclesias suis pastoribus destitui? Hinc in veteri disciplina nullum certum tempus habendis generalibus ecclesiae comitiis definitum est; sed tantum emergentibus causis extra ordinem indici consueuerunt. Sed lapsa in Occidente ecclesiastica disciplina, frequens & veluti ordinaria generalium conciliorum celebratio necessaria visa est, vt malis, quae disciplinam penitus corruperant, occurreretur. Ergo synodi Constantiensis *ses. XXXIX.* & Basileenensis *epist. ad Eugenium papam* edixerunt, vt concilium generale *de decennio in decennium* celebraretur. Sed decretum hoc, vt pote temporis aptatum, effectu caruit.

§. XVI. Synodus generalis vniuersam repraesentat ecclesiam;

eclesiam; coalescit enim ex christiani orbis episcopis, qui ecclesiis particularibus praesunt. Hinc decreta synodi generalis rite & ordine celebratae in rebus fidei & doctrinae morum certam fidem faciunt, utpote quae placita sunt vniuersae ecclesiae, contra quam in rebus fidei portae inferi non praeualebunt. *Visum est Spiritui Sancto & nobis*, inquit synodus Hierosolymitana apostolorum, *act. XV. 28.* Quibus verbis constat, Spiritum Sanctum conciliis adesse, & fidei decreta dirigere. Inde Gregorius M. apud Gratianum *can. 2. D. 15.* protestatur, se veluti euangelii quatuor libros quatuor priora oecumenica concilia suscipere & venerari. At si patres in conciliis de quaestionibus facti, aut de rebus politicis & physicis tractent, & decreta condant; non diuina, sed humana auctoritate definitiones illae nituntur.

§. XVII. Iam vero utrum synodus oecumenica supremum in ecclesia auditorium constituat, cui summus pontifex etiam subiaceat, an potius pontifex supra synodum sit, magnis animis controuertitur. Antiquiores ex schola theologi & deinceps alii magno numero pontificem supra concilium extollunt, idque esse fere de fide Bellarminus de *concil. lib. II. cap. 17.* pronuntiat. Contra theologi Gallicani, totius cleri professioni adhaerentes, tenent, supremam in ecclesia potestatem esse penes concilium generale, & idcirco ipsum pontificem ab eo iudicari posse in causis haeresis, schismatis & in articulis, qui ad vniuersae ecclesiae statum spectant. Medius inter utramque sententiam cardinalis Cusanus de *concord. lib. II. cap. 20.* docet, synodum oecumenicam vniuersi christiani orbis, quae in veteri disciplina coalescebat, pontifice esse superiorem, non vero synodum plenariam Occidentis, quae origine sua patriarchalis tantum est, sed propter schisma Graecorum generalis censetur. Disputatio ista praeiudicialis est; inde enim pender altera controuersia, utrum concilia generalia rite celebrata, quo rata & firma sint, summi pontificis confirmatione indigeant, an potius vi sua consistant. Sed non patitur nostri instituti ratio theologica ista confectari.

§. XVIII. Synodis generalibus succedunt synodi dioecanae, quae ex vnius dioecesis, seu plurium prouincia-

Pars III.

Mm

rum

rum inter se adnexarum episcopis habentur (f). Sunt vero huiusmodi synodi aliae patriarchales, aliae in specie dioecesanae, prout nempe dioeceses habebant, aut non habebant patriarchas. Patriarchales erant in Oriente, cuius dioeceses suberant patriarchis: contra in Occidente dioecesanae erant Gallicanae & Hispanienses, & fortasse etiam Carthaginienses; nam olim dioeceses Occidentis, excepta Romana dioecesi, proprie sic dictos patriarchas

(f) Concilia dioecesana a partitione Romani imperii in dioeceses originem ducunt, at in assiduam & ordinariam iurisdictionem abierunt, postquam vnius dioecesis provinciae ecclesiasticae exemplo civilis politicae inter se adnexae, communi consilio negotia administrare coeperunt. Id in ecclesia Orientali factum est synodi Constantinopolitanae auctoritate, quae ecclesiam Orientalem in quinque dioeceses partita est, & unicuique dioeceseos synodo potestatem tribuit administrandi negotia omnia provinciarum dioecesis, sed sub exarchi seu patriarchae gubernatione. Conc. Constantinop. 1. can. 2. Ita in Oriente receptae synodi dioecesanae, praesertim ubi Theodosius iunior innouatae politicae consensit, L. 46. C. Th. de episc. & clericis. Et inde in actis concilii Ephesini memoratur *sancta synodus dioecesis Orientalis*, itemque *synodus ex dioecesi Aegyptiaca Alexandride congregata*.

Petrus de Marca de conc. sacerdot. & imp. lib. VI. cap. 26. tenet, synodum Constantinopolitanam tribuisse ecclesiam Orientalem in dioeceses praedictio legis imperatoris Gratiani, quae anno CCCXXXVI. lata concessit, ut causae ecclesiasticae de more causarum civilium locis suis & a suae dioeceseos iudicibus audiantur, L. 23. C. Th. de episcopis & clericis. Scilicet inde concludit vir doctus, hac lege permittum fuisse iure ordinario synodos dioecesanas celebrari, quum antea extraordinario principis imperio haberentur. Verum synodus Constantinopolitana videtur potius ecclesiam Orientalem in dioeceses tribuisse, quia optimum videbatur, civili politicae ecclesiasticam respondere, quam ex legis Gratiani sententia. Certe lex ista ad Occidentem spectauit, praecipue vero ad Galliae dioecesim, nam Treuiris data est. Quidquid vero huius rei sit, Occidentis dioeceses exarchos, qui synodis iure ordinario praessent, non receperunt, excepta dioecesi Romana, cui Romanus patriarcha, & forte etiam Africana, cui episcopus Carthaginiensis praesidebat.

chas habuisse non videntur. Synodi dioeceseanae in antiquis monumentis dicuntur *maiores, vniuersales, plenariae, generales*, totius nimirum dioecesis: posteriore vero aetate *regionales & nationales*, quasi ab episcopis vnius regionis, seu nationis celebratae.

§. XIX. Celebratur synodus dioeceseana a metropolitanis & episcopis vnius dioecesis, eique praesidet patriarcha, si dioecesis patriarcham seu exarchum habeat. Conueniebant autem metropolitanis & episcopis, qui commode poterant interesse (g): quin in Africa, vbi singulis annis plenariam synodum habere placuerat, ne episcopi toties & tamdiu suis ecclesiis abesse cogerentur, statutum est, vt singulae prouinciae ad plenariam synodum de conciliis suis binos aut plures episcopos mittant, *can. 18. C. Afr. apud Dionysium Exiguum*. Quod si res magni momenti tractanda esset, praeter prouinciarum legatos maxima pars episcoporum etiam conueniebat, vt videre est in synodo sexta Carthaginiensi, in qua ad tractandam causam de appellationibus ad sedem apostolicam septemdecim supra ducentos episcopi adfuerunt.

§. XX. Iam vero concilia patriarchalia in Oriente, vbi in ordinariam & adsiduam iurisdictionem abierunt, a patriarcha indicebantur, nec necessarius erat specialis prin-

M m 2

cipis

(g) Ius, quo episcopi adigebantur ad synodos ordinarias frequentandas, ex ordinatione nascebatur, ordinatio enim ordinatos subiiciebat ordinatori: & hinc profectum est, vt *pertinere ad synodum & ad consecrationem* promiscue & passim dicantur episcopi, qui a primatibus suis dependent. *Novel. CXXXVII. V. Petr. de Marca de concordia sacerdotii & imperii lib. I. cap. 7. n. 3.* Ergo in Oriente & Romano patriarchatu metropolitanae conueniebant ad synodum dioeceseanam iure ordinationis, quam a patriarcha accipiebant. Contra in Galliae & Hispaniae dioecesebus, vbi nulli erant patriarchae, qui metropolitanos consecrarent, non iure ordinationis metropolitani conueniebant, sed potius iussu principis, qui concilium indicebat: & in Africa ad synodum primates cogebantur instituto consoederationis; primates enim Africani ab exarcho Carthaginiensi non ordinabantur, nec iussu principis inuitabantur ad concilium.

eipis adensus. Similiter summi pontificis erat indicare synodum Italiae, quae a quinto saeculo ex duabus dioecibus, nempe Romana & Italica stricte sic dicta, coepit coalescere (h): & synodum generalem Africae primas Carthaginienfis indicebat, *can. 96. C. Afric.* Sed in Gallia & Hispania principes ipsi concilia generalia indicebant; non enim dioeceses illae habebant patriarchas, nec placuit tantum ius alicui metropolitanorum tribuere. V. Petr. de Marca *de concord. sacerdot. & imperii lib. VI. cap. 17. seqq.* Integrum interim erat summo pontifici praecipere, vt in Gallia, aut Hispania concilium haberetur, si ecclesiae necessitas postularet. Leo M. *ep. XV. ad Turrib. editionis Quesnellii, Greg. M. lib. VI. ep. 10.* At praeccepta ista pontificum de habendis synodis regiam indictionem non excludebant. *Greg. M. lib. VI. ep. 113. seqq.*

§. XXI. Quousque synodi dioecesanae fuerunt extraordinariae, arbitrio principum, prout causae grauitas exposcebat, indicebantur; at vbi euaserunt ordinariae, quolibet anno habebantur: quod ius in Oriente & in Occidente statutum est. *Novel. CXXXVII. cap. 4., can. 18. C. Africani*, conc. Agath. *can. LXXI.* Verum quod annua celebratione episcopi fatigarentur, placuit patribus Africanis, vt tum solum generale Africae concilium celebraretur, si dioecesis totius necessitas postularet, *can. 95. C. Afr.* Et in Hispania & Gallia regula de habendis

(h) Synodus ordinaria Romani pontificis longo annorum cursu episcopos solius Romanae dioecesis, quae in decem prouincias extendebatur, complexa est. Quod vero prouinciae huius dioecesis praeter pontificem alios non haberent metropolitanos; synodus pontificis potius metropolitana, quam patriarchalis fuisse videtur. At quinto exeunte saeculo synodo Romanae dioecesi accessit synodus Italicae dioecesis stricte sic dictae, cuius metropolis erat Mediolanum, & ita synodus Romani pontificis euasit patriarchalis. Nimirum hac tempestate iam receptum erat, vt Mediolanensis & Aquileiensis antistites ex consensu Romani pontificis ordinarentur, *can. 33. C. 29. q. 1.* Quod probat, eos ad Romanam synodum pertinuisse.

dis vnoquoque anno synodis in vsum deducta non videtur, & potius pro necessitate ecclesiae indictae sunt. Verum dioecesana & nationalia concilia iamdiu celebrari desierunt (i).

§. XXII. Quod vero spectat ad negotia, quae in conciliis dioecesanis tractari solebant, ea in primis fuerunt causae communes, quae scilicet ad totam dioecesim spectabant, *can. 15. C. Afr.*, siue fidei, siue disciplinae essent. *Si causa fidei est*, inquiunt patres concilii Toletani *iv. can. 3.*, *aut alia ecclesiae generalis, totius Hispaniae & Galliae synodus conuocetur*. Ea vero ratione tantum causae communes ad synodos dioecesananas pertinebant, quod singulis prouinciis sua erant concilia prouincialia, in quibus causas singularum prouinciarum tractari oportebat. Synodi quoque dioecesanæ canones, quibus ordinabatur disciplina, condebant, & definitiua supremaque sententia

M m 3

ab-

(i). Concilia dioecesana in Occidente summa auctoritate negotia ecclesiastica vsque ad nonum saeculum administrarunt, inde sensim ferme nullius vsus euaserunt. Cui desuetudini multum contulerunt falsae decretales ea vulgata doctrina, concilia haberi non posse sine sedis apostolicae auctoritate, itemque illa, ad Romanum pontificem pertinere omnium ecclesiarum etiam ordinariam & episcopalem sollicitudinem. Etenim vbi eiusmodi doctrinae in vsum abierunt, concilia prouinciarum Occidentis, neglecta regum iussione, habita sunt praesidentibus Romanis legatis, qui ferme pro arbitrio negotia in conciliis disponebant, aut ea, tamquam difficilia, summo pontifici reseruant vnicui suffragio suo, quod collectis totius synodi suffragiis aequiualebat. *Petr. de Marca de concordia sacerdot. & imperii lib. VI. cap. 30. n. 4.* Sic deminuta & tantum non deleta episcoporum potestate, synodorum celebratio neglecta est, praesertim quando iudicia a legatis in synodis lata per appellationem Romam deferbantur, vbi interdum parte altera inaudita mittebantur in irritum: quod ferme nullius vsus prouinciarum synodos reddebat, vt suo Carnotensis *epist. XCIV.* observauit. Accessit noua disciplina, quae vni pontifici causas maiores reseruauit, & ita generalia prouinciarum concilia celebrari desierunt.

abfoluebant cauffas omnes ecclefiafticas, quae in diocefi exortae erant.

§. XXIII. Praeterea fingulae prouinciae ecclefiafticae fuam habent prouincialem fynodum, ad quam totius prouinciae epifcopi conueniunt. Eam indicit metropolitani, qui ceteros prouinciae epifcopos auctoritate antecellit, nec enim fine illius iuffu & admopitione epifcopis licet conuenire. Conc. Nicaen. *can. V.* conc. Antioch. *can. XX.* Idem porro metropolitani, qui indicit, fynodo praefit: qui enim principatu quodam inter iudices viget, neceffario debet confeflui praefidere. Metropolitani vero *propos.* *propra praefidentia* nihil de iure epifcoporum deminuit, atque ideo plurimorum fententia debet praeualere, quod Nicaeni patres *can. VI.* ftatuert.

§. XXIV. Concilio per metropolitani ftato die indicto epifcopi prouinciae tenentur interefle, nifi legitimis cauffis, veluti infirmitate, aut iuffione regia, impediuntur, *can. 18. D. 18*; abfentes vero fine legitima cauffa fraternae correptioni erant obnoxii, conc. Chalced. *can. XIX.*, aut per integrum annum *miſſas facere interdicebantur*, conc. Aurelian. III. *can. 1.*, aut communione omnium epifcoporum uſque ad futuram fynodum priuari ſolebant, *can. 14. D. 18.* Si vero in prouincia ſint epifcopi, qui nulli metropolitano ſubſint, aliquem vicinum metropolitani ſemel eligere tenentur, in cuius fynodo prouinciali cum aliis debent interefle, & eius decreta obſeruare. Trident. *ſeſ. XXIV. de ref. cap. 2.* Conuenientes epifcopi omnes iudices ſunt, & ſuffragium ferunt, & inde *ſuffraganei dicti*. Prouincialibus quoque conciliis prouinciae abbates conſecrati interſunt, & ſuffragium ferunt. Et iure decretalium inuitari debent canonici eccleſiarum cathedralium, quibus vel per ſe, vel miſſis vicariis licet interefle, *cap. 10. ex de his, quae fiunt a praelato ſine conſenſu capituli*: & moribus locorum etiam canonici collegiarum, archipreſbyteri aliique vocandi ſunt. V. *Eſpen. par. I. tit. 1. cap. 7.*

§. XXV. Ex veteris diſciplinæ regulis fynodum prouincialem ſemel & iterum quotannis in ſingulis prouinciis celebrari oportebat, conc. Nicaen. *can. V.*, Antioch. *can. XX.*, primuſque conuentus pro varietate eccleſiarum habere

habebatur vel ante quadragesimam, vel quarta hebdomada post festum paschae; alter mense Octobris, seu autumnii tempore. Deinceps Iustinianus *novel. CXXXVII. cap. 4.* edixit, ut saltem quotannis in qualibet provincia synodus haberetur, quam disciplinam synodi Trullana *can. VIII.* Nicaena *II. can. VI.* & Innocentius *III.* in concilio generali *cap. VI.* confirmarunt. Et deum Tridentini patres *ses. XXIV. de ref. cap. 2.* synodum provincialem tertio quoque anno celebrari iusserunt. Sed a pluribus saeculis synodi provinciales raro admodum celebratae sunt: quae cessatio praesertim contigit, postquam synodalia iudicia frequenter retractari coepta sunt, & causae maiores solius pontificis Romani iudicio cesserunt.

§. XXVI. Synodus provincialis supremum provinciae auditorium in veteri disciplina constituebat, in quo causae contra episcopos & omnia negotia maioris momenti, quae in provincia contingebant, tractabantur, siue ad fidem, siue ad disciplinam pertinerent. Hinc fidei quaestiones, iudicia contra episcopos, eorum translationes, cessiones, novarum cathedrarum erectiones, ut antiquarum divisiones, coadiutorum episcopalium constitutio in synodo provinciali tractabantur. Eadem quoque synodus pro iure suo canones ad disciplinam spectantes condit: erratque profecto Gratianus initio *D. XVIII.*, dum docet, integrum esse conciliis episcopalibus causas iudicare, & criminibus debitas poenas irrogare, non tamen novos canones condere; auctoritas enim canonum condendorum pendet ab ecclesiae regimine, quod Christus episcopis mandavit. Haec origine sua erat synodi provincialis potestas, at in nova disciplina causae maiores solius pontificis iudicio cesserunt, & potestas synodi provincialis ferme circa disciplinae emendationem & minuta episcoporum delicta versatur.

§. XXVII. Iam vero ut concilia provincialia rata & legitima sint, sufficit metropolitanus indictio & auctoritas, qua *ex opere firmitas* rebus agendis tribuatur; nec ex antiquis regulis ad ea celebranda iussu, aut adiensu pontificis opus erat. At ubi in scenam prodierunt falsae decretales, auctoritas metropolitanorum labefactari coepta est, nova proposita doctrina, non esse rata cuiuscumque

generis concilia sine pontificis auctoritate celebrata, *can. 1. & 2. D. 17.* Vna cum falsis decretalibus doctrina ista in vsum versa est, praesertim post Gratianum, a cuius tempore vix vlla concilia prouincialia, aut dioecesana in Occidente habita sunt sine Romani pontificis auctoritate, cuius legati in Occidentis ecclesias frequentes missi, & conciliis praesidebant, & negotia ferme omnia pro arbitrio procurabant. V. Petr. de Marca *de concordia sacerdot. & imperii lib. VI. cap. 30.* Sed tandem decreto Tridentinae synodi *ses. XXIV. de ref. cap. 2.* antiqua libertas restituta est, datumque fuit metropolitanis pleno iure singulis trienniis synodos prouinciales celebrare.

§. XXVIII. Sed an concilia prouincialia, quae infcio pontifice in noua disciplina celebrantur, saltem ante publicationem confirmatione pontificis indigeant? Et nulla videtur opus esse confirmatione; etenim Tridentini patres statuerunt, vt singulis trienniis synodus prouincialis libere celebretur. At hanc libertatem Sixtus v. quodammodo infregit, qui acta synodorum ante publicationem ad congregationem cardinalium, quae interpretandae synodi Tridentinae praest, mitti praecepit; non quidem ad confirmationem, sed ad emendationem, vt nempe corrigerentur, si opus esset correctione. Ita per Sixti constitutionem *vis aperta* synodo Tridentinae illata est, inquit Petrus de Marca *de concordia sacerdot. & imperii lib. VI. cap. 14. n. 22.* Ergo in ecclesiis Occidentis inualuit, vt concilia prouincialia ante publicationem Romam mitterentur, & inde vt plurimum emendata redirent. Multi vero metropolitani vltius progressi sunt, & suas synodos confirmandas Romam transmiserunt. V. Benedict. xiv. *de synodo dioec. lib. XIII. cap. 3. n. 4.*

§. XXVIII. Synodi prouincialis constitutiones de more publicatae per vniuersam prouinciam obligant; totius enim prouinciae administratio metropolitano eiusque synodo competit. Ipsi exempti de episcoporum iurisdictione in rebus non exemptis etiam statutis synodi prouincialis obedire tenentur. V. Fagnan. *ad cap. etsi membra ex. de his, quae sunt a praelato sine consensu capituli.* Publicari vero debebant decreta synodi prouincialis in synodis episcopalibus, *cap. 25. ex. de accusationibus, quas, non se-*
cus

tus ac concilia prouincialia, singulis annis oportebat celebrari. Verum publicatio facienda non est, nisi praeuís regio ad sensu & confirmatione.

§. XXIX. Inter synodos vltima species est episcopalis, seu *diocesana*, vt in noua disciplina dicitur. Ea est contentus presbyterorum & clericorum episcopo praeside, in quo de rebus ad curam pastorem pertinentibus tractatur & deliberatur. Quod vero synodorum celebratio spiritali potestati & iurisdictioni adhaeret, episcopus pro iure suo conuentum indicit, celebratque, *can. 16. D. 18.*, & quidem antequam consecratur, modo confirmatus sit. Praelati quoque inferiores, qui dioecesim separatam & quasi episcopalem iurisdictionem habent, etiam synodum cogere possunt, modo expressum habeant sedis apostolicae priuilegium, quod in usum deductum sit. Card. Petra *tom. V. sect. 2. n. 104. seq.* Item vicario capituli sede vacante ius est celebrandae synodi, modo annus dilapsus sit a synodo per episcopum celebrata. V. Benedict. *xiv. de synodo dioec. lib. II. cap. 9. n. 6.* Vicarius vero generalis tum synodum indicit, celebratque, si specialis episcopi mandato donetur.

§. XXX. Non minus clerici, quam abbates ad synodum episcopalem vocandi sunt, *can. 16. D. 18.* Et clerici quidem in veteri disciplina praecipue erant parochi, qui generali *presbyterorum* nomine ad synodum vocantur, eisque praesentes exhibentur. Verum in noua disciplina praeter parochos ad synodum vocandi, qui dignitatem, aut personatum obtinent, item vicarius generalis, & sic dicti vicarii *foruanei*, qui in pagis & oppidis episcopatus ad causas leuioris momenti decidendas constitui solent. Vocandi quoque ex receptiore sententia ecclesiae cathedralis canonici, qui senatum ecclesiae repraesentant, itemque reliquarum collegiatarum canonici, & reliqui dioecesis beneficiarii, si id recepti mores habeant, aut de rebus ad vniuersum clerum spectantibus tractandum sit. V. Benedict. *xiv. de synodo dioec. lib. III. cap. 6.*

§. XXXI. Abbates quoque, seu monachorum superiores ad synodum episcopalem pertinebant, erant enim episcopo subiecti, *can. 16. C. 18. q. 2.*, eique de spiritali monachorum cura rationem reddere tenebantur: quamuis

in

in aliquibus ecclesiis abbates seorsum a clericis cum episcopo conuenirent, & synodum celebrarent. Conc. Antislod. *can. VII.* Sed ubi monachi de episcopali iurisdictione subtrahiti sunt, obligatio abbatum conueniendi ad synodum cessauit, nisi monachi ecclesias parochiales & decimas haberent, quia harum nomine episcopo reddere rationes cogebantur. Interim ex nouis Tridentinae synodi regulis exempti omnes in dioecesi existentes, qui capitulis generalibus non subduntur, ad synodum accedere tenentur: quin ratione paroeciarum & aliarum ecclesiarum saecularium, etiam adnexarum, qui illarum curam gerunt, etiam monachi capitulis generalibus subiecti, synodo interesse coguntur. Trident. *ses. XXV. de ref. cap. 2.* Quicumque vero adesse debent, etiam exempti, ad officium poenis canonicis ab episcopo recte compelluntur.

§. XXXII. Iam ex veteris disciplinae regulis episcopalis synodus bis in anno habenda est, idque ad exemplum synodi prouincialis, cuius decreta in synodo episcopum publicare oportebat, *can. 17. D. 18.* Inde quum inualuisset, semel in anno synodum prouincialem debere celebrari, vna quoque inualuit, vt synodi episcopales semel quotannis haberentur, quamuis in aliquibus ecclesiis steterit disciplina de synodo bis in anno celebranda, *cap. 25. ex. de accusationibus.* Tandem synodus Tridentina *ses. XXIV. de ref. cap. 2.* annuam synodi episcopalis celebrationem praecepit. Sed prohi dolor! nec vñ viget Tridentinus canon, immo in multis ecclesiis nec spatio quinquaginta & amplius annorum vllae synodi celebratae sunt: & hinc nihil mirum, si in diem ecclesiastica disciplina notis abusionibus maculetur.

§. XXXIII. Satis ampla materiarum seges est, quas in synodis episcopalibus tractari & expediri canones iubent. Etenim in illis audiuntur & ex bono & aequo componuntur lites omnes ciuiles, quas siue clerici, siue laici intendunt: expenduntur ea, quae ad cuiusque mores & conuersationem spectant, & an vnusquisque clericus recte officio suo fungatur, *can. 16. D. 18., conc. Aurelian. vi. can. 4., & presbyteri de fide catholica episcopo reddunt rationes, capit. reg. Franc. lib. VII. cap. 108.* Lapsa quoque ecclesiastica disciplina instauratur, pu-

bli-

blicantur synodi prouincialis decreta, *cap. 25. ex. de accusacionibus*, creantur testes sic dicti *synodales*, qui in serpen-
 tia vitia inquirent, eaque in futura synodo emendan-
 da episcopo aperiant: eliguntur sex examinatores synoda-
 les, quorum saltem tres vna cum episcopo instituere de-
 bent sollempne examen in paroeciis ex forma synodi Tri-
 dentinae conferendis, *Trident. ses. XXV. de ref. cap. 18.*;
 itemque creantur iudices synodales, quibus committi de-
 bent, causae a sede apostolica in partibus delegandae,
Trident. loc. cit. cap. 10. Quod vero synodus episcopalis am-
 plius quotannis non celebratur, episcopi extra synodum
 ex venia sacrae congregationis & cum capituli consensu
 examinatores & iudices synodales designant. V. Bene-
 dict. xiv. *de synodo dioec. lib. IV. cap. 5. & 7.*

§. XXXIV. Finita synodo edita decreta ab episcopo
 debent publicari, alias vim obligandi non habent. Pu-
 blicanda vero synodus non est, nisi praeuiq regio adsen-
 su & probatione: & merito quidem; iamdiu enim in
 eiusmodi synodis quaedam tractari consueuerunt, quae li-
 cet ad ecclesiastica officia spectent, aut ecclesiarum iura,
 temporalia tamen attingunt. V. *Espen. par. I. tit. 18. cap. 4.* Constitutionibus publicatis tenentur omnes chris-
 tiani, qui in dioecesi morantur, nisi priuilegio speciali
 de episcopi iurisdictione exempti sint. Sed exemptio gene-
 raliter non facit immunes regulares; nam in rebus non
 exemptis synodi decretis obligantur. Quin capitula cano-
 nicorum exempta tenentur decretis synodalibus, quae ad
 morum & disciplinae emendationem spectant. *Trident. ses. XXV. de ref. cap. 6.*

§. XXXV. Clerici ad synodum conuenientes episco-
 po praestant *synodaticum*, seu *cathedraticum*, certam nempe
 pecuniae summam in cathedrae episcopalis honorem
 & signum obedientiae debitam, etsi non defuerint eccle-
 siae, vbi pensio ista tempore visitationis dioecesis pende-
 retur. Conc. Bracar. ii. *can. 2.* Videtur institutum cathed-
 raticum, vbi singulis ecclesiis sua bonorum portio per-
 petuo tributa est, vt ita de iure summi sacerdotis in ec-
 clesiarum bona & ecclesias ipsas constaret. Summa huius
 pensionis duobus aureis solidis per annum constabat,
 conc. Bracar. ii. *cst. can. 2.*, conc. Tolet. vii. *can. 4.*,
 eamque

eamque pendunt omnes ecclesiae dioecesis saeculares, item parochi & beneficiarii omnes, & ecclesiae pleno iure monasteriis adnexae: non tamen abbates; ex antiquis enim institutis monasteria ab episcoporum exactionibus sunt immunia, *can. 8. C. 10. q. 3.* Debetur synodaticum singulis annis, etsi synodus non celebretur; quamvis enim in synodis pendi consueuerit; debetur tamen propter cathedrae honorem & in obedientiae signum.

C A P V T X.

De regia in synodos potestate.

§. I. **Q**uamvis regulae conciliorum ad fidem & religionem pertinentes ecclesiae potestati innitantur; tamen ciuilis potestas non vno nomine conciliis adhaeret, & in eorum celebratione partem habet. Principio ad synodos cogendas consensus principis requiritur; conuentus enim hominum haberi prohibentur, *L. 1. & seqq. D. de collegiis*, ne de coeuntibus priuatorum consiliis publicum malum aliquando erumpat (a). Consensus autem prin-

(a) Apostoli & primorum saeculorum episcopi nullo praecedente ciuilis potestatis adsensu concilia habuerunt: quo praeiudicio ad synodos habendas regius consensus non videtur necessarius. At apostolorum concilia ex adsensu ciuilis potestatis habita videntur. Sane dum Iudaei in ditionem Romanam transferunt, integrum retinuerunt suae religionis exercitium, & eorum collegia improbata non sunt, quod Cuiacius *lib. VII. obseruat. cap. 30.* probat. Et Romani primaenos christianos cum ipsis Iudaeis confundebant, eosque quasi quamdam Iudaeorum sectam reputabant: atque ideo ex generali legum concessione apostolorum concilia habita sunt. Similiter vbi res christianorum a Iudaeis omnino diuersae ex omnium sententia erant, concilia tacito ciuilis potestatis adsensu & tolerantia ab episcopis vi plurimum habita: primis enim tribus saeculis saepe in pace & quiete

principis ad synodos habendas necessarius, aut expressus, aut tacitus est: & expressus quidem requiritur, si extraordinaria synodus celebretur; sufficit vero tacitus, si iure ordinario & statis temporibus cogatur: quando enim legibus publicis probati sunt canones, qui statis temporibus synodos habendas decernunt, legitimae sunt eiusmodi coitiones ex generali legum concessione. Moribus vero praesentibus etiam ad ipsas ordinarias synodos, utpote quae statis temporibus non habentur, expressus regius consensus requiritur.

§. II. Sed non tantum synodis habendis venia civilis potestatis opus est; verum etiam postquam christiani publica pace frui coeperunt, concilia ipsa extraordinaria, qualia erant generalia, & quae statis temporibus non erant addicta, iussu principum indici solebant. *Socrat. lib. V. in praef.* Fortasse indictio & conuocatio non pertinet ad concilii naturam & constitutionem, quae in eo posita est, ut coacti episcopi rite & recte de rebus ecclesiasticis iudicent, quisquis demum sit, qui conuentum indicat. Hinc quum extraordinaria concilia, utpote maiora, sine imperii & regnorum concussionem & magnis sumptibus vix haberi possent, eorum indicendorum curam principes ad se reuocarunt. Et hinc episcopi, si quando ea necessaria reputarent, principes adire solebant, qui aliquando eorum votis aurem non praebeuerunt. Verum postquam, nulla superstitie principatus communione, dissociatum est Occidentis imperium ab Orientali; conuocatio conciliorum generalium ad pontificem transit, qua de re superius dictum.

§. III. Porro principes synodis a se indictis praesidebant, quod pluribus productis monumentis Thomassinus *de conciliis diss. X. n. 14. seqq.* probat. Praesertim vero principes praesederunt synodis in Oriente habitis; nam quod

quiete res christianorum fuerunt, & ubi persecutiones non desaeuiebant, omnia ferme exercitia christianae religionis scientibus magistratibus explicari solebant; idque praesertim eo nomine, quod iam constabat, conuentus christianorum nihil mali continere.

quod spectat Occidentem, etsi saepe praesentes synodis reges fuerint; non tamen iis praefuisse leguntur, nisi necessitas vrgeret. Spectabat *πρὸς πρᾶ* praesidentia ista principum ordinem exteriorem & fidei defensionem & conventus tranquillitatem: nam in iis, quae erant fidei & religionis, summus pontifex conciliis generalibus semper praefuit. Ita in synodis generalibus duplex erat *πρὸς πρᾶ*, interior vna & episcopalis, quae conciliis inerat; altera exterior & civilis, quae ad externum ornatum spectabat. Conc. Chalced. *relat. ad Leonem M. ap. Harduin. tom. II. concil. col. 635.*

§. IV. Iure *πρὸς πρᾶ* praesidentiae aucti imperatores in conciliis ordinem rerum tractandarum praescribebant, secundum quem synodi actiones dirigi & haberi oportebat, quod Thomassinus *de concil. diss. X. n. 19. & segg.* & Petr. de Marca *de concord. sacerdotii & imperii lib. IV. cap. 3.* pluribus probant, Ex ordine diuilibus litteris proposito cuique liberum erat sententiam dicere & suffragium ferre. Quod si contra praescriptum ordinem concilia haberentur, integrum erat principibus in irritum mittere, quae ordine neglecto gesta erant. V. Petr. de Marca *loc. cit.* Iudicantes vero principes de ordine non seruato, tantum ipsa facta expendebant, & iuris quaestionem relinquebant integram.

§. V. Vt vero imperatores ius praesidendi sibi competens explicarent; ad concilia mittere consueuerunt praecipuos magistratus, quorum propterea munus erat synodi providere securitati, arcere subortos tumultus, & praesse seruando ordini iam praescripto. V. Petr. de Marca *loc. cit.* Sed ubi canonica contra episcopos, aut clericos iudicia agitabantur, magistratus praesidentes synodis non intererant, & eorum praesidendi prerogatiua cessabat: idque ea ratione factum est, quod incongruum videbatur, laicos vitia propria clericorum noscere: *neque enim fas est*, inquit synodus VIII. generalis, *saeculares principes spectatores fieri rerum, quae sacerdotibus Dei nonnumquam eueniunt.* Obtinuit haec disciplina praecipue in Oriente: nam in Gallia etiam regularibus contra clericos quaestionibus principes interesse consueuerunt.

§. VI. Praeterea ius erat Romanis imperatoribus sententias

tentias per concilia latus suspendere, si ipsis videretur, non iure, nec seruatō ordine iudicatum. V. Pet. de Marca *de conc. sacerdot. & imperii lib. IV. cap. 4.* Et profecto Leo M. cum concilio Romano precibus egit apud Theodosium Iuniorē, ut exsecutionem sententiæ Latrocinii Ephesini (ita appellatur synodus secunda Ephesina) suspenderet, usque dum oecumenicum concilium cogeretur, idque eo nomine, quod nullo seruatō ordine & per vim & minas Dioscori Alexandrini, qui ex rescripto principis praeerat, synodus illa iudicasset. *Ecce ego, inquit summus pontifex Leo epist. XLI. edit. Quesnellii, christianissime & venerabilis imperator, cum consacerdotibus meis obsecramus, ut omnia in eo statu esse iubetis, in qua fuerunt ante omne iudicium, donec maior ex toto orbe numerus sacerdotum congregetur.*

§. VII. Regiae quoque potestatis est decreta conciliorum; siue ad fidem, siue ad disciplinam pertinent, confirmare: quod optimi quoque principes Constantinus M., ambo Theodosii, Marcianus, Iustinianus alique fecerunt; idque ipsis synodis exorantibus. Thomass. *de concil. diss. X. n. 26. seqq.* Confirmari autem concilia a principibus consueverunt non sine praeuia causae cognitione, licet inquisitio diuerso modo procederet, prout de fide & iudiciis canonicis, vel de disciplina ageretur. Decreta fidei & iudicia canonica extraiudiciali cognitione expendebantur, tantum ut innotesceret, an synodi in hoc rerum genere ex regulis canonicis cognouissent: contra canones exterioris disciplinae maturo examini ante confirmationem subici solebant: huiusmodi enim canones res civiles saepe tangunt, & aliquando nouam exterioris disciplinae formam constituunt, quae publicae tranquillitati & receptis moribus aduersatur (b). Regia autem confirmatio-

ne

(b) Principes, dum exterioris disciplinae canones confirmabant, limitationes & additiones quasdam addere solebant, in his praesertim articulis, qui vim regiae auctoritatis & iurisdictionis infringebant: quod constat ex celebri edicto Clotarii Regis, quo multa capita concilii Parisiensis v. ad Regis iura & temporalem iurisdictionem spectantia in nouam formam reda-

cta

ne fidei decreta & canones vim civilem & publicam nanciscuntur, & in nomo-canonem abeunt, quatenus ecclesiastica & civili potestate nituntur, *nouel. VI. cap. 1. §. 8., nouel. CXXXI.*

§. VIII. Quae quum ita sint, satis profecto ampla erat régia in synodos potestas; nam si excipias de fide quaestiones & decreta, & disciplinae interioris constitutionem, quae ad episcopos pertinebant, reliqua ferme omnia ab arbitrio & potestate principum pendebant. Haec vero principum in synodos potestas non erat sacerdotalis, (illi nimirum iure clauium destituuntur) sed civilis & regia, qua armati ad religionis & ecclesiae defensionem adstringuntur, eoq̃e nomine Deo reddere rationem tenentur, *can. 20. C. 23. q. 5.* Ipse imperator Marcianus professus est, se non iure sacerdotis concilio Chalcedonensi interfuisse, sed potius vt episcopus exterior, vt ecclesiae & fidei defensor. *Conc. Chalced. act. VI.* Cuius exterioris episcopatus ratione imperatores in antiquis conciliis *pontifices & sacerdotes* saepe saluari meruerunt. *V. Thomass. de concil. diff. XII. n. 40. seqq.*

§. IX. Tanta principum potestas in synodos, praesertim iussu regio indictas, sensim in Occidente decreuit, vbi dissociata prorsus imperii Orientalis communione, regiones Occidentis proprium imperatorem habere coeperunt, quod sub Carolo M. primum factum est. Nimirum ab hoc tempore maxime creuit pontificis Romani etiam in res civiles potestas, adeo vt ipsi reges pontifici etiam in civilibus subiecti crederentur. Hinc nefarium visum est, principes conciliis praeesse, seriem rerum tractandarum praescribere, magistratus ordini seruando praeesse, principes sententias in synodis latas suspendere, & earum acta & decreta in irritum mittere.

Hinc

ita sunt. *V. Petr. de Marca de concord. sacerdotii & imperii lib. VI. cap. 22. n. 7.* Quin ipsae synodi dum editos canones principibus confirmandos offerebant, eos rogabant, vt quae minus recta viderentur, emendarent. *Conc. Moguntin. in praefat. ad Carolum M., conc. Cabilon. 11. praef. ad eundem Carolum.*

Hinc Romani pontifices coeperunt synodos generales in Occidente coactas moderari, & munia illa exercere, quae in veteri disciplina principes eorumque magistratus exercebant. Quin aetate posteriore adeo decrevit principum in synodos potestas; vt Romani pontifices a conciliis prouincialibus regios legatos vellent exclusos. V. *Benedict. xiv. de synodo dioec. lib. III. cap. 9. n. 6.*

§. X. Per Occidentem oblanguit quidem regia in synodos potestas; at non per omnia defecit; nullum enim hodie concilium forte potest celebrari, nisi principes consentiant: nec iisdem denegatur magistratus delegare, qui synodis intersint, nihil obstantibus Romanae congregationis decisionibus. Item conciliorum decreta non publicantur, nisi ex principis concessione, quae praenotia cognitione, & additis limitationibus concedi solet, aut omnino denegari. Sane ipsa synodus Tridentina, quod spectat disciplinam, in Gallia publicata non est, impediende regiae potestate, quod multa contineret vetustis moribus, iuribus regiis & ecclesiae Gallicanae libertatibus aduersa. V. *Petr. de Marca de conc. sacerdotii & imperii lib. II. cap. 17.* Contra in Hispania, Belgio & in regno Apuliae synodi illius publicationem praeuio examine Philippus II. concessit; at ea moderatione, vt nullius vsus essent, quae regia iura & vasallorum laederent, licet ea limitatio propter synodi reuerentiam ipsi publicationi addita non sit. Hinc in regnis Regis catholici passim a magistratibus & regiis censoribus adnotata capita, quae ex Regis sententia admissa & probata non erant. Ea capita apud nos regens Villanus recensuit, qui tamen etiam aliqua omisit. V. *Petr. Iannon. hist. ciuil. regni Neapol. lib. XXXIII. cap. 3.*

C A P V T XI.

De iudicibus ordinariis.

§. I. **N**omine iudicis venire solet vir bonus ad lites dirimendas publica auctoritate constitutus, atque ideo qui ex publica auctoritate cognoscit, iudicat, & iudicatum exsequitur. Sic descripti iudices iurisdictione aucti sunt, non tantum cognoscunt & iudicant: quo sensu a magistratibus, qui ius dicebant, nihil differunt (a). Quod vero dictum est, iudicem esse virum bonum, id intelligendum est ex legum sententia, quae viros bonos iudiciis praeficiendos edicunt; etsi (quae est misera hominum conditio) saepe minus boni iudicis officio fungantur. Constituitur vero iudex ex publica auctoritate, consensus enim priuatorum arbitrum potius, quam iudicem facit, L. 3. C. de iurisdictione omnium iudicum.

§. II. Iudices iure decretalium alii sunt ordinarii, alii delegati, exstatque duplex in decretalibus titulus, vnus de officio iudicis delegati, alter de officio iudicis ordinarii. Iudices ordinarii appellantur, qui iure sui officii quasi propriam iurisdictionem exercent, quales episcopi & metropolitani, qui vi suae ordinationis & dignitatis iurisdictionem habent, item iudices omnes, qui iure officii sui lege probati iurisdictionem exercent, etsi officium illud alieno beneficio detur, quales in republica sunt

(a) Et sane postquam ex Diocletiani constitutione magistratus ipsi iudicare iussi sunt, nisi publicis occupationibus, aut caussarum mole impedirentur, L. 2. C. de pedaneis iudicibus, dandorum iudicum, qui tantum de facto cognoscerent & iudicarent, non vero iudicatum exsequerentur, vsus oblanguit, & iudex & iurdictio aequae late patere coeperunt, ipsique iudices & magistratus promiscue dicti sunt: quo spectat titulus C. de iurisdictione omnium iudicum.

sunt magistratus; in ecclesia, legati pontificis. Iurisdictione vero ordinaria, quae ordinationem & dignitatem consequitur, alicui sine iusta causa & citra iuris ordinem adimi non potest, immo nec restringi; adhaeret ipsi dignitati, quae perpetua & indiuidua est; at quae consequitur officium, cum officio finitur. Ceterum licet omnes, qui in dioecesi perpetua iurisdictione augentur, dici queant iudices ordinarii; tamen *ordinarii* nomine episcopus venire solet.

§. III. Inter ordinarios iudices, qui iure dignitatis suae habent iurisdictionem, iure decretalium censentur archipresbyteri, decani rurales, & praesertim archidiaconi. Qui quidem iurisdictionem consuetudine adquisuerunt; nam initio meri episcoporum fuerunt delegati (b). Competens vero archidiaconis & decanis iurisdiclio, utpote quae moribus & consuetudine accesserat, non eadem ubique fuit, *cap. 10. ex. de officio archidiaconi*. Sed ordinaria archidiaconorum & decanorum iurisdiclio labentibus annis decreuit, paucique hodie sunt, qui pristinae iurisdictionis vestigia retinent. Vbi vero adhuc viget, decreto synodi Tridentinae vetantur decani & archidiaconi de causis criminalibus & matrimonialibus cognoscere. Trident. *ses. XXIX. de res. cap. 20*. Quo decreto & beneficiarias & maiores omnes causas contineri interpretes tradunt. Barbosa *collect. VI*.

§. IV. Vicarii quoque generales inter ordinarios iudices censentur, quatenus nimirum iure officii per legem, seu canonem probati exercent iurisdictionem; nam si ordina-

N n 2

dina-

(b) Nimirum mediis saeculis episcopi a rebus spiritualibus distracti, aut negotiorum copia obruti, causas ecclesiasticas, quae non amplius in presbyterio tractabantur, committere coeperunt archipresbyteris, decanis ruralibus & archidiaconis, qui non iure officii, sed delegationis cognoscebant & indicabant. At lapsu temporis adfiduis delegationibus, episcoporum absentia & oscitantia, quae erat mandata iurisdiclio, in ordinariam conualuit, & archidiaconi & decani iudices ordinarii euaserunt: qui mores saeculo decimo tertio iam recepti erant, *cap. 3. de appellationibus in 6*.

dinarium iudicem eo sensu intelligas, qui iure consecrationis, aut perpetuae dignitatis iurisdictionem habet, procul dubio vicarius alterius iurisdictionem exercet. Est vero vicarius generalis, qui alias *officialis* dici solet, qui vice episcopi contentiosae ac voluntariae iurisdictioni praest. Et id quidem secundum Italiae mores, ubi vnus idemque vicarius contentiosam & voluntariam iurisdictionem exercet: nam alias in plerisque transalpinis ecclesiis vicarius & officialis distant: ille nimirum praest voluntariae, hic contentiosae episcopi iurisdictioni. *Espen. par. I. tit. 12. cap. 4. & seq.*

§. V. Constituitur vicarius generalis auctoritate episcopi, qua alicui sub generali officii commissione mandatur episcopalis iurdictio in foro explicanda; ubi enim in adsiduum abiit vsus, vt episcopi alterius ministerio iurisdictionem exercerent, sensim emerfit vicarii officium, quod peculiari titulo in sexto decretalium explicatur (c). Constitutus autem vicarius ordinariam episcopi iurisdictionem administrat, & inde episcopi & vicarii vnum censetur auditorium. Hinc causae episcopo reservatae etiam per vicarium cognosci & iudicari possunt, nisi nominatim exprimatur, episcopum per se debere cognoscere: &

a vi-

(c) Archidiaconi & decani postquam ordinaria iurisdictione creuerunt, in episcopos esse coeperunt contumaces, & ad coarctandas opes solliciti. Ergo episcopi sensim iurisdictionem revocarunt suam, & novos instituerunt officiales, quibus illam mandarent, non tamen in perpetuum, sed quousque ipsis mandantibus placeret. Hic mos saeculo decimo secundo incoepit, generatim vero vsus vicariorum videtur inualuisse post synodum Lateranensem IV.; ubi Innocentius III. episcopos hortatur, vt si negotia omnia per se expedire nequeant, eligant presbyteros, qui eorum vice fungantur. Hinc nihil mirum, si nec in decreto Gratiani, nec in decretalium Gregoriana compilatione vicariorum existent vestigia. V. Thomass. *de vet. & noua eccl. discipl. par. I. lib. 2. cap. 7.* Tantum in sexto decretalium distinctius proponitur vicarii officium; quando enim ferme omnium episcoporum vsu vicarii constituebantur, opportunum visum est eius officium explicare.

a vicario in causis generalis commissionis non ad episcopum, sed ad metropolitanum appellatur, *cap. 3. de appellationibus in 6.* Integrum vero est episcopo illud ipsum vicarii officium restringere, & aliqua officio comprehensa sibi reservare, aut ad certos actus, locum, aut tempus vicarium constituere, quibus casibus fines commissionis seruandi sunt. Potest quoque episcopus pro rectiori regiminis ratione plures vicarios constituere; immo plurius constitutio aliquando videtur necessaria, veluti si episcopus duas simul iunctas regat dioeceses, vel vnam Latinis simul & Graecis christianis mistam.

§. VI. Quamuis vero vicarius generalis ordinariae episcopi iurisdictioni praesit, multa tamen sunt, quae generali officio non continentur, eaque facere vetatur, nisi ex speciali concessione; generali enim mandato haud illa veniunt; quae non esset quis verisimiliter in specie concessurus, *cap. 3. de off. vicarii in 6.* Ita vi generalis mandati vicarius litteras dimissorias ad ordines non concedit, nisi episcopus in longinquis regionibus diu moretur, *cap. 3. de temporib. ordinationum in 6.*; nec cognoscit causas criminales, aut matrimoniales, *cap. 2. de officio vicarii in 6.* Trident. *ses. XXIV. de ref. cap. 20.*, nec quaslibet alias soli episcopo reservatas, nec confert beneficia, *cit. cap. 3.*, nec eis permutandis, coniungendis & fundandis adsensum impertitur, nec visitat dioecesim, nec synodum cogit, nec canonicorum collegium indicit. Trident. *ses. XXV. de ref. cap. 6.* Mandato quoque generali non continetur absolutio a casibus episcopo reservatis, *cap. 2. de poenit. & remissionibus in 6.*, nec relaxatio irregularitatum, quae ex crimine occulto proueniunt. Trident. *ses. XXIV. de ref. cap. 6.*

§. VII. Eligi autem debent in vicarios viri idonei, & in vtroque iure, saltem canonico, versati, qui ab omni auaritia sunt alieni, & amore iustitiae & pacis inter fideles conciliandae officium exercent; qui litium tricas & strepitus forenses auersentur, nec iis, nisi coacti & amore iustitiae inducti, implicari sinant (d). Cer-

N n 3

te

(d) Vicarii generales, seu officiales initio institutionis ab auaritia

te minus conuenit ei, qui episcopi vices sustinet, ex officio quaestum facere, & lites superfluis tricis & dilationibus fouere. Item ordinibus ecclesiasticis, saltem prima tonsura, debet esse initiatus, qui ad vicarii munus eligitur. Nec eligi debent in vicarios, qui sunt de eadem dioecesi, item nec regulares ex ordine mendicantium, *Clement. 1. de regularibus*, nec clerici coniugati, aut digami, nec minores viginti quinque annis, nec episcopi consanguinei, nec qui animarum curam habent.

§. VIII. Iure communi vicarius generalis aliquam dignitatem habere videtur, *cap. 11. de rescriptis in 6., Clement. 2. de rescriptis*. Et quoniam iure decretalium dignitas non tantum iurisdictione, verum etiam honoris praerogativa censetur; hinc vicarius generalis in synodis, processionibus & choro omnes canonicos praecedit, nisi canonicus etiam sit, velitque quotidianas distributiones lucrari; nam in hoc casu in stallum suo inter canonicos sedere & procedere debet. Haec vero dignitas officio videtur adhaerens, nec in beneficium, nec in titulum possidetur, quo differt ab aliis dignitatibus, & cum alia dignitate recte retinetur, & cum ipso vicarii officio finitur.

§. IX. Vicarius generalis semel constitutus pluribus modis esse definit, nec enim perpetuo titulo officium exercet.

varitia & tricis & versutiis forensibus notati. Certe Petrus Blesensis, scriptor saeculi decimi secundi, viuis coloribus eorum malos mores depingit *ep. XXV*. Tota officialis intentio est, inquit, ut ad opus episcopi suae iurisdictioni commissus miserimas oves, quasi vice illius sodeat, emungat & excoriet. Isti enim sunt episcopi sanguisugae, euomentes alienum sanguinem, quem biberunt. Deplorat quoque eorum versutias & tricas forenses, quasi qui ad perdendam iustitiam instituti essent. Officium officialium hodie est iura confundere, suscitare lites, transactiones rescindere, innectere dilationes, suppressere veritatem, fouere mendacium, quaestum sequi, acquitatem vendere, inbiare exactionibus, versutias concinnare. His aliisque rationibus Blesensis non illepidam adlusionem officialium nomen interpretatur: credo, huiusmodi officiales non ab officio nomine, sed ab officio verbo mutasse vocabulum.

CAP. XII. DE IUDICIBVS DELEG. 567

exet. Ergo expirat vicarii potestas mortuo episcopo, aut alias episcopatu abeunte, item mandati reuocatione ab episcopo facta; constitutio enim vicarii etsi ordinariam iurisdictionem largiatur, tamen nudum mandatum est, id habens peculiare, quod etiam rebus non integris recte soluatur. Vbi vero contingit, vicarium ab episcopo potestate exui, reuocatio euulganda est, & ipsi vicario denuntianda, alias interim gesta viribus constant, etsi reuocatio illi innotescat. *Garcias de benef. par. V. cap. 8.* Vicarius quoque esse desinit, si ipso officio renuntiauerit.

C A P V T XII.

De iudicibus delegatis.

§. I. **O**rdinario iudici opponitur delegatus, qui iurisdictionem non proprio iure, sed alterius mandato & beneficio exercet: atque ideo nihil proprii habet, sed eius, qui mandauit, vice fungitur. Sic ab interpretibus decretalium iudex delegatus describitur, qui tamen in iure Romano iudex, cui mandata est iurisdictione, saepe dicitur. Sunt vero mandatarii iurisdictionis vel generales, vel particulares, quatenus vel vniuersa iurisdictione, vel species vna, seu pars iurisdictionis mandatur, veluti in certas personas, aut certa causarum genera, aut in quamdam specialem causam, *L. 16. C. seq. D. de iurisdictione*. Si vniuersa iurisdictione mandetur, omnia, quae iure magistratus competunt, translata censentur, non item quae speciali legis beneficio conceduntur: si pars tantum mandata sit, quatenus mandatum est, transit.

§. II. Ius delegandae iurisdictionis iis praecipue competit, qui constituendi creandique magistratus potestatem habent, a quibus iurisdictione tamquam a proprio fonte dimanat; itemque ipsis magistratibus, quorum propria iurisdictione est. Hinc certi iuris est, episcopos, metropoliticos, patriarchas, summum pontificem iurisdictionem mandare posse suam, *can. 29. C. 11. q. 1.* Item ipsi ar-

chidiaconi & decani, postquam ordinaria iurisdictione aucti sunt, eam suis officialibus mandarunt. Ceterum moribus praesentibus delegati pontificii frequentiores sunt, reliquorum vero iudicum ecclesiasticorum ferme desierunt, quod Espenius *par. III. tit. 5. cap. 2.* observat; & vtriusque generales tantum quosdam actus, puta tellium examen, non iurisdictionem delegant.

§. III. Delegati pontificii ferme dantur ad decidendas causas singulares, quae ex regulis novae disciplinae magno numero ex toto Occidente, siue per appellationem, siue primo iudicio in aulam Romanam confluebant (a). Tales delegati plena donantur iurisdictione; a se enim delegatos iudices iisdem praerogativis pontifices auxerint, quibus a principe delegati iure civili utebantur. Ergo habent adfessores, & in causis delegatis iudices dant, etiam episcopos: poenas irrogant, & coercitionem exercent, ut ea, quae ad causam faciunt, expediant, *cap. 4. & seq. ex. de officio delegati*: item sententiam exsequuntur suam, & hoc amplius post latam sententiam retinent per integrum annum potestatem, quo facilius eam executioni mandent, *cap. 26. ex. eodem*. Praeterea delegati a pontifice in causis sibi commissis non tantum iudicant, verum etiam sibi mandatam iurisdictionem, siue in totum, siue pro parte alteri mandare possunt, quod *subdelegare* dicitur, nisi ipsa personae qualitas electa fuerit, *cap.*

(a) Nempe in nova disciplina appellationes a synodis provinciarum ad pontificem admissae sunt: ipsa sedes Romana ordinarius iudex omnium executorum de episcopali potestate evasit: & porro admodum crevit causarum numerus, quae primo iudicio apud pontificem, qui ordinarius in universa ecclesia iudex putabatur, agitari poterant. Tot causis discutiendis aula Romana impar erat, immo nec Romae ob lecorum distantiam, a quibus probationes peti debebant, facile instrui poterant. Ergo necesse fuit, causas iudicibus in partibus delegare: quae disciplina saeculo decimo secundo antiquior non videtur; supponit enim causas ecclesiasticas Occidentis, etiam minimas, siue per appellationem; siue primo iudicio apud sedem apostolicam tractari.

CAP. XII. DE IVDICIBVS DELEG. 369

cap. ult. ex. de off. delegati, in quo delegati pontificii distant a principum delegatis, qui tantum iudicem dare poterant, *L. 5. C. de iudiciis*, non item sibi mandatam iurisdictionem, ne pro parte quidem, alteri mandare. Franc. Florens *comment. ad tit. de off. delegati*.

§. IV. Iure decretalium iudices a summo pontifice delegati nullis specialibus qualitatibus aucti esse debebant, atque ideo etiam simplicibus clericis pontificis iurisdicctio mandabatur: quod dignitati sedis apostolicae parum conveniebat. Ergo Bonifacius VIII. statuit, ut tantum dignitate aut personatu praeditis, aut ecclesiae cathedralis canonicis causae ab apostolica sede eiusque nuntiis delegari possint, *cap. 11. de rescriptis in 6.* Et quoniam inter designatos a Bonifacio etiam esse poterant minus idonei ad iudicandum, statuit synodus Tridentina *ses. XXV. de ref. cap. 10.*, ut in synodo provinciali aut dioecesana designentur aliquot personae, quae habeant qualitates per Bonifacium expressas, & alias idonei sunt; quibus tantum & locorum ordinariis sedes apostolica eiusque nuntii causas delegandas committant. Atque hi sunt iudices sic dicti *synodales*, quod in synodo designandi sunt, quorum saltem quatuor in singulis dioecesebus esse debent, electorumque nomina ad sedem apostolicam transmittenda sunt. Quod vero hodie synodi admodum raro celebrantur, episcopi ex venia sacrae congregationis cum consensu capituli iudices designant. V. Benedict. XIV. *de synodo dioec. lib. IV. cap. 7.*

§. V. Iudices a summo pontifice delegati ex sententia Innocentii III. non *ultra duas dietas* a dioecesebus litigantium constitui possunt, *cap. 28. ex. de rescriptis*. Dieta, seu iter unius diei iure civili continet viginti milliaria, *L. 3. D. de verbor. signific.*, at in hac causa potius locorum mores inspiciendos glossator monet, & dierum itinera peculiaribus moribus aestimanda. Verum deinceps Bonifacius VIII. voluit, ut si actor & reus sint eiusdem dioecesis, ad civitatis, extra ipsas causas non committatur, nisi in paucis speciebus: & si actor & reus sint diversarum dioeceseon edixit, ut causa committatur in rei dioecesi, vel in alia actoris non propria, modo locus iudicis delegati ultra iter unius diei a dioecesi rei finibus

non

non ablit, *cap. 11. ex. de rescriptis in 6.* Ita vbi extra Romanam curiam causae delegantur, nam alias iure decretalium liberum est, de iisdem Romae iudicium institui (b).

§. VI. Mos fuit summorum pontificum ad causas decidendas vnum aut plures, certos tamen, iudices dare. Et plures quidem vel simpliciter nulla adiecta clausula, qua mandatum modificaretur, vel definite certis adiectis clausulis, quae procedendi modum constituerent. Si plures simpliciter delegati constituti sint, coniunctim dati censentur, nec vnus sine altero recte procedit, *cap. 16. & 22. ex. de officio delegati*, nisi vnus alteri delegato, vel alii vices suas commiserit, *cap. 6. ex. eodem*. Sed si pluribus definite & adiectis modificationibus causa commissa sit, delegatio ex clausulis iudicanda est, & secundum eas apparebit, an omnes, an vero duo, vel vnus sine altero possit iudicare, *cap. 13. ex. de rescriptis, cap. 8. de officio delegati in 6.*

§. VII. Delegatus mandati fines seruare tenetur, nec enim proprio iure, sed ex alterius delegatione iudex sedet, *cap. 13. & 15. ex. de officio delegati*. Ergo ante omnia de mandato constare debet, eiusque exemplum citatoriis litteris inferi debet, & delegatio vltra expressas personas, vel articulos produci non potest, nisi ex communi partium praesentium consensu, nec enim sufficit, per procuratorem consentire, *cap. 32. ex. eodem*. Hoc ipso

(b) Ius hoc decretalium in multis regionibus non seruatur: etenim in Gallia, Belgio, Hispania causae pontificiae cognitionis necessario per iudices in prouinciis delegatos tractandae & finiendae sunt; in his enim regionibus non sunt recepti mores, aut populis concessa privilegia, vt ciuium causae extra prouinciam, aut regnum pertractentur, praestoque est regia potestas ad emendandam abusum, si quis citetur, vt extra prouinciam, aut regnum se sistat. Itaque decretalis Bonifacii, quae habet, in dioecesi, aut non vltra iter vnus diei iudices in causis dari debere, ea moderatione obtinet, modo iudices in prouincia, aut regno instituantur. V. *Espen. par. III. tit. 5. cap. 3.*

CAP. XII. DE IUDICIBVS DELEG. 571

Ipsa tamen haud vetatur delegatus de connexis cognoscere, aliaque peragere, sine quibus ipsa delegatio ad exitum perducere nequit, *cap. 38. ex. eodem, cap. 13. de offic. delegati in 6.*

§. VIII. Delegati officium non est perpetuum, sed certis modis finitur. Ita finitur morte delegantis re adhuc integra, *cap. 30. ex. de officio delegati*, seu si citatio nondum facta sit, *cap. 20. ex. eodem*; nam lite iam coepta delegatorum iurisdiclio euadit perpetua. Praeterea finitur delegati morte, item finito negotio, & si delegatio ad totam causam a pontifice facta sit, sententiae executione, *cap. 9. ex. eodem*: nam si iudex ab ordinariis, puta episcopo, delegatus est, sententiae prolatione eius officium desinit. Franc. Florens in *tit. de officio delegati*. Finitur quoque delegatio lapsu temporis, quo inclusa est, nisi communi partium consensu prorogetur, *cap. 4. ex. eodem*: item reuocatione, quae principi deleganti semper permessa est, *cap. 28. §. 2. ex. eodem*: & demum recusatione proposita & admissa, *cap. 5. eodem in 6.*

§. IX. Praeter pontificias delegationes, quae expresso mandato nituntur, datur etiam delegatio vi ipsa canonis, sine speciali delegatione, qualem delegatam potestatem exercent episcopi in pluribus casibus, quos noua disciplina pontifici addixit, vt videre est in decretis concilii Tridentini, in quibus saepe episcopis conceditur, vt *tamquam apostolicae sedis delegati* procedant (c). In his casibus appellationes ab episcopis ad summum pontificem proponuntur, vicarii generalis vi generalis mandati non pro-

(c) Speciosum sane iuris eureka, quod patribus Tridentinis Sebastianus Pighinus, vnus ex Rotae Romanae auditoribus, suggessit. Multiplicatis exemptionibus, siue monachorum, siue ecclesiarum, siue clericorum de episcopali potestate, plura incommoda in rem ecclesiasticam irreperunt, & episcopalis potestas ad angustos terminos redacta est. Ergo in comitiis Tridentinis de abolendis exemptionibus tractatum est, & inter contraria studia medium illud tandem electum est, quo, saluis exemptionibus, episcopi tamquam apostolicae sedis delegati de exemptis cognoscerent & iudicarent.

572 INSTITVT. IVRIS CAN. PARS III.
procedunt, & demum vacante sede haec delegata iurisdictione ad capitulum non deuoluitur.

C A P V T XIII.

De fidei inquisitoribus.

§. I. **I**Nter indices, qui praesunt ecclesiasticae iurisdictioni, in noua disciplina censentur fidei inquisitores: & idcirco ratio susceptae tractationis postulat, vt etiam fidei inquisitionem enarremus; non quod in hoc Neapolitano regno inquisitio ista vrgeat, sed vt eius origo, ingenium & procedendi methodus cognoscatur, & inde iudices ecclesiastici sibi caueant. Episcopi ex Christi institutione sunt primigenii fidei inquisitores, ratione enim sibi commissi regiminis, id in primis curare debent, vt in sibi commissis ecclesiis fides catholica vigeat, & ab omni erroris labe pura & integra conseruetur. Et profecto per duodecim ferme saecula praeter episcopos ecclesia nullos alios cognouit inquisitores, nullam specialem audientiam, cui id negotii datum esset, vt extraordinariis modis in haereticos inquireret, detectosque magistratibus puniendos traderet.

§. II. Verum enimvero post saeculum decimum secundum exorta est noua fidei inquisitio, qua ex auctoritate pontificis fratres Dominici aut Franciscani vna cum episcopis in causis fidei iudices constituti sunt, & modis plane singularibus procedunt. Tempore Innocentii III. permulti haeretici ecclesiam Occidentis nouis doctrinis lacerabant, praesertim vero Albigeneses, quorum errores fauore comitis Tolosani late per Franciae regiones personabant. Quapropter Innocentius ad hanc hydram fortius obtruncandam, Tolosam legatos misit, in primis vero opus nouorum dogmatum extirpandorum commissum S. Dominico eiusque familiae, quae tum primum ad opus fidei promouendum & haereticos persequendos instituta est, Sed Dominici initio nulla aucti sunt iurisdictione, tan-

tantumque ciuitates circumbant, contra haereticos voce & scriptis vtebantur, quam muneri suo adfidi essent episcopi, inquirebant, & principes & populos ad perdendos haereticos concitabant.

§. III. Noua haec contra haereticos inquisitio incrementum & seueritatem suam praefertim debet Friderico II. imperatori, qui anno. MDCCCXIV. Patauii immania edicta contra haereticos edidit, & in regionibus imperii valere praecepit. His edictis imperii magistratibus praecepit, vt haereticos ab ecclesia iudicatos punirent; obstinatis mortis poenam & ignem proposuit; haeresim inter publica crimina recensuit; poenas aduersus perduelles & maiestatis reos ad haeresim produxit, & ideo bonorum publicationem & memoriae damnationem haereticis irrogauit. Fidei quoque inquisitores tuendos recepit, eos enixe commendauit, praecepitque omnibus imperii episcopis, ducibus & magistratibus, vt eos omni auxilio fouerent, & ab insidiis haereticorum tuerentur.

§. IV. Iam vero audientia inquisitionis. (vulgo *tribunal S. Officii*) certis regulis ordinata & perpetua iurisdictione instructa, praecepit ab Innocentio IV. instituta est, qui leges Fridericianas contra haereticos confirmauit, Dominicanos & Fratres Minores, qui fidei & ecclesiae vtilissimam nanasse operam videbantur, eximia armavit auctoritate, & episcopis, quibus cognitio de haeresibus competeat, adiunxit; simul etiam magistratibus mandauit, vt indicio episcoporum & inquisitorum apparitores conducerent; a quibus haeretici in carcerem compingerentur, & eorum bona occuparentur. Hac forma Innocentius in Lombardia & adiacentibus prouinciis inquisitores ex ordine Dominicanorum instituit, quorum officio sustinendo ad rectores & consilia earum ciuitatum anno MDCLII. bullam dedit, qua vnum supra viginti capita continentur, omnia ad explicandum inquisitionis officium spectantia. Ex Lombardia perpetua & ordinaria fidei inquisitio in alias Occidentis prouincias & regna permeauit, sed non vbique parem fortunam experta est.

§. V. Fidei inquisitio origine sua tantum in haereticos & fidei causas iurisdictione armatur. Et vt tantam prouinciam curis aliis soluti, eo melius inquisitores pro-

cura-

curarent, vetiti sunt de diuinationibus & sortilegiis quærere, modo hæresim manifeste non scirent; itemque de quæstionibus vsurarum alijsque criminibus, quæ a pertinaci in fidem errore longe absunt, *cap. 8. §. 4. seq. de hæreticis in 6.* At lapsu temporis hæresibus ferme confossis inquisitores iurisdictionem suam produxerunt ad alia crimina, quæ re vera ab hæresi longe distabant, machinis vero & interpretatione inquisitorum hæresis macula, aut suspicione adsparguntur, qualia blasphemiae contra Deum & sanctos, etsi ira, ignorantia, aut malo habitu prolatae, sortilegia, diuinationes, nocturnæ compositiones & digamia, quæ omnia potius ignorantia & humana fragilitate, quam pertinaci in fidem errore committuntur. Inquisitionis vero iurdictio in omnes christianos quacumque dignitate eminentes se extendit, tantumque exempti sunt nuntii pontificii, episcopi & alii quæsitores; vbi vero episcopi de hæresi suspecti sunt, inquisitores ad papam referre tenentur, *cap. 16. eod. in 6.*

§. VI. Ordo iudiciarius, qui in foro inquisitionis obtinet, omnino singularis est, & ab ordinariis iudiciorum regulis recedit, quod in gratiam fidei receptum est. Principio non desideratur libellus, seu sollemnis accusatio, nec accusator in crimen inscribit: quin, quod accusatio litibus implicat, ex *Directorii inquisitorum* placitis tantum denuntiatione, aut inquisitione iudicia instituenda. Ipsa accusatio aut delatio, etsi alias libera, in causa fidei evadit necessaria: & hinc quilibet tenetur accusare, aut deferre, etiam fratrem, uxorem, patrem, filium. Raro adhibetur citatio, & si id fiat, causa citationis non exprimitur. Non requiritur litis contestatio: confuso examini reus subiicitur, admoneturque generatim, ut conscientiam suam excutiat, & sponte fateatur, si quod crimen contra religionem admiserit: interim vero inquisitores adhibent blanditias & dolos ad confessionem eruendam: & si rei convicti sint, & fateri nolint, aut vehementi suspicione grauantur, tormentis subiiciuntur. Nomina accusatoris & testium publicari non solent, admittuntur ad testimonium omnes, etiam excommunicati, socii criminis, periuri. Et contra sententiam nullum remedium, ne appellationis quidem, competit. Quæ &
alia

alia huius furfuris, quae iudicio inquisitionis insunt, singulari opere *de singularibus in fauorem fidei* Ioannes Rostas exsequitur.

§. VII. Sic instructo iudicio ad sententiam deuenitur, quam inquisitor vt plurimum adhibito episcopo, vel eius vicario generali in antecessum disponit, variasque poenas irrogat, prout noua disciplina in haereticos, aut de haerese suspectos iubet animaduertendum. Sententia pronuntiat in loco publico & magno sollemnium apparatu, quem viuus coloribus Limborchius *hist. inquisit. lib. IV. cap. 41.* depingit. Atque hoc est, quod dicunt *actum fidei*, (Hispanice *auto de fe*) quem vt multo celebriorem reddant, ad multos annos differunt, vt plures rei haberi possint, qui pompam faciant celebriorem (a). Pronuntiata sententia abiurantur errores, excommunicati absoluantur, relapsi, etiamsi poenitentes sint, itemque pertinaces magistratibus, qui praesentes sunt, traduntur, addita

(a) Sollemnitas actus fidei haec ferme est. Ordinatis omnium sententiis certum diem festum habendae tragoediae inquisitor dicit: pridie vero eius diei comam & barbam rei deponunt, vt ita demonstretur, haereticos in eam formam, in qua nati sunt, hoc est in filios irae, rediisse. Dicto die post solis ortum ecclesiae cathedralis maior campana sonat, omnesque ad spectaculum inuitat. Inde notarius S. Officii nomina reorum recitat eo ordine, quo singuli in processione ire debent, simulque vades ex honoratioribus ciuibz designat, qui eorum latera cingant. Pompae Dominicanæ cum vexillo inquisitionis praeant, magnus est populi concursus, comitatur clerus, item ciuitatis magistratus, quin & regius senatus, si ibi sit. Rei procedunt ordine suo nudi pedibus & capitibus, & peculiari veste induti; gestant nimirum poenitentes vestem suboscram, ante & retro crucibus distinctam, nigram vero pertinaces, quae flammas & diabolos habet depictos. Vbi ventum est ad locum, qui ecclesia aliqua, aut locus ei proximus esse solet, inquisitore cum suis ministris pro tribunali sedente, sollemnis habetur sermo de fide & officio inquisitionis, in quo actus fidei praecipue consistere dicitur, & demum sententiae pronuntiantur.

addita intercessione, qua inquisitor & episcopus magistratus exorant, vt citra mortis periculum sententiam moderentur. Discedunt inquisitores, & traditi rei statim in flammis vltices ex sententia legum imperialium auctoritate magistratuum coniciuntur: praeloque est excommunicatio, nisi magistratus statim leges exsequantur; vt hinc constet, intercessionem meram formulam esse, non ex animo adhiberi.

§. VIII. Officium inquisitionis in haereticos, etsi nomine ipso sanctitatem praeferat; tamen viris piis & sapientibus, etiam inter catholicos, christianae mansuetudini aduersum reputatum est. Quae enim aequitas, quae iustitia esse potest, vbi indiscriminatim omnes ad accusandum, vbi omnes ad dicendum testimonium admittuntur? vbi accusatores vel testium nomina ad defensionem reis aperiri non solent? vbi miseris contra sententiam negatur appellatio? Auget horrorem immanitas tormentorum, quibus plerumque contra veritatem quidquid inquisitoribus libet, miseri & innocentes rei, vt se cruciatibus eximant, fatentur. Nec tacendi doli, fraudes & simulata humanitas, quibus quaesitores deludere solent reos, vt confiteantur, quae numquam admisierunt. Nec minus odio est inquisitio seueritate poenarum, flammis vlticibus & multitudine reorum, qui tragoediam tristiorum faciunt.

§. IX. Audientia inquisitionis suis singularibus instructa in pluribus Occidentis prouinciis recepta est, saepe non sine Regum consensu & petitione, sed non vbique pari forma & seueritate procedit. Venetiis a Nicolao iv. pontifice S. Officium institutum est, quod tamen a Romana inquisitione non pendet, nec soli inquisitores procedunt; in vrbe enim tres senatores, extra urbem rectores ciuitatum in iudiciis adhibendi sunt. Hispanica inquisitio summo rigore & seueritate armata exclusis episcopis iurisdictionem exercet in omnes Hispaniae regiones Regi catholico subiectas, & solum Regem superiorem habet; nullum enim ius in eam inquisitionem pontifici relictum dicitur, nisi quod generalem inquisitorem a Rege nominatum confirmet. Hispanicae inquisitioni similis est Lusitanica. Sed splendore non minus quam auctoritate

tate ceteras longe praestat Romana Inquisitio, quae *Congregationis S. Officii* nomine venit (b).

§. X. Quamvis vero in his aliisque provinciis audientia inquisitionis instituta sit; in aliis tamen reiecta est, aliquando non sine publicis motibus, quos singularia inquisitionis & poenarum acerbitas exciuerunt. Gerte Gallia admissam inquisitionem non diu retinuit, vixque hodie tanti facinoris vestigium superest. Belgae Carolo v. & Philippo II. Hispaniarum Regibus non sine omnium ordinum commotione S. Officium omnino reiecerunt: quin inde nata occasio, ut post tot bella Belgae Hispanicam dominationem excuterent. Et Mediolanenses item Philippo II. Rege passi non sunt, inquisitionem Hispanicam similem Mediolanum inuehi, etsi Rex ipse eius receptionem iussisset.

§. XI. Quod vero mirum videri debet, Neapolitani stabilem inquisitionem numquam receperunt: quin regno ad Aragonenses Hispanos translato odio plus quam Vatiniano sanctam inquisitionem coeperunt auersari, & ad eam patriis finibus excludendam tamquam pro aris & focis sibi pugnandum decreuerunt (c). Ergo aperta vi re-

Pars III.

O o

stite-

(b) Romae etiam post receptam in aliis regionibus inquisitionem nulli fuerunt peculiare & stabiles iudices negotii fidei praepositi, sed ipse pontifex in haereticos inquirebat, adscitis pro arbitrio ministris & adiutoribus, quod tradit Card. de Luca in *relat. curiae Roman. disc. XIV. n. 3.* Inde exorta haeresi Lutherana, Paulus III. congregationem cardinalium instituit, quae summa potestate de haeresi similibusque criminibus cognosceret. Institutam congregationem sequentes pontifices Pius IV. & Pius V. nouis praerogatiuis auxerunt: eique Sixtus V. inter reliquas congregationes principem locum dedit. Atque haec est congregatio S. Officii, quae etiam libros expendit, censura dignos proscrit, aut a doctrinis noxiis expurgat, itemque veniam legendi libros proscriptos concedit. Neapoli tamen huius congregationis auctoritas non agnoscitur.

(c) Causa tanti odii non illa fuit, quod Neapolitani nolent haereses extirpari, & haereticos puniri; (legitimam formam nusquam respuerunt) sed potius ab abnormi procedendi forma

stiterunt Petro de Toletto, qui vice regia in regno imperabat, & iussu Caroli v. inquisitionem inferre studebat; cui animorum obstinationi Reges nostri cesserunt, & Neapoli stabilis inquisitio numquam instituta. Interim Romana inquisitio ministerio episcoporum, aut missis delegatis iurisdictionem in regno exercebat, donec tandem Carolus vi. anno MDCCCIX. omnem inquisitionem aboleuit missis litteris, quibus praecepit, vt in causis fidei tantum locorum ordinarii & ordinaria forma, in aliis delictis & causis ecclesiasticis consueta, procedant. Sed sanctam inquisitionem eiusque singularia, quae in aliquibus foris supererant, anno MDCCXLVI. Carolus olim Rex noster omnino contriuit, & ne nouarum rerum timor deinceps esset, edixit, vt episcopi reos haeresis, aut alterius criminis ecclesiastici non citent, aut carceri tradant, nisi ipse Rex visis prius informationis actis citationem aut prehensionem concedat; nec inde plene instructo iudicio sententiam exsequantur suam, nisi iterum visis actis Rex annuat.

C A P V T XIV.

De arbitris.

§. I. **N**on solum per iudices, sed etiam per arbitros lites finire consueuerunt. Arbitrarius in libris iuris ciuilibus saepe est iudex a praetore datus, quandoque
ab

forma & seueritate poenarum, quibus Hispanica inquisitio saeuebat. V. Iannoni. *hist. ciuil. regni Neapolit. lib. XXXII. cap. 5.* Nec sane erat, cur aliter cogitare possent maiores nostri, apud quos facile reperiebantur, qui odio & vili quaestu falsa testimonia deponerent: atque ira intelligebant, arcanam inquisitionem ad euertendas omnium fortunas & flammam excitandas inferuire. Sic animo conceptus horror veluti hereditate ad posteros transiit, & creuit eundo.

ab iudice distinguitur. V. Briffon. *de verbor. signif. v. arbit.* Verum in praesenti arbitrorum nomine veniunt iudices extraordinarii ad cognoscendas & decidendas lites litigantium voluntate electi, siue electio ista ex libera partium voluntate, siue ex iuris dispositione fiat. Hinc arbitrorum alii sunt voluntarii, alii necessarii seu iuris, quorum illi ex libera partium voluntate, nullo cogente, eliguntur: isti sumuntur quidem ab ipsis partibus, sed legis iussu praecedente.

§. II. Arbitri sic dicti voluntarii ad lites cito finiendas partium compromisso sumuntur, & hinc *compromissarii* dicti sunt. *L.4. D. de tutoribus*. Eos eligere possunt quicumque rerum suarum liberam habent administrationem. Compromissum vero, quo arbitri sumuntur, est conventio, qua uterque litigantium promittit, se stare sententiae, quam electus arbiter dixerit. Promissio ista iure civili & stipulatione & nudo pacto fieri consuevit, *L. 11. §.3. D. de receptis, qui arbitrium, L.5. C. de receptis arbitris*, addita quoque ex partium arbitrio poena pecuniaria, qua compromittentes fidem suam vinculo firmiore adstringunt. Item iure Romano iurisiurandi religione compromissa muniebantur, tum id fieri Iustinianus vetuit, ne homines, qui stare arbitrio sua interesse non putarent, peierare cogerentur. *Novel. LXXII. cap. 11.* Iure decretalium poena compromisso addi potest, itemque iusiurandum, ut ei maior vis concilietur, *cap.2. & 9. ex. de arbitris*.

§. III. Omnes, qui iudices esse non prohibentur, ferme in arbitros ex partium compromisso eligi possunt, nisi quod iure civili etiam libertinus & infamis in arbitros eligi possint, *L.7. D. de receptis, qui arbitrium, & filius in causa patris, L.6. D. eodem*. Itaque iure civili vetantur esse arbitri serui, pupilli, minores, item mulieres, quamvis iure decretalium mulieres arbitrium possint recipere, si ordinaria iurisdictione augeantur, *cap.4. ex. de arbitris*. Laici quoque in causis ecclesiasticis & spiritualibus vetantur in arbitros eligi, *quia non decet, ut laicus in talibus arbitretur, cap. 8. ex. eodem*.

§. IV. Compromitti potest tam in vnum, quam in plures, & si in plures, consultius est, ut in impares nu-

mero compromittatur, vt si dissentiant, plurimorum sententia litem finiat. Si in plures compromissum sit, non adiecta clausula, vt si vnus absit, reliqui procedant; iure ciuili omnes coniunctim iudicare debent, *L. 17. §. 7. D. de recept. qui arbitrium*; at iure decretalium eo modo facta electione possunt praesentes arbitri in causa procedere, si vnus citatus, nec impeditus, adesse nolit, idque placuit, vt controuersis celerius finis imponatur, *cap. 2. de arbitris in 6.* Quod si duo arbitri sunt sint, & in iudicando inter se dissentiant, iure ciuili tertium in compromisso designatum eligunt; nam eo non nominato nullum censetur compromissum, quia possent arbitri in eligendo dissentire, *cit. L. 17. §. 5. & 6.* Verum moribus praesentibus semper licet arbitris, quo casu in iudicando non conueniant, alium arbitrum, etsi a partibus non nominatum, sumere.

§. V. Tantum vero in causis, quae priuati arbitrii sunt, quaeque priuata cognitione componi possunt, non generatim in omnibus causis licet arbitros sumere: quae enim tantum a iurisdictione dependent, aut ad ius publicum spectant, non admittunt arbitri notionem. Ita nullum est compromissum in causis restitutionis in integrum, item in causis status, videlicet ingenuitatis, libertatis, natalium, utpote quae iurisdictionem, qua arbitri destituuntur, requirunt, *L. 34. §. 7. D. de receptis, qui arbitrium, cap. 9. ex. de arbitris.* Nec in causis matrimonialibus, nec criminalibus, quae criminaliter aguntur, licet compromittere; nec enim pro arbitrio suo licet compromittentibus matrimonio abire, & imperii est poenas irrogare. Nec valet compromissum de statu ecclesiae, veluti de exemptione, quia de iure alieno, pontificis nempe, agitur, *cap. 5. ex. de arbitris.*

§. VI. Compromisso electus arbiter tantum volens recipit, seu acceptat arbitrium, est enim haec res libera & soluta, & extra necessitatem iurisdictionis posita, *L. 3. §. 1. D. de receptis, qui arbitrium.* Videtur vero arbiter arbitrium recepisse, qui iudicis partes suscepit, finemque sua sententia controuersis impositurum pollicetur. Semel vero receptum arbitrium necessario implendum est; & si arbiter implere detrectet, magistratus iurisdictione com-

compellitur, *L. 32. §. 12. D. eodem*, nisi iusta causa subsit recepti arbitrii abiiciendi, veluti si compromissum nullum, aut incertum sit, si litigantes arbitrum infamauerint, si spreta eius auctoritate ad alium arbitrum iuerint. V. Huber. *praelect. ad pandectas lib. 4. tit. 8. n. 5.*

§ VII. Arbitri quocumque modo partium compromisso sumti nullam sic proprie dictam habent iurisdictionem, nec proprie iudices sunt, sed partes iudicis suscipiunt, *L. 13. §. 2. D. de receptis, qui arbitrium*, & ab eis dicta sententia proprie sententia non est, sed ab iurisconsultis vocatur *arbitrium*, *L. 9. D. qui satisfacere coguntur*, & praesenti usu fori *laudum* audit, idque a *laudare*, quod sequiore latinitatis aeuo erat iudicare. V. Hotom. *de verb. feudalib.* Nec arbitrium in rem iudicatam abit, nec inde datur actio iudicati, nec irrogatur infamia. Itaque arbitri puram notionem habent, qua de causa cognoscunt & arbitrantur: notio vero ista & potestas ex compromisso pendet, nec aliud iis facere licet, quam quod ibi compromissum est, & quatenus placuit, *L. 32. §. 15. D. de receptis, qui arbitrium*. Ceterum et si arbitri iurisdictione destituantur; tamen arbitria serme sollemni iudiciorum more instituuntur.

§ VIII. Quamvis vero arbitri sententia rei iudicatae auctoritatem non consequatur, nec inde iudicati actio detur; tamen tenentur compromittentes arbitrio stare, siue illud aequum, siue iniquum sit, *L. 27. §. 2. D. de receptis, qui arbitrium*; sibi enim debent imputare, qui compromiserunt, danturque propterea actiones, quibus illi per indirectum arbitrio stare compelluntur. Ergo iure Romano si stipulatione compromissum initum sit addita poena, ex stipulatu ad poenam agitur; poena vero non adiecta, agitur in incertum, hoc est, ad id, quod interest, *cir. L. 27. §. 7.* Et Iustinianus, compromisso per nudum pactum inito, dedit actionem in factum ad sententiae executionem, itemque exceptionem, modo decem dierum spatium partes expresse vel tacite eam probauerint; nondum vero elapsis decem diebus licere voluit utrique parti impune resilire, *L. 5. C. de receptis arbitris*. At iure canonico vi maiore arbitria donantur; etenim si poena adiecta sit compromisso, eius metu partes sententiae stare coguntur,

cap. 4. & 9. ex. de arbitris: sin minus, & actio in factum ad eius executionem, & exceptio statim dantur, *cap. 5. & 9. ex. eodem*, etiamsi nudo pacto compromissum sit.

§. IX. Quacumque vero actione compromittentes arbitrio stare coguntur, appellationis auxilio non iuantur; non enim ab arbitri compromisso sumti sententia datur appellatio, quod non minus iure ciuili, quam canonico cautum est, *L. 1. C. de receptis arbitris, can. 33. C. 2. q. 6.*, repugnat enim rationi, qua itur ad arbitros, appellatio; (itur nempe ad arbitros, vt lites cito & compendio expensarum finiantur) itemque sibi imputare debet, qui compromisit, & veluti transegit, si minus aequum arbitrium videatur. Ceterum vsu fori passim receptum est, vt sententia arbitri, si iniqua videatur, reducatur ad arbitrium boni viri: quae reductio parum ab appellatione distat, & ita arbitria apud iudicem ordinarium deferuntur.

§. X. Haec de arbitris voluntariis, dicendum nunc de arbitris iuris, qui citra compromissum a partibus eliguntur, at iussu legis seu canonis, qui eos sumendos iubet. Ita iure ciuili si delegati iudices suspecti esse dicantur, eligi debent arbitri, qui de ipsa principe causa cognoscant, *L. 16. C. de iudiciis*. Et in ecclesia Africana, vbi placuit, quotannis non celebrari synodum vniuersalem, eligi debebant arbitri, qui de appellatione a sententia synodi prouincialis cognoscerent, *can. 96. C. Afric.* Et iure decretalium si delegati iudices tamquam suspecti reijciantur, eligi debent arbitri, qui de suspitione, non de causa cognoscant, *cap. 39. ex. de off. delegati*, licet contra iure ciuili cautum sit.

§. XI. Arbitri iuris utpote iussu legis, seu canonis ab ipsis partibus constituti, veri iudices sunt, censentur enim ab eo, qui electionem iussit, principe nempe, aut praetore dati, *L. 16. C. de iudiciis*. Hinc veram habent iurisdictionem, & eorum sententia rei iudicatae auctoritatem consequitur, & ab eis recte appellatur: quod & ciuili & decretalium iure cautum est, *L. 9. D. qui satisfacere cogantur, L. 23. D. de appellationibus, cap. 11. de off. delegati in 6.* Sed si ita est, cur arbitri dicuntur, non iudices? quia scilicet consensu partium eliguntur, ideo
arbitri

arbitri nomen datur, quum tamen veri iudices sint, vt
arbitrator pro socio, tutelae. V. Cuiac. in L. 16. C. de
iudiciis.

C A P V T XV.

De iudiciis & eorum ordine generatim.

§. I. **L**Eges in republica & canones in ecclesia nullius
essent vsus, nisi per iudicia ad dirimendas con-
trouersias applicarentur. Iudicii nomine venit legitima
discussio inter actorem & reum apud iudicem competen-
tem litis finiendae, vel maleficii puniendi causa. Con-
uenit haec definitio non minus ciuili, quam ecclesiastico
externi fori iudicio; nam in foro interno ex noua disci-
plina tantum iudex & reus iudicio adsunt. Ita in quoli-
bet externi fori iudicio iudex, actor & reus interueniunt;
at certe iudicia dicta sunt a iudicibus, qui iuris inter
partes controuersi disceptatores legitimi sunt.

§. II. Multae sunt iudiciorum species pro varia ne-
gotiorum, quae disceptantur, indole, & pro varia, qua
instituantur, ratione. Principio iudicium aliud est eccle-
siasticum, aliud saeculare. Ecclesiasticum in foro eccle-
siae disceptat causas ecclesiasticas, siue illae natura sua
spirituales sint, siue temporales, puta causae clericorum
ciuiles. Saeculare iudicium est, in quo apud saeculares
iudices causae temporales disceptantur. Vtrunque veluti
participat misti fori iudicium, in quo ecclesiasticus, aut
ciuilis iudex, qui praeuenerit & causam veluti occupauerit,
cognoscit, cuius generis iudicia antiquitati ignota sunt.

§. III. Praeterea iudicia alia sunt ciuilia, alia cri-
minalia, omnia enim iudicia aut distrahendarum contro-
uersiarum, aut puniendorum malefactorum causa reperta
sunt. Ciuilia ad priuati iuris, siue commodi & priuatae
iniuriae persecutionem spectant; criminalia vero crimina
persequuntur, & poenam in publicae pacis violatae vl-
sionem irrogant. Sed ecclesiastica criminalia iudicia ori-

gine sua non tam ad publicam vindictam, quam ad reorum conuersionem spectant.

§. IV. Iudicium quoque diuiditur in *petitorium*, & *possessorium*, vt receptis vocibus vtat. *Petitorium*, quod *dominii litem* iurisconsultus appellat, L. 18. *D. de usuris*, est, in quo de proprietate agitur, vel de alio iure in rem ipsam competente. Iudicium *possessorium*, quod per interdicta iure ciuili exercetur, in sola possessione versatur, quaeriturque, vtrum quis possideat, an non; item de adipiscenda, retinenda, vel recuperanda possessione, quaestione *dominii seu iuris* ad maturius examen reiecta. Itaque finito possessionis iudicio, & vni data possessione, onus victo incumbit ius suum in proprietatis iudicio probandi, quo non probato, res manebit apud possessorem, §. 4. *instit. ciuil. de interdictis*.

§. V. Sed a forma procedendi iudicium aliud est *ordinarium*, aliud *summarium*. Illud acta omnia & sollemnia, quae in iudiciis leges praescribunt, seruat, tam circa ea, quae pertinent ad intrinsecam iudicii naturam, quam circa sollemnia. Hoc vero, omissis sollemnibus, ea tantum seruat, quae intrinseca iudiciis sunt, ea nempe sine quibus de veritate & iustitia non constat. Inde vero dictum videtur *summarium*, quod in legibus Romanis iudices saepe praecipuntur *summatim* procedere, L. 5. §. 8. *D. de agnoscendis & alendis liberis*, L. 15. §. 4. *D. de re iudicata*.

§. VI. Iudiciales disceptationes ordine procedere debent, confusione enim obscurantur potius, quam explicantur partium iura. Ordo iste *iudicium* etiam dicitur, passim *processus* audit; est vero idonea dispositio actorum iudicialium semet praescripto modo subsequendum, vt in lite coram iudice mota omnis confusio euitetur, veritas factorum eruatur, & suum cuique tribuatur. Et profecto ordo iudiciarius est legibus praescriptus, iudicisque est ordinem procedendi dirigere per interlocationes, ne partes a tramite iustitiae declinent, cap. 19. *ex. de iudicis*, cap. 22. *ex. de accusationibus*: qua in re nihil pro arbitrio, sed omnia auctoritate legum & canonum iudex constituere debet.

§. VII. Iam vero iudicia canonica, in quibus agebatur

tur de criminibus puniendis, olim ex legum civilium forma ecclesia ordinare consuevit. V. Petr. de Marca de *conc. sacerdotii & imperii lib. IV. cap. 20. n. 7.* & Feurret. de *abusu lib. I. cap. 9.* Sane Iulius papa *epist. ad Orientales* nullam esse contendebat damnationem. Athanasii in Tyrio concilio peractam, quod absente reo, idest non euocato ad testium prolationem, aduersus ordinem legibus constitutum decreta esset. Et Gregorius M. *lib. XI. epist. 54.* sententias ab episcopis Hispanis latas nullas esse probat, quod non seruatis legum sollempnibus prolatae essent. Sequebatur vero ecclesia in re criminali ordinem iudicarium legibus probatum in iis, quae intrinseca iudiciis erant, quaeque ab ecclesia in usum verti poterant; nam tormenta & quaestiones in foro civili receptas olim ecclesia numquam vsurpauit, utpote quae erant ab ecclesiastica mansuetudine alienae.

§. VIII. Sed quod spectat ad iudicia civilia; ea in veteri disciplina posthabitis legum sollempnibus ex bono & aequo apud episcopos peracta sunt. Nimirum in causis pecuniariis episcopi potius ut arbitri, quam iudices cognoscebant, idque curabant vnum, ut sedatis animorum moribus litigantes cito in concordiam redirent. Vetus haec iudiciorum forma exstat apud auctorem constitutionum apostolicarum *lib. II. cap. 47.*, qui iudicia ex bono & aequo procul fori ambagibus ab episcopo inter presbyteros sedente expeditas exhibet. Stetit eadem iudicandi forma etiam postquam clerici in causis civilibus de magistratuum iurisdictione exempti sunt: Iustinianus enim tanti privilegii auctor edixit, ut episcopi sine scriptura sollempni & de more sacerdotum causas pecuniarias clericorum celeriter definirent, idque ne illi litibus implicati ab altaris ministerio auocarentur, *noyel. LXXXIII.*

§. IX. Sed decursu temporis methodus, quae in causis tractandis ecclesia utebatur, pro maxima parte mutata est, & ordo iudicarius in civilibus per forenses ambages explicari coepit, in criminalibus vero nouas multasque adiectiones admisit. Tantrae mutationis causam praesertim praebuit studium iuris civilis, quod in Italia saeculo decimo secundo florebat & in academiis publice docebatur. Huic enim studio in primis operam de-

dederunt clerici, qui legum scientia non contenti eas in vsum deducere voluerunt, atque ita ordinem iudicarium ipsis legibus, saepe etiam earum glossis, inaedificarunt. Operi perficiendo acceperunt Romani pontifices, qui Romanas leges statim amplexi sunt, & earum auctoritate vii coeperunt, qua de re conqueritur S. Bernardus *lib. I. de consid. cap. 4.* in aula pontificis quotidie personare leges Iustiniani, non Christi. Et profecto Alexander III. & Innocentius III. & deinceps successores earum legum peritia imbuti, inde responsa dederunt, inde ordinem iudiciorum distarunt, multa innouarunt, saepe etiam contra expressas leges statuerunt. Hinc bona pars libri primi decretalium Gregorii IX. & integer liber secundus nihil aliud continent, nisi modum & formam causarum civiles instruendi & decidendi (a).

§. X. Iam ex regulis Romani iuris causae civiles triennio, criminales vero biennio a die contestationis finiri.

(a) Ordo iudicarius decretalium auctoritate procusus non solum in ecclesiastico, sed etiam pro maxima parte in civili foro receptus est, quod Cuiacius *praef. in lib. IV. decretalium* obseruat. Nimirum apud gentes, quae in Occidente noua regna fundarunt, non tricis forensibus iudicia constabant, sed potius veritas demonstrari credebatur vanis probationibus per aequam calidam, frigidam, ferrum candens, duellum aliosque consimiles modos, quibus miraculo opus erat ad eruendam veritatem; obtinebantque probationes istae non minus in re criminali, quam civili. Sed demum populi deliria ista respuerunt, eorumque loco formam iudicandi in foris ecclesiasticis, quam cognitam habebant, adoprarunt, praesertim quando ecclesiasticae formae ipsi laici, qui in plerisque causis media aetate apud episcopos conueniebantur, erant adfuerunt. Eo etiam contulerunt clerici, qui ubi defuerunt vulgares probationes, iudicibus laicis in iure dicundo adseffores acceperunt: iudices enim laici, utpote milites & nobiles, nulla litterarum & legum peritia imbuti erant, & idcirco clericos necessario adscicebant in consilium. Fleury *iur. eccles. par. III. cap. 6. n. 1.* Et ita clerici iudicibus laicis adseffentes decretalium formulas in civile forum intulerunt.

niri debent, quibus spatiis exactis instantia iudicii perimitur; *L. 13. C. de iudiciis*, *L. 3. C. ut intra certum tempus*; interest nimirum reipublicae, lites & odia diutius non differri. Iure decretalium eadem iurisprudencia repetita videtur, *cap.20. ex. de iudiciis*, quamvis ex ipsis decretalium placitis vix erat, ut instantia triennio, aut biennio finiri posset; decretales enim ab omni gravamine & quavis interlocutione appellari permittunt, & porro multa alia impedimenta ad lites in longum trahendas proponunt. Itaque Tridentini patres *ses.XXIV. de res. cap. 20.* statuerunt, ut causae omnes fori ecclesiastici coram ordinariis locorum saltem biennio a die motae litis terminentur. At regula ista in usum deducta non videtur: & in ipso civili foro ob litium multitudinem lapsu temporis instantia non perimitur.

C A P V T XVI.

De ordinario iudicio civili ecclesiastico, in primis de citatione.

§. I. **O**Rdo iudiciarius in decretalibus statutus ab iuris canonici tironibus non debet ignorari, licet alias forenses tricae a purioribus disciplinae regulis longe distent. Iudicium civile late sumit ab in ius vocatione, seu citatione exordium sumit. Est autem in ius vocatio, seu citatio iure civili nouo actus iudicialis (a),
quo

(a) Veteri Romano iure in ius vocatio & citatio differebant. Actor ipse reum priuata auctoritate in ius vocabat, eumque, nisi confestim iret, aut vadimonium promitteret, vi facta in ius rapiebat. V. Helnec. *antig. lib. IV. tit. 6. §.14. seq.* Sed citatio fiebat iussu iudicis per praeconem, interdum etiam per edictum; nec tantum reus, verum etiam actor, patroni & testes in iudicium citabantur. Briff. *de verbor. signif.* At la-
bentibus annis, vbi iura democratiae penitus interciderunt, po-
testas

quo ad instantiam actoris a iudice competente ex causa adiecta reus vocatur in iudicium litis instituendae & peragenda causa. Omni autem iudicio inest citatio, & ad eius intimam naturam pertinet, *L. 4. C. de sentent. & interlocutionibus*, vetat enim non minus naturalis, quam civilis ratio, quemquam indefensum & inauditum damnari.

§. II. Instantia actoris in causis civilibus libello conventionali continetur. Libellus est brevis scriptura, qua actoris petitio clare & distincte proponitur. Veteri iure Romano actiones certis & sollemnibus formulis erant inclusae, easque antequam actores agerent, a praetore debebant impetrare: inde iure nouo formulae earumque impetrationes sublatae sunt, *L. 1. & 2. C. de formulis sublati*, & genus futurae litis libello comprehendi coepit, in quo speciem, genus & nomen actionis necesse erat exprimere, si vera Cuiacius in *cap. 6. ex. de iudiciis* obseruat. At iure decretalium non admodum desideratur expressio nominis actionis, & satis est pure & simpliciter factum ipsum enarrare, & in factum agere, congrua tamen ipsi facto adiecta petitione, *cap. 15. ex. de iudiciis*. Debet vero ita concipi libellus, vt inde reus de causa plene instruat, eoque edito deliberet, vtrum cedere velit, an contendere. Hinc libellus clarus, certus & aptus esse debet, quas qualitates interpretes pluribus enarrant. Ceterum libellus in omnibus civilibus causis adhibendus est, nisi sint leuiiores ac breuiiores, quae summario iudicio tractandae sunt. *Clement. 2. de verbor. signif.*

§. III. Iam in ius vocatio seu citatio alia simplex est, alia peremptoria. Simplex continet merum praeceptum, vt reus intra certum tempus iudici se sistat, nec ante reum facit contumacem, nisi tertio repetatur, quod legis

testas in ius vocandi actori ablata est, & noua inualuit in ius vocandi ratio, quae sit auctoritate iudicis, quaeque eadem est ac citatio. Latius vero patet citatio, quam in ius vocatio; illa enim vsurpatur in quauis iudicii parte, dum singuli actus iudicarii litigantibus manifestantur, haec vero restringitur ad primam citationem, vnde iudicium incipit. *V. Vinn. ad §. 8. inst. de poena temere litigantium.*

gis mansuetudo introduxit. Contra peremptoria praestituto die reum comparere iubet, eumque, si non veniat, facit contumacem; in peremptorio enim comminatur iudex, etiam absente parte aduersa se cogniturum, nec passurum, ut aduersarius ultra tergiueretur, *L. 31. D. de iudiciis, cap. 6. ex. de dolo & contumacia*. Edictum peremptorium iure ciuili post tres simplices citationes impetratur, aliquando post vnam & alteram, aliquando statim, quod appellatur *unum pro omnibus*; pendetque ab arbitrio iudicis pro causae, personae, aut temporis conditione ordinem & compendium edictorum moderare, *L. 70. & L. 72. D. eodem*. Interualla vero inter vnam & alteram citationem iure decretalium arbitrio iudicantis pro locorum & temporum ratione statuuntur, *cap. 7. ex. de dolo & contumacia*.

§. IV. Ut vero citatio legitima sit, plura debet continere, nomen nempe iudicis citantis, diem & locum, quando & quo reus se sistere debet, nec causa citationis omittenda est: Et iudicis quidem nomen decreto citationis contineri necesse est, tum quia in ius vocatio iure nouo ab iurisdictione descendit, tum etiam ut videat reus, num ad proprium iudicem vocetur. Quoniam vero delegatus iudex alienam exercet iurisdictionem, citationis decreto inferendum est exemplum litterarum, quibus ei mandata causa est, *cap. 2. ex. de dilationibus*, nec enim alias de eius iurisdictione reo constare potest. Quod si iudex in ius vocans incompetens sit, debet etiam reus comparere, priuilegia sua allegaturus: iudicis enim est aestimare, num sua iurdictio sit, *L. 5. D. de iudiciis*, nisi manifestum sit, iudicem esse incompetentem, quo casu vocatus non tenetur se iudicio sistere.

§. V. Certus quoque locus, quo reus venire, & se sistere iudici praesentem debet, litteris citationis exprimendus est: quod praecipue obtinet, si iudex delegatus sit, non item si sit ordinarius; hic enim suum certo loco tribunal habet, ille non habet. Sed si ordinarius iudex, velit extra locum solitum ius dicere, locum etiam oportet designari, *L. 59. D. de iudiciis*. Locus vero, in quem reus vocatur, ipsius citantis iurisdictioni subiectus esse debet, & praeterea ipsi citato tutus: contra naturam enim

enim vidatur esse, cogi reum ad locum non tutum venire, *Clement. 2. de sententia & re iudicata*, quod idem ius est, si locus, per quem reus transire debet, tutus non sit, *cap. 4. ex. ut lite pendente nihil innouetur*. At inquires, ubi tutus non est iudicii locus, potest reus per procuratorem respondere. Video, sed hoc ipso excusatur reus, quod ei per se respondere non licet.

§. VI. Praeterea dies, quo reus iudici se sistere praesentem debet, certus sit oportet, eumque arbitrato viri boni iudex ipse praestituet, spectatis locorum, temporum & personarum adiunctis. Praestitutus vero dies feriatius esse non debet. Feriati dies sunt, quibus lite vacant aures, seu quibus fora conquiescunt, eorumque alii religionis causa, alii ad humanum usum sunt instituti, quorum hi sunt seriae messis & vindemiarum, illi sunt dies deuotionum, seu festi dies, quibus religioni vacandum est. Acta iudicialia in feriis humanis ex partium consensu recte expediuntur; in feriis vero religionis omnino nulla sunt, etsi partium consensu expedita, *L. 1. §. 1. D. de feriis, L. 2. in fin. C. de feriis, cap. ult. ex. de feriis*. Sed summus pontifex etiam ipsa dominica die acta iudicialia recte expedit, *cap. 6. ex. de dolo & contumacia, cap. 15. ex. de accusationibus*.

§. VII. Item in litteris citatoriis causa, cur reus vocatur, exprimi debet, ut ille deliberare possit, num cedere, an contendere velit. Veteri iure Romano ubi demum in ius, seu apud praetorem ventum erat, edebatur actio, & ita causa vocationis reo innotescebat. *V. Heinec. antiq. lib. IV. tit. 6. §. 19.* Inde iam sublato veteri in ius vocationis ritu, edixit Iustinianus, ut in ipsa vocatione libellus conuentionalis reo tradatur, *novel. LIII. cap. 3.* & ita in ius vocatio & actionis editio in vnum iudiciale actum coaluerunt. Iure decretalium non admodum necessarium est vocationis causam exprimere, aut simul libellum reo offerre: at iam pae-ne omnium locorum statutis cautum est, aut usu fori receptum, ut causa citationis decreto ipso exprimatur, vel libellus simul reo offeratur.

§. VIII. Decreta per iudicem in ius vocatio reo manifestanda est, quae denuntiatio apparitoris, seu publici nuntii

CAP. XVI. DE ORDINARIO ETC. 591

nuntii opera solet expediri. Denuntiatur autem vel in ipsam rei faciem, vel ad domum: in faciem, si rei copia haberi possit, alias ad domum, ubi habitat, aut si plures domos habeat, in qua frequentius residet, aut residere tenetur. Quod si reus absit, & ubi sit ignoretur, per edictum publico loco adfixum euocandus est, *cap. 10. ex. de dolo & contumacia*, ut ita reus absens per propinquos aut amicos, quibus edictum patet, admoneatur. Si vero reus degat in alieno territorio, auctoritate iudicis illius loci opus est ad citationem faciendam. Quacumque vero ratione citatio facta sit, nuntius id in acta referre debet, & quidem die, loco, modo factae citationis aliisque adiunctis expressis.

§. IX. Iure facta citatio plures effectus producit. Sane facit, ut causa coram iudice, qui in ius vocauit, pertractanda sit, etsi reus, postquam adesse iussus est, alterius fori esse coeperit, *L. 7. D. de iudiciis, cap. 19. ex. de foro competentis*, item perpetuat iudicis delegati iurisdictionem etiam post delegantis mortem, *cap. 20. ex. de officio delegati*. Item citatio praescriptionem triginta annorum usurpat, *L. 3. & 7. C. de praescriptionibus trig. annorum*, & litis pendentiam inducit, modo in ea talia sint expressa, unde reus plene de causa instrui possit, *Clement. 2. ut lite pendente*. Hinc facta citatione res euadit litigiosa, nec potest alienari, *cap. 3. ex. ut lite pendente*, nec aliquid aliud usque ad causae finem innouandum.

C A P V T XVII.

De contumacibus.

§. I. Iudici legitime vocanti parendum est, nisi vocatus contumaciae notam subire velit. Contumacia est contemptus & inobedientia, qua quis iudici praecipienti siue initio litis, siue in persecutione non obtemperat, qualis censetur, qui tribus edictis, aut vno pro tribus in iudicium vocatus, venire neglexerit, *L. 53. §. 1. D. de*

de re iudicata, item qui impedit, ne citatio ad reum possit peruenire, *cap. 5. §. 1. ex. ut lite non contestata*, item qui venit in iudicium, at iudici obtemperare reculet, *L. un. D. si quis ius dicenti non obtemperauerit*, aut sine illius venia susceptum iudicium deferat, *cap. 4. ex. de dolo & contumacia*.

§. II. Non minus reus, quam actor esse potest contumax: quin actoris contumacia maior & foedior censetur quam ipsius rei, cuius est fugere & subterfugere iudicium. Vtrique autem impune non ferent, quod iubenti iudici non obtemperauerint. Et actor quidem iure decretalium si eo termino, ad quem aduersarius citatus est, iudici se sistere negligat, condemnatur in expensas, & ad aliam citationem non admittitur, nisi praestita cautione de iudicio silti, *cap. 1. de dolo & contum. in 6.* Immo si citatus actor non compareat, ad causam proceditur, & definitiua sententia profertur, *cap. 3. ex. de dolo & contumacia*. Quod si contestata iam lite actor contumax euaserit, eius procurator, si quem reliquerit, appellatur; vel si neminem reliquerit, aut procurator venire contemserit, ipse absens per edictum domui ejus adfixum vocatur, & inde causa expeditur, *cir. cap. 3.*

§. III. Quod vero spectat ad reum contumacem, interest, num is nondum contestata lite, an vero postea contumax fiat. Si primum in actione in rem actor mittitur in possessionem bonorum, de quibus quaestio est; in actione personali mittitur actor in possessionem bonorum mobilium ipsius rei, vel immobilium, si forte mobilia desint, pro debiti quantitate. Quae quidem possessio non tam possessio est, quam custodia, ut taedio affectus reus veniat responsurus. Intra annum veniens contumax cautione praestita iudicio silti, & resectis expensis possessionem recuperat: qua cautione intra annum non oblata, actor nouo decreto verus possessor constituitur, *cap. 5. §. 6. ex. ut lite non contestata*. Si alterum, nempe si reus contestata lite contumax euadat, & ex actis liqueat de causa, iudex sententia sua litem definiet; si non liqueat, actor in veram possessionem mittitur, salua reo domini lite, *cap. 4. ex. de dolo & contumacia*. Sed in causis beneficiariis ob rei contumaciam missio in possessione-

feffionem non decernitur, ne in beneficia vitiosus detur ingressus, *cap. vn. de eo, qui mittitur in posses. in 6.*

§. IV. Sunt aliae poenae, quibus iure decretalium contumacia praesertim rei coërcetur, quales multae dictio, sequestratio possessionis, condemnatio in expensas; in primis vero excommunicatio, quae tum praecipue locum habet, si causa talis sit, in qua missio in possessionem decerni non possit, *cap. 3. ex. de dolo & contumacia*. Ex poenis vero iure in contumaces propositis vnam, quae magis timeri debeat, initio iudex seligat, ad aliam nihilominus processurus, si proteruitas contumacis mereatur, *cap. 5. §. 8. ex. ut lite non contestata*. Verum novissimo Tridentini iure in *ses. XXV. de res. cap. 3.* tum demum reus contumax excommunicatione coërcetur, si persona aut re coërceri nequeat.

C A P V T XVIII.

De exceptionibus & mutuis petitionibus.

§. I. **Q**Uod si reus vocatus in iudicium veniat, velitque litigare, se defendere debet, idque fit, vel negando actionis fundamentum, vel causam fatendo quidem, sed exceptione adiuncta. Exceptio proprie & strictè sumpta est actionis exclusio, *L. 2. D. de exceptionibus*, seu clarius est defensio rei, quae actioni alioquin constitutae opposita eam ob aequitatem elidit. Ita exceptio supponit efficacem actionem, quam impugnat & inefficacem reddit, veluti si actioni ex stipulatu metus obiciatur, actio alioquin iure civili efficax eliditur, *§. 1. inst. civil. tit. de exceptionibus*. Ceterum allegationes, quibus ipso iure actio denegatur, veluti compensationis, solutionis, exceptiones lato sensu dici possunt.

§. II. Sunt vero exceptiones duplicis generis, aliae dilatoriae & temporariae, aliae perpetuae & peremptoriae. Dilatoriae principalem causam non perimunt, sed ad tempus differunt, quales exceptiones iudicis incompe-

Pars III.

P p

tentis,

tentis, feriarum, libelli obsecuri, petitionis ante diem. Contra peremptoriae semper agentibus obstant, & causam omnino perimunt, quales exceptio doli mali, metus, pacti de pecunia omnino non petenda. Sed peremptoriarum aliae esse dicuntur *litis finitae*, aliae simpliciter *peremptoriae*, quarum illae impediunt litis ingressum, quales transactionis, rei iudicatae; hae litis contestationem non impediunt, quales exceptio doli, metus.

§. III. Exceptiones dilatoriae inter exordia litis, hoc est ante litem contestatam opponendae sunt, quae vtriusque iuris regula est, *L. 12. §. seq. C. de exceptionibus, cap. 20. ex. de sentent. & re iudicata*: contra peremptoriae opponuntur quodcumque ante latam sententiam, *L. 4. §. 8. C. de exceptionibus*: immo quae appellantur *litis finitae*, etiam post sententiam in actione iudicati recte opponuntur, veluti si opponatur, rem alias fuisse iudicatam. *V. Cuiac. in cap. 29. ex. de testib. & attestat. nibus*. Sed inter dilatorias prima opponi debet praescriptio fori, nam si sciens, iudicem tibi incompetentem esse, aliam prius opponas, iam hoc ipso in eum consentis, & eius iurisdictio prorogatur, *L. 1. §. seq. D. de iudiciis*, nisi clericus in laicum iudicem consentiat, *cap. 12. ex. de foro competenti*. Aliquando tamen etiam post litem contestatam dilatorias opponere licet, si exceptiones ipsae, vel earum notitia post contestationem suboriantur, *cap. 21. ex. de officio delegati*. Sed ne reorum malitia lites in longum trahantur, debet iudex certum dilatoriis exceptionibus opponendis diem dare, post quem illae tantum rite opponuntur, quas reo noua obtulit causa, quas reus sibi non fuisse cognitatas iuratus dixerit, *cap. 4. ex. de exceptionibus*; itemque illae, quae omissae iudicium nullum reddunt, *cap. 4. ex. de procuratoribus*, & quae grauamen perdurans continent, veluti exceptio loci non tuti, *Clementin. 2. de sentent. & re iudicata*. Sola exceptio maioris excommunicationis in quacumque litis parte opponi potest, quod iure singulari cautum est, ne quis cum periculo animae suae cogatur cum excommunicato communicare, *cap. 12. ex. de exceptionibus, cap. 1. eodem in 6.*

§. IV. Quemadmodum vero reus ad excludendam actionem

CAP. XVIII. DE EXCEPTIONIB. ETC. 395

tionem exceptione utitur; ita quoque fas est actori replicatione exceptionem a reo propositam excludere, & suam actionem confirmare. Est enim replicatio exceptionis exclusio, *L. 2. D. de exceptionibus*: atque ideo quamvis a parte actoris veniat, tamen potius est exceptio, quam actio, quia excipienti reo opponitur, reus vero *in exceptione actor est*, ut recte Vlpianus *L. 1. D. eod.* obseruat. Item si contra actoris replicationem aliquid opponere reus habeat, duplicationem proponit, atque ita deinceps ex regulis iuris civilis triplicationes & quadruplicationes usurpantur. Verum in foro ecclesiastico duplicationibus, aut triplicationibus locus non est, sed iudex ex officio iis modum imponit.

§. V. Nec tantum exceptionibus, verum etiam mutuis petitionibus contra actorem reo uti licet in sui defensionem. Mutua petitio seu reconuentio est actio, quae a reo conuento in eodem iudicio contra actorem instituitur, idque siue actione in personam, siue actione in rem reus conuentus sit, siue eadem, siue diuersa causa sit. Hinc mutua petitione reus non excludit actoris intentionem, quod proprium exceptionis est; sed potius intendit specie quadam compensationis se tueri, & ipsam actionem retundere. Proposita ante litem contestatam reconuentio, utraque causa simul tractatur; at si iam contestata lite proponatur, prorogatur quidem iudicis iurisdicctio, ut de mutua petitione cognoscere possit, at utraque causa vno iudicio non tractatur. Gonzalez *in cap. 1. ex. de mutuis petitionibus*.

§. VI. Reconuenire licet omnibus, quibus agendi ius est: est enim reconuentio vera actio, quam reus contra actorem intendit. Hinc excommunicatus inutiliter matuo agit: quamuis enim recte contra actionem excipiat, ne indefensus damnetur; non tamen eidem agere licet, *cap. 5. ex. de exceptionibus*. Actoris autem & rei matuo agentis par esse conditio debet; atque ideo si actori ex rescripto pontificis iudex datus sit, qui *remota appellatione* cognoscat; delegatus iudex etiam sine appellatione in causa mutuae petitionis cognoscere debet, *cap. 2. ex. de mutuis petitionibus*; non enim debent actor & reus diuerso iure iudicari, *L. ult. C. de fructibus & litium expensis*.

§. VII. Proponenda est reconuentio apud eundem iudicem, apud quem instituta actio est, siue iudex ordinarius, siue delegatus sit, *cap. 3. de rescriptis in 6.*, quod certo iure comprehensum est ea ratione, quod aequum est, vt actor reconuentus eundem habeat iudicem, cuius in agendo obseruat arbitrium, *L. 14. C. de sententiis & interlocutionibus*, seu quem ipse sponte sua contra reum adiit. Hinc clericus, qui apud iudicem laicum actiones suas proposuit, apud eundem recte reconuenitur, licet alias clericus in laicum iudicem vetetur consentire; reconuentio enim non tam clerici consensu, quam legum auctoritate nititur. Verum apud iudicem delegatum tum recte mutuo agitur, quum ille datus est ad preces reconuenti; non item si *motu proprio*, vt dicitur, electus fuerit, quum actor iudicem istum non elegerit, sed fortuito sortitus sit. V. Gonzalez in *cap. 1. ex. de mutuis petitionibus n. 10.*

§. VIII. Sunt vero multae causae, quibus mutuae petitiones obiiici nequeunt, siue quod natura sua seorsum tractandae sunt, siue quod iudex conuentionis in reconuentione iudex omnino esse vetatur. Tales sunt causae criminales, nam innocentia, non relatione criminis reus purgatur, *L. 5. D. de publicis iudiciis*: causa depositi, *cap. vlt. ex. de deposito*, tanta est depositi fides: causae, quae coram arbitris ex compromisso aguntur, *cap. 6. ex. de arbitris*: & causae super interdicto vnde vi, sine de restitutione spoliatorum, vt habent decretales: etenim qui vi possessorem deiecit, conuentus frustra mutuo agit, nec quidquam habere prius debet iudex, quam vt per vim deiectum restituat, *cap. 1. ex. de restitutione spoliatorum*. Et demum non licet reconuenire de re spirituali apud iudicem laicum, cuius iurisdictio ad spiritualia proferri nequit.

C A P V T XIX.

De litis contestatione.

§. I. **S**I quae opponantur exceptiones, nullae sint, aut oppositae satis discussae & reiectae, aut ad causae decisionem reservatae, ad litis contestationem veniendum est, unde proprie lis initium habet; nec enim ante lis proprie erat, sed controuersa. Iure Romano nouo litis contestatio fit, per petitionem actoris in iure propositam, & rei contradictionem & responsionem, L. 14. §. 1. C. de iudiciis (a). Contradictio vero debet esse certa & specialis, non ambigua, nec conditionalis, quaeque continet contradictionem eius, quod petitur: nec enim alias status controuersiae vere determinatur.

§. II. Iure decretalium etiam petitione apud iudicem proposita, eique facta responsione lis contestatur, cap. vn. ex. de litis contestatione. Responsio autem negativa esse debet, quae ex certa scientia procedat, & quae litem de re principali cum actore suscipiendi animum contineat. Sed hoc iure responsio non necessario debet esse specialis, sed sufficit generalis, qua reus intentioni actoris contradicat. Ita facta generali responsione status causae non bene constituitur & definitur: & hinc iure decretalium positiones inductae sunt, quibus status controuersiae distincte constituatur. Etenim positiones sunt quaedam propositio-

P p 3

litio-

(a). Veteri iure Romano lis contestata dicebatur, ubi ordinato iudicio, seu statu controuersiae apud praetorem partibus praesentibus determinato, partes dicebant, testes esset, quod tradit Festus v. *contestari*. Itaque a testibus dicta est litis contestatio; *contestari* enim erat testibus adhibitis aliquid declarare, L. 1. §. 12. D. de agnoscend. & alendis liberis. Ritus aduocandi testes inde desuevit, & contestatio per petitionem in iure propositam & contradictionem facta est.

stiones ex libello deductae, & iudici ab auctore oblatae, ut reus ad singula libelli momenta speciatim respondeat. Oblatis positionibus utraque pars iurejurando interrogatur, an vera credat, quae thesibus illis comprehensa sunt. Facta responsione causae status distincte constituitur, & lis perfecte contestatur, *cap. 2. ex. de iuramento calumniae*. Ceterum ad litem contestandam saltem iure decretalium utriusque partis praesentia opus esse non videtur.

§. III. Litis contestatio ex principiis iuris initium & fundamentum iudiciorum est, & negotium ante non proprie lis, sed controversia censetur. Per contestationem enim status controuersiae definitur: & nondum constituto causae statu, quid iudicium esse potest? Ergo nulla est sententia, si litis contestatio non praecesserit, *L. 4. C. de sententiis & interlocutionibus*. Interim sunt quaedam causae, quae expressam litis contestationem non desiderant, quales summariae, causae appellationis, item quae sine libello recte expediuntur, & ubi ius agentis contra certam personam non dirigitur. Sed ubi litis contestatio requiritur, eam ultra viginti ab oblato libello dies actor differre non debet.

§. IV. Iam litis contestatio plures & insignes effectus producit. Sane malam fidem omnino inducit, *L. 25. §. 7. D. de petitione hereditatis*, *L. 10. C. de acquirenda possessione*, interruptit usucapionem & praescriptionem, *L. 10. C. de praescriptione longi temporis*, hoc saltem effectu, ut si usucapio post litem contestatam impleatur, reo non proficiat, si condemnatur; exceptiones dilatorias praecidit, iudicisque recusandi potestatem adimit, *L. ult. C. de exceptionibus*, nisi postea causa suspicionis emerferit; & mandatam iurisdictionem facit perpetuam, *cap. 19. ex. de officio delegati*. Item litis contestatione quasi contrahitur & nouatio fit, *L. 19. §. 1. D. de nouationibus*, qui enim in iudicium consentiunt, etiam praesumuntur velle stare iudicis sententiae, atque ideo quasi contrahere. Hinc actio temporalis fit perpetua, morte peritura transit in heredes, & poenalis fit rei persecutoria, *L. 6. §. ult. D. de re iudicata*.

C A P V T XX.

De iureiurando propter calumniam.

§. I. **P**ost litem contestatam iusiurandum de calumnia praestandum est, quo litigantes ipso iudice deferente profitentur, se in causa ex fide bona procedere, & ideo litigare, quod causam suam bonam esse putant, *L. 2. C. de iureiur. propter calumniam*, itemque se nullam probationem exacturos, nisi eam, quam pro causa adstruenda necessariam duxerint, *auth. in isto C. eodem*. Sic descriptum sacramentum generale est; at datur praeterea calumniae iusiurandum speciale, quod in singulis actis iudicialiis, prout iudici videbitur, deferitur, eoque iurans adfirmat, se non ex calumnia petere damni infecti cautionem, aut describendi testamenti facultatem. Atque hoc iusiurandum *malitiae* a Bonifacio VIII. dictum est, *cap. 2. §. 2. de iuramento calumniae in 6.*, vt ita a sacramento generali calumniae distingueretur.

§. II. Iusiurandum propter calumniam non pro commodo priuatorum, sed pro communi utilitate introductum est, *L. 2. §. 4. C. de iureiur. propter calumniam*, vt nempe iniecta sacramenti religione captiosa consilia & versutiae a foro procul arcerentur. Hinc iure civili iusiurandum hoc per iudicem exigere necessitatis est, *cit. L. 2. §. 4.*, eoque omisso iudicarium ordinem vitari boni legum interpretes docent. Verum iure decretalium tacite omitti potest, eoque tacite omisso ordo iudiciarius viribus constat, *cap. 1. §. 1. de iuram. calumniae in 6.* Nisi velit actor iurare, protinus causa cadit, nisi velit reus, confessi & iudicati loco est, *cit. L. 2. §. 6. C. 7. cap. ult. §. 1. ex. de iuramento calumniae*. Ceterum moribus praesentibus in multis prouinciis de calumnia non iuratur, quod bene & sapienter introductum est.

§. III. Praestant vero calumniae sacramentum non modo ipsi litigatores, verum etiam eorum aduocati, pro-

curatores, tutores, curatores. V. Gonzalez *ad cap. ult. ex. de iuram. calumniae*. Clerici etiam iurant de calumnia: at opus est venia summi pontificis, si episcopi, antistitis vero proprii, si inferiores clerici iurare debent, *cap. 1. ex. eodem*. Videtur vero necessaria superioris venia, si clerici per se iurare velint, non item si iurandi officium aliis demandent. Hoc distant a clericis laici, quod hi *taētis*, illi *propositis* tantum euangelii iurant, *cap. ult. ex. eodem*. Quicumque vero sint, qui iurare tenentur, iure decretalium etiam per procuratorem id facere possunt, modo specialis procurator constituatur, *cap. 3. eod. in 6.*: quā in re discesserunt decretales ab iure ciuili; quo propter calumniam ab ipsis litigantibus iurandum est, *L. 2. C. de iureiur. propter calumniam*. V. Oldekopius *de iureiur. in alterius animam*. Ceterum moribus praesentibus aduocati & procuratores de calumnia non iurant.

§. IV. Iurari debet de calumnia in omnibus causis, in quibus probationes requiruntur, *L. 1. C. de iureiur. propter calumniam*, quod ad integritatem iudiciorum sacramentum hoc iure ciuili spectat, quamuis non desint iuris interpretes, qui in causis criminalibus sacramentum de calumnia non praestandum teneant, idque quia in criminalibus sufficit inscriptio accusatoris in crimen, & reo conseruandae salutis causa omnia honesta sunt. V. Cuiac. *in cap. 1. ex. de iuram. calumniae*. In causis spiritualibus olim de calumnia iuratum non videtur, *cap. 2. ex. eodem*, sed deinceps placuit Bonifacio VIII. etiam in spiritualibus de calumnia iurari, quod experientia constaret, etiam in spiritualibus calumnias frequenter adhiberi, *cap. 1. §. ult. eodem in 6.* Porro de calumnia etiam in causis appellationis iurandum, etsi alias primo iudicio iuratum fuerit, *cap. 2. eodem in 6.*

C A P V T XXI.

De probationibus.

§. I. **L**ite contestata & sacramento calumniae utrimque praestito, probationes faciendae sunt, quibus de veritate facti controuersi constet; nec enim iudici sententiam ferre licet, nisi cognita factorum veritate, *can. 10. C. 30. q. 5.* Est in hac causa probatio actus iudicialis, quo iudici per argumenta idonea facti controuersi veritas demonstratur. Probatio plerisque interpretibus alia plena seu perfecta, alia semiplena seu imperfecta est. Plena facti veritatem euincit & extra dubium ponit, quatenus in re iudiciaria sufficit. Semiplena dubiam rem relinquit, potestque esse maior, vel minor, prout magis minusue ad plenam probationem accedit.

§. II. Probari vero debent facta dubia; si controuersiae finiendae interuiant, idque siue adfirmantur, siue negentur: etenim non minus probare debet, qui adserit, sibi centum deberi ex mutui causa, quam substitutus, qui petit hereditatem, quod scriptus heres eam non adierit. Probantur vero negantes propositiones non directo, quia negationi nulla subest causa, atque ideo *per rerum naturam rei factum negantis probatio nulla est, L. 13. C. de probationibus, cap. 11. seq. ex. de probationibus*; sed tramite quodam occulto & ab adiunctis temporis, loci & qualitatis ducto argumento, aut ex propositionibus adfirmantibus, quae saepe negantibus insunt, veluti si dicatur, filium non esse in patris potestate, probata emancipatione etiam probatum habetur, filium non esse in potestate. Tantum negatio pura, *indefinita* vulgo dicta, seu quae nullis loci, temporis, aut alterius adminiculi adiunctis circumscribitur, natura sua omnem probationem excludit: qui enim generaliter negat, nihil ponit, quo negationis ratio reddi possit.

§. III. Iam vero probandi onus illi incumbit, qui
ad-

adserit, proponitque quaestionem facti dubiam, cui veluti stabili fundamento petitio & conclusio innitur; quisque enim suae petitionis fundamentum probare debet. Hinc regulariter actor, non reus probare debet, quae utriusque iuris regula est, *L. 2. D. de probationibus, cap. 23. §. 2. ex. de electione*, actor enim est, qui adfirmat, seu tamquam vera proponit facta dubia, quibus petitio innitur; reus vero saepe proposita facta tantum negat. Quin actoris est probare non tantum ea, quae adfirmauerit, verum etiam quae negauerit, si negatio fundamentum petitionis contineat, *cap. 5. ex. de renuntiatione, cap. ult. ex. de praesumptionibus*. Quod si reus non simpliciter neget, sed simul contra actoris petitionem excipiat, eius est exceptionem probare, *L. 19. D. de probationibus*, reus enim excipiendo aliquid adfirmat, aut negat, quod suae exceptionis fundamentum constituit.

§. IV. Species probationis, seu argumenta, quibus facta dubia probari possunt, censentur confessio alterius partis, testes, instrumenta, iusiurandum, praesumptiones, & ocularis inspectio. Et confessio quidem siue rei, siue actoris potissima est probationis species; quid enim expressius optabiliusque esse in iudicio potest, quam eum confiteri, quem negare oportebat? Hinc confessum pro iudicato esse, seque sua sententia quodammodo damnare Paullus adfirmat, *L. 1. D. de confessis*. Confessio autem tum plene probat, si fiat coram iudice competente, *cap. 4. ex. de iudiciis*, & ex certa scientia & libertate. Quod vero partes confessione seipsos quodammodo damnant, hinc iure decretalium introductae sunt *positiones*, seu breues quaedam propositiones, quibus actor & reus scripto exprimunt facta in iudicio allegata, ut super iis pars aduersa iureiurando in iudicio respondeat. Si qui iussus est respondere, recuset, seu per contumaciam absit, super articulis, in quibus noluit respondere, pro confesso habetur, *cap. 2. de confessis in 6.* Verum non tenetur litigator respondere positionibus obscuris, captiosis, dubiis, aut ad causam non pertinentibus; pertinetque ad iudicis officium videre, num positiones admittendae sint, an potius reiiciendae. Facta responsione; qui positiones exhibuit, ab onere probandi ex parte leuatur, prout pars aduersa

versa in ipsis positionibus affirmaverit, aut negaverit.

§. V. Frequentissimo iudiciorum usu ad probanda facta a partibus allegata testes adhibentur, personae nempe fide dignae, quae facti controuerſi veritatem possint manifestare. Ad probandum in iudicio ad minimum duo testes requiruntur, *L. 12. D. de testibus, cap. 23. ex. de testib. & attestationibus*, modo idonei sint & concordēs. Unus testis, quamvis omni exceptione maior, non probat, tantumque facit, ne quid fiat, quod temere fieri sine flagitio non potest, *can. 112. D. 4. de consecr., cap. 22. ex. eodem*. Quod si leges & canones in aliquibus causis maiorem testium numerum requirant, praescriptus numerus adhibendus est, *cit. L. 12., cap. 23. ex. eodem*. Interim quod testium fides ex parte potest debilitari, prohibitum non est, immo saepe expedit, ad firmiorem probationem plures testes adhibere, modo superflua testium multitudo non producat, quo adversarius sumtibus fatigetur. Hinc iure civili iudicis est pro prudentia sua numerum testium moderari, *L. 1. §. 2. D. de testibus*, & iure decretalium vetitum est, ex utraque parte testes supra quadraginta produci, *cap. 37. ex. eodem*.

§. VI. Testes in iudiciis tum plene probant, si fide digni sint, hoc est, si necessaria scientia & probitate praediti sint: qui enim fide digni non sunt, iure ad dicendum testimonium prohibentur. Et quidem multi vetantur in iudiciis esse testes tamquam omnino inhabiles in omnibus causis, alii vero in certis tantum causis & contra quasdam personas. Tamquam omnino inhabiles repelluntur amentes, impuberes, minores viginti quinque annis in criminalibus, item Iudaei, ethnici, haeretici contra catholicos, excommunicati, periuri, infames, serui, & liberi fortuna tenues. Quin iure decretalium a testimonio repelluntur criminosi, etsi nondum damnati, siue quod accusati sint, siue quod de crimine conuinci possint, *cap. 10. & 54. & ult. ex. de testibus & attestationibus*. Mulieres iure civili in criminalibus testes esse vetantur, si corpore quaestum faciant, *L. 3. §. 5. D. de testibus*; at iure decretalium generatim vetantur esse testes in criminalibus, nisi veritatem alias eruere non licet, & nisi agatur de criminibus atrocioribus, qualia haeresis, simo-

simonia, in quibus alias inhabiles ad testimonium admittuntur. V. Gonzalez in *cap. 3. ex. de testibus & attestationibus*.

§. VII. Praeterea multi vetantur esse testes in certis causis, & contra quasdam personas. Ita nemo idoneus testis esse potest in causa propria, *L. 3. D. de testibus*, seu unde sperat emolumentum: nec testes esse possunt, qui sunt de familia, nisi probatae sint fidei & opinionis, *L. 3. C. de testibus, cap. 24. ex. de testibus & attestationibus*, vel nisi agatur de re, cuius veritas vix per alios haberi possit, veluti si agatur de probanda cognatione, legitimis natalibus, aetate. Nec porro dicunt testimonium amici & inimici in causis amicorum & inimicorum, *L. 3. D. eodem*. Laici quoque contra clericos a dicendo testimonio in causis criminalibus iure decretalium repelluntur, *cap. 14. & 23. ex. eodem*, quod ex receptis iamdiu moribus solent esse clericis infesti, *can. 5. C. 2. q. 7*. Item clerici & monachi in rebus profanis testimonia coram laico iudice non dicunt, nisi alias veritas commodè demonstrari non possit, quo casu ex sui antistitis venia testes admittuntur, aut eorum testimonia iudex ecclesiasticus recipit.

§. VIII. Fide digni testes legitime examinandi sunt, quo eorum testimonia fidem in iudicio mereantur. Ergo probaturus testes producit, quos inde competens iudex debet aduocare, vtroneo enim testi non creditur. Citanda insuper pars ex aduerso, *cap. 2. ex. de testibus & attestationibus*, cui integrum est exceptiones contra testes proponere. Inde producti & citati testes ab ipso iudice interrogari & examinari debent, nisi ex iusta causa venire ad iudicem impediatur, quo casu mittetur ad eos, qui interroget, *L. 15. D. de iureiurando, cap. 8. ex. eod.* Antequam vero testes dicant testimonium, iudice deferente, iurare debent, se non ex amore, aut odio, aut commodò aliquo veritatem dicturos, *L. 9. C. de testibus*; iniuratis enim testibus non creditur, nisi eis iusiurandum aduersarius remittat, *cap. 31. ex. eodem*. Sic vero iurati testes tam in ciuilibus, quam in criminalibus praesente aduersario interrogabantur, *L. 19. C. eodem, cap. 2. ex. eodem*. Cuiac. in *cir. cap. 2*. At iamdiu obinet in foro,

CAP. XXI. DE PROBATIONIBVS. 605

vt testes clam ab iudice interrogentur, tantumque prius citatur aduersarius, vt adsit, quando iurant (a).

§. IX. Testes ad dicendum testimonium citati, si testificari reculent, cogi possunt. Veteri Romano iure in causis criminalibus testes ad dicendum testimonium cogebantur; in ciuilibus sponte sua deponere solebant, *L. 4. & L. 19. D. de testibus*. Inde Iustinianus imperator statuit, vt etiam in causis pecuniariis testes cogi possint, *L. 16. & L. 19. C. de testibus*. Quod vero vim facere proprium erat ciuilis imperii, Romana ecclesia testes hortari & monere consuevit, non cogere, *cap. 1. & 3. ex de testibus cogendis*. Tantum ecclesiasticus iudex inuito testimonium dunantiat, si is odio, vel gratia, vel timore testari renuat, *cit. cap. 1.* atque alia probatio deficiat, *cap. 5. & vlt. ex eodem*. Cogit vero iudex ecclesiasticus laicos inuitos ad testimonium excommunicatione (b), clericos vero suspensione ab officio & beneficio, itemque excommunicatione, aut depositione, si contempta suspensione venire recusauerint, *cap. 1. 2. 5. & vlt. ex eod.* Quod si quis non dicturum testimonium iuratus promiserit, nulla sacramenti vis est, *cap. 18. ex de testib & attestationib.*

§. X. Instrumentis quoque in iudiciis probatio fit, quae vbi legitime confecta sunt, aequalem cum testibus vim probandi habere censentur, *L. 15. C. de fide instrument.* Nomine *instrumenti* generaliter veniunt omnia, quibus

(a) Fortasse hic abnormis vsus originem habuit ex male intellectis Zenonis imperatoris verbis in *L. 14. C. de testibus*, intrare testes iudicantiis secretum, hoc est tribunal & iudicii locum, vt bene Polletus *hissor. fori Romani lib. V. cap. 12.* interpretatur. At interpretes ignorantia Latini sermonis inde concluserunt, testes secreto interrogandos & examinandos.

(b) In regno nostro vetantur ecclesiastici iudices sine laici iudicis venia testes laicos ad dicendum testimonium in rebus temporalibus vocare: hec possunt in citationibus excommunicationem contra laicos comminari: & si laici venire ad dicendum testimonium detrectent, ministerio magistratus compellendi sunt: quod regiis litteris pridie nonas Ianuarii anno MDCCCLXX. ad archiepiscopum Hydruntinum comprehensum est.

quibus caussa instrui possit, atque ideo etiam testimonia, *L. 1. D. de fide instrumentorum*; at in specie instrumenta sunt scripturae ad fidem faciendam idoneae. Sunt instrumenta seu scripturae aliae publicae, aliae priuatae. Publicae proprie sunt, quae publica auctoritate a personis ad id deputatis conficiuntur, quales censuales tabulae, acta iudicialia, instrumenta rite per publicos tabelliones confecta, scripturae ex publico archiuo desumptae & a persona publica confectae. Publica quoque censentur instrumenta, quae sigillo publico & authentico signata sunt, veluti episcopi, capituli, vniuersitatis: in quem censum etiam referuntur libri parochiarum, in quibus baptismata & contracta matrimonia describuntur, itemque tituli lapidibus, columnis & monumentis inscripti. Contra priuatae scripturae a priuatis conficiuntur, quales chirographi debitorum, apochae, antapochae, codices rationum a mercatoribus confecti, epistolae.

§. XI. Publica instrumenta ex forma & sollemnitate iuris confecta plenam faciunt probationem, modo authentica ipsa, seu originalia producantur, *cap. 2. ex. de fide instrumentorum*: exemplo enim non facile creditur, nisi legitime cum authentico conferatur, constetque cum eo probe conuenire, *cap. 1. ex. eodem*. Contra priuatae scripturae tantum contra scribentem probant, modo de scriptura constet, & caussa debiti expressa sit, *L. 25. §. ult. D. de probationibus, cap. 14. ex. eodem*. Excipitur ab hac regula liberatoria confessio, vbi creditor profitetur, sibi fuisse solutum; haec enim probat contra scribentem, etsi caussa adiecta non fuerit, *L. 40. D. de pactis*. Porro libri mercatorum ex receptis hodie moribus etiam proferribentibus saltem minus plene probant, si qui illos producant, viri integrae vitae sint, rationes propria ipsorum manu conscriptae, & caussa obligationis expressa fuerit: quod ad faciliorem commerciorum explicationem inductum est.

§. XII. Species quoque probationis habentur etiam praesumptiones, seu antecedentes de re dubia opiniones ex causarum adiunctis & indiciis plus minusue euidentibus desumptae. Earum duae sunt species, vna *hominis*, seu *iudicis*, altera *iuris*. Praesumptiones hominis nulla

certa

CAP. XXI. DE PROBATIONIBVS. 607

certa lege consignatae sunt, sed pro hominis recte iudicantis arbitrio ex factis & indiciis hauriuntur, probanturque plus minusue, prout sunt indicia, quibus innituntur. Contra praesumptiones iuris certa lege vel canone consignatae sunt, & extra iudicis arbitrium posita: sed pro diuersa ratione, qua proponuntur, aliae *iuris tantum*, aliae *iuris* & *de iure* esse dicuntur. Illae per leges & canones probantur, & tamquam verae proponuntur, donec contrarium probetur, atque hinc verbis *videri, existimari, intelligi, censer*i proponi solent, cuius generis est, filios ex iustis nuptiis natos censer*i* legitimos, L. 6. D. de his, qui sui, vel alieni iuris sunt. Ista*e* ita certae reputantur, vt in contrarium probationem non admittant, qualis iure decretalium est praesumptio de iam contracto matrimonio, vbi quis concubuit cum muliere, cum qua prius sponsalia contraxerat, cap. 30. ex. de sponsalibus.

§. XIII. Praeterea vim probandi in iudicio habet iusiurandum, quod iure civili maximum remedium ad lites expediendas existimatur. Dirimuntur lites iure civili iureiurando, vel ex pactione ipsorum litigatorum, vel iudicis auctoritate delato sacramento; L. 1. D. de iureiurando. Huc pertinet iusiurandum, quod nulla litigantium pactione praecedente, ab iudice in dubiis causis deferretur, L. 31. D. eodem, L. 3. C. de rebus creditis; quod sacramento genus *suppletorium* dici solet, nam eo semiplena probatio suppletur. Dubiae causae ex saniore sententia sunt illae, in quibus semiplene probatum est, puta quod testes omni exceptione maiores non sint, aut graues praesumptiones adsint, quae tamen non per omnia concludunt. Desertat iusiurandum ei, qui semiplene probauit, modo personarum & causae ratio habeatur, cap. ult. ex. de iureiurando: & si vtrinq*ue* aequ*e* semiplene probatum sit, desertur reo, quod in re dubia rei causa potior habetur, L. 125. D. de regulis iuris.

§. XIV. Probationes in iudicio aliquando ipsa iudicis inspectione constant, quod nempe alias de re dubia certum iudicium ferri nequeat. Eius praecipuus vsus est in iis, quae oculis subiiciuntur, veluti in iudicio finium regundorum, in noui operis nuntiationibus, in aetate ex habitu corporis finienda, aut vbi de vi coniugum ad con-

iu-

iugium dubitatur. Sed in his causis iudex non solum ipsam oculis lustrat, sed viros eius rei, de qua agitur, peritos adhibet, aut iis solis iudicium committit. Quin iudicium de coniugum impotentia necessario peritis viris & matronis bonae opinionis & in opere coniugali expertis committendum est: atque ideo virum medici, mulierem honestae matronae & obstetrices inspicunt, *cap. 4. & 14. ex. de probationibus, cap. 6. & seq. de frigidis & maleficiatis.*

§. XV. Iam ad faciendas probationes certa dilatio, seu terminus dari consuevit, qui iure decretalium determinatus non est, sed ab iudice finiendus inspectis causarum, personarum & locorum adiunctis, *cap. 24. ex. de off. delegati, cap. 13. ex. de sententia & re iudicata.* Ergo qui probare intendunt, intra terminum in eam rem datum nomina testium una cum articulis iudici debent exhibere. Sunt articuli facta praecipua, quae clavis & conceptis verbis expressa probari debent: tantumque in eo distant a positionibus, quod super istis ipsi litigantes interrogantur, super illis testes deponunt. In causis ecclesiasticis, aut civilibus super iisdem articulis regulariter produci novi testes possunt etiam tertia vice, raro vero quarta, *novel. XC. cap. 4., cap. 15. ex. de testibus & attestationibus.* Verum instrumentorum productio etiam post litem contestatam usque ad conclusionem in causa fieri potest, *cap. 9. ex. de fide instrumentorum.*

§. XVI. Absoluto ab utraque parte testium examine, recepta testimonia citatis partibus, & die praefixo publicari debent, quae deinceps partibus communicantur. Facta publicatione integrum est partibus de veritate, aut falsitate testimoniorum disputare, *cap. 15. ex. de testibus & attestationibus:* in quam rem adiuncta loci, temporis, scientiae, quibus illa circumscribuntur, argumenta suppeditant; nec enim iure decretalium facta publicatione licet contra personas testium excipere, eosque veluti criminosos & infames reiicere, quamvis receptus fori usus aliter habeat. Inde sequitur *conclusio in causa*, eaque iudex decernit, causam satis instructam esse, nec aliud requiri, quam ut sententia proferatur.

C A P V T XXII.

De summario iudicio.

§. I. **M**ulto brevius ordinario est summarium iudicium, in quo ferme omnia, quae tamquam sollemnia in iudiciis reputantur, omittuntur, tantumque adhibentur, quae iudiciis sunt intrinseca. Itaque initio exhibetur qualiscumque actoris petitio, quam excipit rei conuerti citatio. Inde si reus per contumaciam absit, contumaciae arguitur, & iudicium ulterius procedit: & idcirco singuli actus absenti, tamquam praesenti, ad valvas curiae nuntiantur. Veniens reus exceptiones pro iure suo proponit, nec eidem vetatur in ipso litis exordio contra actorem mutuo agere. Adhibetur calumniae iusiurandum, praefertim si a partibus petatur. Probationes inde faciendae sunt praemissis positionibus & articulis: daturque in eum finem certa dilatio, nisi aliud inter partes placuerit. Iudex etiam sine ad instantiam partium, siue ex officio, quandocumque id aequitas suadeat, partes interrogare potest, & testium reprobationem partibus petentibus iure concedit. Deinceps citatis partibus, licet nullo expresso peremptorio, iudex stans, vel sedens in scriptis sententiam profert, idque etiam, si ei videbitur, non facta conclusione.

§. II. Contra quae sollemnitate sunt, in summario iudicio omittuntur, atque ideo non desideratur libellus sollemnis & in scriptis, sed sufficit qualiscumque petitio, quae actis inseritur. Non desideratur litis contestatio, sollemnis utique & ordinaria, nam alias audiendus est reus, eiusque qualiscumque responsio pro contestatione est. In serijs ad humanas necessitates institutis iudicium licet agitare, ut exceptio feriarum nihil obturbet. Lis, quantum fieri potest, abbreviatur, & inde exceptiones altioris indaginis excluduntur, nec admittuntur dilatoriae appellationes. Sollemnis quoque testium citatio omittitur,

Pars III.

Qq

tur,

tur, eorumque superflua multitudo per iudicem cohibetur: nec necessaria est sollemnis actorum publicatio, nec conclusio in causa, nec requiritur, vt iudex sedens sententiam ferat. *Clementin. 2. de verbor. signif.*

§. III. Quod vero spectat ad causas, quae summario iudicio tractari debent, eae vel iure tales sunt, vel extrinsecus tales fiunt. Et iure quidem summariae causae censentur, quae moram ferme non admittunt, quales iure ciuili sunt causae alimentorum, missionis in possessionem, item de testamentis exhibendis, de adeunda suspecta hereditate, de vilibus rebus aut personis, aliaeque multae in libris iuris recensitae, *L. 1. & seqq. D. de feriis, L. 3. §. 4. D. de Carboniano edicto, L. 5. §. 15. D. de ventre in posses. mittendo*. Iure decretalium summario iudicio tractandae causae electionum, postulatio-
rum, beneficiorum, nuptiarum, decimarum, vsurarum, *Clement. 2. de iudiciis*, quamuis recepto fori vsu in aliquibus locis eiusmodi causae ordinario iudicio tractari soleant. Extrinsecus ordinarii iuris causae summariae tractantur pontificis seu principis rescripto.

C A P V T XXIII.

De veteri iudicio criminali ecclesiastico.

§. I. **O**Rdo iudiciarius ecclesiasticus in re criminali, quousque vetus disciplina stetit, ferme idem fuit cum eo, qui iure Romano obtinebat. Ergo accusatio seu querela scriptis consignata episcopo vel synodo pro accusati qualitate exhibebatur: neque enim vetus ecclesia sine accusatore & libello iudicia instituebat. *August. hom. L. libri quinquaginta homiliar. Optat. Mileuit. lib. VII. in fine*. Tantum si crimina publica essent, aut criminosi sponte sua delictum faterentur, & se deferrent, ecclesia sine accusatore procedebat. Accusare vero poterant omnes, modo essent idonei, & recte fidei & bonae famae, qui non humanis adfectibus, sed potius pro ipsius

ac-

accusati & ecclesiae bono accusationes instituere.

§. II. Accusatio autem non recipiebatur, nisi scripto proposita, & inscriptione & subscriptione in crimen instructa, non secus ac iure ciuili de accusationibus cauebatur. Iure ciuili inscriptione profitebatur accusator, se ex hac vel illa lege Titium deferre, cauebatque, se perseueraturum in accusatione usque ad sententiam: subscriptione vero se adstringebat ad talionis seu reciproci poenam, nisi delata crimina probaret. Vbi in republica omnibus permixtum erat accusare, inscriptionis & subscriptionis metu deterri debebant homines, ne temere ad accusandum prodirent. Simili iure utebatur ecclesia, in qua etiam omnibus accusare licebat: & inde Eusebius Dorylaei episcopus Eutychetis accusator in synodo Constantinopolitana i. sancti Flauiani *act.* i. libello se paratum exhibuit, *illum conuincere falso habere catholicum nomen, & alienum omnino esse a recta fide*: idemque *act.* V. etiam vereri se non obscure ostendit, ne per fraudem Eutychetis poenam talionis subeat. Et in synodo Chalcedonenſi *act.* III. Theodoro diacono, qui Dioscorum accusauerat, poena talionis intimatur, si obiecta crimina non probauerit. Subscriptione excludebatur procurator, atque ideo accusator ipse praesens accusationem peragere debebat: in quo etiam forum ecclesiasticum cum ciuili conueniebat.

§. III. Recepta accusatione delatus vocandus erat, nec enim quemquam inauditum damnare licebat, qua in re canones etiam cum iure ciuili conueniunt. Vocabatur vero reus tribus vicibus: quin aliquando etiam quarta euocatio decreta est, ut videre est in synodo Ephesina, quae quater Nestorium euocauit. Conc. Ephes. *act.* I. Vocabantur vero episcopi per episcopos, saltē duos, clerici per clericos, laici per laicos. V. Christ. Lupum *append. ad Ephes. Latrocinium act.* I. Si vocatus adesse detrectaret, prehensio non decernebatur; ecclesia enim imperio destituta, nec ius prehendi, nec carceres ad reorum custodiam habebat; interim accusatus in contumaciam damnabatur. Vocatus vero reus ipse debebat comparere, nec admittebatur procurator, qui illius vices ageret, nisi ad reorum absentiam excusandam: in quo

etiam inter ecclesiasticum forum & civile conueniebat.

§. IV. Iam praesente reo, aut in contumaciam absente, iudicium instruebatur, in quem finem recipiebantur testes, instrumenta & concurrentia indicia. Praesens reus de criminibus, quorum delatus erat, interrogabatur, respondebatque: contra se productos testes audiebat, instrumenta inspiciebat, & si quid excipiendum haberet, libere proponebat (a). Inde ubi satis instructa erat causa, ferebatur sententia, quae sollemniter solebat publicari, & reo absenti per litteras insinuabatur. Interim dum instruebatur iudicium, praesentes notarii omnia dicta, siue a iudicibus, siue a partibus distincte suis ipsorum verbis per notas scribebant: quae acta apud episcopum adseruabantur, ut apud posteros de iudicii integritate constaret.

CA-

(a) Plena probatio etiam contra ipsos episcopos duobus, aut tribus idoneis testibus constabat, & ad irrogandam poenam sufficiebat, *can. apost. LXXV.*, conc. Bracar. 11. *can. 8.*, *ap. Grat. can. 1. C. 2. q. 4.* Hinc mirum videri debet, quod duo concilia Romana, vnum sub Siluestro pontifice, & alterum sub Leone IV. abnormem in damnandis clericis testium numerum requirunt: edicunt enim, episcopum nisi septuaginta duobus testibus, presbyterum nisi quadraginta quatuor, diaconum cardinalem urbis Romae nisi viginti septem, reliquos vero clericos nisi septem damnari non debere, *can. 2. & seq. C. 2. q. 4.* Verum concilium Romanum sub Siluestro fictitium est: quo etiam vitio laborant Sinuessanae synodi acta, ubi dicitur, ad damnandum Marcellinum pontificem septuaginta duo testes adhibitos fuisse. Vnde vero falsarii miscelliones eam abnormem disciplinam hauserint, non facile dictu est. Crediderim tamen septuaginta duos testes contra episcopos desumptos fuisse ex numero septuaginta duorum iudicum, qui ad damnandos episcopos aliquando adhibiti sunt, V. Iac. Goshof. in L. 20. C. *Th. quorum appellat. non recipiantur*. Falsarii scilicet veterem disciplinam non intelligentes, (mediis saeculis in Occidente episcopi damnabantur in synodis provincialibus etiam multo minori iudicum numero) ex numero septuaginta duorum iudicum numerum testium ad episcopos damnandos interpretati sunt, & inde habita proportionem de numero testium ad reliquos clericos damnandos edixerunt.

C A P V T XXIV.

De purgatione canonica & vulgari.

§. I. **E**Cclesiasticus iudiciorum in criminalibus ordo labentibus annis novas crimina probandi rationes admittit, purgationes nimirum, siue canonicas, siue vulgares. Purgatio in re ecclesiastica est propriae innocentiae super obiecto crimine demonstratio, qua non tantum culpa remouetur, verum etiam factum ipsum negatur, & falsum esse ostenditur. Eius duplex species, alia canonica, alia vulgaris. Et canonica quidem purgatio sic dicta, quod canonum auctoritate probata fuerit, est sollemnis praestatio iurisiurandi, quo in inopia probationum innocentia ab obiecto crimine demonstratur. Vulgaris vero erat demonstratio innocentiae, aut alterius facti controuersi, quae modis vulgi auctoritate receptis peragebatur, veluti duello, ferro candenti: & inde vulgaris dicta est.

§. II. Et quod spectat ad canonicam purgationem, ea moribus christianorum videtur intulisse; iure enim Romano in causis criminalibus vsurpatum non videtur fuisse iusiurandum, quo casu plena probatio deerat, vt eius pondere semiplena probatio suppleretur. V. Ant. Matth. *de criminib. lib. XLVIII. D. iit. 15. cap. 7.* Nimirum inde a quarto saeculo sepulcra & reliquiae martyrum etiam miraculis celebrata sunt, sensimque communis percrebuit opinio, ad martyrum reliquias occulta quaeuis vi diuina detegi & palam fieri. August. *epist. LXXVI. nouae edit. Paris. Gregor. M. hom. XXXII. in euangelia*. Hac opinione vndique diffusa & in dies crescente, facile christianis fuit, ad sanctorum reliquias sacramenta vsurpare, quibus occulta veritas detegeretur (a):

Qq 3

quem

(a) Pluribus veterum patrum testimoniis constat de vi illa
ma-

quem vsum episcopi & pontifices de vi miraculorum non dubitantes probarunt. Ita recepta in probationem sacramenta, tamquam diuina iudicia, quibus Deus veritatem demonstraret, habita sunt. Hinc vt esset locus sacramento ad innocentiae probationem, non requirebatur aliqua criminis, licet imperfecta, probatio; sed sufficebat vel solus sinister rumor, vel accusatio, *can. 5. & seq. C. 2. q. 5.* Sed labentibus annis sine reliquiis sacramenta praestita sunt, quod generatim videtur inualuisse, vbi opinio de vi reliquiarum decreuerat.

§. III. Principio soli laici de criminibus accusati ad innocentiam sacramento demonstrandam adstricti fuisse videntur, non item clerici, qui ex veteris ecclesiae institutis nec saeculo quinto iurare solebant; sed deinceps etiam clericis necessitas imposita est, sibi iniecta crimina sacramentis eluere. Nimirum ex veteribus regulis clericos vitae integritate & puritate conspicuos esse oportebat, haec tenus vt nedum aperta vitia, sed ne criminis suspicionem in iis ecclesia toleraret, *cap. 2. ex. de purgat. canonica.* Ergo vbi clerici alicuius criminis infamia laborabant, nec conuicti erant, opportunum visum est, eos ad martyrum reliquias iurare, vt innocentiam demonstrarent suam, quod canones probarunt, *can. 5. & 7. C. 2. q. 5., cap. 5. & 10. ex. eodem:* quamuis summi pontifices de criminibus accusati sponte sua, non aliquo

maiori, qua ad martyrum reliquias occulta sacramentis reuelari credebantur. Nos nouimus, inquit Augustinus *epist. LXXVI.*, Mediolani apud memoriam sanctorum, vbi mirabiliter & terribiliter daemones confitentur, furem quemdam, qui ad eius locum venerat, vt falsum iurando deciperet, compulsus fuisse confiteri furtum, & quod abstulerat, reddere. Et apud Gregorium Turonensem *lib. II. de mirac. cap. 19.* litigantium vnus ad exortam inter eos litem finiendam ita alterum prouocat: *Vsque quo vterque contendimus? sub iudicio omnipotentis Dei ponamus. Eamus ad tumulum martyris, & quod sub sacramento interpositione dixeris, discernat virius sancti patroni.* Quin persuasum erat, sanctos, ad quorum reliquias iurabatur, mox peritiorum vindices futuros.

quo canone iubente id facere solerent, *can. 10. C. 2. q. 5.* Ceterum non semper clerici macula criminis adpersi iurabant, sed aliquando mera responsione ad rumulos martyrum facta criminis infamiam eluebant, *can. 8. seq. eod.*

§. IV. Quoniam vero, qui iureiurando se a criminis suspitione eluebant, veluti in propria causa sedebant iudices, ac propterea facile erat, ut ad debitas poenas evadendas peierarent; mos inductus est, ut etiam alii testes adhiberentur, qui iurarent, se credere, infamatum vera iurasse. Adhibiti testes dicebantur *compurgatores, contriuratores, sacramentales*, eiusdemque cum reo ordinis; conditionis & viciniae esse debebant, ac porro viri honesti ac boni, ut verisimile videretur, eos nolle amore, odio, aut lucri spe peierare, *can. 12. & seq. C. 2. q. 3. cap. 7. q. 9. & 11. ex. de purgatione canonica*. Compurgatores erant tres, quinque, aut septem; interdum etiam plures, si qui se purgabat, laicus esset, aut clericus, qui magni alicuius criminis infamia laboraret, *cap. 1. & 10. ex. eodem*: quo spectant illae formulae in antiquis monumentis frequentes, *tertia, quinta, aut septima manu iurare*, hoc est adhibitis tribus, quinque, aut septem sacramentalibus. V. Car. Dufresne *gloss. mediae & inf. latinit. v. iurare*. Iurantes vero sacramentales non adseverabant, innocentem esse infamatum, sed potius se credere, illum vera iurasse, *can. 17. C. 2. q. 3., cap. 5. ex. eodem*. Lapsu temporis canonica purgatio ob periurii periculum in plerisque ecclesiis desuevit.

§. V. Canonicam purgationem excipiant vulgares, modi nimirum vulgi auctoritate recepti, nulla vero ratione suffulti ad veritatem in causis dubiis detegendam, quales praecipue fuerunt *duellum, ferrum candens, aqua calida & frigida*. Per duellum innocentia demonstrari credebatur, si qui se innocentem dicebat, indicto duello victor remaneret: contra reus habebatur, si victus cecidisset. In iudicio ferri candentis suspectus de crimine puda manu ferrum ignitum stringebat, quae si illaesa ab igne remaneret, innocens; si adusta, nocens habebatur. In iudicio aquae ferventis suspectus de crimine nudum brachium in aquam ferventem immittebat, quod si illaesus extraheret, innocens; si contrarium, reus censetur.

tur. Probatio per aquam frigidam hoc modo fiebat, accusatus in aquam magna copia conclusam mergebatur, & si enataret, reus; contra si in imum descenderet, omni culpa vacuus pronuntiabatur. Ne vero in aquam mersis periculum vitae crearetur, probandi fune ligabantur, vt si in imum descenderent; tempore extrahi possent, teste Hincmaro Remensi *de diuortio Lotharii*.

§. VI. Vulgares isti probandi modi ethnicam sapientiam superstitionem, & a barbaris populis, qui quinto & sequentibus saeculis in Occidente religionem christianam receperunt, in occupatas prouincias illati sunt (b). Nimirum barbarae gentes miris probandi modis aduetae, eos ad Christum conuersae non deposuerunt, quin potius ex moribus tum apud christianos receptis auxerunt, & certiores reputarunt. Ea tempestate Occidentis prouincias tetra ignorantiae nox occupabat, iamque christiani supra modum miraculis tangebantur. Hinc noui christiani ex patriis institutis plura retinuerunt ipsius Christi doctrinae parum conuenientia, quae sensim ex genio saeculi magis magisque propagata sunt, & a rudibus populis veluti manifesta signa, quibus Deus occulta manifestaret, habita sunt. Atque inde vulgares omnes probationes *iudicia Dei dicta*

(b) Miras occulta demonstrandi rationes apud ethnicos fuisse receptas a viris doctis probatum est. Testis est Eustathius *de amorib. Ismeniae lib. VIII. & IX.* Aitycomide & Daphnopoly fontes fuisse, quibus virginum pudicitia probabatur. Cetae quoque iudicia per aquam vsurpabant: praesertim vero Rhennensis tractus accolae in more habuisse dicuntur, infantes recens natos flumini imponere, qui si enataissent alueum, legitimi habebantur; contra illegitimi, si aquis & flumini cederent; quod Barthius in *Claudian. lib. II. in Rufin. v. 100.* obseruat. Item cognita & vsurpata gentibus erant iudicia per ignem; constat enim ex Sophocle in *Antigone*, occulta scelera per ferrum candens manibus impositum detegi consueuisse. Et vt alia multa mittam, apud Germanos aliaque septemtrionis gentes receptissima erant iudicia per duellum ad occultam veritatem deregendam, qua de re Basnage multa congegit in historico de duellis tractatu lingua Gallica scripto.

dicta sunt, etiam ipsum duellum, quod a Christi doctrina quam maxime abhorret. V. Car. Dufresne *gloss. med. & infim. latinis. v. iudicium Dei*. His moribus instructae barbarae gentes, deinde scriptis legibus vulgares probationes confirmarunt, easque tamquam plenas probationes in iudiciis siue criminalibus, siue civilibus adhibuerunt. Et ne quid deesset ad barbariem & superstitionem confirmandam, accessit peculiarium synodorum & multorum episcoporum auctoritas, qua deliramenta illa probata sunt, *can. 15. C. 2. q. 5.*

§. VII. Quoniam vero per vulgares probationes Deus ipse editis signis veritatem demonstrare credebatur, facile earum vius sacer euasit, & ante iudicium varii sacri ritus adhibiti, tamquam si negotium omne ex Dei voluntate fusciperetur. Itaque iudicio aquae, aut ignis innocentiam suam probaturus, post trium dierum ieiunium ad ecclesiam adducebatur, ibique super eum in genua provolutum & orantem plures per sacerdotem recitabantur preces: tum missa celebrabatur in hanc rem propria, quae *missa iudicii* dicebatur. Inde iudicium subituro corpus & sanguis Christi dabantur, & quidem speciali formula, quae habebat, corpus & sanguinem Christi ei in purgationem esse. Expleta missa, sacerdos aquam benedicebat, pergebatque ad locum, ubi iudicium fieri debebat, & ex illa probaturus bibebat. Tum aquae, aut ferri fiebat adiuratio, ad fugandam ab illis omnem diaboli potestatem, & simul ad vim diuinam, qua veritas demonstraretur, communicandam. Inde probaturus propriis vestibus se exuebat, euangelium & Christi crucem exosculabatur, aqua benedicta adspergebantur omnes praesentes, & iudicium fiebat. Suis etiam consimilibus sacris ritibus instructa erant reliqua Dei iudicia, etiam ipsum duellum: quos ritus & orationes Delrio, Baluzius, Martene, Goldastus alique collegerunt.

§. IX. Vulgares probationes in iudiciis mediae aetatis receptae nedum vanae erant, verum etiam religioni christianae aduersabantur, utpote quae Deum ad edenda miracula, ubi nulla erat necessitas, cogeant. Hinc ea ipsa aetate, qua christiani his deliramentis capiebantur, non defuerunt, qui iudicia Dei tamquam vana explos-

runt,

runt, veluti Agobardus Lugdunensis archiepiscopus & Ludovicus Pius. Exstant quoque apud Gratianum fragmenta sub nomine Gregorii M. & Stephani v. pontificum, quibus iudicia per aquam calidam & frigidam & ferrum candens tamquam superstitiosa & vana reprobantur; nec amplius fieri permittuntur, *can. 7. & 20. C. 2. q. 3.* Sunt quidem monumenta ista falso pontificibus adscripta; at interim demonstrant, fuisse viros in religione instructos, qui recepta deliramenta reiecerent. Verum haec tanti non fuerunt, vt recepta iudicia christiani desererent. Tandem vbi litterarum & legum Romanarum studia florescere coeperunt, adiutentibus Romanis pontificibus, Alexandro III., Innocentio III. & Honorio III. vulgares probationes tamquam vanae & superstitiosae reiectae sunt, *cap. 10. ex. de excessib. praelatorum, cap. 3. ex. de purg. vulgari*, inualuitque in iudiciis criminalibus & civilibus noua iudicandi methodus rationi & legibus Romanis conformior.

C A P V T XXV.

De hodierno iudicio criminali ecclesiastico.

§. I. **I**vre decretalium tribus serme modis iudicia criminalia instituuntur, *accusatione* nempe, *denuntiatione* & *inquisitione*. Accusatio est criminis alicuius apud competentem iudicem ad publicam vindictam scripto seu libello accusatorio facta delatio. Libellus clare & distincte concipiendus, eoque comprehendi debent iudicis, accusatoris & accusati nomina, itemque criminis species, locus & dies, quo delatus se crimine obstrinxit: nec omitterenda inscriptio & subscriptio in crimen, *cap. 16. ex. de accusationibus*, quarum illa ex forma veterum legum accusator profitetur, se Seim vel Titium vel aliquo crimine deferre, eumque peracturum reum; hac vero se ad talionis, seu reciproci poenam obstringit, nisi obiectum crimen probauerit. Verum moribus praesentibus subscriptio

prio & poena rationis desueuerunt; tantumque calumni-
sis accusatoribus & tergiuersatoribus pro iudiciis arbitrio
poena solet irrogari.

§. II. Accusatio etiam iure decretalium publica cen-
setur, & inde omnes, qui expresse per leges & canones
non prohibentur, possunt accusare. Prohibentur vero ac-
cusare infames, criminosi, excommunicati, impuberes,
mulieres: item haeretici, Iudaei, ethnici, quibus fideles
accusare omnino non licet. Nec porro liberi aduersus
parentes, nec fratres aduersus fratres & sorores ad accu-
sandum admittuntur. Item iure decretalium ab accusan-
do arcentur inimici capitales, *cap. 7. ex. de accusationibus*,
& laici clericos accusare prohibentur, *cap. 14. ex. de re-
sibus & attestationibus*: quod demum auditum est, ubi
inualuit doctrina, laicos clericis infestos esse, *can. 1. seqq.*
C. 2. 9. 7. (a). Praeterea status conditio clericis & mo-
nachis accusare non permittit, praesertim in criminibus
grauioribus, quae poena sanguinis puniuntur, *cap. 9. ex.*

no

(a) Laicos ab antiquis usque temporibus infestos clericis fuisse Bonifacius VIII. docet, *cap. 3. de immunit. ecclesiarum in 6.* Et tamen per plura saecula inter clericos & laicos mira fuit concordia, mutuus inter utrosque amor: nec alias poterat euenire, quamdiu clerici spiritualis curae laicorum tantum solliciti fuerunt. In falsis decretalibus opera Isidori Mercatoris emulgatis primum fortasse occurrit, clericos quibusdam laicis odio esse, *can. 5. & 14. C. 2. 9. 7.* Quo tempore putidae Mercatoris merces prodierunt, hoc est noni saeculi initio odia inter clericos & laicos occoeperant ob malos clericorum mores, & fortasse etiam ob ecclesiastica bona iure quodam feudi a laicis possessa, quae ubi nullae erant reipublicae necessitates, ecclesiis restitui debere aequum videbatur. Labentibus annis irarum caussae & odia increbuerunt, praesertim ubi exorta sunt inter sacerdotium & imperium dissidia, & iura sua a clericis usurpata laici recuperare coeperunt. Item odii materiam suppeditauit fastus beneficiorum, qui res ecclesiae tamquam proprium patrimonium procurabant, & in pauperes parum, aut nihil conferebant. Verum receptis moribus odia ista refrixerunt, & clerici plerisque laicorum sibi deuinctos habent.

ne clerici vel monachi, ne morte vel mutilatione secusa a canone sint alieni. Hi omnes tantum ad publicam vindictam accusare vetantur, nam ad iniurias sibi illatas persequendas omnes alias inhabiles (non tamen excommunicati) ad accusandum admittuntur, modo si clerici sint, expresse edicant, se sanguinis poenam non intendere.

§. III. Quicumque vero sit, qui accusat, etiam iure decretalium per se reum deferre tenetur, non per procuratorem. Nimirum per litis contestationem procurator fiebat dominus litis, *L. 12. seq. de procuratoribus*; atque hinc tamquam principalis accusator in crimen inscribere tenebatur, & talionis poena se obstringere, si crimen non probaret, quod poenarum fini repugnat, *cap. 5. ex. de procuratoribus*. Quod si de crimine ciuiler agatur, accusatio procuratorem non excludit, *cit. cap. 5.*; idque etiam locum habet, si per denuntiationem, quae ad emendationem spectat, crimen deferatur, *cap. 16. ex. accusationibus*. Quod vero praesenti fori usu subscriptio in crimen ferme defuevit, & fictio dominii litis per contestationem adquisiti nullius effectus est, accusatio etiam per procuratorem non reiicitur.

§. IV. Moribus praesentibus non promiscue omnibus licet in publicam vindictam accusare, sed in utroque foro publicum accusandi munus minister, seu *promotor fiscalis* sustinet, & institutas accusationes exsequitur: quod munus posteriore demum aetate institutum est, quando vix erat, vt stare possent leges Romanae, quae ex principiis democratiae deductae omnibus accusandi potestatem faciebant. Accusat minister fiscalis ferme in omnibus criminibus, tantumque iure municipali nostro excipiuntur stuprum & adulterium, in quibus sine partis offensae querela iudicium institui vetitum est, ne familiarum status turbetur. Quod vero fiscalis ex officii necessitate accusat, in crimen subscriptio & poena talionis cessant, tantumque extra ordinem punitur, si commissa sibi potestate in priuatorum perniciem abutatur.

§. V. Alter in criminalibus procedendi modus iure decretalium denuntiatio est, qua occulti criminosi etiam secreto & sine libello ad episcopum deferuntur, non ad poenam irrogandam, sed vt eius admonitionibus ad bonam

nam frugem conuertantur. Quisque potest denunciare, etsi alias accusare vetetur; delator ad criminis probationem non adstringitur; & sollempnis in crimen inscriptio cessat, *cap. 16. ex. de accusationibus*. Instituitur vero denuntiatio post priuatam & christianam admonitionem, eaque accepta episcopus causa cognita non procedit, sed denuntiatum clam corripit, nec ultra procedit, si ille in negando persistat, nisi de impediendo futuro crimine agatur, *cap. 13. ex. de desponsat. impuberum*. Verum moribus praesentibus iudicia criminalia etiam per denuntiationem instituuntur; illa enim habetur loco diffamationis, & iudici ad inquirendum ex officio viam aperit. Sic mutata scena denuntiatio accedit ad accusationem, & fieri debet a personis non suspectis, & quidem de ipso crimine, additis in specie adiunctis & argumentis, quae gravare possunt denuntiatum.

§. VI. Tertius iure decretalium causas criminales instituendi modus inquisitio est, qua index ecclesiasticus sine ullo accusatore ex officio inquit in veritatem criminis admissi, cuius quis per publicam famam insinuitur, *cap. 24. ex. de accusationibus*. Ignota hoc sensu inquisitio veteribus patribus fuisse videtur; vetus enim ecclesia non facile quemquam sine accusatore damnabat, *can. 18. C. 2. q. 1.*, nisi crimen esset manifestum, aut sponte ab ipso met reo delatum. Fortasse primus Innocentius III. inquisitionem inuexit, eique causam dedisse videntur corrupti clericorum mores, contra quos non facile accusatio poterat institui, tum propter subscriptionis discrimen, tum etiam quod laici clericos accusare vetarentur. Verum moribus hodiernis modus procedendi per inquisitionem censetur ordinarius, quod publici accusatores non solent nisi praevia inquisitione accusationem instituire.

§. VII. Iure accusatione, aut alias criminis delatione recepta, seu alias patrati criminis fama existente, index audito fisci patrono in crimen inquit, quod forensi voce *informatio* audit. Hac autem praevia inquisitione duo ad liquidum index redigere debet, delictum nempe fuisse admissum, & quisnam illud admiserit, quorum illud *delictum in genere*, hoc *in specie* forenses dicunt. Quae duo iudicii criminalis fundamenta sunt, quorum vnum si defi-

deficiat, iudicium nullum esse potest. Nisi constet, crimen fuisse admissum, nihil est, quod iudex iudicium instituat, *L. 1. §. 24. D. ad senatusc. Silanianum, cap. 13. ex. de desponsat. impuberum*: quin nec locus poenae esse potest, etsi reus crimen fateatur, *L. 24. D. ad L. Aquilianam*: & deinde crimine probato, nisi eius auctor innotescat, frustra iudex ulterius procedet.

§. VIII. Praeuiis inquisitionibus expletis, iudicis est decernere, vtrum reus in carcerem detrudi debeat, an fideiussoribus vel sibi committi, an potius tantum citari, vt in iudicium se exhibeat, *L. 3. C. de exhibendis reis*. Id vero iudex decernit spectatis criminis admissi & probationum qualitate, rei ipsius dignitate & fortunarum modo, *L. 1. D. de custod. rerum*. Quod si ex criminis & personae qualitate aliisque adiunctis indici videatur, reum non esse capiendum, tum decernitur citatio, quae vsu fori alia *personalis* est, alia *simplex*: in quarum illa iudex decernit, reum citari ad informandum & capi, in hac vero tantum vocari vt veniat: quae omnia, vt & formulae adhiberi solitae, vsu fori melius innouescent.

§. IX. Reus iure citatus intra terminum ei datum in iudicio se sistere praesentem debet, nec admittitur, si absens velit per procuratorem respondere: iure enim civili & decretalium procurator litis contestatione fit dominus litis, *L. 22. C. de procuratoribus, cap. 13. ex. de procuratoribus*, atque ideo in eum sententia profertur, *L. 1. C. de sentent. & interlocutionibus*: quod ab iudiciis criminalibus, vbi poena criminum auctores tenere debet, alienum est. Non tamen repellendus, si quis etiam sine mandato veniat absentium excusationes allegaturus, *L. 13. §. 1. D. de publicis iudiciis*. Tantum illustribus personis iure civili concessum est, vt in causis iniuriarum accusare & se tueri possint per procuratores, *L. ult. C. de iniuriis*. Et iure regni nostri in causis criminalibus licet vniuersitatibus & mulieribus nuptis siue ad accusandum, siue ad defendendum vicaria alterius opera vti, *const. generalia iura in. vt vniuersitas accusata*: itemque recte ad defensionem absentium procurator interuenit, si plures quam decem de eodem crimine accusentur, exceptis tamen haeresis & laesae maiestatis criminibus, quod a

Rege

Rege Roberto in *cap. eodem studio* statutum est.

§. X. Iure citatus reus, nisi intra conditos dies sui praesentiam faciat, nec iuterim excusetur, contumax declaratur, & in contumaciam punitur. Iure Romano absentibus per contumaciam pecuniariae poenae, vel quae existimationem contingunt, decerni poterant usque ad relegationem; non vero si quid gravius irrogandum fuisset, veluti in metallo, aut capitis poena, *L. 5. D. de poenis*. Verum iure ecclesiastico absentes in contumaciam damnari consueverunt, quod Gratianus *post can. 13. C. 3. q. 9.* observat. Et iam moribus inualuit, ut in causis fidei & reliquis fori ecclesiastici rei citati, si per contumaciam absint, excommunicentur etiam pro ipsa principali causa.

§. XI. Reus in iudicio constitutus legitimum examen subire, suoque iudici iure interroganti debet responderet: nec enim quemvis praesentem, vel manifesti criminis reum, damnare licet, nisi prius illum iudex audiat, *L. 6. §. 1. D. de custodia reorum*. Ante examen reo iusiurandum de veritate dicenda ab iudice deferri solet, etsi multi hunc usum minus probent, quod periuriis viam pandat. Instituitur examen praesente fiscali ministro: reus vero sine vlla mora interrogationibus tenetur respondere, neque datur aliqua dilatio ad deliberandum; usque obtinet, ut reus examinetur, antequam dentur defensiones, aut indicia in eum congesta manifestentur. Quod si crimen admisisse reus neget, & graviora in eum indicia urgeant, ea omnia ei deteguntur, quibus mendacii & periurii coarguitur, & simul monetur, non minus humano, quam diuino iure adstringi ad veritatem iudici aperendam. Absoluto examine lis inter fiscum & reum sollemniter contestatur, quorum ille adfirmat, reum constitutum crimen admisisse, hic vero negat.

§. XII. Lite contestata testes, qui in inquisitionibus praeiis auditi sunt, rursus debent examinari & quidem ex integro, tamquam si alias testimonium non dixissent. Etenim testes, qui in praeiis informatione inscio reo auditi sunt, nullam fidem faciunt, vtpote qui reo non citato testimonia sua deposuerunt, *novel. XC. cap. 9., cap. 2. ex. de testibus & attestationibus*. Itaque iterum testes

ci-

citantur, & inde coram ipso reo, vel alio ab ipsomet substituto iurant de dicenda veritate, & inde clam reo sua testimonia deponunt. Sed fit aliquando, vt testes coram ipso reo debeant sua testimonia instaurare, veluti si testes nomen & cognomen rei ignorent, quem tamen adfirmant, se in delinquendo vidisse. Verum licet reo sine iudicii vitio testium repetitioni renuntiare: quod in foro ecclesiastico *saluo iure repetendi* fieri consuevit.

§. XIII. Post depositiones instauratas reo concedendum, vt seipsum tueatur, nec enim quemquam indefensum damnare licet: in quem finem certa dilatio datur: & simul etiam publicantur acta iudicialia in reum congesta, eique communicantur, vt inde possit capita suae defensionis instruere, *cap. 24. ex. de accusationibus*. Deinceps reus articulis suae defensionis testesque examinandos producit. Iussu iudicis citantur producti testes, vti & priuatus accusator & minister fiscalis, vt testes iurare videant. Pars autem reo aduersa ius habet postulandi articulos defensionis ad concipiendas interrogationes, quibus examinandi testes cogantur respondere. Quin fiscali ministro & priuato accusatori in termino, reo ad defensionem dato, licet suas probationes augere: & hinc alii testes producantur, quos iudex aduocat, & simul reum ad videndum eos iurare citat. Concedenda vero reo defensio est, etiamsi crimen ultro fateatur; poterit enim contra suam confessionem excipere, eamque tamquam erroneam & falsam traducere, vel probabiles ad minuendum crimen adferre excusationes.

§. XIV. Finito ad defensionem siue ad offensam pinguiorem testium examine, acta decreto iudicis publicantur. Quod si post auditas rei defensiones adhuc grauius aduersus eum vrgeant indicia, in foro saeculari quaestiones seu tormenta adhibentur, quibus addictus reus vel inuitus veritatem fateri cogitur (b). Adhibentur vero
quae-

(b) Non desunt viri alioquin grauissimi, qui tormentorum usum ad eruendam ab ipsis reis veritatem; tamquam iniquum & a ratione omnino alienum traducunt, quales S. Augustinus, Ludouicus Viues, Ant. Matthaeus, Montesquius & nouissime auctor

quaestiones non promiscue in omnibus criminibus, sed tantum in grauioribus, L. 1. 8. & seq. D. de quaestionibus, quae poena vltra relegationem puniendi sunt, si in reum argumenta & suspensiones vrgeant, cit. L. 1. §. 4., saltem semiplenam probationem exaequant, quas reus auditus in suis defensionibus non diluerit. Verum multi, etsi grauiorum criminum rei, iure Romano tormentis eximuntur, quales milites, nobiles & illustres viri, decuriones ciuitatum eorumque filii vsque ad pronepotes, nisi maiestatis aut alterius criminis atrocissimi rei sint, L. 4. C. ad L. Iuliam maiestatis; item impuberes & mulieres praegnant, quo vsque praegnant, sunt.

§. XV. Vetus ecclesia ad eruendam in dubiis criminibus veritatem quaestiones non vsurpauit; erant enim ab humanissimo ecclesiae ingenio omnino alienae, nec potestate gladii spiritualis comprehensae. Et certe supposita est decretalis sub nomine Eusebii papae apud Gratianum can. 1. C. 23. q. 5., qua tormentorum vsus contra testes suspectos probatur. Sed in noua disciplina forum ecclesiasticum, inuita canonica iurisprudentia, quaestiones recepit, cui innouationi causam praesertim videntur praebuisse ficta Eusebii decretalis & Alexandri III. auctoritas; hic enim pontifex clericum furti pecuniae

Part III.

R r

de-

auctor libelli Itala lingua scripti de criminibus & poenis. Et profecto a naturali aequitate & pactis socialibus omnino abhorret, cruciari quemquam, antequam constet, nocentem esse. Quum quaeritur, inquit Augustinus lib. XIX. de ciuit. Dei cap. 6., utrum sit nocens, cruciatur: & innocens luit pro incerto scelere certissimas poenas, non quia illud commississe detegitur, sed quia non commississe nescitur; ac per hoc ignorantia iudicis plerumque est calamitas innocentis. Porro quaestiones medium non sunt idoneum ad detegendam veritatem, ut enim recte obseruat Vlpianus L. 1. §. 23. D. de quaestionibus, plerique duritie tormenta contemnunt, alii tanta sunt impatentia, ut quiduis mentiri, quam pati tormenta velint. Haec mala, quae quaestionibus insunt, admodum graua sunt, & nescio an compensentur cum vtilitate, quam ex tormentis in rempublicam inuehi iuris interpretes praedicant.

depositae reum *duris quaestionibus* subiiciendum respondit, *cap. 1. ex. de deposito*. Receptis in foro ecclesiastico quaestionibus, plerique interpretes tenuerunt, etiam clericos posse torqueri; licet exemplo militum clericos non posse torqueri Gonzalez *in cit. cap. 1.* contendat.

§. XVI. Confessio tormentis elicitā ut satis sit ad reum condemnandum, debet extra tormenta confirmari; vis enim aspera tormentorum vim adimit confessioni, quae propterea confirmatione extra tormenta opus habet. Iul. Clarus *pract. crim. lib. V. §. fin. q. 64. n. 4.* Itaque saltem post viginti quatuor horas interrogatur reus, an quae dixerit in tormentis, vera sint: & si persistet in confessione, ex recepto fori usu alius terminus, ut se defendat aduersus confessionem in tormentis elicita, datur. Quod si extra tormenta interrogatus, quae in tormentis confessus sit, negauerit, iterum atque tertio torquetur, ut in confessione persistat. Interim si reus in tormentis obdurato animo crimen admisisse negauerit, aut iterum tortus ut in confessione tormentis elicitā perseueret, etiam negare pergat; liberari debet: quae est communis sententia, quod vrgentia indicia per torturam satis diluta credantur & infamia absterfa, nisi post superatas quaestiones vrgentiora prioribus indicia emerferint, aut nisi ab initio satis graua essent indicia, & tortus corporis firmitate valeat: nam in his casibus tenent multi rerum forensium magistri, quaestiones repetendas.

§. XVII. Quod si indicia & argumenta adsint, quae simul congesta reum negantem plane conuincant, quaestionibus quidem locus non est; at disputatur inter doctos, an inde reus damnari possit. Communis interpretum schola ferme negat, reos ex iudiciis indubitatis damnari posse: alii vero tenent, in his casibus extraordinarias poenas esse irrogandas. Contra Ant. Matthaeus, Gilkenius aliique docent, reos iudiciis & argumentis convictos ordinaria poena plecti posse: quae sententia aperte in legibus confirmatur, *L. ult. C. de probationibus, l. 24. C. ad l. Iul. de adulteriis*. Interim inuita iurisprudencia communis interpretum sententia in plerisque prouinciis praeualuit, receptumque, non licere ex iudiciis indubitatis reos damnare. Apud nos vero iure cautum est,

CAP. XXVI. DE SENTENTIA ETC. 627

est, ut regiae Audientiae provinciales, collegia iudicum & Magna Curia Vicariae ex indicis indubitatis ordinariam poenam possint irrogare, non item alii inferiores iudices, etiam regii, *pragm. XIII. de off. iudicis*. Et quod spectat forum ecclesiasticum, non desunt, qui tenent, ex congestis & indubitatis argumentis recte censuras infligi.

C A P V T XXVI.

De sententia & re iudicata.

§. I. **I**Am partibus auditis & causa perorata, per competentem iudicem sententia pronuntianda est. Nomine sententiae iure decretalium generatim venit iudicis pronuntiatio, quae causam siue principalem, siue incidentem definit. Hinc sententia duplex est, alia *definitiva*, alia *interlocutoria*: quarum illa principalem controuersiam absolutione vel condemnatione perimit; haec vero perimit articulos, qui principali controuersiae incidunt, ordinatque iudicii seriem. Sed iure civili sententia est ipsa pronuntiatio, quae principalem controuersiam perimit: cetera vero iussa & mandata iudicis, quae articulos incidentes definiunt, & iudicii seriem ordinant, *interlocutiones* ferme dicuntur. Hinc titulus *C. de sententiis & interlocutionibus*:

§. II. Prolatam semel sententiam iudex reuocare vetatur, potest vero reuocare interlocutiones, quod Vlpianus docet, *L. 55. D. de re iudicata*. Non de magistratu, sed de iudice pedaneo loquitur iurisconsultus: iudex nimirum pedaneus notionis causa datus erat, eiusque officium dicta sententia expirabat; & inde sententias reuocare non poterat, reuocabat vero interlocutiones, quod his dictis iudex esse non desinebat. Iurisprudencia de iudicibus pedaneis nec iure decretalium, nec praesentibus moribus obtinet; & tamen in decretalibus leges confirmantur, valetque regula, qua vetatur iudex sententiam retractare, non vero interlocutiones, quas interpellatus

628 INSTITVT. IVRIS CAN. PARS III.

recte reuocat, idque etiam post appellationem, *cap. 60. ex. de appellationibus, cap. 10. eodem in 6.,* nisi fortasse appellationem admiserit, vel superior iudex cognitionem inhibuerit. Conf. Gonzalez *in cit. cap. 60.*

§. III. Sententiam dicturus iudex, rem in vtramque partem prius debet expendere, rationes vtriusque adductas inspicere, & tum non ex amore & odio, sed ex legibus & canonibus iudicare: etenim iudices sunt meri legum executores & custodes, non arbitri. Itaque iudex ubi lex perspicua est, essi aliquanto asperior videatur, secundum eam debet pronuntiare: & si illa aliquid dubitationis habeat, & locus est interpretationi, se legis interpretem praestabit, praeferetque semper summo iuri aequitatem. Quod si causa ipsa vtriusque admodum dubia sit, sententia pronuntianda est, prout in ea specie leges iudicare praecipiunt, veluti si vtriusque in causa civili aequales probationes adsint, reus absolendus est, quod ita legibus cauetur, *L. 128. D. de regulis iuris, cap. 3. ex. de probationibus.*

§. IV. Nec tantum ex legibus, aut canonibus iudices sententiam ferre debent, verum etiam *secundum acta & probata*, alioquin illa contra *ius litigatoris* lata dicitur; actis enim ad liquidum deducuntur facta controuersa, ex quibus partium iura promanant. Quod si acta priuatae iudicis conscientiae aduersentur, multi tenent, iudicem magis ex priuata scientia, quam ex actis debere iudicare. Sed cuius effectus erit eiusmodi sententia? Nulius sane, quippe quae mox per appellationem secundum acta reformabitur. Iudici quoque extra acta non creditur; & si eius conscientiae in iudicando standum esset, nulla profecto foret iudiciorum sanctitas, nam obtentu priuatae conscientiae liceret iudicibus, prout vellent, iudicare. Nec tamen probauerim, iudicem iudicare contra conscientiam, satiusque videtur, ut ex bono & aequo litigantes componere satagat, vel rem ad iudicem superiorem deferat, & sententiam ferre supersedeat; vel falsitatis actorum victum certiorum faciat, ut hic saltem in iudicio appellationis falsitatem detegere valeat.

§. V. Ferri autem debet sententia ex scripto, & sine scripto prolata: *ne nomen quidem sententiae meretur:* quae
vtriusque

utriusque iuris regula est, *L. 3. C. de sententiis ex periculo recitandis*, cap. ult. de sent. & re iudicata in 6., fortasse ob eam rationem recepta, quod verba ore pronuntiata menti illudant, non item quae litteris consignata sunt: periculosum vero est, iudicem in definienda causa labi, quod sententiam semel latam corrigere, vel mutare vetatur. Hinc iudex deliberatione prius habita de negotio sententiam concipit, conceptamque in libellum seu breuem chartam referre debet, *L. 2. C. de sententiis ex periculo recitandis*. Sed si causae sint breues & maxime vilium personarum, aut episcopus cognoscat inter suos subditos, scripturae necessitas remissa est, quod Iustinianus statuit, *novell. VII. cap. 3., auth. nisi breues C. eodem*, licet hodie iam mutata disciplina etiam episcopi inter suos subditos iudicantis sententia ex scripto recitanda sit. *V. Espen. par. III. tit. 9. cap. 3.* Nec necessaria est scriptura in interlocutionibus, quas iudici ore proferre licet, inde vero actarius in scripturam rediget.

§. VI. Redacta in breviculum sententia ab ipso iudice pronuntianda, & quidem partibus praesentibus, aut saltem in eam rem vocatis, quae est sententia iuris civilis, *L. 2. C. de sententiis ex periculo recitandis*, in decretalibus confirmata, cap. ult. de sent. & re iudicata in 6. Tantum praefectis praetorio aliisque illustribus magistratibus iure civili concessum est, ut per officia sua sententias ex tabella recitent, *cit. L. 2.* Et ad exemplum illustrium magistratuum Bonifacius VIII. episcopis concessit, per alios sententiam proferre, cap. ult. de sent. & re iudicata in 6. Sed iam ferme obtinet, ut sententiae non ab ipso iudice, sed ab eius officiis, iudice tamen praesente, recitentur, teste Gudelino *de iure nouiss. lib. IV. cap. 12.*

§. VII. Praeterea ex regulis iuris civilis iudex sedens sententiam ferre debet, idque ad denotandam iudicis auctoritatem videtur inductum. Etiam decretales ab iudice sedente proferri sententiam iubent, & praeterea addunt, sententiam ab iudice non sedente dictam nullius momenti esse, cap. ult. de sent. & re iudicata in 6: quod numquam leges civiles statuerunt. Tantum in iudiciis summariis sedendi necessitas iudici remissa est, *Clement. 2. de*

verbor. signif. Sedere vero debet iudex sententiam dicturus publice non in secreto, nulliusque effectus sententia est, si in secreto dicatur, *L. 6. C. de sententiis & interlocutionibus*. Et magistratus quidem pro tribunali sedet, non vero iudex, datus seu pedaneus, qui tribunal non habebat. V. Pollet. *hist. fori Rom. lib. I. cap. 6.* Tribunal erat locus editus in hemicycli speciem introrsum curuatus, quo per gradus adscendebatur. Ecclesia in suis iudiciis tribunali caruit, serebantque olim episcopi sententias in præsbyterio sedentes, nec iure decretalium umquam episcopis tribunal tribuitur.

§. VIII. Lingua vero, qua sententiam concipere oportet, ea iure Romano tantum Latina erat, *L. 48. D. de re iudicata*: quippe qua leges serebantur, & acta publica concipi solebant. Nec tantum in vrbe, verum etiam in prouinciis hoc ius obtinuisse videtur, etsi popularis sermo diuersus esset. August. *de ciuit. Dei lib. XIX. cap. 7.* Inde Arcadii & Honorii rescripto magistratibus prouinciarum facultas facta est, vt tam Latina, quam Graeca lingua sententias proferre possent: *L. 12. C. de sententiis & interlocutionibus*. Ecclesia tamen etiam ante Arcadium in iudiciis suis siue Latino, siue Graeco sermone vsa est, prout popularis loquendi vsus postulabat; perrexitque etiam ecclesia Occidentalis sententias Latine dicere; etiam postquam popularis Latini sermonis vsus defecit. Et quod mirum videri debet, forum saeculare in multis locis linguam Latinam, etsi prorsus inconditam & barbaram, vsurpat.

§. IX. Sententia definitiua, vtpote quae absolutione aut condemnatione controuersiam definit, generalis esse debet, & per omnia partium disceputationem perimere. Hinc non tantum super negotio principali, sed etiam super accessoriis; qualia sunt expensae in litem factae, & fructus percepti, pronuntianda est: post absolutum enim dimissumque iudicium nefas est, litem alteram exoriri ex litis primae materia, *L. 3. C. de fructibus & litium expensis*. Et quia pars caussa cadens, praesumitur iniuste litem mouisse, communis regula est, victum victori in expensas condemnandum, *L. 5. C. eodem*, praesertim si constat, victum per calumniam litem mouisse, aut peruenisse

venisse ad relucendum. Condemnatio vero ad restitutionem fructuum eos praecipue spectat, qui post litem contestatam percepti sunt, aut percipi poterant, nam ex quo res in iudicium deducta est, omnes incipiunt malae fidei possessores esse, *L. 2. C. eodem.*

§. X. Sententiae latae & publicatae effectus est res iudicata, quae demum facit, ut illa executioni mandari possit. Res iudicata definitur Modestino iurisperito, *quae finem controuersiarum pronuntiatione iudicis accipit, L. 1. D. de re iudicata*; res enim iudicata proprie est, quae controuersiae finem imponit, non item sententia, quae tantum condemnat, vel absoluit. Transit sententia in rem iudicatam, si legitimo dierum spatio non appellatur: qui enim intra legitimum tempus non appellauit, iam latae sententiae videtur adqueuuisse. Tantum in rem iudicatam abit sententia, non item interlocutiones, etiam si praeiudicium principi causae faciant, *cap. 60. ex. de appellationibus, cap. 12. eodem in 6.* Quod vero res iudicata controuersiae finem imponat, inter ipsos litigantes ius facit, *L. 2. C. quibus res iudicata non nocet*, & pro veritate habetur, sententia censetur bene prolata, nec facile potest retractari.

§. XI. Suae vero multae causae, in quibus sententiae in rem iudicatam non transeunt, etsi non appellatur, & idcirco recte retractantur. Ita carent rei iudicatae auctoritate sententiae nullae, quae scilicet ab incompetente iudice dictae sunt, aut a competente quidem, sed contra solitum iudiciorum ordinem, quaeque contra expressam iuris constituti dispositionem proferuntur, *L. 1. §. 2. D. quae sentent. sine appellatione rescindantur*, veluti si dixerit iudex, ad tutelae excusationem numerum filiorum non prodesse. Non valet quoque ipso iure, & in rem iudicatam non transit sententia, quae prolata est contra priorem, quae abiit in rem iudicatam, *L. 1. C. quando prouocare non est necesse*. Rei quoque iudicatae non donantur sententiae ex falsis instrumentis vel testimoniis latae, si iudex circumuentus eorum fidem secutus fuerit, *L. 3. C. si ex falsis instrumentis*; item quae ab iudice pecunia corrupto dictae sunt, *L. 7. C. quando prouocare non est necesse*; item sententiae criminales, in quibus

bus rei condemnati sunt, si vel maxime poenae, quae restitutionem admittit, subiecti fuerint; & ex communi doctorum doctrina nec transeunt in rem iudicatam sententiae de vi matrimonii, quibus illud valere, vel non valere pronuntiatur.

C A P V T XXVII.

De sententiae executione.

§. I. **Q**uemadmodum leges in republica nullius sunt utilitatis, si in vsum non deducantur, ita sententia inutilis erit, nisi executioni demandetur. Ergo ubi sententia in rem iudicatam transit, intra tempus ab iure statutum eius executio facienda est. Et quidem in actione in rem statim fit executio, si res ipsa, quae existat, tradi possit: at in actione in personam iure civili imperatoris Iustiniani quatuor menses conceduntur, qui a die condemnationis, vel si prouocatum fuerit, a die confirmationis sententiae numerantur, *L. 2. C. de usuris rei iudicatae*, quae quadrimestres induciae etiam fideiussoribus & mandatoribus profunt, *L. ult. C. eodem*. Iure decretalium eadem quadrimestres induciae probatae sunt, *cap. 26. ex. de off. iudicis ordinarii*, nisi tamen iudex duxerit praescriptum tempus producere vel coarctare, *cap. 15. ex. de sentent. & re iudicata*.

§. II. Iam rem iudicatam exsequitur iudex, qui sententiam dixit, si habeat iurisdictionem; executio enim sententiae aliquam coactionem inuoluit, atque ideo est pars militi imperii, quod iurisdictioni cohaeret, *L. 3. D. de iurisdictione*. Hinc iudex ordinarius & iudex a principe, vel summo pontifice datus rem iudicatam exsequuntur, utpote qui plena donantur iurisdictione: quin delegati a summo pontifice eam post sententiam integro anno retinent, ut facilius rem iudicatam exsequantur, *cap. 7. & 26. ex. de officio delegati*. Item iudex, cui a magistratu mandata est iurdictio, suam ipse exsequitur sen-
ten-

sentiam, mandata enim iurisdictione, etiam imperium missum transit, *L. 5. D. de officio eius, cui mandata est iurisdictione*. Sed datus iudex & arbiter, quod nudam notionem habent, rem iudicatam non exsequuntur, sed ab eis lata arbitria magistratus exsequitur, *L. 15. D. de re iudicata*. Vtitur vero iudex rei iudicatae exsequendae gratia officiis, seu apparitoribus, quos inde *exsecutores litium* appellant.

§. III. Ordo executionis iure communi statutus hic est, ut si quis rem certam restituere damnatus sit, ea ipsa, si exstet, auferatur etiam manu militari, si necessarium videatur, *L. 68. D. de rei vindicatione*. Quod si res ipsa perierit, aut propter debitam pecuniam executioni facienda sit, mobilia primum capiuntur, inde immobilia, postremo iura & nomina debitorum, semper pro debiti mensura, *L. 15. D. de re iudicata*. Iure vero, speciali cauetur, ne executio, nisi in subsidium, fiat in stipendia, arma & equos militum, *L. 4. C. de execut. rei iudicatae*: item iure speciali executio fieri vetatur in instrumenta ad agriculturam necessaria, *L. 7. C. seq. C. quae res pignori obligari possunt*.

§. IV. Quod si neque bona, neque nomina debitorum reperiantur, quibus iudicato satisfiat, extremum contra iudicatos remedium erit, ut in carcerem detrudantur. Indicati autem in carcerem detrusi, tantum in custodia, donec iudicato satisfecerint, detinentur, nec creditoribus servire coguntur. Quo spectare videtur constitutio Diocletiani & Maximiani, ob *aes alienum servire liberos creditoribus iura compelli non patiuntur*, *L. 12. C. de obligationibus & actionibus*. Solae mulieres iure nouissimo Iustiniani carceri nequeunt mancipari, ut in re civili iudicato satisfaciant, *novell. CXXXIV. cap. 9.* quod ius hodie non aequè in omnibus prouinciis obtinet.

§. V. Sed non deest debitoribus carceris declinandi facultas, si nempe bona sua omnia creditoribus cedant, quod est extraordinarium beneficium ex commiseratione per legem Iuliam introductum, *L. 4. C. qui bonis cedere possunt*: quae cessio ex lege Theodosii sola professione & nuda voce etiam sine iudicis venia peragi potest, *L. 6. C. eodem*. Cessis bonis facultas est creditoribus ea iudicis

cis auctoritate vendendi, vt ex eorum pretio, seruata temporis & creditorum praerogatiua, singulis satisfiat. Tantum cessio prodest debitoribus, ne iudicati detrudantur in carcerem: namque si creditores ex bonis venditis solidum non acceperint, illi non liberantur: & idcirco si deinceps alia bona adquisierint, etiam creditoribus satisfacere tenentur, sed quatenus commode facere possunt; nec enim quotidianis alimentis priuari debent, *L. 6. D. de cessione bonorum*. Beneficium hoc ex commiseratione concessum est, & inde eo tantum iuari possunt, qui infortunio suis bonis ceciderunt, non item decoctores, & qui bona sua in fraudem creditorum dissipant, nec qui dolo cum suis creditoribus vsi sunt, vtpote qui sciebant, se solvendo non esse. *Henr. Zoësius ad cit. tit. D.*

§. VI. Sunt nonnulli, qui ad euitandum carcerem cessione non indigent, quod speciali aucti sunt priuilegio, vt ultra id, quod facere possint, non teneantur: quod *beneficium competentiae* dicunt. Tales iure ciuili sunt parentes, patroni, socius, maritus ad dotis restitutionem ab vxore, & donator a donatario conuentus, §. 37. *Or seq. instit. ciuil. de actionibus*. Idem priuilegium etiam clericis Gregorius IX. concessit quodam rescripto, vbi mandat, vt Odoardus clericus, qui suis creditoribus soluere damnatus, & ob rerum inopiam ad solutionem impar a suo episcopo excommunicatus erat, a censura absolueretur, *recepta prius ab eo idonea cautione, vt si ad pinguiorem fortunam deueniret, debita persoluat, cap. Odoardus 3. ex de solutionibus*. Ex hoc rescripto docent interpretes, clericis competere beneficium, vt tantum in id, quod facere possint, dammentur, nec requiri, vt illi prius bonis cedant, quod Fagnanus *ad cit. cap. 3. n. 58.* probat, et si ex antiquis interpretibus aliqui tenuerint, cessionem esse necessariam.

§. VII. Antiqua est ecclesiae disciplina, qua ecclesiastica potestas ad exsequendas canonicas sententias in reos damnatos auxilium a ciuili potestate petere consuevit, si quando opus esse intelligeret, contumacibus vim adhiberi. *Enseb. lib. VII. cap. 30.*, conc. Antioch. *can. V. can. 53. Or 67. C. Afr.* Nimirum ecclesia tantum gladio spirituali armata vim per se facere non potest, ac proprie-

rea,

rea, vbi vi opus erat, eam a civili potestate debebat implorare. Lapsu temporis etiam cogendi facultas ecclesiae accessit; eaque utitur saltem contra clericos. Verum civilis potestatis officium est imploratam operam non denegare; sic enim civilis potestas Deo seruit, can. 28. C. 23. q. 5. & ecclesiae matris spiritalem gladium munus & sustentat.

C A P V T XXVIII.

De appellationibus.

§. I. **R**Ei iudicatae auctoritas suspenditur per appellationem, quae contra sententiam victis ordinarii remedium suppeditat. Venit nomine appellationis provocatio ab inferiore iudice ad superiorem; ut is de causa amplius cognoscat, & prius latam sententiam corrigat, & in melius reformet. Diuiditur vero appellatio iure decretalium in *iudicalem*, & *extraiudicalem*, quarum illa aduersus actum iudicalem interponitur, postquam iudicium citata parte incoepit; haec vero interponitur a grauamine per priuatos, vel per iudicem extra iudicium illato, vel inferendo, veluti si priuatus alimenta neget, aut si iudex de facto non causa cognita iudicet. Si appelleretur a grauamine per partem illato, potius provocatio ad causam, quam vera appellatio est, cap. 5. ex. de *appellationibus*; accedit vero ad veram appellationem provocatio, quae aduersus actum iudicis extra iudicium grauantis interponitur, cap. 8. de *appellationibus* in 6.

§. II. Secundum veteris disciplinae regulas a sententia episcopi in causis ecclesiasticis prouincialis synodus iure ordinatio appellabatur. Conc. Nicaen. can. V. Verum per appellationem ad synodum prouinciae delatae causae, & ibi definitae, ad maiorem synodum noua interposita appellatione non deserebantur; idque verum erat, etiamsi episcopi primo iudicio accusati & damnati essent: sic enim soebat primorum saeculorum disciplina; ut in pro-

prouinciis exortae causae ibi finirentur. Sane synodus Antiochena edicit, vt si in damnando episcopo synodus prouincialis non conueniat, vicinae prouinciae episcopi aduocentur, qui cum episcopis comprouincialibus exortam quaestionem finiant; at si concordibus synodi suffragiis episcopus damnetur, *is ne amplius ab aliis iudicetur, sed prouinciae episcoporum firma maneat sententia*. Conc. Antioch. *can. XIV. & XV.* Praeterea tamquam a synodo Nicaena cautum docent Africani patres, vt causae omnes ecclesiasticae, vbi ortae sunt, finiantur, nec ab ipso pontifice iterum tractentur. *Can. 138. C. Afr. V. Dupin. diff. 1k. de antiq. eccles. discipl. cap. 1. & seq. (a).*

§. III. Disciplina, quae habet, a synodo prouinciae iure ordinario maiorem synodum non appellari, in ecclesiis Orientis stetit vsque ad synodum Constantinopolitanam anno CCCLXXXI. celebratam, in qua ecclesia Orientalis in quinque dioeceses diuisa est, & unicuique dioecesi proprius patriarcha seu exarchus datus, qui in synodo episcoporum dioecesis negotia administraret, ita tamen vt primum causarum de episcopis iudicium in synodo prouinciae ageretur. Conc. Constantinop. *can. II.* Ita in Oriente receptum, vt a synodo prouinciali synodus dioecesana ordinario iure appellaretur. Noua haec disciplina per synodum Chalcedonensem confirmata est, sed

(a) Vno tantum casu in synodo prouinciali finitae causae in maiori synodo videntur potuisse retractari, si id diuinitus seu imperatoriis rescriptis concederetur, quod pluribus exemplis constat. Ita Athanasii & Marcelli Ancytani episcopi causa in synodo Sardicensi iussu imperatorum Constantii & Constantis iterum iudicata est, quod constat ex epistola synodica ad Iulium papam. Item Photinus in synodo Sardicensi, velut nouae haereseos auctor damnatus, a Constantio imperatore obtinuit, vt iterum causa in synodo Sirmienensi ageretur. Epiph. *haer. LXXI.* Et qui alias poterat maius concilium celebrari, nisi id imperator concederet? quarto enim saeculo tantum in adsiduam & ordinariam iurisdictionem synodi prouinciales abierant, maiores vero sine principis concessione non poterant celebrari. V. Petr. de Marca *conc. sacerdotii & imperii lib. VII. cap. 2.*

sed non sine aliqua mutatione; arbitrio enim conquerentium permissum, ut metropolitani vel apud suae dioecesis exarchum, vel apud thronum Constantinopolitanum deferantur & accusentur. Conc. Chalced. *can. IX. & XVII.* Et Iustinianus in *noyel. CXXIII. cap. 22.* habet, ut causae episcoporum in synodo prouinciali indicentur, appellatio vero ad patriarcham deferatur.

§. IV. Magna interim controuersia est inter viros doctos, an ex veteri disciplina in causis ecclesiasticis siue episcoporum, siue clericorum, quae in synodis prouincialibus & dioecesanis iudicabantur, receptae erant ad summum pontificem appellationes. Petrus de Marca, Lau-noius, Gerbasius, Quesnellus, Dupinus aliique negant, veteri iure appellationes ad pontificem fuisse usurpatas. Contra cardinales Bellarminus & Perronius, item Dauidius, Christianus Lupus, Natalis Alexander aliique plures eas veluti consuetudinem primatus Romani pontificis tuentur: & inde tenent, semper licuisse in iudiciis ecclesiasticis pontificem appellare, praecipue si de episcoporum causis ageretur. Quaestio ista salua fide, qua christiani sumus, agitur: & modum quidem excessit Lupus, vir alioquin multae; sed indigestae, eruditionis, qui veluti profanos & nouatores traducit, quotquot appellationes ad pontifices ex veteris disciplinae regulis non admittunt. Quod ad me attinet, libens adgnosco, ius appellandi Romanam sedem a synodorum inferiorum iudiciis, tamquam consuetudinem primatus Romani pontificis in vniuersam ecclesiam haberi posse; est enim Romanus pontifex ceteris episcopis superior: naturalis vero ratio dictat, ab inferioribus ad superiorem appellandum.

§. V. Verum enimvero non semper hoc iure appellationum sedes apostolica vsa est: ecclesiastica disciplina constitui coepta est eo tempore, quo per persecutiones iura omnia primatus explicari non poterant: disciplina vero semel constituta longo tempore deinceps stetit. Et profecto quarto saeculo recepta videtur fuisse sententia, quae habebat, causas in synodis Orientalibus indicatas non posse in synodis Occidentis, multo minus a solo pontifice, retractari. Conc. Antioch. *ep. ad Iulium papam.* V. Petr. de Marca *de concordia sacerdot. & imperii lib. VII. cap.*

638. INSTITVT. IVRIS CAN. PARS III.

cap. 4. Synodus quoque Chalcedonenſis *can. IX*, gradus eccleſiaſticae iuriſdictionis recensens, aduerſus ſententiam ſynodi dioceſanae aut ſedis Conſtantinopolitanae nullum damnatis proponit remedium, propoſitura proſecto, ſi alium ſuperiorem iudicem damnatis liceret appellare, quem admodum fecit in cauſſis clericorum & epiſcoporum, qui a ſuo epiſcopo vel metropolitano laeſi erant. Et Iulianus *noſtel. CXXIII. cap. 22.* conceptis verbis edicit, ab iudicio ſynodi dioceſanae omnino non dari appellationes. Et vt alia multa mittam, ex monumentis eccleſiae Africanae aperte conſtat, in veteri diſciplina pontificem appellari non conſueuiſſe; canones nimirum Africani damnant eos, qui ad tranſmarina appellandum putauerint, *can. 28. C. Afr. (b).*

§. VI. Iam vetus diſciplina, qua cauſſae eccleſiaſticae in ſynodis prouinciarum finiebantur, in ſynodo Sardicenſi mutata eſt, ex qua mutatione data eſt occaſio, vt tandem appellationes ad pontificem reciperentur. Sane ea ſynodus ſtatuit, vt ſi damnatus epiſcopus ſibi iniuriam illatam autumat, ſcribatur epiſcopo Romano, vt ſi is putauerit, concilium renouandum, det iudices, & quidem vicinae prouinciae epiſcopos, ita tamen vt pontifex legatorum quoque mittere poſſit nouo iudicio praefuturum, ſi ipſi viſum fuerit, aliquem mitti oportere: contra ſi putauerit, negotium iterum tractari non debere,
res

(b) Verba canonis Africani ſunt: *ad tranſmarina qui putauerit appellandum, a nullo intra Africam in communionem ſuſcipiatur, ſicut & de epiſcopis ſaepe conſtitutum eſt.* Exſtat hic canon in concilio Mileuitano, ſeu potius Carthaginienſi, quod anno ccccxviii. celebratum eſt, ſed omiſſis verbis vltimis, quae cauſſas epiſcoporum complectuntur, *can. 125. C. Afr.* Sed verba illa addita videntur in concilio ſexto Carthaginienſi, *can. 28. C. Afr.*, vbi canones antecedentium Africanarum ſynodorum reſecti & probati ſunt. Tranſmarina eccleſia Africanis Romana erat: & certe riſum mouet exceptio, quam mox relato canoni Gratianus adiecit, *niſi ſorte Romanam ſedem appellauerit, can. 25. C. 2. q. 6.*, quaſi Afri ad tranſmarina appellantes, aliam quam Romanam ſedem appellarent.

res indicata suum robur obtineat. Conc. Sard. *can. 111. & VII.* Renouatio iudicii ex verbis canonum fieri debet per iudices vicinae provinciae; at hac sententia non excluduntur episcopi provinciae, qui primo iudicarunt, sed potius ex utrisque ad causam tractandam synodus coalescet. Ita per canones Sardicenses non ius appellandi pontificem confirmatur, aut instituitur, sed potius eidem conceditur ius decernendi, an iudicium in provincia renouandum sit. V. Petr. de Marca *lib. VII. de concordia sacerdot. & imperii cap. 3.* & Dupin. *de antiqua ecclesiae disciplina. diff. II. cap. 1. §. 3.* Huic vero novae disciplinae statuendae causam praebuere iudicia quaedam in synodia Orientis in episcopos orthodoxos vi & iniuria agitata, quale Athanasii & sociorum eius iudicium.

§. VII. Disciplina per canones Sardicenses statuta in ecclesia Orientali numquam recepta est, & in ipso Occidente sero tandem admissa. Sane ecclesia Africana initio quinti saeculi Sardicenses canones, quos Zosimus papa in causa Apiarii tamquam Nicaenos laudavit, cognito errore, reiecit, & canonibus Nicaenis adhaesit, *can. 138. C. Afr.* Similiter in Hispania saeculo sexto adhuc vigeat vetus disciplina, qua causae episcoporum synodali episcopalis iudicio finiebantur, & quidem accitis finitimis episcopis, si provinciae episcopi inter se non convenirent, ut constat ex Martino Bracarensi *cap. XIII.* Et ecclesia Gallicana similiter longo tempore canones Sardicenses ignoravit, & ex antiquis canonibus a iudiciis synodalibus appellari non licere professus est: quod multis Quesnellus *diff. V. in S. Leonis M. opera cap. 14. & seqq.* probat. Adhaerebant vero ecclesiae receptae disciplinae, etsi Romani pontifices observantiam canonum Sardicensium numquam non vigerent (c).

§. VIII.

(c) Sed contra haec dicta proferri solent multa iudiciorum exempla, in quibus vel ante, vel post synodum Sardicensem damnati episcopi, tam ex Oriente, quam ex Occidente sedem Romanam appellarunt. Ita Athanasius primum in synodo Tyria, inde in Antiochena damnatus ad Iulium papam confugit. Similiter Chrysostomus in synodo damnatus Innocen-

tium

INSTITVT. IVRIS CAN. PARS III.

§. VIII. Verum enimvero saeculo sexto & sequentibus canones Sardicenses in ecclesiis Occidentis sensim in auctoritatem admissi sunt, idque opera Romanorum pontificum, qui eorum obseruantiam vrgebant. Quin pontifices sic canones Sardicenses interpretati sunt, quasi in sua esset potestate causas per appellationes ad sedem apostolicam delatas Romae iudicare, vel in provinciis iudicandas transmittere, misso a latere legato. Gregor. M. *lib. 11. ep. 6. & 47.* Item post saeculum decimum vltorius

rium i. appellauit. Eutyches quoque in Constantinopolitana S. Flauiani synodo damnatus ad iudicium maiorum episcoporum, in primis Leonis M. prouocauit: ad quem etiam confugerunt S. Flavianus patriarcha & Theodorus episcopus Cyri, quos synodus Latrocinii Ephesini damnauit. Quibus aliisque multis exemplis Gelasius pontifex in *epist. ad episc. Dardaniae* docet, sedem apostolicam potestate auctam esse de causis per synodos indicatis cognoscere.

Longioris esset operis, si haec & alia, quae adferri solent, appellationum ad summum pontificem exempla sigillatim expendere vellem: tantum generales quasdam obseruationes proponam, vnde facile constet, cuius ponderis eiusmodi appellationes fuerint. Principio ab exemplis canonicis appellationum vsus vix erui posse videtur, quando canones exstant, qui antiquam iudiciorum formam eam fuisse demonstrant, vt causae in provinciis finiri debeant. Praeterea in veteri disciplina episcopi damnati saepe confugiebant ad pontificem, non proprie appellantes, sed potius eius auxilium implorantes, vtpote qui in synodis per vim damnati erant, vt Athanasii & Chrysostomi exemplis constat: & hinc non ad solum pontificem recurrabant, sed ad aliarum magnarum sedium episcopos, vt omnes veluti coniunctis viribus oppressos tuerentur. Item appellati ab episcopis damnatis pontifices de causa proprie non iudicabant, nec latas sententias rescindebant; sed illas saepe improbabant, veluti quae contra canones latae ipso iure nullae erant, quod non solum praesidi apostolico facere licet, sed & cuicumque pontifici, vt Gelasius papa *epist. ad Faustum* loquitur. Demum appellati pontifices id agere solebant, vt per principes generalia concilia cogerentur, in quibus latae sententiae possent retractari, vt in causa Chrysostomi videre est.

CAP. XXVIII. DE APPELLATION. 641

rius res processit; nam etiam inferiorum clericorum appellationes ad pontificem admissae sunt, & praeterea causae depositionis episcoporum synodis provincialibus ablatæ primo iudicio sedi Romanae cesserunt. Tanta mutatio putidis Isidori Mercatoris mercibus debetur, in quibus edicitur, clericos omnes Romanam sedem libere posse appellare, *can. 4. & 8. C. 2. q. 6.*, & praeterea de causis episcoporum statuitur, episcopos inconsulta Romana sede non esse damnandos. Ex qua doctrina deinceps in summis saeculi decimi & sequentis turbis episcoporum depositiones summo pontifici reservatae sunt. Gregor. VII. *dict. cap. 3.*

§. IX. Iure civili tantum a sententia definitiva licebat appellare, non item ab interlocutionibus, nisi istae vim sententiae haberent, aut graue & irreparabile damnum inferrent, *L. 39. D. de minoribus, L. 2. D. de appellat. recipiendis; L. 18. C. Th. quorum appellat. non recipiantur.* At iure decretalium & a sententia & a quavis interlocutione etiam simplici, qua acta iudicialia ordinantur, admittitur appellatio, *cap. 12. ex. de appellationibus.* Quin eodem decretalium iure vterius res processit, & appellationes etiam admissae ab actibus extraiudicialibus, *cap. 8. de appellat. in 6.* Frequentia ista appellationum ecclesiasticae disciplinae ruinam promouit: inde enim in longum lites productae, grauissima scelera praesidio appellationum nec emendata, nec castigata, & neruus censurarum fractus: quae incommoda S. Bernardus *lib. III. de considerat. & Hildebertus Tironensis ep. LXXXII. ad Honorium II.* recensent & deplorant.

§. X. Licentia appellandi etiam ab omnibus interlocutionibus diu fletit, tandem vero in concilio Tridentino saltem ex parte emendata est edito decreto, ne appellationes ab ordinariis interpositae a superioribus recipiantur, nisi a definitiva, vel definitivae vim habente, & cuius grauamen per appellationem a definitiva reparari nequit. Trident. *sess. XXIV. de ref. cap. 20.* Ita sublatae appellationes a quacumque interlocutione, passimque tradunt interpretes, hac in parte ius canonicum ad terminos iuris civilis redactum esse. Verum quis crederet! etiam post hoc decretum frequentia appellationum inter-

Pars III.

SS

pre-

pretatione prudentum seu potius imprudentum remansit. Etenim quum synodus Tridentina ab interlocutionibus, quae grauamen inferrent per sententiam haud reparabile, appellari permitteret; interpretes plus aequo regulam hanc extendentes, docuerunt, idem ius esse, si damnum per sententiam reparari quidem possit, sed cum magna difficultate, aut partis praeiudicio, aut tantum ex parte. V. *Espen. par. III. tit. 10. cap. 1.*

§. XI. Multum vero interest inter appellationem a definitiua & ab interlocutione. Principio appellatio a definitiua iudicis, vnde appellatum est, omnino iurisdictionem suspendit, *L. 3. C. de appellationibus, cap. 7. de appellationibus in 6.*; at appellatio ab interlocutione iudicis inferioris non suspendit iurisdictionem, nisi hic interpositae appellationi derulerit, aut index superior litteras inhibitionis dederit, *cap. 5. & 7. eodem*, aut interlocutio damnum irreparabile contineat. Item in appellatione a definitiua causam, cur appellatum sit, exprimi non est opus, *L. 2. D. de appellationibus*, in appellatione ab interlocutione causa exprimenda est, *cap. 59. ex. de appellationibus*. Item appellatio a definitiua, si in continenti fiat & apud acta, etiam nuda voce & simplici verbo *appello* fieri potest, *cir. L. 2.*, contra appellatio ab interlocutione omnino in scriptis proponenda est, *cap. 2. eodem in 6.* Porro qui appellat a definitiua, etiam non expressas causas prosequitur, & appellationem nouis probationibus instruit; at qui appellat ab interlocutione, non potest alias causas prosequi quam in appellatione dumtaxat expressas, *Clement. 5. de appellationibus*, nec nouis probationibus utitur.

§. XII. Licet vero appellare non tantum damnato, aut alias iniqua iudicis sententia grauato, verum etiam omnibus, quorum interest, sententiam latam non esse, *L. 4. D. de appellationibus, cap. 16. ex. de electione*. Ita si emtor de proprietate victus est, & cesset, venditori licet prouocare: nam eius causa agitur, quum emtori possit esse contra venditorem regressus: qua eadem ratione iure appellat fideiussor, si principalis debitor victus cesset. Quilibet quoque potest appellare pro eo, qui capite damnatus est, etiamsi damnatus perire festinans, ap-
pella-

CAP. XXVIII. DE APPELLATION. 643

pellationi reluctetur, *L. 6. D. eodem*; ratio enim communis officii ab hominibus poscit, ciues in discrimine vitae positos in iudiciis tueri.

§. XIII. Appellatio inter appellatoria tempora proponenda & peragenda est, quae tempora etiam *fatales dies* dicuntur, quod eorum lapsu veluti fato quodam illa perimatur. Sunt vero eiusmodi appellatoria tempora quatuor, vnum est tempus ad appellandum, alterum ad petendos libellos dimissorios, tertium ad introducendam appellationem apud iudicem superiorem, & quartum ad eam prosequendam & finiendam. Et quod spectat ad primum iure ciuili imperatoris Iustiniani appellari debet intra decem dies a *sententiae recitatione* numerandos, *novel. XXIII. cap. 1.*, quod ius Innocentius III. confirmavit, *cap. 15. ex. de sent. & re iudicata*. Ait quidem Iustinianus, appellandum esse intra decem dies a *sententiae recitatione*; at id tempus nequaquam currit ignorantibus, nec ei, cui interim deest, coram quo appellet, *L. 1. §. 7. & ult. D. quando appellandum*. Et fortasse id statuit imperator, quod partes sententiae recitationi praesentes supponeret. Currit vero concessum tempus a momento ad momentum, & idcirco potest euenire, vt decimus dies in vndecimum desinat.

§. XIV. Appellatione proposita appellans petere debet dimissorios libellos, seu litteras, quae ab iudice inferiore ad superiorem dantur, quibus scribens significat, a sententia, quam ipse dixit, fuisse appellatum, & simul causam ad superiorem dimittit. Libelli dimissorii etiam *apostoli dicti* sunt, quasi libelli missi, *L. vn. D. de libellis dimissoriis*. Apostoli intra triginta dies *ex die latae sententiae* petendi sunt, & ab iudice, vnde appellatum est, litigatoribus exhibendi: quod & ciuili & decretalium iure cauetur, *L. 24. C. de appellationibus, cap. 6. de appellationibus in 6.* Verba vero illa *ex die latae sententiae* multi ita accipiunt, quasi scriptum sit, *ex die scientiae latae sententiae*, quae doctrina verior est. Sed potest iudex, vnde appellatum est, certum tempus ad petendos & recipiendos apostolos litigantibus statuere, *Clement. 2. de appellationibus*, modo legitimum tempus contrahat. Intra hoc tempus litigator *instanter & sapius*

*p*ius petere apostolos debet, ne appellationi renuntiasse videatur. Sed moribus praesentibus praesertim in foro saeculari ferme nullus est apostolorum vsus, & appellatio proponitur apud iudicem superiorem, qui recepta appellatione iudici inferiori praecipit, ne vltius in causa procedat, & acta transmittat.

§. XV. Acceptis litteris dimissoriis, qui appellauit, adire maiorem iudicem debet, & apostolos offerre: idque iure ciuili pro varia locorum & iudicum ratione non eodem temporis spatio faciendum erat, *L. 1. 2. C. de temporibus appellationum*. Sed hoc varium tempus gentium moribus vix seruari potuit: nec ea de re aliquid certi in decretalibus habetur. Itaque id tempus iudex, vnde appellatum est, pro arbitrio suo spectatis locorum & temporis adiunctis praestituet, *Clement. 4. de appellationibus*. Exhibitis vero iudici maiori libellis dimissoriis, appellans instat, vt appellatio recipiatur, pars aduersa ad certum terminum citetur, & iudex, vnde appellatum est, inhibeatur.

§. XVI. Introducta apud maiorem iudicem appellatio iure ciuili & decretalium anno, & ex iusta causa biennio instrui & finiri debet, *L. ult. §. 4. C. de temporibus appellationum, cap. 5. ex. de appellationibus*. Vnde id tempus incipiat, non conuenit inter iuris ciuilis interpretes; at iure decretalium ab interposita appellatione incipit, *cap. 8. ex. eodem, Clement. 3. de appellationibus*. Sed nimia causarum frequentia fecit, vt praescripto tempore causae appellationum finiri nequeant.

§. XVII. Appellatio iure interposita iudicis, vnde appellatum est, iurisdictionem suspendit, & causam ad maiorem iudicem deuoluit, *L. 32. §. 4. C. de appellationibus, cap. 55. ex. de appellationibus*. Et hinc pendente appellatione iudex inferior nihil potest innouare: & si quae innouauerit, a maiore iudice ante omnia in pristinum reducuntur, *L. vn. D. nihil innouari appellat. interposita, cap. 7. de appellationibus in 6.* Suspenditur vero iudicis inferioris iurisdicctio, si a definitiua appelletur; nam appellatio ab interlocutione tum id operatur, si maior iudex illi prohibuerit, ne vltius in causa procedat, *cit. cap. 7.* Verum aliquando nec appellatio a definitiua infe-

CAP. XXVIII. DE APPELLATION. 645

inferioris iudicis iurisdictionem suspendit, veluti si appelletur a sententia irrogatarum censurarum, *cap. 53. ex. de appellationibus*, *cap. 20. de sent. excommunicationis*, itemque si appelletur in causis emanationis morum, nisi formam in talibus seruandam antistites exceßerint, *cap. 3. ex. de appellationibus*. Et in his casibus appellatio dicitur habere effectum *deuolutiuum*, non vero *suspensiuum*.

§. XVIII. Ex regulis iuris civilis ante Iustinianum receptis semel tantum in vna eademque causa licebat prouocare. At ex lege Iustiniani vni eidemque litigatori in eadem causa & in iisdem articulis semel, atque iterum appellare concessum est, non item tertio, *L. vn. C. ne liceat in vna eademque causa*: quae regula in decretalibus confirmatur, *cap. 39. ex. de appellationibus*. Et certe qui tertio prouocat ab eadem sententia, videtur malam causam sustinuisse, & praeterea modum aliquem litibus esse oportebat. Quod vero unicuique litiganti semel & iterum licet prouocare, in vna eademque causa quatuor appellationes possunt interponi, quod vbi fiet, ea sententia executioni datur, quae bis confirmata est.

§. XIX. Appellatio autem interponi debet ab iudice, qui sententiam dixit ad superiorem, & quidem proximum: appellationes enim gradatim interponendae sunt, & si appelletur per saltum omisso iudice intermedio, ad eum remittitur appellatio, qui appellari debuisset, quod iure civili cauetur, *L. 21. D. de appellationibus*. Semel enim recepti iudicum & iurisdictionis gradus custodiendi sunt, ne iudicia incerta fiant. Nec aliter habent pontificum decretales, si de iudicibus pontifice inferioribus agatur, *cap. 66. ex. de appellationibus*: nam eodem decretalium iure ad summum pontificem eiusue legatum omissis iudicibus intermediis appellationes permittuntur, *cap. ult. ex. de foro competenti*, *cap. 7. ex. de appellationibus*, *cap. 1. ex. de officio legati (d)*.

§ I 3

§ XX.

(d) Praerogatiua ista summi pontificis primum proposita videtur in falsis decretalibus sub nomine Sixti, Marcelli, Zephyrini ac Iulii pontificum, *can. 4. seqq. C. 2. q. 6.*, quibus edicitur, licere omnibus in sui defensionem libere sedem apostoli-

can

§. XX. Sunt vero nonnullae causae, in quibus appellare non est necesse, aliae in quibus appellatio iure denegatur. Et quidem toties superfluum est appellare, quoties sententia est ipso iure nulla: quod enim nullum est, rescindi nequit: & omnis appellatio supponit sententiam valere, & aliquod grauamen inferre, licet sit iniqua. Interest quippe an sententia sit nulla, an iniusta; nam illa iure non consistit, ac ideo rescissione non indiget; haec vero iure valet, & hinc per appellationem rescindenda venit. Ergo superfluum est appellare, si sententia ab incompetente iudice lata sit, *L. ult. C. si non a competente iudice*, aut si a competente quidem, sed contra receptum iudiciorum ordinem, *L. 4. C. de sententiis & interlocutionibus*, aut si directo contra leges prolata expressum iuris errorem contineat, veluti si iudex dixerit, testamentum ab impubere conditum valere, *L. 1. §. 2. D. quae sententiae sine appellatione*. Ita contra sententias nullas sufficit nullitates proponere, vel contra eas de nullitate excipere.

§. XXI. Causae vero, ubi appellationes non recipiuntur, sunt illae, in quibus moratoria potius, quam ex causa iniquitatis appellatio interposita videtur. Ergo denegatur appellatio in notoriis, *cap. 5. §. ult. & cap. 13. ex. de appellationibus*, a sententiae executione, nisi in ea modus excedatur, *L. 5. C. quorum appellationes, cap. 15 ex. de sententia & re iudicata*, & in causis disciplinae & emendationis morum, *cap. 3. & 32. ex. de appellationibus*, nisi nimis excessus adsit. Item non auditur appellans, qui testibus & argumentis conuictus crimen fatetur, *L. 2. C. quorum appellat. non recipiantur*: item qui ob veram contumaciam damnatus est, *L. 1. C. eodem*: item qui sententiam quoquo modo probauit, *cap.*

2.

cam appellare, quae veluti communis mater omnes excipit, & ab oppressionibus tutos facit. Tota vero ista appellandi ratio ad pontificem omissio medio ex Espenii sententia originem habet ex doctrina illa, quae habet, Romanum pontificem esse ordinarium ordinarium, siue auctoritatem etiam episcopalem & metropolitancam in omnes particulares ecclesias habere.

CAP. XXIX. DE IN INTEG. REST. 647

2. *ex. de offic. delegati*, vel se non appellaturum iuravit, *cap. 2. ex. de appellationibus*, nec recipitur eius appellatio, qui tribus conformibus sententiis damnatus est, *L. vn. C. ne liceat in una eademque causa*, *cap. 65. ex. de appellationibus*.

CAP V T XXIX.

De in integrum restitutione.

§. I. **Q**ui appellationis remedio destituntur, auxilio restitutionis in integrum contra iudicis sententiam iuvantur, non tamen omnes, nec semper, sed qui id beneficium intra legitimum tempus petere possunt. Restitutio in integrum est redintegrandae rei, vel causae actio, quae laesis beneficio magistratus ob iustam causam conceditur. Sane restitutio in integrum decreto magistratus ex causa datur, & quidem ubi aliud remedium non suppetit; nam si actus ipso iure non subsistit, aut alias praesto est civile remedium ordinarium, in integrum restitutio dari non solet, *L. 16. D. de minoribus*, *L. 2. C. de filiosam minore*. Atque hinc patet, cur restitutio in integrum remedium extraordinarium dicatur, quatenus nempe in subsidium & aliis actionibus deficientibus conceditur.

§. II Restitutio in integrum iure Romano ex causa conceditur laesis tam in iudicio, quam extra iudicium. Et quod spectat ad in integrum restitutionem, quae laesis iudicio conceditur, (restitutio competens laesis extra iudicium non est huius loci) ea iuvantur minores, qui sententia iudicis, vel in iudicii cursu se laesos ostenderint. Iure minoris censentur respublica, ecclesia, hospitalia & alia loca pia ecclesiastica, quae ubi laesa sunt, in integrum restituuntur. *L. 4. C. quibus ex causis maiores*, *L. 3. C. de iure respublicae*, *cap. 1. O. 3. ex. de in integrum restitutione*. Conf. Gonzalez in *cit. cap. 1*. Restituitur ecclesia & contra priuatos homines & contra aliam ecclesiam, modo quae restitutionem petit, agat de

648 INSTITVT. IVRIS CAN. PARS III.

damno vitando, altera de lucro captando, *cap. 2. & seq. ex. eodem*: nam si viriusque par sit conditio, vna ecclesia contra aliam non restituitur.

§. III. Petere debent in integrum restitutionem minores intra quadriennium continuum, ex quo minores esse desierint, *L. ult. C. de tempor. in integr. restitutionis*, ecclesia vero & aliae societates, quae iure minorum censentur, intra quadriennium a tempore cognitae laesionis, *cap. 2. de restitut. in integrum in 6.* Quod si legitimum tempus elapsum sit, ecclesia non restituitur, nisi praevagationis, aut manifestae fraudis commentum interuenisse probet, aut aliam causam alleget, quae iudicem ad restitutionem concedendam mouere possit, *cap. 1. eod. in 6.* Currit vero tempus, tam si actione, quam si exceptione restitutio petatur, *cit. cap. 1.*, quamuis enim regulariter omnes exceptiones perpetuae sint; tamen haec regula locum non habet in iis, quae per modum actionis proponi possunt.

§. IV. Effectus postulatae in integrum restitutionis est, vt omnia in suo statu stare debeant, donec cognitio finiatur, *L. vn. C. in integrum restitut. postulata, ne quid noui fiat*: ideoque impeditur sententiae executio, perinde ac si appellatio interposita fuisset. Restitutione inde impetrata, omnia in pristinum statum reducuntur, laesio aboletur, & quisque quae sua sunt, recuperat, *L. 24. §. 4. D. de minoribus*; etenim restitutio impetrata non tantum impetranti prodest; verum etiam ei, contra quem conceditur, sua iura restituit.

C A P V T . XXX.

De apostasia.

§. I. **C**Rimina ex reglis nouae disciplinae vel ecclesiastica, vel ciuilia, vel mista sunt. Ecclesiastica fidem & religionem directe laedunt, eorumque natura ex canonibus determinatur, qualia apostasia, haeresis, schisma,

ſina, ſimonia, ſacramentorum profanatio, ſigilli ſacramentalis fractio, & huius generis alia. Ciuilia ſunt, quae directe laedunt rempublicam, nec aliquid habent ſpirituale, niſi criminis in foro interno abſolutionem & poenitentiam, qualia homicidium, peculatus, plagium, furtum. Et demum miſta, quae eodem tempore rempublicam & religionem laedunt, qualia eſſe dicuntur adulterium, concubinatus, ſodomia, ſacrilegium, ſortilegium, crimen uſurarum. In veteribus canonibus & decretalibus Gregorii ix. ſerme de omnibus criminibus tractatur, ſed quatenus ſpectat canonicas poenas, & eas quae in iudiciis eccleſiaſticis irrogabantur. Nos hic tantum de praecipuis eccleſiaſticis criminibus agemus, non uero de ciuilibus & miſtis: eccleſiaſtica enim crimina propria ſunt iuris canonici, eorumque natura tantum ex canonibus aeſtimatur & definitur.

§. II. Maximum inter eccleſiaſtica crimina apoſtaſia eſt. Generatim apoſtaſia eſt deſertio, apoſtata uero deſertor: at ſpeciali notione praefertim apud Graecos patres apoſtaſia denotat a fide chriſtiana, quam quis in baptiſmo profeſſus eſt, deſertionem. Quin latiore ſenſu apoſtaſiam etiam admittere cenſebantur catechumeni, qui a catecheſi deſciſcentes, ad aras & templa tranſibant, *L. 2. C. Th. de apoſtaſia*; licet longe maius crimen eſſet illuminatorum ſeu fidelium apoſtaſia. Nempe in veteri diſciplina catechumeni edito chriſtianae religionis ſuſcipiendae deſiderio generale chriſtianorum nomen conſequebantur, eorumque multi etiam finito catecheſis tempore baptiſmum uſque differebant, & interim tamquam chriſtiani in multis rebus habebantur. Vt uero apoſtaſia admit- tatur, ſufficit chriſtianam religionem reliquiſſe, nec requiritur ad aliam tranſitus: & proſecto apoſtatis peiores uideri poſſunt, qui Chriſto relicto nullam deinceps religionem profitentur, Deum non eſſe. impie delirantes.

§. III. In veteri eccleſiae diſciplina apoſtatae duplicis generis erant, alii enim ſponte ſua & taedio chriſtianae religionis adfecti, alii metu coacti a Chriſto deſiciebant. Et quod ſpectat ad uitroneos apoſtatas, ii uel ad ethnicoſ, uel ad Iudaeos, vnde ad Chriſtum conuerſi erant, ut plurimum tranſibant. Qui ad ethnicam ſuperſtitio-

nem

nem reuertebantur, a magistratibus vocati, vt plurimum Deorum imagines venerabantur, & Christo maledicebant: quae erat eiuratio christianae religionis ab ethnicis exigi solita, vt ex Plinio Iunior *lib. X. ep. 97.* constat, qui de christianis, qui sponte sua ad idola transferant, ita ad Traianum refert: *Omnes & imaginem tuam deorumque simulacra venerati sunt; ii & Christo maledixerunt.*

§. IV. Qui deserta christiana religione ad Iudaeos transibant, non omnes eiusdem conditionis erant. Alii nempe, christiana religione prorsus eiurata, Iudaicam amplectebantur. Alii christianam religionem non penitus abiiciebant, sed eam cum Iudaica commiscebant; & inde veluti hybridam religionis speciem comminisciebantur, quod Cerinthianos, Nazaraeos, Ebionaeos aliosque haereticos fecisse Augustinus *de haeresib. cap. VIII. seqq.* testatur. Alii demum nullum Iudaicae religionis dogma amplectebantur, sed in remotioribus quibusdam ritibus & consuetudinibus Iudaeis adhaerebant; ac ita in sabbato quiescebant more Iudaico; consilia cum Iudaeis agitant, eos adhibent ad recipienda phylacteria & amuleta pro morbis curandis, in quibus Iudaei peculiarem & potentioris artem possidere credebantur.

§. V. Venio nunc ad eos, qui metu coacti & vi tormentorum oppressi a religione christiana descisciebant, & proprio nomine *lapsi* dicebantur. Erant lapsi alii *thurificati*, alii *sacrificati*, alii *libellatici*: quae vocabula in operibus Cypriani saepe occurrunt. Thurificati dicebantur, qui diis *thure & vino supplicauerant*, vt Plinius Iunior *lib. X. ep. 97.* habet: thuris enim suffitus & vini libatio duae erant partes sacrificiorum, quae diis offerebantur, & inde euidentis desertae christianae religionis signum thurificatio habebatur. Sacrificati erant, qui *sacrilgis contactibus manus suas atque ora maculassent*, vt Cyprianus *ep. XV. al. XX. ad clerum Roman.* loquitur, hoc est carnes diis immolatas comederant: signum enim idololatriae erat idolothyta, seu res idolis immolatas, praesertim in templo comedere. Sed non omnes siue thurificati, siue sacrificati eandem apostasiam admittebant, maius enim, aut minus crimen ex adiunctis censebatur: intererat enim, vtrum lactu & vestibus pretiosioribus indu-

duti, & primo impetu fracti, an potius toti ad moestitiam compositi, & longioribus tormentis compulsi a Christo defecissent.

§. VI. Libellatici nec thure, nec sacrificio professam religionem deserebant, at rei erant apostasiae, quod libellis religionem abnegarent. Eorum tres species ex receptiore sententia videntur fuisse. Nonnulli magistratibus se non esse christianos aperte profitebantur, religionem suam vel voce, vel libellis negantes, seque idolis sacrificare paratos esse adfirmabant, si a magistratu iuberentur. Alii nec abiurabant, nec libellum abiurationis ipsi exhibebant, sed vel amicum ethnicum, vel seruum mittebant, ut ipsorum nomine sacrificaret, & hoc ipso libellum securitatis a magistratu ipsis impetraret, quasi fecissent, quod ipsorum nomine alii fecerant. Alii demum aperte Christum profitebantur, & perspicientes, quod praesidis ira pecunia & muneribus extingui posset, muneribus datis sibi libellos securitatis impetrabant, in quibus dicebatur, quod iam sacrificauerant, etsi id numquam fecissent. Primi & secundi generis libellatici veri apostatae erant; at qui professi christiana religione iram iudicis pecunia extinguebant, rei tantum erant, quod in libello diceretur, illos iussu praesidis sacrificasse. V. Kortold. *de persecut. eccles. primit. cap. VIII. §. 10. (a).*

§. VII.

(a) Apostatis proprie sic dictis accedebant, qui superstitiosos gentium ritus adiuvabant, vel imitabantur; hi enim idololatriae rei quodammodo erant, & veluti susceptae religionis proditores. Tales erant christiani, qui flaminis seu sacerdotis ethnici munus in se recipiebant, conc. Illiber. *can. III.*; flaminis enim munus erat populo exhibere ludos & spectacula, quae in deorum cultum edebantur, & ritibus idololatricis scatebant. Item omnes scenici, histriones, aurigae, qui currus in publicis spectaculis agitabant, tamquam fautores & adiutores idololatriae habiti, conc. Illib. *can. LXII. Arelat. 1. can. 4. & 5.*, theatrum enim & publici ludi partes erant pompae & cultus Satanae, cui christiani in baptismo renuntiabant. Eodem crimine se adstringebant idolorum artifices, quique aedificabant, vel ornabant gentium aras, & qui victimas & thus ad idololatriam usum vendebant. V. Bingh. *orig. eccl. lib. XVI. cap. 4.*

652 INSTITVT. IVRIS CAN. PARS III.

§. VII. Quod vero spectat ad poenas in apostatas ab ecclesia decretas, ii praesertim si idololatriae rei essent, ante Cypriani aetatem non solum ecclesia eiekti; verum etiam in sine vitae communione seu absolutione donari non solebant; quae seuerissima disciplina in ecclesiis Romana, Hispaniensi & Africana seruabatur. Tertullian. *de pudicitia cap. V.*, Conc. Illiber. *can. I.* Hac seueritate fideles ecclesia admonitos voluit, vt a lapsu summopere sibi cauerent; tempore enim persecutionis necessarium visum est intendere rigorem, *ne communionis concessa facilitas homines de reconciliatione securos non reuocaret a lapsu*, vt Innocentius 1. papa loquitur *epist. III. ad Exuperium*. Sed deinceps ab hac seueritate ecclesia desciiuit, & apostatis, qui poenitentia ducti ad religionem reuertebantur, absolutionem dedit. Hinc in canonibus varia poenitendi tempora longiora, aut breuiora praescripta sunt; quae varietas a varietate criminis & adiunctorum, quae illud comitabantur, dependet. V. Bingh. *orig. eccles. lib. XVI. cap. 4. §. 5.*

C A P V T XXXI.

De haeresi.

§. I. **H**AERESIS Graecum nomen est, quod sectam denotat, eaque voce Graeci & Latini scriptores etiam ecclesiastici & in bonam & in malam partem vtuntur. At frequentiore vsu in ecclesiasticis monumentis male sonat; quid vero proprie sit, difficile visum fuit veteribus patribus definire. August. *lib. de haeresib. in praef. (a)*. Interim expensis omnibus, quae haereticum ho-

(a) Huius difficultatis ratione idem Augustinus *ep. CXXII. ad Quodultideum* putat euenisse, cur Philastrius Brixienſis episcopus & Epiphanius de haeresibus scribentes, de haereseon numero non conuenerint. Ille enim haereses populi Iudaici ante
 natum

hominem constituunt, sic haeresis describenda videtur, est error in rebus fidei, quo homo christianus sciens prudens doctrinam aliquam, quam ecclesia catholica tamquam fide diuina credendam proponit, deserit; nouamque doctrinam sibi effingit. Tria ergo ad haeresim constituendam necessaria sunt. Vnum, christianus homo debet errare in fide: alterum, doctrina, quae negatur, debet esse ab ecclesia catholica ad credendum proposita: tertium, necessaria est scientia & pertinacia, qua christiana doctrina ab ecclesia proposita reiiciatur.

§. II. Quod spectat ad primum, ut haeresis dici possit, requiritur error in iis, quae doctrinae & fidei christianae sunt. Ergo ante omnia videndum, quae sit christiana doctrina, ut quidquid ei aduersatur, tamquam haeresis materia haberi possit. Continetur christiana doctrina in verbo Dei scripto, vel tradito; apostoli enim non omnia scripto consignarunt, sed multa etiam ore docuerunt, quae quasi per manus ecclesia accepit, & omni tempore docuit. Sed non omnia, quae continentur in verbo Dei, pertinent ad doctrinam religionis, sed tantum ea, quae ad dogmata fidei & morum regulas spectant: in rebus enim naturalibus verbo Dei comprehensis Deus locutus est linguam filiorum hominum: nec inde res physicae, geographicae, astronomicae, medicae certo deciduntur. V. Murator. *de moderat. ingenior. lib. I. cap. 23.*

§. III. Praeterea error in rebus fidei tum haeresis est, si pars illa verbi Dei, quam errans impugnat, ab ecclesia catholica tamquam fide diuina credenda proposita sit. *Illud omne & solum est de fide catholica*, inquit Veronius in *reg. fidei cathol. cap. I. §. 1.*, *quod est reuelatum in verbo Dei, & propositum omnibus ab ecclesia catholica fide diuina credendum.* Nimirum quum verbum Dei interpretatione indigeat; nequaquam haeresis dicenda est, si quis dis-

natum Christum viginti octo numeravit, post Christum vero centum viginti octo: hic vero vtriusque temporis haereses octoginta recensuit. Et tamen Epiphanius Philastrio doctior erat. Itaque in ea disceptatione, quid sit haeresis, non idem ambobus videbatur.

dissentiat ab aliqua doctrina fidei verbo Dei comprehensa, quando adhuc ecclesia catholica, cui doctrinae depositum concreditum est, illam non declarauerit & credendam proposuerit. Ex qua doctrina veteres patres tamquam veros haereticos habebant, quotquot conciliorum generalium definitionibus non adquiescebant, quod ecclesiae catholicae iudicium ex comitiis illis habebatur. Et quoniam depositum fidei integrius seruabatur in ecclesiis principibus & apostolicis, maxime in ecclesia Romana; hinc mos fuit veteribus, eos catholicos dicere, qui cum ecclesiis Romana, Alexandrina & Antiochena in fide consentirent, *L. 2. C. Th. de fide catholica (b)*.

§. IV. Item ad haeresis constitutionem pertinacia requiritur, ut nempe quis sciens prudens doctrinam, quam ecclesia catholica veluti in verbo Dei comprehensam & credendam proponit, abiiciat, & in oppositam sententiam pertinaci animo feratur. Nam si quis in fide per simplicitatem aut ignorantiam erret, putans esse de fide & ecclesiam ita tenere, nec dici, nec iudicari potest tamquam haereticus, *can. 29. C. 24. q. 3.* Quo spectat Augustini sententia, *errare possum, sed haereticus non ero*: quia scilicet non ero in errore pertinax, sed eo cognito in sinum matris me coniiciam. Hinc recte synodus Lateranensis sub Innocentio III. damnatis abbatis Ioachimi opinionibus, ipsum nihilominus ab haeresi absoluit: Ioachimus enim omnia scripta sua iudicio sedis apostolicae approbanda, aut corrigenda supposuit, *cap. 2. ex. de summa Trinitate & fide catholica*.

§. V. Nec tantum haeretici sunt, qui pertinaci animo

(b) Atque ex his omnibus intelligitur, cur olim complures patres dogmata nonnulla tenuerint, quae verbo Dei aduersantur, nec tamen inter haereticos relati sint. Sane ante exortam haeresim Arianam quidam ex patribus de Christo & sacrosancta Trinitate minus caute scripserunt; itemque multi veterum doctrinam de regno Christi mille annorum in terris tenuerunt. Nimirum ecclesia catholica nondum omnia ad Christum eiusque regnum pertinentia ventilauerat, nec apertis conceptisque formulis doctrinam christianam proposuerat.

mo doctrinis fidei contraria sentiunt, verum etiam qui in fide dubitant. *Dubius in fide infidelis est*, inquit Stephanus papa, seu quisquis sub eo nomine latet, *cap. 1. ex. de haereticis*. Sane qui sciens dubitat de fide ecclesiae catholicae, hoc ipso ex pertinacia peccat in fidem, quae docet, extra dubitationem esse, quae catholica ecclesia veluti fide diuina credenda proponit. Dubius vero in fide non tantum dicitur, qui de vniuersa christiana doctrina dubitat; verum etiam qui aliquem fidei articulum in dubitationem adducit.

§. VI. Propter crimen haeresis datur etiam crimen suspecti de haeresi, cuius rei sunt, qui ex coniecturis & indiciis in fide obstinato animo errare praesumuntur. Est vero suspicio de haeresi triplex, levis, vehemens & violenta. Levis deducitur ex signis externis operum, vel verborum, ex quibus raro admodum haeresis praesumi potest, veluti si quis semel haereticorum conuenticulis interfuerit. Vehemens desumitur ex argumentis saepe concludentibus, quae proinde iuris praesumptionem inducunt, & nisi contrarium probetur, fere plenam efficiunt probationem, veluti esus carniū die prohibito, & errorum prolatio in rebus fidei. Violenta demum suspicio operatur iuris & de iure praesumptionem, contra quam nulla admittitur probatio, & sufficit, vt quis tamquam haereticus damnetur, veluti si quis haereticorum conuenticula frequentarit, & si qui suspecti de haeresi nolint iureiurando se purgare, vel haeresim abiurare, & inde excommunicati per annum in excommunicatione persistent, *cap. 13. §. 2. ex. de haereticis, cap. 7. eodem in 6.*

§. VII. Multae in haereticos poenae tam ab ecclesia, quam a ciuili potestate statutae sunt. Et ecclesia quidem sollemne anathema in haereticos dixit, eosque christiana communione priauit. Id autem fecit ecclesia, vt christiani melius sibi ab haereticis cauerent; nam alioquin haeretici errorum monstros & perniciacia sua ab ecclesiae communione separationem fecerant. Praeterea ex ecclesiae regulis haeretici, si clerici sint, omnibus officiis ecclesiasticis priuantur, & perpetuo deponuntur; & generatim haeretici sunt a canone alieni, siue in haeresi baptizati sint, siue post baptismum in catholica fide acceptum.

ptum in haeresim inciderint; reuersi enim in catholicam ecclesiam tamquam laici recipiuntur, sacri ministerii in perpetuum expertes. Conc. Illiber. *can. LI.*, Innocent. 1. *ep. XVIII. ad Alexandr. Antioch.* Quin iure decretalium etiam liberi haereticorum paternae lineae vsque ad secundum gradum, maternae vsque ad primum ab omnibus ecclesiasticis beneficiis excluduntur, si parentes haeretici persistant, aut in haeresi decesserint, *cap. 15. de haereticis in 6.*

§. VIII. Poenae ciuiles a summis imperantibus in haereticos decretae plures sunt, & varii generis, nec omnes in cuiusvis sectae haereticos latae sunt. Generatim vero ex legibus Romanis haeretici infamia notati, item intestabiles facti, id est testamenti condendi in quamcumque personam criminis societate coniunctam, vel ex aliorum testamentis capiendi facultate spoliati. Item donandi, donationesque capiendi iure multi haereticorum privati: multi quoque poenae pecuniariae subiecti, nisi ad catholicam ecclesiam redirent. Et vt alias consimiles poenas mittam, iure Romano etiam nonnulli haeretici ultimo supplicio adfecti, quales Encratitae, Saccophori & Hydroparastatae, qui omnes Manichaeorum erroribus confpurcati erant, *L. 9. C. Th. de haereticis*: item qui quemquam de ministris ecclesiae catholicae rebaptizarent, tum & ipsi rebaptizati, si criminis per aetatem capaces essent, *L. 2. C. ne sanctum baptismus iteretur*. Auxit vero in haereticos seueritatem Fridericus II. imperator, qui haereticos omnes morte & igne persecutus est, si in haeresi essent peruicaces, haeresim inter publica crimina recensuit, & eorum bona publicari iussit, vt ex edictis apud Petrum de Vineis & Goldastum constat (c).

§. IX.

(c) Huiusmodi constitutiones ad imperium pertinent, at praeterea Fridericus peculiarem constitutionem in regno Siciliae vulturam edidit, qua easdem poenas contra haereticos proposuit. Exstat haec peculiaris constitutio in libris constitutionum regni sub titulo *de haereticis & patarenis*. Friderici aetate haeretici Occidentis generali nomine *Patareni* seu *Patardini* dicebantur, fortasse a patiando, quod dura quaeuis pati vellent ad suorum dogmatum defensionem; licet alii alias originationes praeferant.

§. IX. Quamuis vero poenae, quae salua vita in haereticos irrogantur, viles esse possint (d); tamen poena mortis cum ecclesiae doctrina & humanitate parum conuenit. Ecclesiae est disperfas oues Deo lucrari, ac proinde potius spatium ad poenitentiam & conuersionem haereticis deprecari, quam eorum accelerata morte spem conuersionis omnino amputare. *Nullis bonis in catholica ecclesia hoc placet*, inquit Augustinus *lib. III. contra Crescon. cap. 50.*, *si usque ad mortem in quemquam, licet haeticum, saeuatur*. Quod si olim ob haeresim aut alias ecclesiasticas causas magistratus reos capite damnarint, aut imperatores legibus suis in haereticos poenam mortis statuerint; iudicia & leges istas numquam ecclesia probauit. Et si in posteriori disciplina ecclesiastici iudices reos haeresis magistratibus morte puniendos tradere consueuerint, vitia ista sunt hominum, non ecclesiae.

§. X. Iam si haeretici poenitentia ducti in sinum catholicae ecclesiae reuerti velint, recipiuntur quidem, sed ante omnia ex veteribus institutis peruersam doctrinam debent eiurare, & catholicam fidem profiteri. *Conc. Nic. can. VIII.*, *conc. Constantinop. i. can. 7.* Facta eiuratione, qui in haeresi nati & baptizati erant, recipiebantur non per poenitentiam, sed per manuum impositionem, & si in haeresi chrismate vncti non essent, etiam per sacri chrismatis vnctionem. *V. Petr. de Marca not. in conc. Clavomont. can. XXVIII.* Ex veterum enim sententia baptismi apud haereticos suscepti efficacia in suspenso

Part III.

T t

spenso

(d) Nimirum haeretici harum poenarum metu perterriti melius in rationes suorum dogmatum inquirunt, & ita doctiores facti in sinum ecclesiae reuertuntur. Constat quidem, multos inter angustias & afflictiones bonam mentem induisse, quod malis veluri excitati acrius in res suas animum intenderint, easque nullo fundamento nixas inuenerint. Ipse Augustinus, qui vim adhiberi ob errorem Donatistis initio aequum non esse putabat, inde experientia victus agnouit, viles esse contra haereticos poenas pecuniarias. *August. epist. L. ad Bonif. epist. LXVIII. ad Iannar.*

658 INSTITVT. IVRIS CAN. PARS III.

spensio erat, & tum demum operabatur, si haeretici, depositis erroribus, ad ecclesiae vnitatem reuerterentur. August. *de bapt. lib. VI. cap. 9.*, Gregor. M. *lib. IX. ep. 61.* Hinc ubi in haeresi baptizati ad ecclesiam catholicam transibant, per baptismi olim suscepti vim gratia implebantur, nec poenitentia indigebant. Contra qui baptizati & educati in fide catholica in haeresim lapsi essent, si in catholicam reuertebantur, per poenitentiam recipi solebant. Bingh. *orig. eccles. lib. XVI. cap. 6, §. 17. seqq.*

C A P V T XXXII.

De schismate.

§. I. **S**chisma etiam Graecum nomen est, & scissuram seu diuisionem denotat. At in re ecclesiastica schisma stricte sic dictum est dissociatio vnitatis ecclesiasticae ex intestinis discordiis contingens, integra tamen christiana doctrina remanente. Hinc Pelagius papa recte ait, *schismaticos corpus Christi, hoc est sanctam ecclesiam, lacerare, can. 43. C. 23. q. 5.* Quod vero schisma integram relinquit ecclesiae doctrinam; hinc schismatici proprie haeretici non sunt, *can. 26. C. 24. q. 3.* at schisma, si diu ecclesiam dilaceret, in haeresim solet degenerare; nam peruicaciae continuatio ecclesiae auctoritatem contemnit, ipsique schismatici obstinato animo profitentur, extra ecclesiae vnitatem esse posse salutem: quod ecclesiae catholicae doctrina non patitur. Quin Hieronymus *cit. can. 26.* obseruat, schismaticos proprium aliquod dogma sibi conficere solere, vt recte ab ecclesia recessisse videantur.

§. II. Quod vero schisma ecclesiae vnitatem abrumpit, & vnitas ecclesiae in eo consistit, quod cum sua quisque ecclesia, & ecclesiae ipsae particulares inter se coniunctae & subordinatae esse debent; hinc veluti duo schismatis genera constitui possunt, internum vnum, alterum externum. Et internum quidem, si quis ab ecclesia

clesia sua secessionem faciat, eamque excitatis turbis in diuersos coetus dissoluat. Ita dissidii interni reus censetur presbyter, qui contempto episcopo suo seorsum congregationem faciat, & aliud altare figat, *can. apost. XXXII.* Separationem istam presbyteri ab episcopo suo *schismaticorum ortus atque conatus* Cyprianus *ep. LV. al. LIX. ad Cornel.* appellat. Tum vero ex veterum sententia schismaticus est presbyter, qui ab episcopo suo seorsum congregationem facit, si ob contemptum, aut inuidentiam, aut auaritiam separatio contingat; nam si episcopus in pietate & iustitia peccet, christiani a peccatore praeposito recte se separabunt. *Cypr. ep. LXVIII. al. LXVII.*

§. III. Externum schisma est, vbi ecclesiae particulares, quae mutuis foederibus & subordinatione inter se connexae sunt, communionem inter se propter intestinas discordias abruptunt, nec amplius vnā maiorem ecclesiam componunt, sed potius tot coetus, quot sunt ecclesiae, inuicem dissidentes. Atque hoc schisma tum vniuersale est, si ecclesia aliqua, seu aliqui christiani ab vnitāte totius ecclesiae catholicae recedant, quales fuerunt olim Donatistae. Censentur vero recessisse a communione totius ecclesiae, qui recedunt ab omnibus, aut maxima parte particularium ecclesiarum, quae ecclesiam catholicam componunt. Qua ratione Optatus Mileuitanus *lib. I. aduers. Parmenian.* Donatistas schismaticos esse probat, quod ab ecclesiarum totius orbis communione discesserant. *Videndum est, inquit, quis in radice cum toto orbe manserit, quis foras exierit (a).*

T t 2

§. IV.

(a) Quoniam vero ecclesia Romana centrum est ecclesiasticae vnitatis, eiusque antistes reliquorum episcoporum caput est constitutus ad schismatum occasiones tollendas, vt habet veterum patrum doctrina; profecto schismatici dici non possunt, qui summo pontifici tamquam capiti totius ecclesiae adhaerent, & ei communione iunguntur; & contra schismatici audiunt, qui ab eo vnitatis centro recedunt. Sed si qui cum ecclesia Romana, vt particularis ecclesia est, non communicant, nequaquam tamquam vniuersalis schismatis rei argui possunt, modo cum aliis ecclesiis communionem foueant, quod Nicolius *de vnitāte eccles.*

660 INSTITVT. IVRIS CAN. PARS III.

§. IV. Quod spectat ad poenas contra schismaticos, ecclesiae canones de schismate & haeresi eodem ferme modo loquuntur, & utrosque iisdem ferme poenis adficiunt. Etenim licet schisma possit esse sine haeresi, tamen ut plurimum haeresim coniunctam habet, aut in eam erumpit. At si schisma purum est, canones apostolici deponunt clericos, qui ab episcopo suo separationem faciunt, laicos vero extra ecclesiae communionem proiciunt; *can. apost. XXXII.*, nec desunt canones, qui clericos schismaticis reos excommunicatione plectunt, *can. 43. C. 23. q. 5.* Ordinationes quoque a schismaticis & haereticis factas, & dignitatum & beneficiorum concessionem, & alienationes bonorum ecclesiasticorum ecclesia transfixit, & omni effectu carere voluit, *cap. 1. ex. de schismaticis.*

C A P V T XXXIII.

De simonia.

§. I. **P**roximum haeresi crimen ecclesiasticum simonia est, qua res spirituales & sacra officia non gratis, sed per pecuniam conferuntur nefario prorsus commercii genere, quo Dei dona inaeestimabilia in turpem quaestum adducuntur contra expressam Christi sententiam, qua voluit, ut gratis accepta spiritualia dona apostoli gratis elargirentur: *gratis accepistis, gratis date.* Originem habet hoc crimen a Simone mago, qui ab apostolo Petro Spiritus sancti dona sibi emere volebat, deinceps ve-

ro

eccles. lib. II. cap. 10. & Espenius part. III. tit. 4. cap. 2. docent. Quo sensu schismatice fuisse non videntur Asianae ecclesiae, quae ob dissidium de tempore celebrationis paschae ab ecclesiae Romanae communione per Victorem pontificem exclusae sunt. Etenim etsi Asiani non communicabant cum ecclesia Romana, tamquam particulari ecclesia; tamen cum plerisque aliis ecclesiis etiam Occidentis in communione perliterunt.

ro semper infecit ecclesiasticos: praesertim post datam christianis pacem, quando ecclesia dives, potens & honorata euasit, simonia frequentior facta est; nam tribus primis saeculis quando nullis diuitiis auctae erant ecclesiae, & officia ecclesiastica plus oneris, quam commodi inuehebant, admodum rara esse debuit simonia.

§. II. Communis est apud doctores nostros simoniae partitio in eam, quae perfecta vtrimque est, conuentionalem, & mente conceptam. Quae perfecta vtrimque est, admittitur, si reapse per pecuniam spiritualia data sint, & pecunia itidem numerata. Conventionalis pacto constat, ut si pactum initum sit de danda re spirituali non gratis, & nulla vel tantum ex vna parte traditio accesserit. Mente vero concepta est simonia, si quis per simulationem officii rerum spiritualium dispensatori aliquando offerat spe beneficii ab eo impetrandi: quae simonia quum interius lateat, solum Deum vindicem habet, cap. 33. *¶ seq. ex. de simonia (a).*

§. III. Quando autem ut simonia admittatur, spiritualia per pecuniam dari debent, quid rei spiritualis, quid pecuniae nomine in hac causa veniat, explicandum est. Et rei spiritualis nomine veniunt proprie sic dicta spiritualia, qualia dona miraculorum, Spiritus sancti gratia, potestas ecclesiastica, & sacramenta, quibus Deus salutem nostram operatur. Item spiritualia sunt consecratio ecclesiarum, sacrarum virginum, professio religiosa, sepultura ecclesiastica, ministeria ecclesiae suis redditibus instructa, & sacra omnia officia. Praeterea inter spiritualia censentur, quae tantum lato sensu spiritualia dici possunt, & veluti per reductionem, veluti pallii archie-

T t 3

pisco-

(a) His speciebus addunt simoniam, quae per confidentiam fieri dicitur, veluti si beneficium recipiam eo pacto, ut fructus illius alteri reddam, aut certo post tempore titulum restitutam, aut si usque ad certam infantis aetatem in amici alicuius fide beneficium deponam, ut illud adulto resignet: in omnibus his speciebus pactio, fiducia quadam innixa, continetur, & de rebus spiritualibus pacisci simoniacum censetur, cap. 5. *ex. de rer. permutatione.*

piscopalis datio, & in beneficiis electio & praesentatio. Tam late patet notio rei spiritualis, atque ideo qui vel spiritualia proprie sic dicta, vel spiritualibus adnexa pretio elargitur, vel adquirere praesumit, simoniacus est (b).

§. IV. Nomine pecuniae in caussa simoniae non venit tantum pecunia numerata, sed quidquid pretio aestimatur; semper enim verum est, rem spirituales non gratis dari, vbi non propter merita accipientis, sed propter aliquod temporale commodum confertur. Hinc veteres patres in primis Hieronymus & Gregorius M. docuerunt, tria esse, quae in materia simoniae pecuniae nomine veniunt, *munus a manu, munus a lingua & munus ab obsequio*, can. 6. C. 8. q. 1. & can. 114. C. 1. q. 1. Sane horum quodlibet vel ipsa pecunia est, vel eius vicem subit. Et quidem munere a manu continetur pecunia strictè sic dicta, seu omne id, quod homines in terra possident. Munus a lingua fauor est, veluti si aliquid spiritualis eis detur, *pro quibus maiorum quisquam rogauerit*, vt loquitur Hieronymus in *cit. can. 114*. Fauor autem & gratia apud homines & maxime potentes pretio & quidem summo aestimatur; experientia enim compertum est, saepe plus valere gratiam & fauorem potentiorum, quam summos & honestos labores. Munus ab obsequio est seruitus indebite impensa: seruitia vero pretio

(b) Quamuis vtro tam late pateat simoniae materies; tamen nullibi frequentius vitium hoc admissum est, quam in sacris ordinationibus & ecclesiasticis beneficiis: saeculi enim commoda inhiant in ecclesia homines profani, quae praesertim ex sacris ordinibus & beneficiis consequi posse credunt. Interest autem inter veterem & nouam ecclesiae disciplinam: namque in veteri disciplina damnantur simoniacae ordinationes, nulla ferme facta beneficiorum mentione: contra in noua saepe damnatur simonia in beneficiis, raro in sacris ordinationibus. Nimirum per decem ferme priora saecula clerici in ordinatione ius ad prouentus ecclesiasticos adquirebant: inde ordinatio ministrorum a beneficii collatione separata est, & ordinatio tantum potestatem spirituales contulit; ius vero ad temporalis beneficio adhaesit.

tio aestimantur. Itaque si spiritualia dentur, siue propter pecuniam, siue ad fauorem potentiorum promerendum (c), siue propter indebita seruitia, semper verum est, non gratis, sed per pecuniam data fuisse.

§. V. Verum serio distinguenda sunt sponte oblata ab iis, quae in eum finem dantur, vt recipiantur spiritualia. Sponte oblata in rerum spiritualium administratione recte accipiuntur, quod Thomassinus *de vet. & noua eccles. discipl. par. III. lib. 1. cap. 69. seq.* pluribus exsequitur; sunt enim potius medium, quo sacri ministri vitam sustentant, quam rerum spiritualium pretium. Christus apostolos suos ad praedicandum euangelium misit, postquam illi terrena omnia reliquissent. Hinc voluit, vt de euangelio viuerent, non quod eis temporalia, quasi sui ministerii merces, iure deberentur; sed potius quod defutura non essent media, quibus viuere possent. Ex qua doctrina siue in administrandis sacramentis, siue in aliis ecclesiasticis officiis sponte oblata quouis tempore sine vitio ecclesia recepit. Eodem cum sponte oblati iure censentur redditus ecclesiastici, quos propter officium ecclesiae ministri percipiunt; sunt nimirum redditus isti media vitae sustentandae, non pretium rerum spiritualium, nec merces laborum, qui in ecclesiae ministeriis impenduntur. Quae quum ita sint, certe profani sunt clerici illi, qui redditus ecclesiasticos sibi debitos pro laboris mercede credunt.

§. VI. Quamuis autem sponte oblata in administrandis sacramentis & reliquis sacris officiis. accipere simoniacum non sit; tamen omnis auaritiae turpisue quaestus suspicio ab altaris ministris procul esse debet. Hinc synodus :

T t 4

nodus :

(c) Quod si preces potentiorum tantum moueant antistites, vt in merita commendatorum inquirent, & inde tantum ob vera merita conferant ecclesiastica officia, alias non daturi, nulla est simonia, quamuis preces intercesserint: quae est S. Thomae doctrina 2. 2. q. 110. Qui etiam recte tenet, simoniacum apud Deum esse, qui confert quidem digno res spirituales, si id faciat potius fauore precum, aut timore rogantis, quam meritis accipientis.

nodus Illiberitana *can. XLVIII.* statuit, ne de more catechumeni tempore baptismi numos in concham mitterent, ne sacerdos, quod gratis accepit, pretio distrabere videatur. Non malum, sed mali species canonici dedit occasionem: adeo scilicet ab omni auaritiæ & turpis lucrisuspensione ecclesiæ ministri liberi & immunes esse debent. Qua ratione Tridentini patres in sacris ordinationibus nec sponte oblata ab episcopis eorumque ministris accipi voluerunt. Trident. *ses. XXI. de res. cap. 1.* Cui disciplinæ adhaerens S. Carolus statuit, ne quis presbyterorum pro administrandis sacramentis ne obtentu quidem elemosynæ quidquam accipiat, teste Iussano in *vit. S. Caroli lib. VIII. cap. 4.* Et bene profecto esset, si legitima auctoritate saltem in ecclesiis, quæ statos redditus possident, abolerentur consuetudines omnes, quæ in administrandis sacramentis, in danda mortuis sepultura & aliis sacris officiis aliquid offerre præcipiunt.

§. VII. Iam vero ut admittatur simonia, non requiritur, ut accipiens spiritualia datæ in eum finem pecuniæ conscius sit; sed sufficit, ut collator spiritualium illam acceperit, quicumque tandem sit, qui donet, *can. 3. C. 1. q. 5.* Hinc electio aliæ collatio beneficii ipso iure nulla est, si quocumque modo simoniaca fuerit, etiam si ipse beneficiarius vitium ignoret; *cap. 27. ex. de simonia.* Sane semper verum est, non gratis dari ecclesiæ ministeria, si collator aliquid acceperit, etiam inscio beneficiario, qui in hac specie tantum nullius culpæ reus est. Verum si qui dederint temporalia, id fecerint in fraudem & dispendium eius, qui eligendus erat, electio sustinetur, quum malitiis hominum non sit indulgendum, *cit. cap. 27.*, licet alias qui temporalia acceperint, simoniæ rei sint.

§. VIII. Nunc sophismata & larvæ, quibus simoniaci suam prauam agendi rationem tegere studuerunt, aperiamus oportet: profani enim homines, qui alias in simoniam proclives sunt, ne nundinationis donorum divinorum facile conuincerentur, mysteria quædam verborum & larvæ excogitarunt, quibus seipso excusarent, & simoniam, ut nostri loqui amant, *palliant.* Sed sophismata ista pereunt omnia ad Christi doctrinam colla-

ta; *gratis accepistis, gratis date*. Harum astutiarum illa videtur antiquissima, qua sub specie pietatis tegitur simonia; ubi videlicet temporalia pro spiritualibus accipi dicuntur, ut illa in usus pietatis, veluti in eleemosynas & ecclesias aedificandas, impendantur. At qui ita spiritualia administrat, licet alias pietatem intendat, certe non gratis elargitur. Et deinde non licet peccata gravissima admittere, ut pietas exerceatur. Ut enim recte Gregorius M. observat, *aliud est propter peccata eleemosynas facere, aliud propter eleemosynas peccata committere*; *can. 27. C. 1. q. 1.* Illud nempe tamquam iustum & pium semper commendavit ecclesia; hoc vero tamquam nefarium semper damnavit.

§. IX. Non minus speciosa est illa simoniae larna; qua temporalia dari dicuntur non propter ipsa sacra ministeria, sed pro opibus & redditibus, qui inde percipiuntur. Ita quidam capellani Gothofredi ducis apud Petrum Damianum *lib. 1. ep. 13. & lib. V. ep. 13.* se non esse simoniacos dicebant, quod non ipsum sacerdotium, sed possessionem praediorum pecunia redemerant. Sed quum redditus ecclesiastici sacro ministerio adhaereant, & inde pendeant; (beneficium datur propter officium) qui penitiam pro ipsis redditibus donat, & pro ipso ecclesiastico officio dedisse confetur. *Quisquis horum alterum vendit*, inquit Paschalis papa in *can. 7. C. 1. q. 3.*, *sine quo nec alterum provenit, neutrum inuenditum derelinquit*.

§. X. Praeterea non defuerunt scriptores, qui nullam simoniae labem esse docuerunt; si pecunia non tamquam pretium rei spiritualis, sed potius tamquam honorarium, vel tamquam causa impellens detur, nimirum ut dispensator spiritualium ad dandum excitetur & moveatur. Sed apage manifestas iniquitates. Sane admissa hac doctrina, in ecclesia prorsus nulla esset simonia: quilibet nempe daret non tamquam pretium, sed potius ad impellendum collatorem, & ad gratum animum demonstrandum. Ad haec, rationes, unde moveri debent ecclesiae ministri ad dispensanda spiritualia, non sunt lucra temporalia, sed personarum merita & ecclesiae utilitas. Et qui spiritualia ex doctrina ecclesiae procurant, a Deo tantum promotionis suae praemium debent expectare.

§. XI. Inter lartuas, quibus simonia tegitur, etiamp referri solet redemptio vexationis, qua temporalia dari dicuntur, ne ad obtinendam consecrationem siue beneficium opponatur impedimentum. Hac in re videtur distinguendum, num ille, qui impedimento est, ius habeat, vel non habeat ad spiritualium collationem. Si primum, vera est simonia; pecunia enim datur ei, qui partem habet in rei spiritualis administratione, *cap. 23. ex. de simonia*. Si alterum, nulla videtur esse rerum sacrarum nundinatio: etenim qui alteri, a quo spirituale non consequitur, pecuniam dat, ne impedimento sit ad rei spiritualis acquisitionem, gratis accipit, maxime si ius perfectum adquisierit; licet ille, qui ne impedimento sit, pecuniam accipit, iniuste faciat. Quoniam vero in hac specie latere simonia potest, & periculosum est, nos in re nostra iudices sedere, scite S. Carolus nemini licere statuit, *ad redimendam vexationem ne in casibus quidem iure permissis pecuniam dare, quidquamue pacisci, aut transigere, nisi episcopi consensus accesserit*. *Conc. 1. Mediol. tit. de constitut. contra simoniacos*.

§. XII. Poena contra simoniacas ordinationes secundum veteres canones est depositio contra clericos, tum ordinantes, tum ordinatos; excommunicatio vero contra laicos tanti criminis sequestres & interpretes. *Conc. Chalced. can. II.*, *Aurelian. II. can. 4.*, *Trullan. can. XXII*. Sed vnus ex sic dictis canonibus apostolorum etiam ab ecclesiae communione ordinantem & ordinatum exturbar, *can. apost. XXX*. Depositio ista clericorum perpetua erat, nec per poenitentiam licebat simoniacis amissos gradus recuperare, *can. 5. C. 1. q. 7*. Et quid quaeso iustius, quam vt gradu & ordine suo perpetuo caderet, qui illum in quaestum abiecit, & existimauit, sacerdotii gratiam per pecuniam posse adquiri? Sic vero depositi simoniaci in monasterium sub perenni poenitentia detrudebantur, *can. 7. C. 1. q. 1*. idque ex veteri disciplina, quae depositos clericos monasteriis ad poenitentiam includebat.

§. XIII. Perpetua depositio in antiquis canonibus proposita proprie spectabat simoniacas ordinationes, quibus olim beneficia erant adnexa; at vbi beneficia seorsum ab ordinibus conferri coepta sunt, depositio etiam adprehendit

sunt simoniacas beneficiorum collationes, eoque veteres canones extensi sunt, *can. 9. C. 1. q. 3.* Quin collationes beneficiorum per simoniam omnino nullae sunt & inanes, *extrauag. 2. de simonia inter communes*: idque locum habet, tam si utrimque simonia perfecta sit, quam si conventionitatur, *can. 5. C. 1. q. 3.*, ac siue pecunia ab ipso electo, siue ab eius amicis & parentibus eo ignorante data sit, vel promissa, *cap. 27. ex. de simonia*. Hinc tenentur simoniaci dimittere beneficia, quae nullo iure tenent, & suos non faciunt fructus, si quos interim percipiant.

§. XIV. Vetus depositionis poena, qua ordinantes & ordinati per simoniam perpetuo adiciebantur, in noua disciplina desuevit, eiusque loco suspensio successit. Et ordinantes quidem iure decretalium suspenduntur a quorumcunque ordinum collatione per triennium; ordinati vero ab ordinis suscepti usu, quousque veniam a summo pontifice impetrauerint, *cap. 45. ex. de simonia*. At ex decretali Pii v. *cum primum* qui ordinati sunt per simoniam, ab ordinum exercitio sunt ipso iure suspensi per decennium, & carceribus ad annum mancipantur. Item in noua disciplina simoniaci omnes, etiam tanti criminis sequestres, excommunicationi latae sententiae summo pontifici reseruatae subiiciuntur, *extrauag. 2. de simonia inter comm.* Remissus fuit depositionis rigor ex frequentibus indulgentiis, quas in magna peccantium multitudine summi pontifices & episcopi concesserunt, ut per simoniam ordinati gradus suos recuperarent, quod Christ. Lupus *diff. de simonia cap. ult.* obseruat.

CAP V T XXXIV.

De poenis & censuris ecclesiasticis generatim.

§. I. **E**Cclesia, quae hominum societas est ad spiritua-
lem animarum salutem instituta, certe iure di-
vino potestatem habet poenas fini suo congruas irrogan-
di.

ti. Sane apertis constat apostoli verbis, in ecclesia esse regimen aliquod a Christo institutum, & apostolis demandatum, *Act. XX. 28.* : regimen vero omni coactione destitutum nullius usus est. Deinde Christus conceptis verbis ecclesiae suae ius infligendarum poenarum concessit, dum ei clauces communicauit, quibus solueret & ligaret, & in fontes animaduerneret. *Matth. XVIII. v. 15. seqq. (a).*

§ II. Verum enimvero poenae ecclesiasticae longe differunt a poenis civilibus, quae hominibus nequam in ciuitate irrogantur: illae spirituales sunt, vtpote quae tantum animarum & ecclesiae salutem respiciunt; istae vero corporales sunt, & praesentis vitae commodis priuant. Ex societatum finibus poenas, quibus illae reguntur & sustinentur, metiri oportet. Qui in ciuitatem coalescunt, praesentis vitae commoda intendunt & securitatem: qui vero coalescunt in ecclesiam, alterius tantum vitae, quae tota spiritualis est, acquisitione tanguntur. Hinc civiles poenae terrorem & dolorem in delinquentes inferunt, atque bonis, aut iure ciuitatis, aut vita priuant, & per equuleos, vngues, laminas, laqueum, carnales exercentur. Contra ecclesiasticae animam; non corpus adficiunt, & quae iis inest coactio, potius in priuatione alicuius boni ad religionem pertinentis, quam in irrogatione corporei mali consistit (b). Et recte spiritua-

lium

(a) Atque ex his constat, diuinae institutioni aduersari Pfaßium & Boehmerum, qui contendunt, ecclesiam nulla iurisdictione, nullo sacro imperio ex Christi institutione ad poenas irrogandas auctam esse, poenasque ecclesiasticas initio veras poenas non fuisse, sed potius paenitentias, ex confederata disciplina pendentes, qua initis pactis christiani se adstringebant ad societatis leges sancte seruandas, eosque iure fraternitatis & officio priuandos, qui ex regulis societatis non viuerent.

(b) Itaque coactio, quam in puniendo adhibet ecclesia, non est proprie sic dicta vis externa, sed potius vis indirecta, qua boni spiritualis priuatione delinquentes coguntur. Ecclesia, vtpote civili imperio destituta, vim facere non potest. Hinc hortatur, suadet, docet; & ubi exhortationes ad frangendam contumaciam non sufficiunt, contumaces extra communionem prouicit,

lium poenarum ratione ecclesiae potestatem Cyprianus *gladium spirituale* dixit *ep. LXII. al. IV. ad Pompon.* Itaque poena ecclesiastica natura sua est irrogatio mali spiritualis, quod iure sacerdotii infligitur christianis inuitis ob delictum admissum in punitionem & emendationem delinquentis, & ecclesiae salutem.

§. III. Poenae ecclesiasticae alio nomine *censoe* dictae sunt (c), & origine sua continentur omnes in privatione ecclesiasticae communionis, qua ex veteribus regulis delinquentes vel in totum ecclesia, tamquam ethnici & publicani, eiiciuntur, aut sacro ministerio in perpetuum, vel ad tempus cadunt, aut alias communibus precibus & eucharistiae participatione prohibentur. Item poenitentiae, quae peccatoribus inuitis irrogantur, sunt vere

icit, & Satanae relinquit: quae profectio per indirectum coactionem continet. Nihil quippe tam debet formidare christianus, quam priuari iure fraternitatis, quae ecclesiastica omnia bona impertitur. Atque ex hac doctrina intelligendi sunt veteres patres, qui hoc inter reges & episcopos discrimen ponunt, quod illi *volentibus*, hi vero *volentibus* imperent. Hieronym. *epist. III. ad Nepotian.*, Chrysost. *hom. ult. ad Hebraeos*. Nimirum ideo volentibus ecclesiam imperare veteres patres tenent, quod illa vi externa destituitur; nam alias ecclesiasticae poenae sui generis coactionem continent.

(c) Si rem in origine sua attentius spectemus, apparebit, poenis ecclesiasticis *censoe* nomen potius convenire. Censura apud Romanos in privatione iuris, vel dignitatis consistebat; etenim notatio censoria procedebat, ut qui senator esset, senatu eiiceretur, qui eques equum publicum perderet, qui plebeius in Caeritum tabulas referretur. Nota ista censoria species erat poenae, seu coactionis, quae ad vitia legibus non interdicta spectabat, eratque in ciuitate recte instituta omnium magistratum sententiis acerbior, quod Bodinus *de republ. lib. V. cap. 26.* obseruat. Huiusmodi naturae origine sua sunt poenae ecclesiasticae, quae vel iure fraternitatis, aut communionis precum & eucharistiae, aut dignitate omnino priuant. Cererum in ecclesia praeter censuras non erant aliae poenae canonibus comprehensae, qua in re a republica ecclesia distabat.

verae poenae, iisque peccatores communibus precibus & eucharistiae participatione excludebantur. Poenalia vero opera libenter suscepta & tolerata verae poenae dici vix poterant, iisque potius ipsius criminis malitia eluebatur, quam delinquentis frangebatur contumacia: poena enim id natura sua postulat, vt imponatur inuitis.

§. IV. Suis finibus adstricta diu stetit potestas ecclesiastica, atque ideo spiritualibus poenis contenta a civilibus abstinuit. Hinc si quando intelligebant episcopi, opus esse civilibus poenis, vel ad cohibendos haereticos, vel ad clericos & laicos in officio continendos, eiusmodi poenas ab imperatoribus exorare consueverunt, *can. 62. & 93. C. Afr.* Verum labentibus annis scena mutata est, & in ecclesiasticis regulis passim additae poenae civiles, quibus delinquentes infamia notantur, aut priuatione civilis dignitatis puniuntur: cuius generis poenae in falsis decretalibus saepe occurrunt (d). Quin nonnullae poenae ecclesiasticae speciem civilium poenarum induerunt, idque sensim contigit, postquam ecclesiasticae poenae in foro externo per iuris ambages irrogatae sunt.

§. V. Apud veteres patres admodum simplex & plana de poenis & censuris ecclesiasticis loquendi ratio: nec illi poenas a censuris & irregularitatibus scrupulose distinguunt, quin potius censuras & poenas promiscue solent vsurpare. At postquam scholastica philosophia rebus sacris intexta est, de poenis & censuris ecclesiasticis per logicas subtilitates disputari coeptum est, inualuitque tandem

(d) Videtur huic mutationi multum contulisse canon synodi Carthaginienensis anno cccci. celebratae, qui in alienum sensum detortus est. Genuinus canon exstat in *C. Afric. can. 62.*, & ab imperatoribus petendum decernit, vt poena damni, pecuniae atque honoris statuatur in eos, qui damnatos clericos defenderent. At canon iste a falsariis mediae aetatis corruptus est, & quod petendum erat a principibus, veluti a synodo decretum exhibuit. Hinc factum docet Petrus de Marca *de collect. canon. cap. VIII. n. 6.*, vt plures mediae aetatis pontificum constitutiones damno honoris & priuatione dignitatum adficiendos inbeant, qui suis decretis reluctati fuerint.

dem doctrina, poenas ecclesiasticas stricte sic dictas distinguere a censuris; censuras esse tantum tres, excommunicationem, suspensionem & interdictum; irregularitates esse impedimentum canonicum, non censuras. V. Morin. *de administr. poenit. lib. VI. cap. 25. n. 12.* Huic nouae doctrinae causam videtur Innocentius III. dedisse, qui interrogatus quidnam nomine *censurae* in rescriptis apostolicis intelligeretur, respondit, per eam non solum interdici, sed & suspensionis & excommunicationis sententiam intelligi, *cap. 20. ex. de verbor. signif.*

§. VI. Hac recepta distinctione solliciti fuerunt theologi scholastici & decretalium interpretes, propriis notis & characteribus poenas ecclesiasticas & censuras describere, qua in re inter omnes non conuenit. Communior tamen & receptior sententia ita habet, poenam ecclesiasticam esse priuationem bonorum spiritualium, quae in criminis punitionem fontibus infligitur; censuram vero esse priuationem aliquorum spiritualium bonorum, quae ad rei emendationem irrogatur. Ita inter se conueniunt poena ecclesiastica & censura, quod utraque priuat vsu spiritualium bonorum; distant vero, quod illa in punitionem & vindictam criminum; ista vero imponitur in emendationem & medicinam: item illa natura sua perpetua est; haec vero, utpote in emendationem imposita, ab ecclesiastica potestate iure ordinario tolli potest. Ex quibus notis constat, censuras degenerare in poenas, si non in emendationem, sed in punitionem criminum irrogentur.

§. VII. Poenae ecclesiasticae ex veteribus regulis in eodem foro, quo christiani a criminibus soluebantur, irrogari solebant. Vt enim recte vidit Morinus, forum ecclesiasticum, quod ad criminum punitionem eiusque medelas spectat, in veteri disciplina vnum fuit, in quo idem siue episcopus, siue presbyter poenas irrogabat, & a peccatis & irrogatis poenis soluebat, idque vi potestatis clauium, quae sacerdotio cohaerebat. Sed ubi forum externum ab interno & sacramentali separatum est, irrogatio censurarum earumque relaxatio ad forum externum coepit pertinere: & simul receptum, auctoritatem fori externi & iudicialis nec rationem sacramenti, neque remissionem culpae in foro interno, attingere, sed tantum ad ligamen

672 INSTITVT. IVRIS CAN. PARS III.

ligamen & relaxationem in foro externo spectare : & absolutum in sacramento poenitentiae adhuc remanere fori externi vinculis irretitum , donec in foro iudiciali censura relaxetur . Cumque tantum inter se distarent duo ista ecclesiae fora , theologi etiam docuerunt , forum internum potestate ordinis stricte sic dicta niti ; forum externum sola iurisdictionis potestate armari ; nec ad exercendam iurisdictionem satis esse , vt quis in foro interno remittendi & retinendi peccata habeat potestatem .

§. VIII. Quando autem irrogatio censurarum in noua disciplina potestati clauium , quae in foro exteriori exercetur , adhaeret ; illi tantum censuras licet infligere , cui vel proprio iure , vel alterius delegatione iurdictio ecclesiastica in foro exteriori competit . Ita dubium non est , posse episcopos , licet non consecratos , sed tantum confirmatos censuras ferre , quod secundum nouam disciplinam confirmationem episcopis iurisdictionem tribuat . Quia potestas irrogandarum censurarum etiam simplici clerico , utpote qui ecclesiasticae iurisdictionis capax est , competere potest , veluti si ab episcopo vicarius generalis constituitur . Quod vero ordinis clericalis omnino expertes exercitii spiritualis potestatis , quae ab iure clauium descendit , omnino incapaces sunt ; nec laici , nec feminae , etsi alias in ecclesiastica dignitate constitutae , potestate irrogandarum censurarum vnuquam possunt augeri , quod doctores communiter docent post Innocentium III. , qui ita rescriptit , *licet beatissima virgo Maria dignior & excellentior fuerit apostolis vniuersis ; non tamen illi , sed istis dominus clauis regni caelorum commisit , cap. 10. ex de poenit. & remissionibus* .

§. IX. Censuris obstringi tantum possunt homines baptizati , qui grauioris criminis rei sunt , & potestati eius , qui censuras irrogat , subiecti . Itaque ethnici , Iudaei , ac etiam catechumeni censuris non innodantur . *Quid enim mihi de iis , qui foris sunt , iudicare ?* inquit apostolus 1. ad Cor. V. v. 12. Sane per censuras communio ecclesiastica , siue in totum , siue pro parte prohibetur , & qui foris sunt , qui extra communionem abijci possunt ? Sed in haereticos , schismaticos & apostatas recte ecclesia censuris animaduertit , vt ita ad fidem & obedientiam ,

a qua

a qua defecerunt, reuertantur. Quod si in eos, qui subditi non sunt, censura feratur, nulla & irrita est defectu iurisdictionis. Ne vero propter exemptiones de iurisdictione episcoporum censuræ episcopales a regularibus contemnuntur; statuit synodus Tridentina *ses. XXV. de regularibus cap. 12.*, vt censuræ & interdicta ab ordinariis lata ex mandato episcopi a regularibus in suis ecclesiis publicentur atque seruentur.

§. X. Quaeres, num christianis in ecclesiae communione defunctis possint anathema & censuræ irrogari, si constiterit, eos, dum adhuc erant in viuis, crimina admisisse, quæ censuris plecti deberent. Et quidem si agatur de censuris proprie sic dictis, eae in mortuos nequeunt irrogari; non enim ecclesiastica communione siue in totum, siue pro parte recte excluduntur, qui amplius inter viuos non versantur. At non vetatur ecclesia mortuos execrari & detestari ob ea, quæ viuentes plane senserunt, vel fecerunt: quo sensu iam mortui anathemate feriuntur, & eorum memoria in ecclesia non celebratur. *Cypr. epist. LXVI. al. 1. ad cler. Furnit., can. 81. C. Afr. V. Dupin. de antiq. eccles. discipl. diff. III. cap. 2.* Dum vero mortui anathemate seriebantur, eorum nomina a diptychis seu libris mortuorum ecclesia eradebat, vt ita eorum nomina non amplius inter synaxes recitarentur, nec pro iis oblatio fieret.

C A P V T XXXV.

De excommunicatione.

§. I. **P**Otissima censurarum species excommunicatio est, vnde veluti totidem riui suspensiones & interdicta manarunt. Excommunicatio vi nominis eadem est ac eiectio de ecclesiae communione, diciturque etiam in antiquis monumentis *segregatio*, *absentio*, *abiectio* aliisque vocibus, quæ separationem significant. Communio autem ecclesiastica consistit in exercitiis religionis, quibus

Pars III.

V v

chri-

christiani, tamquam vnius ecclesiae membra, inter se communicant, & in vnâ societatem coalescunt. Sunt religionis exercitia sacramenta & reliqua ecclesiastica officia, a quibus christiani vel in totum, vel pro parte possunt excludi. Ecclesiae item particulares inter se mutuo communicant, ex qua communione ecclesia catholica oritur. Explicabatur vero communio ista inter ecclesias duobus praecipue modis, litteris nempe formatis, quas episcopi sibi mutuo dabant, & admissis ad sacra officia alterius ecclesiae christianis, qui litteris communicationis instructi extra suas ecclesias peregrinabantur. V. Dupin. *de antiq. eccles. discipl. diff. III. cap. 1.*

§. II. Quoniam vero communio ecclesiastica suos habet gradus, variae quoque in veteri ecclesia excommunicationis species fuerunt, quae tamen ad duas referri possunt, excommunicationem nempe maiorem, & minorem. Maior excommunicatio, quae *mortalis & anathema* veteribus dicebatur, christianos ecclesiae communione prorsus exturbat, ferturque in reos criminum grauiorum, qui ecclesiam admonentem non exaudiunt. Minor excommunicatio veteribus *medicinalis* dicta ferebatur in eos, qui peccata sua agnoscebant, & poenitentiam & pacem postulabant; hi enim, accepta poenitentia, communibus precibus & communione eucharistica ad tempus remouebantur tam in medicinam, quam ad exemplum aliorum; non vero ab ecclesia tamquam ethnici & publicani pellebantur. August. *lib. post collat. contra Donatist.* Et recte obseruat Morinus *de administr. poenit. lib. VI. cap. 25. n. 13.* tot olim fuisse species medicinalis excommunicationis, quot erant publicae poenitentiae gradus.

§. III. Species quoque minoris seu medicinalis excommunicationis illa etiam veteribus erat, qua episcopi aut ecclesiae se a mutua communione separabant, atque inde non mittebant, aut missas reiciebant litteras formatas; nec a se excommunicatae ecclesiae filios in suam communionem admittebant, etsi litteris commendatitiis sui episcopi instructi venirent. Locum habebat haec excommunicatio, si ecclesia aut episcopus in altera ecclesia aliquid peruersum vel in fide doceri, vel in disciplina fieri arbitraretur. Ita Epiphanius Ioannis episcopi Hieroso-

roso-

rosolymitani reiecit communionem, quod Origenis errores illum defendere sciret. Epiph. *epist. LX. inter Hieronymi*. Interim haec ecclesiarum mutua excommunicatio, si ecclesiae sibi inuicem subiectae non essent, proprie censura ecclesiastica non erat, sed potius nuda communionis subtractio, quam vna ecclesia alteri non subiecta poterat denegare.

§. IV. Hae & aliae minoris excommunicationis species apud veteres occurrunt, quae labentibus annis mutata ecclesiastica disciplina nullius usus euaserunt. At in noua disciplina minor excommunicatio ea dicitur, qua innodatus sacramenta suscipere vetatur, nec ad beneficia potest promoueri. Contrahitur haec excommunicatio, ubi quis cum excommunicato & prius ecclesia eiecto extra crimen communicat. Ignora veteribus fuit hoc sensu minor excommunicatio, & forte de ea primus Gregorius ix. loquitur in *cap. ult. ex. de cleric. excomm. ministrante* & *cap. 59. ex. de sententia excommunicationis*; stante enim veteri disciplina, qui cum excommunicato communicabat, eandem omnino excommunicationem incurrerat. Sed excommunicationis istius in plerisque locis vix aliquis reliquus usus est.

§. V. Iam vero in veteribus monumentis generali excommunicationis nomine saepe medicinalis, aut alia partialis intelligitur; veteres enim canones & patres, dum aliquem excommunicatum dicunt, aperte indicant, eum tamquam ethnicum & publicanum ecclesia eiectum non esse, sed tantum communibus precibus & eucharistiae communionem prohiberi, *can. 12. C. 3. q. 4., can. 41. C. 11. q. 3.* Maior seu mortalis excommunicatio a veteribus proprio nomine *anathema* dicta est, eaque percussus *anathematizati*. Anathema usu scripturarum rem execrabilem & exitio dignam denotat, & qui ecclesia tamquam ethnici & publicani eiecti erant, execrabiles & flammis aeternis digni censebantur. V. Dupin. *de veteri eccles. discipl. diff. II. cap. 2.* Verum in noua disciplina desuetis excommunicationis medicinalis speciebus excommunicatio simpliciter dicta mortalem designat, *cap. 59. ex. de sent. excommunicationis*; & inde quae excommunicatio a Christi corpore non separat, minor dicta est.

§. VI. Hac inducta vocum noua significatione excommunicatio simpliciter dicta seu maior sensim a theologis & canonistis veluti diuersa ab anathemate haberi incepit, creditumque fuit, per anathema ipsam excommunicationem intendi & veluti augeri. Ita ex eorum sententia excommunicatio est, quae fertur sine vlla sollemnitate: anathema vero, si sollemnitas addatur, atque ita anathematismus est veluti auxesis & aggregatio detestationis, quae excommunicationem auget, non vi separationis, sed potius maiorum execrationum horrore. Exstant huius nouae disciplinae vestigia in quadam Caelestini III. seu Clementis III. decretali, *cap. 10. ex. de iudiciis*. Et in pontificali Romano triplex excommunicationis species proponitur, *minor, maior & anathema*.

§. VII. Praeterea in noua disciplina excommunicatio alia est *ferendae*, alia *latae sententiae*, seu alia *hominis vel iudicis*, alia *canonis vel iuris*. Illa ministerio iudicis per sententiam irrogatur: haec vero ipso facto sine admissione delicti absque iudicis sententia ab ipso canone infertur, incurriturque ipsa canonis transgressione. Ex formulis, quibus canones vruntur, quae sit ferendae, quae latae sententiae excommunicatio facile dignoscitur: illa enim his similibusue formulis exprimi solet, *excommunicetur, segregetur, vel praecipimus sub poena excommunicationis*; haec vero, *sit ipso facto excommunicatus*, vel, *ipso iure excommunicationem incurrat*. Excommunicatio latae sententiae ignota veteribus fuit, & demum circa saeculum decimum secundum coepit innotescere, at temporis decursu mire percrebuit (a).

§. VIII.

(a) In tota Gratiani Concordia, quae saeculo decimo secundo medio in lucem prodiit, vix vnum excommunicationis latae sententiae exemplum occurrit, modo verba illa *anathematis vinculo subiaceat*, quibus synodus Lateranensis sub Innocentio II. plectit clericorum & monachorum dolosos percussores *can. 29. C. 17. q. 4.*, latae sententiae excommunicationem contineant. Deinceps vsque ad annum MDCCXCVIII., quo Sextus Decretalium editus est, ex Nauarri supputatione ferme triginta sex eius excommunicationis exstabant exempla, quae ta-

men

§. VIII. Iam vero mortalis seu maioris excommunicationis iure diuino effectus est omnimoda ab ecclesia separatio, ita vt eiectus eius membrum amplius non reputetur. Fratrem contumacem *tamquam ethnicum & publicanum* Christus ipse habendum edixit. *Matth. XVIII. 15. seqq.* Ethnici autem & publicani, vtpote a sacris Iudaicis alieni, a synagogis seu sacris Iudaeorum conuentibus excludebantur. (b). Itaque excommunicati in ecclesia tamquam ethnici & publicani habendi sunt, & inde omni iure, quod per baptismum adquisierant, cadunt, sacramentis, sacris officiis, ecclesiastica potestate, suffragiis communibus totoque fraternitatis commercio priuantur (c).

V v 3

In

men ad viginti sex redigi possunt. Porro eodem supputante Nauarro, solus Sextus Decretalium habet exempla triginta duo, Clementinae quinquaginta; & ita porro innumera alia exempla recentiores canones & decretales inuenerunt.

(b) Ethnici Iudaeis erant gentes omnes, quae Iudaica sacra non profitebantur: publicani vt plurimum erant equites Romani, qui publicas res conducebant, in primis tributorum & vectigalium exactiones. Hinc Cicero *pro lege Manilia cap. II. & VII.* publicanos *honestissimos viros & fundamentum ceterorum ordinum* appellat. Ethnici Iudaeis de more gentis antiquo erant odio: publicani vero, etsi Romae summo honore haberentur; tamen gentibus omnibus, quae erant in imperii prouinciis, odio habebantur, & praesertim Iudaeis, qui eos tamquam pestem reipublicae & generis humani propudium abominabantur: nec fortasse iniuria propter vexationes, quas in exigendis tributis inferebant.

(c) Apostoli fideles excommunicatos, aut ad humilem poenitentiae locum redactos *Satanae in interitum carnis* tradere solebant, 1. *ad Cor. V. 5.*, 2. *ad Cor. XII. 21.* & 1. *ad Timoth. I. 20.* Qua traditione excommunicati ex saniorum interpretum sententia potestati Satanae obiciebantur, a quo veluti obsidebantur, & variis cruciatibus vexabantur. Et sane ipse apostolus indicat, etiam carnis interitum & macerationem passos esse, qui ab eo Satanae traditi erant; & hoc sensu Hieronymus, Augustinus, Chrysostomus alique veteres Satanae traditionem intellexerunt. V. Grot. *in 1. ad Cor. V. 5.* & Bingh. *orig. eccles. lib. XVI. cap. 2. §. 15.* Sed hoc donum fuit extraordinarium, quod cum ipsis apostolis cessauit.

678 INSTITVT. IVRIS CAN. PARS III.

Interim bene ecclesia aut christiani pro excommunicatis orare possunt ad eorum conuersionem, quod id non est in sacris communicare, sed potius misericordiae officium, quod S. Thomas in *IV. sentent. dist. 11. q. 1. art. 4.* obseruat.

§. IX. Apud Iudaeos ethnici & publicani synagoga seu sacris conuentibus, non item ciuili societate excluderantur. Hinc vi verborum Christi excommunicatio mortalis sacris conuentibus, non ciuili commercio officiisque priuat. Verum ab ipsa apostolorum aetate ad aliorum exemplum & ad maiorem excommunicati confusionem receptum est, vt quaedam ciuilia officia excommunicatis denegarentur, qualia profecto fuerunt officia libera, veluti amicitia, salutationes, mutuus conuictus, Ioan. *epist. II. v. 10. seq.*, 1. *ad Cor. VII. 11.*, *ad Rom. XVI. 17.* (d). Nam vt scite Dupinus *de antiq. eccles. discipl. diff. III. cap. 3.* obseruat, officia ciuilia, quae necessitate iuris debentur, veluti coniugum habitatio, parentum in liberos, liberorum in parentes officia, magistratibus debita obedientia, & huius generis alia non videntur excommunicatis per apostolos denegata. Sane praecipit apostolus, vt christiani principibus, etsi infidelibus, obediant; item edixit, ne mulier fidelis virum infidelem relinquat; & vult, vt serui fideles dominis seruiant suis: quia scilicet haec omnia officia erant necessaria.

§. X. Verum enimvero lapsu temporis haec excommunicatorum in ciuilibus officiis deuitatio latissime extensa est, vt etiam in ciuilibus officiis necessariis locum haberet. Itaque inculcatum, neminem posse in ciuili conuersatione quauis ratione communicare cum excommunicato; ne uxorem quidem, liberos, domesticos: neque excommunicato licere iura sua in iudicio experiri: excommunicatum quoque omni honore & muneribus publicis cadere, & subditos a subiectione & fide regibus extra ecclesiam proiectis debita solutos esse, *can. 4. & 5. C. 15. q. 6.* Inualuit tantus excommunicationis rigor post sae-

(d) Descendit quidem ab apostolorum doctrina deuitatio excommunicatorum in officiis ciuilibus liberis; ar docent theologi id humano potius, quam diuino iuri deberi. V. Dupin. *loc. cit.*

saeculum decimum, vbi frequentiores factae sunt excommunicationes, hisque episcopi & pontifices vsi sunt, ad tuenda sua iura etiam temporalia contra principes eorumque magistratus. Nimirum vt ex voto negotia cederent, visum est, interdictionem in ciuilibus latissime extendere, vt excommunicati omnibus iuribus & officiis priuati, episcopis necessario obedirent. *Espen. tract. de censur. cap. VII. §. 3.*

§. XI. Conuersatio cum excommunicato siue in sacris, siue ciuilibus seuera poena puniebatur; etenim qui commercia cum excommunicatis fouebant, eadem censura ligabantur: quae disciplina primam obtinuit, vbi quis in sacris cum excommunicato communicabat, tum extensa est ad eos, qui colloquia & conuiuia agitarent (e). Sane qui conuersabantur cum excommunicatis, ecclesiae auctoritatem parum curare videbantur, contumaciae proiectorum vim addebant, & praeterea peccandi periculo se exponerent; malorum enim consuetudo corrumpit bonos mores. *Recedendum est a delinquentibus*, inquit Cyprianus *de unit. ecclesiae, vel immo fugiendum, ne dum quis male ambulantis iungitur, & per itinera erroris & criminis graditur, a via veri itineris exerrans, pari crimine & ipse teneatur*. Scabiosum istud contagium ex veteri disciplina tantum eos videtur infecisse, qui cum ipso excommunicato communicabant: inde ulterius serpere coepit, & in infinitum productum est, quo factum, vt vna excommunicatio saepe plures inueheret.

§. XII. Disciplina, quae commercium cum excommunicatis etiam in ciuilibus officiis necessariis prohibebat, & contagiosum contagium in infinitum extendebat, vbi excommunicationes euaserunt frequentiores, rempublicam

V v 4

non

(e) Et sane canon apostolicus XIII., synodus Antiochena *can. II.* & Carthaginensis *iv. can. 73.* tantum abstinere iubent quotquot cum excommunicatis orauerint, aut eos in ecclesiam receperint: at recentiores synodi, veluti Toletana *i. can. 15.* Epaoensis *can. XV.* & Antissiodorensis *can. XXXIX.* etiam iis abstentionem minantur, qui colloqui & conuiuari cum excommunicatisprehenduntur.

non minus, quam ecclesiam turbauit. Itaque ad euitanda maiora mala, saeculo vndecimo & sequenti rigor interdicti ciuilis commercii moderatus est in pluribus casibus, qui ad tres restringi possunt: nempe permissum est cum excommunicato conuersari, si officium aliquod iure debitum sit; aut si necessitas & utilitas, siue ipsius excommunicari, siue aliorum commercium exigit; itemque si aliquem esse excommunicatum ignoretur, *can. 103. C. 11. q. 3. Espen. tract. de censur. cap. VII. §. 4. (f)*. Mitigatum quoque est scabiosum commercium, quo cum excommunicatis commercia exercentes, eadem lepra adiciebantur; statutumque, vt tantum minorem excommunicationem incurrat, qui extra crimen cum excommunicato communicaret, *cap. ult. ex. de cleric. excomm. ministrante, cap. 59. ex. de sent. excommunicationis*, nec ulterius scabiosum contagium procederet.

§. XIII. Porro in noua disciplina mitigatus est magna ex parte rigor excommunicationis etiam eo nomine, quod non omnes excommunicatos & in diuinis & in humanis euitare oportet; sed tantum eos, in quos excommunicationis sententia est *a iudice publicata vel denuntiata specialiter & expresse*, itemque eos, qui sacrilegas manus in clericos palam iniecerint, qui etsi ab iudice denuntiati non sint, euitari debent. Cautum id est in quadam decretali, quam veluti a Martino v. in concilio Constantiensi editam primus S. Antoninus in *sum. par. III. tit. 25. cap. 3.* exhibuit, & ex eius fide vniuersa ecclesia recepit. Hinc inductum discrimen inter excommunicatum *vitan-*
dum

(f) Gregorius vii. primus rigorem excommunicationis hac ratione imminuit, & quidem in specie particulari, hoc est quousque mala ob anathema Henrico imperatori dictum ecclesiam & rempublicam concutiebat: inde in constantem regulam abiit: quod factum videtur opera Gratiani, qui temporarium illud decretum concordiae suae inseruit.

Exceptos ab excommunicatione ob commercium cum excommunicatis scholastici his versiculis expresserunt:

Veile, lex, humile, res ignorata, necesse:

Haec quinque soluunt, anathema ne possit obesse.

dum & toleratum, & inde illius in diuinis & humanis, non vero istius communicatio vetita est. Vt vero quis tamquam vitandus habeatur, necesse est, vt sententia ab iudice *publicata vel denuntiata sit specialiter & expresse*, id est nominatim lata sit, & praeterea ipsi excommunicato denuntiata. Vtrumque enim requiri docent theologi & canonistae, qui ideo vocem *vel* pro coniunctione accipiunt (g). Valet eadem regula etiam in interdicto & suspensione, quod ipsius decretalis verbis comprehensum est: Quo tempore frequentiores euaserant censurae, praesertim latae sententiae, necessaria erat ista moderatio, alias in tanto excommunicatorum numero viros bonos angi necesse erat, si nulla praecedente saltem declarante sententia, euitare in sacris & ciuilibus deberent, quos ipso iure canones extra communionem proiecissent.

§. XIV. Quando autem excommunicatio mortalis a Christi corpore omnino abscindit, certe maxima est inter poenas ecclesiasticas. Et quid quaeso peius christiano homini potest euenire, quam ecclesiae communionem tamquam ethnicum & publicanum omnino excludi, atque ideo sacramentorum vsu & totius fraternitatis commercio priuari, & in eum statum conici, in quo constituti homines spe aeternae salutis destituuntur. *Summum*, inquit Tertullianus *apol. cap. XXXIX.*, *futuri iudicii praesudicium erat, si quis ita deliquerat, vt a communione orationis & conuentus, & omnis sancti commercii relegaretur.* Hinc ex patrum sententia nihil tam debet formidare homo christianus, quam ab ecclesia separari: & inde Augustinus *de corrept. & gratia cap. XV.* excommunicationem poenam *grauissimam* dixit.

§. XV. Quae quum ita sint, non debet profecto excommunicatio decerni, nisi ob grande crimen: & qui leuibus ex causis anathema infligit, abutitur ecclesiastica po-

(g) Particula *vel* apud scriptores mediae aetatis saepe pro coniunctione vsurpatur: quod Iac. Gorthofredus in *glossar. ad C. Theodosianum*, Io. Chiffletius in *Anastasi Childerici cap. VII.* & Petr. de Marca *de conc. sacerdot. & imperii lib. IV. cap. 5.* obseruant.

potestate, non secus ac si magistratus ob leues culpas noxios morte puniret. *Anathema*, inquit synodus Meldensis apud Gratianum *can. 41. C. 11. q. 3.*, est aeternae mortis damnatio, & non nisi pro mortali debet imponi crimine. Et synodus Aruernensis apud eundem Gratianum *can. 42. eodem*, nullus sacerdotum quemquam rectae fidei hominem pro paruis & leuibus causis a communione suspendat. Quod si antiqua monumenta aliquos ob leues causas excommunicatos memorant, id non de mortali excommunicatione accipiendum est, sed de medicinali, quam veteres simpliciter excommunicationem dicebant.

§. XVI. Nec tantum graue sit oportet delictum ad irrogandam excommunicationem; verum etiam manifestum, aut per iudicem legitime probatum; separat enim illa christianum ab ecclesiae consortio. *Vbi peccatum non est euident*, inquit Origenes *hom. XX. in Iosue*, eiicere ab ecclesia neminem possumus, ne forte eradicantes zizania, eradicemus & triticum. Et Augustinus *lib. L. homiliar. hom. ult.* docet, neminem plecti posse aut medicinali, aut mortali excommunicatione, nisi aut sponte confessum, aut in aliquo siue saeculari, siue ecclesiastico iudicio nominatum atque conuictum. Hinc multoties in canonibus praecipitur, excommunicationem non irrogari, nisi causa probata, aut alias manifesta fuerit, *can. 11. C. 2. q. 1., cap. 48. ex. de sent. excommunicationis*.

§. XVII. Praeterea nec vbi crimen graue & probatum est, decerni facile potest excommunicatio, nisi adsit contumacia, qua criminofus obstinato animo in peccatis haereat: quod in euangelio aperte edicitur; fratrem enim criminofum tum deum tamquam ethnicum & publicanum habendum Christus docuit, si post duas priuatas admonitiones, nec ecclesiam admonentem audierit. *Matth. XVIII. v. 15. seqq.* Inde vsu receptum, ante excommunicationem criminofum semel, iterum, atque tertio admoneri debere: quam trinam admonitionem secundum sacros canones esse synodus Chalcedonenfis docet. Et quoniam trina ista admonitio satis erat ad probandam contumaciam, hinc *competens & canonica dicta est, cap. 48. ex. de sentent. excommunicationis, cap. 5. eodem in 6.* Concessit quidem synodus Lugdunensis sub Gregorio x. iudicibus

cibus siue tres admonitiones, siue vnā pro omnibus adhibere; at haec vna admonitio instar omnium erat; nam aliquot dierum interualla synodus adhiberi voluit, nisi facti necessitas ea suaderet moderanda, *cap. 9. eodem in 6.* Quod vero lapsa ecclesiastica disciplina iudices ecclesiastici etiam non admonitos excommunicarent, synodus Tridentina *ses. XXV. de ref. cap. 2.* tam immane arbitrium coërcuit, & saltem duas monitiones statuit praemittendas.

§. XVIII. At hic nodus vindice dignus occurrit, etenim trina admonitio iure diuino ad irrogandam excommunicationem necessaria, non bene videtur cōuenire cum excommunicatione latae sententiae, qua innodamur nulla praemissa admonitione statim ac crimen sub ea poena vetitum committimus. Vidit difficultatem Gersonius, eamque euasurus docet, excommunicationem latae sententiae id tantum operari, vt iudex probato crimine statim possit excommunicationis sententiam publicare, nulla alia adhibita sollemnitate. Alii vero respondent, satis esse contumacem, qui legi seu canoni praecipienti non obtemperat; lege enim ipsa continuo admonemur, & impellimur ad officium. Verum nescio, an responsiones istae nodum soluant: Christus enim praeter peccatum in legem, requirit animi obstinationem in peccato & expressam reperitamque admonitionem. Illud verum est, excommunicationes latae sententiae lapsa demum ecclesiastica disciplina fuisse inuectas, & potius viū ecclesiae, quam Christi sententia niti.

§. XIX. Porro etsi caussa legitima & contumacia adsit, non tamen gladius spiritualis statim exserendus est, & criminofus fraternitatis consortio exturbandus; sed tum demum cum dolore & aegritudine putrescentis membri abscissio decernenda est, si omnia alia remedia ad sanationem necessaria adhibita fuerint, & ab excommunicatione maius malum in ecclesiam erumpere non videatur. Ita ex veterum sententia ad excommunicationem non facile licet excurrere, si excommunicandus sociam habet multitudinem, ne inde schisma in ecclesia generetur. August. *lib. III. contra epist. Parmen. cap. 2.* Similiter ob maioris mali periculum non facile reges & magistratus

excommunicari possunt; nam illi si parum pii sint, aut alias faciles ad iram, sacris eiekti plus mali, quam boni in ecclesiam inferre solent, praesertim si ob temporales causas excommunicentur, qua in re mediis saeculis episcopi peccarunt. Quis enim nescit, turbas & bella guae rempublicam non minus, quam ecclesiam agitarunt, quod magistratus & principes subinde extra ecclesiae communionem proiecti sunt?

§. XX. Si excommunicatio iusta causa destituatur, & idcirco qui censura tamquam nocens obstringitur, reuera innocens est, haec excommunicatio *iniusta* a doctoribus appellatur, nec per eam christianus coram Deo ligatur; ministri enim ecclesiae potestatem non habent in caelis aliquem ligandi, qui non prius proprio crimine se obstrinxerit: quod veteres patres in primis Origenes & Augustinus docent, *can. 4. C. 24. q. 3. & can. 87. C. 11. q. 3.* Hinc euenire potest, vt ille, qui foras pellitur, intus sit; & ille foras, qui intus retineri videtur. Interim iniusta censura christiano etiam timenda est, pertinetque ad eius officium videre, an sua culpa, quam ipse non satis adprehendit, talem poenam commuerit. Quo sensu intelligenda sunt verba Gregorii M. apud Gratianum in *can. 1. C. 11. q. 3.*, *sententia pastoris siue iusta, siue iniusta semper timenda est*, vt ex integro homiliae Gregorianae contextu constat. At si censura reapse iniusta sit, & iniustitia omnibus innotescat, tum regula Gelasii papae locum habet, *sed si iniusta sit, tanto eam curare non debet, quanto apud Deum & ecclesiam eius neminem potest iniusta grauare sententia*, *can. 46. eodem.*

§. XXI. Ex veteris disciplinae regulis excommunicatio nullo certo sollemnique ritu, nec specialibus conceptisque formulis ferebatur; sed episcopus in presbyterio peccatores contumaces non sine dolore ecclesia eiiciebat, *const. apost. lib. II. cap. 37. seq.* Verum postquam lapsu temporis censurae ob frequentiam & parum iustas causas contemni coeptae sunt, ad earum auctoritatem sustinendam certi ritus & formulae diris & execrationibus plenae inductae sunt, quibus sollemni apparatu excommunicatio infligeretur, vt videre est in pontificali Romano *tit. de ordine excommunicandi*. Non tamen in omni ex-

com-

CAP. XXXV. DE EXCOMMVNIC. 685

communicatione praescripta sollempnitas adhibetur, sed tantum in ea, quae in noua disciplina *anathema* dicitur. Illud interim inest omni excommunicationi, vt non nisi scripto & caussa expressa ferri possit, *cap: 1. de sent. excomm. in 6.*

§. XXII. Lata excommunicationis sententia ab vna ecclesia in aliis quoque seruanda est, vt habet vetustissima regula saepe in synodis confirmata. Conc. Nicaen. *can. V.*, Antioch. *can. VI.* Id cerre postulabat mutuum socius & harmonia, quae inter ecclesias intercedebat, quaeque id operabatur, vt vnaquaeque ecclesia rata haberet omnia disciplinae acta, quae in fontes aliae ecclesiae fecissent. Excommunicationes quoque facile contemnebantur, si ab vna ecclesia eiectioni ab aliis impune recipi possent. Hinc mos inoleuit, vt ecclesiae de iis, quos extra communionem proiecerant, alias scriptis litteris encyclicis seu circularibus facerent certiores. Socrat. *lib. I. cap. 6.* Conc. Tolet. *1. can. 11.* Nec alia est hodierna disciplina, vt videre est in pontificali Romano (h):

CA.

(h) Excommunicationes, seu a sacris eiectiones apud omnes ferme gentes religiosas in vsu fuerunt; naturale enim erat, vt sacris eiicerentur, qui ex regulis receptae religionis non vivebant, licet interdum eiectione a sacris etiam ciuili commercio priuaret. Et Iudaei quidem duplicem excommunicationem habuerunt, minorem scilicet, a Rabbinis *Niddui* dictam, qua delinquens a synagoga & ciuili aliorum commercio ad tempus prohibebatur, vt a via sua mala resipisceret: & maiorem *Che-rem* dictam, quae horrendis instructa diris a synagogae & reipublicae communionem omnino exturbabat: eaque irrogabatur, si intra tempus legitimum minori excommunicationi subiectus absolui non curasset, vel si delicti qualitas statim maiorem postularet. Apud Graecos homicidae, adulterae, militiam detestantes alique criminosi a cunctis templis & sacris arcebantur. Apud Romanos aqua & igni interdicti & a ciuili commercio & a sacris excluderentur. Et apud Gallos Druidae scelestos & commercio religioso & ciuili eiiciebant: quae poena apud Gallos grauissima habebatur, teste Caesare *de bello Gallico lib. VI.* Quas omnes excommunicationes Seldenus *de synedriis lib. I.* pluribus exsequitur.

C A P V T XXXVI.

De interdicto.

§. I. **I**nterdictum stricte sumtum & ab excommunicatione & suspensione distinctum, est censura ecclesiastica, quae in emendationem priuat vsu quarundam rerum sacrarum, qua res sacrae sunt & fidelibus communes. Nimirum tum rerum sacrarum interdictus vsus inter censuras numeratur, si in emendationem & resipiscentiam irrogetur: nam si in vindictam criminis decernatur, potius poenae, quam censurae ex regulis nouae disciplinae rationem habet. Interdictum quoque sic stricte dictum, priuat vsu rerum sacrarum, qua vsus est; nam si res sacrae spectentur veluti quaedam communicatio cum fidelibus, interdictus vsus potius excommunicatio est. Nec interdictum priuat vsu omnium rerum sacrarum, sed tantum earum, quae in canonibus exprimuntur: quo etiam distat ab excommunicatione. Et demum interdictum priuat vsu quarundam rerum sacrarum, quatenus fideles omnes iis uti possunt: quo distat a suspensione, quae priuat vsu rerum sacrarum, sed uti ipsis clericis proprio. Descriptio ista interdicti tot logicis subtilitatibus instructa nouae disciplinae debetur; nam ex veterum simplicitate interdictum veluti species excommunicationis habebatur.

§. II. Multae sunt interdicti species, aliud enim est *personale*, aliud *locale*, aliud *mixtum*. Personale personas directe adficit, easque vsu quarundam rerum sacrarum, quocumque eant, priuat: & hinc dici solet *ambulatorium*. Locale directe fertur ad locum, tantumque in eo res sacras celebrari vetat. Mixtum utrimque participat, & personis & locis vsu rerum sacrarum interdicat. Personale autem & locale interdictum vel generale, vel particulare est, prout collegium aliquod personarum, puta clericus, populus, aut quidam peculiare christiani vsu rerum

fa-

sacrarum prohibentur; itemque prout regnum, prouincia, dioecesis, ciuitas, aut ecclesia aliqua interdicto supponatur (a). Sed si interdicto populus subiiciatur, eo nomine clerus non venit; nec si sacris clero interdicatur, populus comprehensus censeretur, *cap. 16. de sent. excommunicationis in 6.* At si interdicto supponatur ciuitas, aut ecclesia, etiam suburbia, & capellae & coemeterium ecclesiae adiacentia interdicto continentur, *cap. 17. eod.* Item, non secus ac excommunicatio, interdictum vel est ferendae, vel latae sententiae, prout scilicet vel sententia iudicis, vel ipso iure vsus rerum sacrarum prohibetur.

§. III. Interdicta non nisi ex graui causa & cum magna prudentia decerni debent, praesertim si generalia sint; nec enim exiguum malum est, in ecclesiis sacra officia cessare, & sacramenta fidelibus non administrari. Quin interdictum etiam ob aliena crimina irrogari consuevit, veluti si ob peccatum patris, aut paucorum ciuium

(a) Quae fuerit origo generalis interdicti, quo ob vnus aut paucorum crimina pluribus ecclesiis, aut integris ciuitatibus, aut regnis sacra interdicuntur, non vna est omnium sententia. Habertus in *archierat.* scribit, generalia interdicta quarto saeculo apud Graecos cognita fuisse, idque auctoritate S. Basilii, qui *epist. CCXLIV.* respondit, pagum a precibus & orationum communione debere prohiberi, quod raptorem cum rapta suscepisset, nec reddiderat. Alii exeunte saeculo sexto interdictorum generalium usum incepisse docent; aliquot enim Gregorius Turonensis refert exempla, quibus ob paucorum crimina ciuitatibus aut ecclesiis sacrarum rerum celebratione interdictum est. Verum eiusmodi exempla rara sunt, & praeterea eius aetatis interdicta ferme in peculiare ecclesias ferebantur. Hinc rectius Dupinus de *antiq. eccles. discipl. diff. III. cap. 2.* docet, interdicta generalia, quibus integrae prouinciae & regna rebus sacris prohibentur, tempore Gregorii VII. in usum frequentem abiisse. Certe Iuo Carnotensis *epist. XCIV.* interdictum *remedium insolitum* appellat, quod scilicet tum primum in usu esse inceperat. Deinceps vero generalia interdicta in controuersiis inter impetium & sacerdotium semper adhibita sunt; ac post Paulum V., qui Venerorum rempublicam interdicto supposuit, exemplum ferme nullum occurrit.

vium vniuersae familiae, aut pago, aut ciuitati sacris interdicatur. Porro interdictum iisdem solemnibus, quibus excommunicatio ferri debet, scilicet praemittendae tres monitiones, & sententia scripto pronuntianda & caussa exprimenda; irrogatur nimirum in emendationem & contumaciam supponit.

§. IV. Iam interdicta illa, quibus ob paucorum crimina & praesertim ob peccata a regibus & magistratibus admissa integrae prouinciae & regna vsu rerum sacrarum priuantur, vix defendi posse videntur. Etenim non patitur recta ratio, ob vnius aut paucorum peccatum vniuersas societates puniri. Qua ratione Augustinus *epist. LXXV.* carpit Auxilium iuniorem episcopum Africanum, qui ob crimen a patre admissum vniuersam familiam excommunicauerat. *Doceat, quomodo recte anathematizetur pro patris peccato filius, aut pro mariti uxor, aut pro domini seruus.* Deinde ex veterum patrum sententia censurarum vis cessare debet, nec gladius spiritualis exferendus, si ex censuris schisma, aut aliud graue malum in ecclesiam immineat. Et si S. Basilius in integro pago, qui raptorem cum rapta receperat, nec reddiderat, preces & orationes haberi vetuerit; id fortasse recte fieri potuit, quod plerique illius pagi ciues peccauerant: deinde aliud est vnum pagum, aliud integras prouincias & regna interdicto supponere.

§. V. Interdicta generalia origine sua id efficiebant, vt in ecclesiis interdicto subiectis diuina omnia officia, vno ferme excepto paruulorum baptismo & morientium poenitentia, cessarent. Hinc plus damni, quam vtilitatis ecclesiae & reipublicae adferre consueuerunt, praesertim si longo tempore stetissent: quae mala ipse Bonifacius VIII. recenset: *tunc excreuit indeuotio populi, pullulant haereses, & infinita pericula animarum insurgunt, ac ecclesiis sine culpa earum debita obsequia subtrahuntur, cap. ult. de sentent. excomm. in 6.* Nec a ratione videtur alienum, quod de quodam loco in Marchia, qui diu interdicto obstrictus fuerat, se audiuisse auctor glossae *in cir. cap. ult.* testatur, quod facta relaxatione homines triginta & quadraginta annorum, qui numquam audierant missam, sacerdotes celebrantes deriderent.

§. VI.

CAP. XXXVI. DE INTERDICTO. 689

§. VI. Quae quum ita sint, Romani pontifices de malis interdictorum experientia edocti, eorum seueritatem in diem emollierunt. Ergo praeter paruulorum baptismum & morientium poenitentiam Innocentius III. permisit, vt tempore interdicti praedicatio euangelii ad populum fieret, & confirmatio paruulis baptizatis daretur, *cap. 43. ex. de sententia excommunicationis*. Item concessit sepulturam ecclesiasticam clericis, qui seruauerant interdictum, sed nullis adhibitis sollemnibus; & poenitentiam crucis signum sulcipientibus & sanctorum limina visitantibus, etiamsi bene valerent, *cap. 11. ex. de poenitentiis & remissionibus (b)*. Inde Gregorius IX. etiam permisit, vt in vnaquaque hebdomada celebraretur privata missa, verum silentibus campanis, voce submissa, ianuis clausis, & excommunicatis & interdictis exclusis, vt corpus domini, quod decedentibus in poenitentia non negatur, conficeretur, *cap. 57. ex. de sent. excommunicationis*. Et demum Bonifacius VIII. poenitentiam sanis omnibus dari permisit, & diuina omnia officia portis clausis & silentibus campanis quotidie celebrari, exceptis festis Natalis Christi, Paschae, Pentecostes, & Adumtionis B Virginis, (quibus festum Corporis Christi eiusque octauam Martinus V. addidit) in quibus etiam concessit diuina officia sollemniter celebrari, sed exclusis excommunicatis, & admissis interdicto subiectis, modo qui causam

Pars III.

X x

fam

(b) Crucem adsumere dicti sunt, qui ad sacra bella profecturi crucis symbolum pallis suis aduebant & adfigebant, in signum votiuae illius expeditionis: cuius rei origo concilio Claromontano adscribitur, in quo expeditio Hierosolymitana decreta est. Sacrae expeditiones inde etiam contra haereticos, immo aliquando & contra principes indictae. Verum peregrini non eadem ratione in omnibus expeditionibus crucem vestimentis suis adfixere. Eam in expeditione Hierosolymitana in dextris scapulis posuere: in expeditione contra Albigeneses & contra Mauros Hispanos in pectore: in aliis alia ratione cruce signati prodierunt. V. *Dufresne gloss. med. & infim. Latinit. v. crucem assumere.*

facti interdicto dederint, altari non appropinquent, *cap. ult. de sent. excomm. in 6.*

§. VII. Violantes interdictum ex iusta & canonica causa & ordine legitimo latum grauis criminis rei sunt, utpote qui ecclesiae auctoritatem in re graui transgrediuntur. Clerici vero, qui in loco interdicto celebrant, a canone sunt alieni, nec ad eligendum cum aliis admittuntur: cuius irregularitatis tantum summus pontifex veniam potest indulgere, *cap. 18. §. 1. de sentent. excommunic. in 6.*, ubi etsi tantum sermo sit de sola celebratione; tamen celebratio ista ex interpretum sententia complectitur officia omnia, quae tempore interdicti celebrari vetantur. Item qui interdicto subiectos in loco sacro sepeliunt, ipso facto in excommunicationem incurrunt, cuius relaxatio episcopo reſeruata est, *Clement. 1. de sepulchris*. Excommunicantur quoque regulares etiam exempti, qui interdictum generale aut locale a pontifice, vel ab episcopo latum non seruauerint, *Clement. 1. de sent. excommunicationis*.

§. VIII. Interdictum ex regulis nouae disciplinae distat a cessatione a diuinis, quae inter censuras non censetur. Per cessationem a diuinis ipso iure vetantur diuina officia celebrari in ecclesia, quae homicidio, aut adulterio, seu alio admissio crimine polluitur, *cap. ult. ex de consecr. ecclesiae*, ut populo salutaris terror & criminis horror incutiatur. Non ergo infligitur in emendationem: at diuina officia nequeunt celebrari, nisi ecclesia reconcilietur. Violatio cessationis a diuinis grauis culpa est, at non facit a canone alienos, *cap. 18. ex de sent. excommunic. in 6.*, excommunicantur vero regulares, qui in ecclesia, ubi a diuinis cessatur, celebrauerint, *Clement. unic. de sent. excommunic. in 6.*

C A P V T XXXVII.

De suspensione.

§. I. **S**uspensio, quatenus ab excommunicatione & interdicto distinguitur, est censura ecclesiastica, qua clericus in emendationem exercitio potestatis ecclesiasticae, quam ratione officii vel beneficii habet, salva dignitate, abstinetur. Ita distat ab excommunicatione, quae priuat ecclesiastica potestate, non quod competat ratione officii aut beneficii, sed potius quod communionem cum reliquis fidelibus contineat. Item suspensio distat ab excommunicatione, quod haec & in clericos & in laicos, illa tantum irrogatur in clericos, quibus solis exercitio ecclesiasticae potestatis officio aut beneficio ecclesiastico cohaerentis potest interdici. Porro suspensio distat ab interdicto, hoc enim clerici prohibentur usu rerum sacrarum, sed qua istae fidelibus omnibus communes sunt; quando suspensis usu earum interdicitur, quod ab officio aut beneficio dependent.

§. II. Tres suspensionis species distingui solent, una ab officio, altera a beneficio, & tertia simul ab officio & beneficio. Suspensio ab officio clericum abstinet ab omnibus officiis ecclesiasticis, quae vel ab ordine, vel ab iurisdictione dependent, modo sint vera officia ecclesiastica; nam ea, quae clericis & laicis communia sunt, qualia ingressus in ecclesiam, sacramentorum susceptio, suspensis ab officio non prohibentur. Suspensio a beneficio clericum excludit a fructuum beneficii perceptione & aliis inde pendentibus, non item ab officio; odiosa enim stricte esse accipienda doctores tradunt. Suspensio demum ab officio & beneficio clericum & a sacris officiis & perceptione fructuum beneficii priuat. Num vero suspensis ab officio etiam beneficio, quod propter officium datur, abstenti intelligantur, disputant doctores: cuius quaestionis ratione factum est, ut iudices ab utroque suspendere,

691 INSTITVT. IVRIS CAN. PARS III.

volentes, verba *ab officio & beneficio* sententiae inferant.

§. III. Praeterea quaevis suspensionis species vel irrogatur in totum, vel pro parte, vel in perpetuum, vel ad tempus, quin etiam ad certum locum potest limitari pro culdae admissae ratione. Clerici suspenduntur in totum, si omni functione clericali; pro parte, si tantum missae celebratione, aut habendis ordinationibus prohibeantur. Perpetua est suspensio, quae salua dignitate perpetuo sacris officiis celebrandis interdicat: temporaria quae ad certum tempus limitatur, veluti si episcopus per annum ab ordinum collatione suspendatur. Suspensio restricta ad certum locum facit, vt clerici in eo loco officia, a quibus sunt abstenti, nequeant exercere; at in aliis locis non prohibentur sacris operari, aut iurisdictione vti. Suspensio porro cuiusvis speciei alia est ferendae, alia laeae sententiae, quarum illa iudicis sententia, haec vero auctoritate iuris ipso facto irrogatur, non secus ac de excommunicatione dictum est.

§. IV. Censurae strictae sic dictae ex regulis nouae disciplinae in emendationem, non in poenam criminis irrogantur. Hinc non omnis suspensio censura est, sed ea tantum, quae nulla temporis limitatione coercetur, vt pote quae in emendationem infligitur: quae vero perpetua, vel ad certum tempus decernitur, potius poena, quam censura reputatur. V. Suarez *de censur. disput. VII. sect. 1.* Hinc suspensio tamquam censura irrogata non tollitur, nisi per canonicam relaxationem, quae tum concedi debet, si abstentus resipuerit: contra suspensio ad certum tempus coacta ultra tempus non profertur, sed eo elapso expirat ipso iure sine relaxatione: quae inter doctores recepta sententia est. Quin obseruat auctor glossae in *Clement. 1. de decimis*, suspensionem hac formula latam, *donec satisfeceris*, ipso iure sine alia relaxatione euanescere, statim ac iudex satisfactum fuisse declarauerit (a).

§. V.

(a) Quidquid verò de suspensione siue tamquam censura, siue tamquam poena habet noua disciplina, id etiam apud veteres obtinuit. Clerici enim omni aetate siue in totum, siue pro

CAP. XXXVII. DE SVSPENSIONE. 693

§. V. Iam clerici sacris officiis, aut ecclesiasticis stipendiis suspensi dignitatem seu beneficium non amittunt, sed tantum ordinis seu dignitatis suae functionibus, seu perceptione fructuum beneficii & aliis inde pendentibus abstinentur. Cyprian. *ep. XVI. al. X.*, Conc. Ancyr. *can. I.*, Neocaesar. *can. IX.* Ita suspensio licet perpetua differt a depositione, quae non tantum ab executione officii & beneficii prohibet, verum etiam depositum omnino ab altaris ministerio exturbat, & officio & beneficio omnino priuat, titulumque auferit, adeo vt sine noua collatione & titulo ad officium vel beneficium redire nequeat. V. Espen. *par. III. tit. 11. cap. 10.*

§. VI. Quod vero suspensio siue ab officio, siue a beneficio poena ecclesiastica est, sine causa non debet irrogari, quamuis non adeo grauis culpa requiratur ad suspensionem, ac ad excommunicationem & interdictum. Nimirum suspensio est partialis excommunicatio, qua clerici ecclesiastica communione, quae strictius accepta tantum clericalia officia complectitur, pro parte aut in totum priuantur. Et reapse in veteri disciplina saepe occurrunt excommunicationes seu suspensiones pro leuibus culpis clericis irrogatae, *can. LVI. & seq. apostol.* Sed si suspensio tamquam censura ferendae sententiae decernatur, debet praecedere contumacia & competens admonitio.

X x 3

Item

pro parte, siue ad tempus, siue in perpetuum sui ordinis exercitio prohibiti sunt, salvo gradu & dignitate, qua aucti erant. Item in veteri disciplina occurrunt clerici, qui, sui ordinis retentis officiis, tantum reddituum portione sibi debita, seu stipendiis & sportulis clericalibus, abstinentur. Cyprian. *epist. XXVIII. al. XXXIV. ad cler.*, conc. Carthag. *iv. can. 48. & seq.* Tantum apud veteres suspensio, quae nunc tamquam propria censurae species reputatur, erat veluti medicinalis excommunicatio, qua clerici ecclesiastica communione, quae illis propria erat, plus minusue pro ratione culpae excluderantur, quod Albaspinæus *observat. lib. I. 2.*, Habertus in *archierat.* alique observant. Hinc suspensio in antiquis monumentis *συν ἀπορίσμων separationis & excommunicationis*, nomine designatur. V. Sui- cer. *thes. eccles. v. ἀπορίσμων.*

Item suspensio, non secus ac excommunicatio & interdictum, in scriptis ferenda est, & quidem expressa causa, ob quam irrogatur, *cap. 1. de sentent. excomm. in 6.*

§. VII. Si clerici in suspensione functiones ordinis, aut beneficii, unde suspensi sunt, exercent, a canone sunt alieni, *cap. 1. de sent. & re iudicata in 6.* Immo si presbyter ab ordine suspensus minorum ordinum functiones exercent, ex sententia Fagnani *ad cap. 2. de clerico excomm. ministrante* etiam a canone alienus censendus est; functiones enim minorum ordinum sacerdotio insunt, & inde veluti totidem riuuli a fonte manarunt, modo tamen functiones illas suspensus presbyter exercent tamquam clericus, cui functio propria est. Hinc quod in plerisque ecclesiis functiones ordinum minorum a clericis 'necessario ordine non insignitis aut etiam a laicis solent exerceri; presbyter ab ordine suspensus non videtur a canone alienus, quod functiones minorum ordinum obeat, nam functiones exercet, tamquam si ab ordine non penderent.

C A P V T XXXVIII.

De absolute a censuris.

§. I. SEmel irrogata censura non tollitur, nisi per absolutionem seu relaxationem, *cap. 28. ex. de sent. excommunicationis*: quum enim per censuras iuridica & canonica ecclesiae potestate christiani a communione siue in totum, siue pro parte prohibeantur, non videntur nisi eadem potestate in externam ecclesiae communionem restitui posse. Absolutio a censuris, quae *pax, relaxatio, venia, communio* in antiquis monumentis dicitur, est relaxatio poenae, siue vinculi secundum ecclesiae formam concessa. Forma vero ecclesiae id ante omnia postulat, vt adempta communio non facile restituatur, sed vbi de emendatione constat, *can. 33. C. 23. q. 4.*

§. II. Ex veteris disciplinae regulis, quibus vnum erat

erat ecclesiae poenitentiale forum, internum nempe, relaxatio censurarum etiam vna erat, & eiusdem interni fori pars habebatur, & ab eodem siue episcopo, siue presbytero, qui poenitentiis praeerat, concedi solebat. V. Morin. *de administr. poenit. lib. I. cap. 10. (a)*. Sed ubi duplex in ecclesia forum inualuit, internum nempe, & externum, & irrogatio censurarum ad externum devoluta est; duae species absolutionis a censuris distinctae sunt, vna in foro interno, quae Deo reconciliat, altera in foro externo & contentiolo, quae praecedente iudicis sententia externam pacem restituit. Vtrique proprii fori limitibus coercetur, nec ulterius operatur: quin saepe contingit, ut qui potest censuras in foro externo relaxare, in foro interno absolvere nequeat, & e contrario. Hinc absolutio in foro interno etiam vi iubilaei data ad tollendos actus fori iudicialis satis esse non censetur. Necessaria, vero est relaxatio in foro externo in iis praecipue casibus, quibus censura ab iudice fertur & denuntiatur, alias interna relaxatio sufficit. Espen. *tract. de censur. cap. XI. §. 2.*

§. III. Iam a censuris ab episcopo seu alio iudice ecclesiastico per sententiam latis ille iure absoluit, qui eas irrogavit, conc. Nicaen. *can. V.*, vel eius in munere successor, aut eius delegatus, *cap. 20. ex. de off. ordinarii*, aut denique superior, veluti metropolitanus, si querela de iniquitate censurae ad ipsum deferatur. Sed metropolitanus nemini potest pacem impertiri, nisi legitime & plene ipsi constiterit de episcopalis censurae iniquitate: contra si certum appareat, excommunicationem esse iustam, superior iudex excommunicatum ad iudicem, qui

X x 4

ex-

(a) Quamvis autem relaxatio excommunicationis interni fori pars esset; tamen seorsum & diuersa formula a peccatorum absolutione dabatur; excommunicati enim in pacem recipiebantur in ipsa poenitentiae datione, peccata vero remittebantur per absolutionem sacramentalem, quam demum emensis poenitentiae spatiis peccatores accipiebant. Relaxabatur vero excommunicatio non sine sollemnitate, quam synodus Arausicana proponit, *can. 108. C. 11. q. 3.*

excommunicauit, remittere debet, non vero pacem dare, nisi periculum in mora sit, vel excommunicator requisitus absolutionem satisfacere parato per malitiam denegat. Quod si dubitetur, an censura iusta sit, superior eam relaxare bene potest, quamuis rectius sit, si ad proprium antistitem remittat, *cap. 7. §. 3. de sent. excommunic. in 6.*

§. IV. Quod vero spectat ad censuras latae sententiae, haec regula recepta est: si summus pontifex aut canonis conditor earum relaxationem sibi expresse non reseruauerit, absolui vnusquisque potest vel a proprio episcopo, vel a proprio sacerdote, *cap. 29. ex. de sententia excommunic.* Nomine proprii sacerdotis etsi parochus veniat; tamen in hac causa etiam tamquam proprius sacerdos habetur quisquis confessionibus praeest. Quod si summus pontifex aut alius canonis conditor absolutionem sibi reseruauit, ipse aut etiam alius sacerdos ex eius delegatione relaxat censuram. Censentur vero aucti delegatione ad relaxandas in foro interno censuras papae, aut episcopis reseruatas etiam illi, qui ab iisdem absoluendi a peccatis reseruatis generalem potestatem habent.

§. V. Sunt interim casus, in quibus generalis censurarum reseruatio cessat, & relaxatio etiam sine speciali delegatione ab inferioribus ministris conceditur. Et sane episcopi in foro conscientiae rite absoluunt subditos suos a casibus occultis etiam papae reseruatis. *Trid. sess. XXIV. de ref. cap. 6.* Praeterea episcopi relaxant censuras papae reseruatas, ubi censura obstricti impares sunt ad Romanum iter, quales sunt mulieres, senes, valetudinarii, *cap. 13. ex. de sententia excommunic.* Et generatim cessat omnis reseruatio, & presbyteri quique absoluunt, si moris periculum urgeat, *Trident. sess. XIV. de sacr. poenit. cap. 7.*, quamuis inde euanescente periculo sic absoluti Romano pontifici vel eius legato se sistere debeant, eius mandata accepturi, alias in eandem censuram incidunt, *cap. 22. de sent. excommunic. in 6.*

§. VI. Relaxatio censurarum cognita veteribus patribus vna & absoluta erat, quae post emendationem, aut finitam causam dabatur; at in noua disciplina datur etiam absolutio *ad cautelam*, vt vocatur, quod ad maiorem

rem cautionem dari consuevit. Ea locum habet, vbi de vi latae censurae dubitatur, daturque petenti de illius validitate adhuc pendente controuersia, *cap. 40. ex. de sentent. excommunicationis*; item praemittitur absolutioni sacramentali ab omnibus sacerdotibus, qui foro interno praesunt, idque ne absolutio sacramentalis ob censuram iure illatam & ignotam frustranea sit: & porro inferitur omnibus bullis & rescriptis apostolicis, vt eo salutari remedio concessa gratia impetrari possit (b).

§. VII. Est & alia species absolutionis a censuris prior non absimilis, & antiquis quoque ignota, quae dicitur *ad reincidentiam*, quae, vbi de censura certo constat, datur ad definitum tempus, aut ad certum actum, vt illo tempore elapso, aut actu peracto sic absolutus rursus incidat in censuram. Solet haec absolutio concedi sub certo modo seu obligatione, videlicet satisfaciendi parti laesae, vel exercendi certum pium opus, aut itineris Romani suscipiendi: qui modus intra praefixum tempus impleri debet, alias tempore elapso, & modo non impleto censura vim suam resumit, nisi per absolutum non steterit, quominus modum impleret, nec eius noua culpa adsit.

§. VIII. Nec tantum relaxantur excommunicationes, dum adhuc excommunicati viuunt, verum etiam post mortem; fieri enim potest, vt excommunicatus, qui signa poenitentiae & emendationis dederat, ante acceptam pacem moriatur; aut etiam vt quis post mortem excommunicetur. Pax post mortem in veteri disciplina facta potius

(b) Absolutio ista ad cautelam demum post saeculum decimum inuenta est, vbi excommunicationes frequentiores esse, & illarum causae per fori ambages tractari coeperunt; durum enim visum est, tamdiu extra ecclesiae communionem manere; & ita recepta disciplina, vt pendente quaestione de vi censurarum absolutio ad cautelam daretur. Inde censuris latae sententiae eatenus multiplicatis, vt saepe nesciant fideles, an censuris obstricti sint, necesse fuit, absolutionem ad cautelam sacramentali absolutioni praemitti, & omnibus gratiae rescriptis inferi. V. *Espen. tract. de censur. cap. XI. §. 3.*

tiut (c), quam conceptis precibus dabatur; sed labentibus annis eo res devenit, vt in vtraque ecclesia certa verborum formula tribueretur, *cap. 28. ex. de sent. excommunic.* Quin a nonnullis falso creditum, per istam absolutionem mortuos ab aliquibus poenis liberari; excommunicationes enim & absolutiones mortuis datae eorum animabus nec prodesse, nec nocere possunt; sed eorum tantum memoriae. V. Dupin: *de vet. eccles. discipl. diff. III. cap. 2. (d).*

CA.

(c) Veluti si mortuorum execratorum nomina in sacris diptychis, ex quibus antea expuncta fuerant, iterum restituerentur; itemque si oblationes mortuorum nomine factae ab ecclesia acciperentur. Bingham. *orig. eccles. lib. XVI. cap. 3. §. 12.* Quo facto iterum mortuorum nomina in sacris precibus recitabantur, & ecclesia pro eorum dormitione deprecationem faciebat.

(d) Fuit in veteri disciplina absolutio, quae oeconomia quadam dabatur excommunicatis, qui in gratiam apud reges recepti aut regiae mensae participes facti erant: quod synodus Toletana XII. *can. 3.* de iis, qui *contra regem, gentem vel patriam* egerant, decernit. Idem vero veluti in capitularibus generatim de omnibus excommunicatis cautum luo Carnotensis *decr. par. XVII. cap. 344.* testatur, quamuis in eam sententiam nullum hodie exster capitulare. Mos iste obrinuit in Germania; Francia, Hispania & Anglia: quod Seldenus *de synedr. lib. I. cap. 10.* probat. Nimirum id obsequii ecclesia tribuit principibus, vt censuras suas relaxaret, si illi in suam gratiam excommunicatos recepissent. Eriam apud gentes homicidii reus, qui & a sacris & a communi consortio arcebat, expiatus seu absolutus tum demum maxime habebatur, si a rege quopiam exceptus hospitio purgaretur. V. Selden. *loc. cit.*

C A P V T XXXIX.

De depositione & reliquis poenis ecclesiasticis.

§. I. **S**atis de censuris, nunc de poenis ecclesiasticis stricte sic dictis agendum, inter quas principem sibi locum *depositio* vindicat, Graecis *καθίστασις* dicta. Definitur poena ecclesiastica, qua clerici propter crimen in perpetuum ordinum exercitio, sacris functionibus & beneficiis in totum exuuntur. Vna erat in veteri disciplina depositio, quae etiam *degradatio* dicebatur; at ex regulis novae disciplinae depositionis duae sunt species, una simplex seu verbalis, quae *depositio* stricto sensu dicitur; altera sollemnis & actualis, quae *degradationis* nomine venit. Simplex depositio per nudam iudicis sententiam clericum gradu suo nulla adhibita sollemnitate exturbat: sollemnis vero & actualis verbis & re peragitur, est enim actus ipse seu sollemnis caerimonia, qua clericus sola sententia prius depositus reapse sacris indumentis & insignibus spoliatur, & ad laicos abiicitur.

§. II. Multa inter depositionem & degradationem intercedunt discrimina: praecipua vero sunt: depositus adhuc retinet privilegia clericalia, degradatus vero ea omnino deperdit, & deinceps velut laicus reputatur: depositus item ablegatur ad poenitentiam, degradatus traditur iudici saeculari puniendus: depositus denuo deponi nequit, at potest degradari. Discrimina ista sunt ex nova disciplina, quae inter depositionem & degradationem distinguit: nam secundum veteres regulas per ipsam depositionem clerici privilegia clericalia una cum ordinum exercitio amittebant, & statim ad laicam communionem transibant: depositi clerici magistratibus puniendi ab episcopis non tradebantur; nec poterat evenire, ut depositus degradaretur.

§. III. Inter depositionem & degradationem distinctio inualuit, ubi clerici de magistratuum iurisdictione et-

sam in ciuilibus delictis omnino exempti sunt, & publica atrociores & sanguinis poenas, quae in notis Europae regnis frequentes non erant, receperat. Nimirum in hoc rerum statu aliquando clerici canonicis poenis in officio retineri non poterant: atque ideo in delictis atrocibus magistratibus puniendi tradi debebant, ne in ecclesiae & reipublicae perniciem nequiores euaderent. Ita non sufficebat, clericum deponi per nudam sententiam, quae cum nec clericalibus priuilegiis spoliabat, nec foro saeculari addicebat. Ergo necesse fuit inter simplicem, & sollemnem depositionem distingui, vt depositi clerici per degradationem ad laicos redacti magistratibus tradi possent (a). Eiusmodi discrimen aut induxit, aut iam inductum exeunte saeculo decimo secundo Clemens III. seu Caelestinus III. probauit, *cap. 10. ex. de iudiciis*.

§. IV. Ex regulis veteris disciplinae episcopi in synodo prouinciali, presbyteri & reliqui inferiores clerici a proprio episcopo in ecclesiae senatu deponebantur. Conc. Antioch. *can. IV. & XV.* Sed Africani patres in re tanti momenti solum episcopum in presbyterio sedentem vix sufficere putantes, in deponendis etiam diaconis & presbyteris plurium episcoporum praesentiam adhiberi voluerunt. Itaque statuerunt, vt diaconus a tribus vicinis episcopis cum proprio episcopo arguatur, presbyter a sex; episcopus vero a duodecim episcopis damnetur, *can. 3. & seqq. C. 15. q. 7.* Tum vero haec disciplina obtinuisse videtur, si contingeret, extra sollemne habendae synodi tempus episcopum deferri, & negotium moram non pateretur; nam alias etiam secundum Africanos canones episcopi

(a) In veteri disciplina etiam deponebantur clerici, antequam pro delictis ciuilibus a magistratu punirentur. Iustin. *novel. LXXXIII. in praef. §. 2.* Verum depositio ista non eo spectabat, vt illi in iudicis laici potestatem transirent; sed potius ad eos altaris ministerio exturbandos; integra tum erat in clericos communium criminum reos magistratum iurisdictio; atque ideo non poterat euenire, vt episcopi ipsi reos magistratibus puniendos traderent, vt mittam quod tum eiusmodi traditiones ecclesiasticae mansuetudini aduersae censebantur.

scopi in ordinariis synodis deponerentur, *can. 4. eodem.* Disciplina ab Africanis patribus statuta etiam in alijs Occidentis ecclesijs recepta est.

§. V. Verum labentibus annis depositiones siue episcoporum, siue presbyterorum & diaconorum per alios iudices ab iis, qui in antiquis canonibus designantur, factae sunt. Et quidem depositiones episcoporum vna cum reliquis causis maioribus ad summum pontificem deuolutae sunt. Huius nouae disciplinae primordia debentur falsis decretalibus, quae initio noni saeculi opera Isidori Mercatoris vulgatae sub nomine Eleutherii, Iulij aliorumque pontificum edicunt, non licere synodis prouincialibus praeter sententiam Romani pontificis episcopos damnare: quod veteribus canonibus & veteris disciplinae vsui aduersatur; synodi enim prouinciales per plura saecula episcopos initio pontifice damnarunt. Quae noua doctrina diu dubia haesit; tandem vero exeunte decimo saeculo & deinceps vna cum falsis decretalibus in Occidente recepta est: & quia synodi prouinciales rariores euaserant, eo deuentum, vt episcoporum causae, tamquam maiores, primo iudicio sedi apostolicae reseruarentur: quod supra *cap. VIII.* vberius expositum est.

§. VI. Quod vero spectat ad meram depositionem maiorum clericorum, eam etiam a tribus aut sex episcopis vna cum proprio episcopo Bonifacius VIII. fieri voluit, tantumque permisit, vt clerici in minoribus ordinibus constituti possent sola proprii episcopi sententia exauctorari, *cap. 2. de poenis in 6.* Quod vero in aliquibus prouincijs legitimus episcoporum numerus ad depositionem vix haberi poterat, statuit Tridentina synodus *ses. XIII. de ref. cap. 4.*, vt liceret episcopo, siue per se, siue per vicarium generalem clericos etiam maiores deponere, modo loco episcoporum adhibeantur totidem abbates, qui vsum mitrae & baculi habeant, si in ciuitate, aut dioecesi inueniri & commode interesse possint; alioquin aliae personae in dignitate ecclesiastica constitutae, quae aetate graues sint, & iuris scientia commendentur.

§. VII. Sollemnitas, qua degradatio in noua disciplina peragitur, exemplo rei militaris videtur instituta; dum enim exauctorabantur milites, insignia militaria iis detra-

he-

hebantur, *L. 12. C. de dignitatib. lib. 10.* sicque castris & consortio militum eiekti militaribus priuilegiis cadebant. Itaque clericus degradandus sacris vestibus indutus ac manu habens librum, vel aliud sui ordinis instrumentum, perinde ac si in officio sollempniter ministrare deberet, adducitur ad episcopum, cui adhaerent alii episcopi seu abbates, aliiue, qui in sententia depositionis interfuerunt. Episcopus singula ornamenta ipsi sigillatim eripit, incipiens ab eo, quod in ordinatione postremum fuit, & desinens in eo, quod primo datum est: tùm iubet, caput omne abradi, ad delendam coronam clericalem, ne vllum supersit clericatus vestigium. Dum vero singula ornamenta episcopus detrahit, ad terrorem verba iis contraria, quae in ordinatione adhibita sunt, vsurpat: & in detractione vestis clericalis addit veluti sententiam, qua degradatum omni ordine, beneficio & priuilegio clericali exuit, & ad laicos reducit, *cap. 2. de poenis in 6. (b).*

§. VIII. Depositio autem, vtpote poena grauis, tantum ob delictum debet irrogari, quo clericus indignus sacro ministerio fiat. Delicti autem nomine ex veteris ecclesiae regulis non solum graua crimina tam ecclesiastica, quam ciuilia veniebant; verum etiam delicta ipsa minora, quae clericum nota quadam infamiae adsciebant, aut alias contra canones & clericale officium admittebantur. Et sane depositio manebat clericos, qui aleis & e-

brie-

(b) Clerici degradati aut depositi ex regulis decretalium aliquando caractere impresso notantur, quo ab aliis possint internosci, *cap. 3. ex. de crimine falsi*. Fuit haec poena ciuilis, qua calumniatorum fronti apud Romanos K littera ex lege Remmia inurebatur, vt ita designaretur, inustum esse calumniatorem; veteres enim *Kalumnyiam* scribebant. Seruis quoque delinquentibus & praesertim fugitiuis ardenti ferro inscribi solebant litterae aut stigmata, vt deinceps suo se titulo proderent. Inde Constantinus M. non licere statuit, faciem hominis stigmate aut nota aliqua maculari, quod facies hominis ad similitudinem caelestis pulcritudinis efformata sit, *L. 17. C. de poenis*. Hinc mirari subit, pontifices eo seueritatis deuenisse, vt clericos grauiorum criminum reos stigmate notarent, praesertim quod notatio ista infamiam irrogaret,

brietatibus vacarent, si admoniti bonam vitam non induissent, *can. XLI. apostol.* Item praesto erat depositio, si clerici in sui officii exercitio negligentes essent, *can. LVIII. apostolorum, can. 8. D. 81.* Quod si quando occurrant clerici ob graua crimina a gradu in perpetuum non deieci, sed aliis minoribus poenis castigati; id arguit, ecclesiam censuras suas pro varia temporis & personarum ratione moderasse.

§. IX. Quod vero spectat ad degradationem, qua clerici degradati magistratibus puniendi traduntur, ea, quo primum tempore per summos pontifices probata est, propter magna crimina tum demum irrogabatur, si omnibus remediis & poenis canonicis praemissis clerici contumaces & rebelles persisterent, *cap. 10. ex. de iudiciis, cap. 2. ex. de clerico excomm. ministrante.* Interim conciliorum canonibus & pontificum decretalibus sensim quaedam crimina expressa sunt, quae etiam sine reorum contumacia degradatione vindicari placuit. Talia crimina sunt haeresis, & apostasia a fide, saltem si quis in illam relapsus, aut in ea pertinax sit, falsificatio litterarum apostolicarum, assassinium, crimen nefandum non semel admissum & cetera huiusmodi, quae Benedictus XIV. *de synodo dioecesi. lib. IX. cap. 6.* recenset.

§. X. Depositio autem ex veteris disciplinae regulis perpetua est: semel enim depositus in perpetuum gradu suo excidebat, nec spes ferme supererat vlla, qua in pristinum honorem restitueretur. Conc. Antioch. *can. V., can. 2. & 4. D. 50.* Praesertim vero nulla erat spes restitutionis, si clerici depositi ex veterum legum sententia curiae addicti fuissent; curiae enim addicti ad clericatus gradum adspirare verabantur. Verum Augustinus depositionem tum perpetuam videtur habuisse, si depositi condignam poenitentiam non agerent, *can. 23. D. 50.* Quidquid vero huius rei sit, in noua disciplina depositis post poenitentiam tantum indulgentia sedis apostolicae, accedente proprii episcopi consensu, restitutionem sperare licet.

§. XI. Iam vero clerici perpetuo depositi ex regulis antiquis deinceps tantum laicam communionem recipiebant. Siric. papa *epist. ad Himerium Tarracon.*, conc. Agath. *can. L.*; conc. Arelat. III. *can. 2. V. Albaspin. obseruat.*

var. lib. I. 4. Sed quae fuerit laica communio, non conuenit inter doctos. Bellarminus *de eucharist. l. b. IV. cap. 24.* laicam communionem fuisse docet communionem sub vna tantum panis specie. Contra Lindanus *panopl. lib. IV. cap. 58.* & Vossius *thes. theol. disput. XXIII. th. 5.* ad laicam communionem clericos redactos sentiunt, quod depositi sacram eucharistiam non in sanctuario, sed extra cancellos inter laicos perciperent. Rectius Alaspinaeus, Petrus de Marca, cardinalis Bona alique tenent, clericos depositos ad laicam communionem fuisse redactos, quod deinceps tamquam veri laici cum ecclesia communicarent, nullius iuris aut functionis clericalis participes: quo sensu laica communio opponebatur *communioni ecclesiasticae* strictae sic dictae, quae functiones ordinum & iura clericalia complectebatur. Sane depositi clerici vestem clericalem cum laica commutabant: tonsuram clericalem deponebant, & eorum nomina ab albo clericorum expungebantur: non tamen vi depositionis ab ecclesia tamquam ethnici & publicani eiiciebantur. Sed ubi depositio a degradatione distincta est, non sola depositio, sed potius degradatio ad statum laicorum redegit.

§. XII. Sed perpetuo depositi clerici in veteri disciplina addicebantur curiae, aut ordini suo, prout natales, aut facultates eorum erant, *L. 39. C. Th. de episc. & clericis, L. 53. §. 1. C. de episcopis.* Curia in vetustis monumentis est collegium ciuitatum inferiorum, eique addicti erant curiales seu decuriones, qui honoribus quidem curiae fruebantur, at vna cum substantia & posteritate sua eius muneribus & expensis erant obnoxii. Itaque depositi clerici dicebantur curiae tradi seu addici, quod ab altaris obsequiis eiecti, & ad laicos redacti ad ciuitatis curiam transibant. V. Iac. Gothofr. *ad cit. L. 39.* Addictio ista poenae loco videtur fuisse; & hinc depositi curiae adscripti necessitatibus publicis obligabantur, & saepe in humili conditione & officio curiae seruiebant, honoribus curialium fortasse expertes. Hoc sensu accipitur traditio curiae etiam aetate posteriore, vt videre est in falsis decretalibus, in quibus dicitur, vt depositus clericus curiae tradatur, cui diebus vitae suae deseruiat, *can. 31. C. 11. q. 1., can. 18. eodem.* Itaque traditio curiae

in veteri disciplina non eo spectabat, vt clerici a magistratibus punirentur, sed potius vt illi perpetuo curiae desertirent.

§. XIII. Verum lapsu temporis, vbi clerici de iurisdictione magistratus per omnia exempti sunt, & respublica seueriores sanguinis poenas in vsum adsiduum recepit, inualuit, vt clerici depositi & sollemniter degradati magistratui puniendi traderentur: quo sensu formula *traditur curiae*, vbi ciuitatum collegia desierant, accepta est, quod ex Iuone Carnotensi *ep. LIII. & LXVI.* constat. Traduntur vero clerici magistratibus certo quodam ordine: nam primum deponuntur, deinde si in malitia perseuerent; excommunicantur; postea crescente contumacia, anathemate feriuntur, hoc est, nouis adhibitis excommunicationibus excommunicantur; & demum vbi in profundum malorum venerint, degradantur, & magistratibus puniendi traduntur, *cap. 10. ex. de iudiciis*. Haec tradendi forma initio generalis fuit, tum ad ea crimina restricta est, quibus ipso iure degradationis poena non irrogatur. Quod vero ecclesia abhorret a sanguine, episcopus degradatum magistratui traditurus, statim pro eo intercedit, vt citra sanguinis effusionem sententia moderetur: qua *secunda* intercessione episcopum non fieri a catione alienum, receptum est, *cap. 27. ex. de verbor. significatione*, etsi interim integrum sit magistratui ad mortem vsque saeuire. Ceterum moribus hodiernis depositiones vix vsurpantur & multo minus degradationes.

§. XIV. Inter poenas ecclesiasticas proximum a depositione locum tenet *regradatio*, quae est depositione minor. Militare vocabulum Latinis erat regradatio, quo denotabatur militis in inferiorem militiam reiectio, *L. 3. D. de re militari*. Itaque regradari dicebantur clerici, qui de suo in inferiorem ordinem, aut ordine suo reuocato, ad vltimum sui ordinis locum deliciebantur: cuius poenae exempla passim in veteribus monumentis occurrunt. V. Alfeser. *de eccles. iurisd. lib. IX. cap. 9.* Sic vero regradati clerici tantum in inferiore ordine ministrabant, & alieni officii vsurpatio erat, si officia ordinis, vnde deiecti erant, attentarent.

§. XV. Item inter poenas in veteri disciplina ab episcopis infligi solitas erant verbera, quibus iuniores clerici

ab episcopis adfici solebant. Conc. Agath. *can. XXXVIII. & XLI.*, Epaon. *can. XV.*, Maficon. 1. *can. 3. al. 5.* Satis moderata eiusmodi coercitio videtur fuisse, & potius ad emendationem, quam ad vindictam spectasse. *Qui modus coercitionis*, per virgarum nempe verbera, inquit Augustinus *ep. CLIX. ad Marcellinum*, a magistris artium liberalium & ab ipsis parentibus, & saepe etiam in iudiciis solet ab episcopis adhiberi. Et sane flagellationis & verberum hic modus fuisse videtur, ne ultra triginta novem ictus excurreret, conc. Maricon. 1. *can. 5. al. 8.*: qui erat verberum modus in lege Mosaiica praescriptus, quamvis si crimen atrox esset, post aliquot dies verbera repeti possent. Etiam apud monachos obtinuit verberum coercitio; constat enim in monasteriis fuisse flagella, quibus monachi iuvenes, & qui protervius aliquid fecissent, castigabantur.

§. XVI. Alia poena canonica, quae clericis in veteri disciplina irrogabatur, erat *communio peregrina*, cuius synodi Regensis *can. III.*, Agathensis *can. V.* & Ilerdensis *can. XV.* mentionem faciunt. Quid vero fuerit communio ista peregrina clericis in poenam indicta, varie explicatur, omniumque sententias Binghamus *orig. eccles. lib. XVII. cap. 3.* refert & expendit. Illa videtur probabilior sententia, clericos in sua ecclesia ad communionem peregrinam redactos vixisse quidem de bonis ecclesiae, at interim omnibus officiis clericatibus & precum communione exclusos fuisse. Sane communio ista a peregrinis, seu christianis, qui extra suam ecclesiam versabantur, nomen accepit. Peregrini vero litteris formati, quibus de eorum fide & moribus constaret, destituti, si pauperes essent, ab ecclesia alimenta accipiebant, non tamen in precibus & eucharistia communicabant, *can. XXXIV. apostol.* Synes. *epist. LXVI.* Hinc peregrina communio clericis irrogata genus poenae fuit, qua illi in sua ecclesia ad conditionem peregrinorum reducebantur; atque ideo sportulas tamquam clerici accipiebant, at interim suorum ordinum exercitio & ipsa precum & eucharistiae communione prohibebantur. Ceterum clerici in hanc conditionem redacti per poenitentiam facile pristinum

nam

num gradum recuperabant, conc. Agath. *can. II*, in quo a laica communione peregrina distabat.

§. XVII. Praeterea detrusio clericorum in monasterium ad agendam poenitentiam frequens fuit apud veteres; ibi enim ceterorum hominum oculis subducti facilius poenitentiae exercitationes subibant, & peccatorum occasiones euitabant. Includebantur vero clerici delinquentes in monasteriis, tam si ad tempus officio suo abstanti essent, *novel. CXXIII. cap. 2.*, conc. Hispal. *can. III.*, quam si perpetuo depositi in laicam communionem redissent, conc. Agath. *can. L.*, Epaon. *can. XXII.* Perpetua vero detrusio in monasterium praesertim obtinere debuit, postquam clerici de imperio magistratus etiam in criminibus civilibus exempti sunt: nec enim aequum erat, ut ob publica crimina ab officio depositi deinceps in civitate cum reliquis ciuibus versarentur, quo Innocentius *III.* spectare videtur, *cap. 6. ex. de poenis*. Verum hoc poenae genus in usu esse desiit, tum ob monachorum repugnantiam, qui exemptionibus aucti episcopis monachos in monasteria relegantibus non parebant; tum etiam quod non satis tuta erat in monasteriis detentorum custodia; & periculum etiam erat, ne malis clericorum moribus monachi ipsi corrumperentur.

§. XVIII. Nec tantum vetus ecclesia clericos in monasteria ablegabat, verum etiam eos siue ad tempus, siue in perpetuum poenitentiae causa custodia strictiore & veluti carcere coëcebat. Cui vsui inserviebant diaconica & sacrorum vasorum aeraria, & quandoque etiam catechumenia, seu loca in altum navis ecclesiae elaborata. Gregor. *II. epist. ad Leonem Isaurum*. Quin patres Tolentani memorant *ergastulum*, in quo clerici depositi perpetuo includebantur, *can. 30. C. 23. q. 8.* Et in ipsis canonicorum monasteriis erant loca secretiora, quo peruicaces & inemendabiles detrudebantur. Ex his moribus sensim inualuit, ut episcopi carceres haberent, in quibus siue in perpetuum, siue ad tempus clerici delinquentes in poenitentiam coërceri possent, *cap. 27. §. 1. ex. de verbor. significatione, cap. 3. de poenis in 6.* Hinc distat inter ius civile & canonicum, illo enim carcer non ad poenam, sed in reorum custodiam institutus est, hoc vero

etiam in poenam decernitur, quod ad agendam poenitentiam initio habitus est. Interim clerici delinquentes coercendi non sunt publicis & ciuilibus carceribus, qui apta loca ad poenitentiam non sunt, sed carceribus ecclesiasticis, qui tacito saltem ciuilis potestatis adsensu permittuntur.

§.XIX. Inter poenas ecclesiasticas censetur etiam multae dictio, seu poena pecuniaria, quae ex eleemosynis, quae semper in poenitentiam consueuerunt irrogari, originem ducit. Nimirum ubi forum externum ab interno separatum est, iudices ecclesiastici consuetudine quadam fori, exemplo fortasse iudicum saecularium, multas decernere coeperunt, occasione ab eleemosynis, quae in foro interno imponebantur, arrepta. Probauit hunc usum synodus Tridentina *ses. XXIV. de res. cap. 3.*, ubi permittitur iudici ecclesiastico, ut in causis ciuilibus ad ecclesiae forum pertinentibus multas etiam laicis irrogare possit. Interim multae in foro externo pristinum eleemosynarum ingenium retinuerunt: & hinc sicuti sacerdotes confessionibus praepositi solliciti cauere debent, ne ex eleemosynis in poenitentiam iniunctis utilitati suae consulant; ita cautum, ne iudices ecclesiastici multas in totum, vel pro parte in usum suum conuertant, *cap. 13. §. 2. ex. de officio ordinarii*. Et synodus Tridentina *ses. XXV. de res. cap. 3.* statuit, ut multae per iudices ecclesiasticos inflictae in eleemosynas, aut aliud pium opus impendantur. Verum non facile poenae pecuniariae irrogandae, ubi crimen aliam poenam canonicam requirit: & scite obseruat Fagnanus *in cap. 3. ex. de poenis*, antistites, qui facile poenas pecuniarias exigunt, vehementem exhibere avaritiae praesumptionem. Infigunt vero iudices ecclesiastici moribus hodiernis multas tantum in clericos, non item in laicos: & certe nec alibi, nec apud nos recepta sunt decreta Tridentina, quibus datur episcopis, multas in laicos irrogare.

§. XX. Videamus modo, num ecclesia pro iure suo possit exilio damnare. Exilium supponit territorium, extra quod rei pellendi sunt: quum vero ecclesia territorium non habeat, nec ius pellendi in exilium potest habere, quod multis iuris canonici locis comprehensum est, *can. 43. C. 23. q. 7., cap. 10. ex. de iudiciis, cap. 2. ex.*

de

CAP. XL. DE EXEMPTIONIBVS ETC. 709

de clerico excommunicato ministrante (c). Interim recte potest episcopus clericos alienos, qui in sua dioecesi morantur, ob malos mores ad proprios episcopos dimittere: dimissio enim ista exilium non est, sed potius pertinet ad canonum executionem, qui clericos suis episcopis addi-
cunt, nisi per beneficium alteri ecclesiae adscripti sint.

C A P V T XL.

De exemptionibus de potestate episcoporum.

§. I. **I**N veteri disciplina, vbi limites ecclesiarum consti-
tati sunt, & singulis pastoribus portio gregis ces-
sit, quam vnusquisque regeret & gubernaret, christiani
omnes vna ecclesia comprehensi suo parebant episcopo,
& ei adhaerentes vnam particularem ecclesiam compone-
bant. *Ecclesia*, inquit Cyprianus *ep. LXIX. al. LXVI.*
ad Papiam., est plebs sacerdoti vnita, & pastori suo gregi
adhaerens. Vnde scire debes, episcopum in ecclesia esse, &
ecclesiam in episcopo: & si qui cum episcopo non sint, in
Y y 3 eccle-

(c) Huic doctrinae, quae habet, ecclesiam iure pellendi in
exilium carere, obstat Gregorius M. *lib. XI. epist. 71.* vbi cui-
dam episcopo mandat, vt hypodiaconum calumniatorem officio
deiciat, & verberibus publice castigatum faciat in exilium de-
portari: obstant etiam falsae decretales, quae contra episcopo-
rum persecutores & sacrilegos praediorum ecclesiasticorum inua-
sores exilium irrogant, *can. 9. C. 3. q. 4. & can. 13. C. 17. q. 4.*
Verum Gregorius M. mandauit episcopo, vt calumniatorem
hypodiaconum in exilium faciat deportari, vtique a magistra-
tu, cuius potestatem episcopus debebat implorare. Et sane
male in *cap. 1. ex. de calumniatoribus* ita Gregorii verba ex-
hibentur, vt ipse pontifex veluti proprio iure exilium videatur
irrogare. Nihil vero moror falsas decretales, vtpote quae ab
homine confarcinatae sunt, qui tenebat, ecclesiam poenas ci-
viles damni & honoris posse irrogare.

ecclesia non esse. Cui doctrinae concinunt veteres canones, qui ab episcopo non pendentes congregationes tamquam schismaticas traducunt, & clericos earum auctores deponunt, laicos vero extra ecclesiae communionem proiciunt, *can. apost. XXXI.* Et inde episcopi dicti *principes populi*, vel *ecclesiae*, & *procuratores praefecti*, quasi qui vniuersae ecclesiae praesiderent. At in noua disciplina ab hac regula descitum est, & monachi, collegia canonicorum, immo & singulae personae priuilegiis aucti sunt, quibus de potestate episcopi exempti vni Romano pontifici subsunt.

§. II. Initio vitae monasticae episcopi in monachos, vtpote in solitudine & monasteriis sepultos, speciali potestate vsi non videntur, sed ea tantum, qua cura animarum continetur. Sed deinceps quum monachi continuis egressionibus coepissent ecclesiam & rempublicam turbare, synodus Chalcedonenfis *can. IV.* eos suggerente Marciano imperatore curae speciali & potestati episcoporum subiecit. Quae disciplina deinceps & legibus ciuilibus & multis canonibus & regum Francorum capitularibus confirmata est, *L. 44. §. 1. C. de episcopis, can. 16. & seqq. C. 18. q. 2.* Hinc regula iuris canonici: episcopus habet fundatam iurisdictionem in regulares suae dioecesis, nisi probetur exemptio, *cap. 7. de priuileg. in 6.*

§. III. Potestas episcoporum in monachos disciplinam monasticam & bona monasteriorum episcopis subiiciebat, eaque vti oportebat episcopos vt pastores animarum, vnice monachorum salutem spectantes. At episcopi tanta potestate saepe abusi sunt, & res monasteriorum temporales variis nominibus inuaserunt. V. *Esper. par. III. tit. 12. cap. 2.* Sane ex oblationibus monasterio factis partem vnā sibi adserebant, idque quod in diuisione reddituum ecclesiasticorum in tres aut quatuor partes vna ad episcopum spectaret; in abbatum benedictionibus, in consecratione altarium & oratoriorum dedicatione, in monachorum pro seruitio monasterii ordinationibus, in visitandis monasteriis, in chrismatis & olei sancti largitione a monachis exigebant temporalia. Exigebant quoque *cathedraicum* seu *synodaticum*, pecuniae nempe summam, quae in cathedrae honorem pendi consueuerat. His aliisque

liisq; nominibus multi episcopi monachis graues euaserunt, immo non desuerunt, qui monachos seruili operi manciparunt, & monasteria in proprias possessiones verterunt. Conc. Tolet. iv. *can.* 52.

§. IV. Iam vero saeculis sexto & sequentibus monachi exemptiones de episcopali potestate meruerunt, quae a certis oneribus, vel omnibus monachos liberabant, sed integra remanente in ipsos monachos canonica episcopi potestate. Sane exemptiones a Gregorio M. pluribus monasteriis concessae tantum ad onera & abbatis liberam electionem spectant; at episcopis in monachos aperte reseruant *diligentiam disciplinae*, hoc est, canonicam auctoritatem. Gregor. M. *lib. VII. ep.* 15. & *lib. VI. ep.* 12. Et sollemnis concedendi monasteriis priuilegii formula apud Marculphum *lib. I. form.* 1. exemptionem ab oneribus & liberam abbatis electionem continet, integram vero relinquit episcopi in monachos potestatem. Ipsi fundatores vt plurimum petebant huiusmodi priuilegia, eaque proprii episcopi concedebant, & quo firmiora essent, saepe in synodis vel a Romano pontifice probabantur, accedebatque etiam regia confirmatio, vt plenius monachis conluleretur.

§. V. Huiusmodi partiales exemptiones disciplinae monasticae non aduersabantur, nec monstrosam faciebant ecclesiam; at post saeculum decimum etiam plenae exemptiones, quae etiam de canonica episcoporum potestate liberant, & soli pontifici Romano subiiciunt, monachis concedi coeptae sunt (a). Non episcopi, sed Romani

Y y 4

pon-

(a) Sane ante saeculum vndecimum, aut decimum secundum distinctione inter monasteria exempta & non exempta in synodis & genuinis monumentis illius aetatis non occurrit; sed generatim de veteri regula monasteria episcoporum potestati subiecta dicuntur. Item ante illa saecula nullae occurrunt aduersus abbatum & monachorum exemptiones querelae, quae saeculo vndecimo & sequentibus frequentes & graues fuere. Quae duo magno argumento sunt, post decimum saeculum incepisse exemptiones, quibus monachi de canonica episcopi potestate subtra-

pontifices haec plenaria concesserunt priuilegia (b), idque plerumque episcopis aut inscientibus, aut inuitis. Quae quidem exemptionum priuilegia semel vsurpata labentibus anpis adeo fuerunt multiplicata, vt omnia ferme monachorum monasteria & singuli ordines eadem obtinuerint. Ipsi fratres minores, qui praeter ceteris alieno ab exemptionibus animo esse debebant, earum fuerunt auidissimi. Certe S. Franciscus hoc vno gloriabatur priuilegio, se *nullum habere priuilegium*: & fratribus suis per obedientiam praecepit, ne vnquam a Romano pontifice priuilegia peterent. Sed hac in causa fratres minores sanctissimo patri obedientiam denegarunt, & duce Elia eiusdem ordinis sodali, qui non diuino spiritu, sed prudentia carnis nitebatur, vt Baronius *ad ann. 1526*. obseruat, multa & plenissima impetrarunt exemptionum priuilegia, quae etiam in functionibus hierarchicis, in administrandis sacramentis & in habendis praedicationibus de episcopali potestate exemerunt (c).

§.VI.

At sunt, aut saltem ante illud tempus non adeo fuisse multiplicatas, vt multorum querelas excitarent.

Circumferuntur quidem ante saeculum decimum multa priuilegia, quae monachos subtrahunt de episcoporum potestate, & vni pontifici addicunt: at eorum pleraque sunt supposititia, cuius generis est priuilegium, quod monasterio S. Medardi a Gregorio M. dicitur concessum: item illud, quod monasterio S. Martini Turonensis ab Adeodato papa datum fertur: alia vero genuina quidem sunt, sed admodum pauca, & praeterea non inuitis episcopis concessa sunt, quale est, quod Zacharias pontifex Fuldeni monasterio dedit apud Baronium *ad ann. 1526*. n. 29.

(b) Huiusmodi plenas exemptiones *emancipationis* nomine S. Bernardus *de consider. lib. III. cap. 4.* dixit, idque quia sicut emancipatio filios de patris potestate, ita exemptiones de canonica episcopi potestate monachos liberabat.

(c) Hoc eodem tempore, quo monachi episcopis subtrahantur, episcopi ipsi priuilegia exemptionis de suorum metropolitano potestate obtinebant. *Subtrahuntur*, inquit S. Bernardus *de consid. lib. III. cap. 4.*, *abbates episcopis, episcopi archie.*

CAP. XL. DE EXEMTIONIBVS ETC. 713

§. VI. Nec tantum monachi, sed etiam collegia canonicorum praesertim cathedralium potestatem episcoporum excusserunt, & vni Romano pontifici subiecta sunt. Quae quidem canonicorum exemptiones saeculo decimo tertio & sequentibus sensim inualuerunt: fortasse praetextu immunitatis in temporalibus & correctionis, quam capitulum vel decanus habebat, dissimulantibus subinde episcopis, aut etiam consentientibus, vt inde liberiores euaderent in ecclesia administranda. Quin malo religionum & canonicorum exemplo etiam singulares personae siue saeculares, siue regulares variis titulis sibi exemptionem & libertatem de episcopi potestate impetrarunt: quod multis in locis indicant Tridentini patres, & praesertim *ses. XXIV. de res. cap. 11.* vbi deplorant, eiusmodi exemptiones episcoporum iurisdictionem perturbare, & exemptis occasionem laxioris vitae praebere.

§. VII. Sunt vero exemptiones vel personales, vel locales, vel mistae. Personalis dicitur, qua particulares tantum personae eximuntur, nulla habita loci ratione, ac proinde quocumque eant, exemptae censentur. Locales vero conceduntur locis, veluti monasteriis aut ecclesiis, ita vt personae tantum respectu loci exemptione fruantur. Et mistae demum & locis & personis, quae ad illa loca pertinent, concessae sunt: quales ferme sunt exemptiones monasteriis & monachis concessae. Cuius vero generis sit exemptio, ex verbis privilegii iudicandum est.

§. VIII. Plures vero adferri solent causae, quae ad monachos & regulares de potestate episcoporum eximendos pontifices impulerunt (d). Sed praecipuae & ab ipsis mo-

archiepiscopis, archiepiscopi patriarchis siue primatibus. Longe ante hoc tempus in ecclesiis Orientis fuerunt episcopi nulli metropolitano subiecti, sed proxime sub patriarcha constituti. V. Bingham. *orig. eccles. lib. II. cap. 18. n. 3.*

(d) Praecipuam causam, qua monachi de potestate episcoporum exempti sunt, fuisse abusum potestatis episcopalis in monachos Tamburinus *de iure abbat. tom. 1. disp. 15. q. 3.* arbitrat. Et constat quidem, reapse aliquando coactos fuisse monachos ad exemptiones confugere, vt ab impotenti episcoporum do-

monachis & a pontificibus videntur repetendae. Monachi bonis aucti, & abbates insulis episcopalibus condecorati, indignum reputarunt episcopis obedire: & hinc etiam ingenti auri perfoluto pondere exemptiones sibi parare studuerunt: quod S. Bernardus *epist. XLII. ad Henricum Senonensem* testatur (e). E contrario mendicantes ipsa paupertas fecit priuilegiorum appetentes, & praeterea celebritas & fama, quibus eorum ordines inclarescebant, speciali fauore dignae videbantur. Ipsa quoque monachorum sub vno generali capite consociatio non parum exemptiones promouit, ne potestas episcoporum in monachos eorum hierarchiam turbaret (f). Porro saeculis vndecimo & sequentibus intererat Romanorum pontificum sibi per omnem ecclesiam speciales filios & subditos parare, vt ita ordinariam & veluti episcopalem in vniuersam ecclesiam potestatem facilius exercerent, & nouorum filiorum multitudine episcopos veluti in officio continerent (g). Capitula quoque ecclesiarum ad exemptionem proclamarunt, quod ab episcopis suis iniqua dominatione preme-

dominatu se munirent; verum haec ratio non videtur generalis: & praeterea abusus potestatis vnius episcopi non facit, vt successores ingenua summo sacerdotio priuentur potestate.

(e) *Spolians ecclesias*, inquit de abbatibus S. Bernardus, *vt emancipentur, reddunt se, ne obediant.*

(f) Ex his aliisque causis tanta exemptionum cupido monachos incessit, vt multi bullis adulterinis eas sibi pararent: quod Petrus Blesensis *epist. LXVIII.* testatur: & multa spuria, quae adhuc supersunt, priuilegia demonstrant. Argumenta quibus bullae pontificiae ad spuria ablegantur, Innocentius III. *in cap. 5. ex. de crimine falsi* proponit. Et Lucius III. addit, fidem non esse adhibendam bullis, in quibus occurrunt errata grauiora aduersus syntaxim, *cap. 11. ex de rescriptis.*

(g) S. Bernardus *de consider. lib. III. cap. 4. ex plenitudine pontificiae potestatis exemptiones repetere videtur: Bona ne species haec? Mirum si excusari queat, vel opus. Sic facit quando probatis vos habere plenitudinem potestatis; sed iustitiae forte non ita. Facitis hoc quia potestis; sed verum debeat, quaestio est.*

merentur, & vt liberius suis cupiditatibus inferuirent.

§. IX. Multiplicatae monachorum & capitulorum de episcopali potestate exemptiones sexcenta incommoda non minus in ecclesiam, quam in ipsos exemptos inuexerunt. Atque hinc eas optimi monachi, in primis sanctus Bernardus & sanctus Franciscus improbarunt: & episcopi semper eas aegre tulerunt. Sane dissolutio inter episcopos & monachos nexu potestatis & subiectionis monachi euaserunt dissolutiores, pauperiores & in episcopos contumaces quod S. Bernardus *de consider. lib. III. cap. 4.* & Petrus Blefensis *epist. LXVIII.* testantur (h). Et de fratribus minoribus Aluarus Pelagius *de planctu ecclesiae lib. II. cap. 60.* obseruat, eos in superbiam se erexisse & in contumaciam contra omnes praelatos. Exemptiones quoque ecclesiasticam turbauerunt hierarchiam, & monstro similes fecerunt gradus ecclesiasticos: nam inferiores gradus a suis proximis superioribus diuulsi capiti coniuncti sunt; non secus ac si digitus, non manui, sed capiti coniungeretur, vt ipse S. Bernardus obseruat. Quam confusionem auxerunt mendicantes impetratis priuilegiis, vt in ipsis sacris functionibus, & sacramentorum administratione ab episcopis non penderent. Canonici vero ecclesiae cathedralis exemptionibus senatum ecclesiasticum dissoluerunt, & episcopos in ecclesia administranda fecerunt liberiores.

§. X. Iam exemptiones de ordinariorum iurisdictione, vtpote quae ab iure communi recedunt, & tot incommodis aditum aperuerunt, ex communi & recepta sententia inter ea, quae dicuntur *odiosa*, censentur. V. Zypaeum *consultat. I. de priuilegiis.* Quod vero odia restringi & fauores conuenit ampliari, *cap. 15. de regulis iuris in 6.*, certe exemptio concessa non intelligitur, nisi apertis verbis nitatur. Proinde litterae, quae pontificiam protectionem concedunt, non arguunt etiam concessam exemptionem, *cap. 8. & 18. ex de priuilegiis*; protectio enim non facit, vt qui in tuitionem recepti sunt, de iurisdictione proprii iudicis eximantur; sed tantum ab iniuriis

(h) Haec epistola sub nomine Richardi Cantuariensis ad Alexandrum III. dirigitur, sed Petri Blefensis stilo exarata est,

iniuriis tuetur (i). Nec census apostolicae sedi quotannis pendendi solitus arguit exemptionem, praesertim si dicatur, eum in signum protectionis exsolui, *cit. cap. 8., cap. 10. ex. de privilegiis in 6.* Quin si privilegium in aliquibus causis concedat libertatem, & clausula de annuo censu persolvendo sequatur; tum exemptio tantum spectat ad concessas libertates, & in reliquis articulis salva manet ordinariam iurisdictionem, *cit. cap. 10.* Tum census persolutio exemptionem probat, si dicatur, illum Romanae ecclesiae pendendi, ad receptae libertatis argumentum.

§. XI. Sed si constet de exemptionis privilegio, verba illius benigna interpretatione non sunt a casu ad casum extendenda, sed prout sonant, intelligenda, *cap. 7. & 8. ex. de privilegiis.* Quo fit, ut si exemptio localis sit, puta monasterio concessa, monachi censeantur exempti tamquam ipsius monasterii membra, non item si delinquant, aut contrahant, aut res in loco non exempto sita sit, *cap. 1. eodem in 6.* Et si exempti plures personas sustineant, exempti sub vna qualitate, exempti sub alia non censentur: quod ex *cap. 16. ex. eodem* recte aduertunt canonistae. Ita si exemptio canonicis & eorum ecclesiis data sit, ad parochi & sacramentales functiones non pertinet, utpote quae potius ecclesiasticae, quam canonicales sunt. Et regulares exempti privilegia sua includere debent ad ea, quae ipsis ut regularibus competunt, quaeque ad disciplinam & regimen regulare spectant: quod recte Eise-nius *par. III. tit. 12. cap. 5.* observat. Quod si verba privilegii dubia sint, aut de titulo exemptionis plena probatio facta non est, recte ordinarius sua iurisdictione utetur, quousque exemptio plene probetur, *cap. 7. de privilegiis in 6.,* nisi monasterium aut capitulum esset in exemptionis quasi possessione: nam in hac specie exempti a quasi possessione exturbandi non sunt, donec iure & ordine

(i) Fundatores monasteriorum & ecclesiarum litteras protectionis solebant expetere, quibus quieti monachorum tam in temporalibus, quam in spiritualibus prospicere, non eos vero de iurisdictione episcoporum eximere intendebant.

dine demonstratur, quasi possessionem esse vitiosam & idoneo titulo destitui.

§. XII. Exemptio etiam plena subtrahit quidem ipsos exemptos de episcopi suae ordinarii iurisdictione; at locum exemptum ab episcopi dioecesi non separat. Quapropter loca exempta, & ipsi exempti manent in dioecesi tamquam eiusdem membra, licet privilegiis aucta: quae est communis sententia. Et recte post alios Fagnanus ad cap. 19. ex. de offic. ordinarii n. 10. observat, ecclesias exemptas hoc ab ecclesia nullius dioecesis differre, quod ecclesiae exemptae in dioecesi esse dicantur; ecclesiae vero nullius dioecesis neque sint de dioecesi, neque in dioecesi. Hinc exempti ita se gerere debent, & suis privilegiis ea moderatione uti, ut nec ipsa membrorum unitas dissoluatur, nec episcopale regimen impediatur. Et exemplo filiorum emancipatorum etiam reverentiam & honorem episcopis exhibere: quae est etiam communis & recepta sententia.

§. XIII. Abusus & excessus exemptorum in immensum excreverant, quo tempore synodus Tridentina indicta est. Hinc plures ex patribus exemptiones omnino abolendas, alii vero saltem moderandas exclamarunt (k). Sed sancta synodus multis additis limitationibus exemptiones
-stare

(k) Episcopi non minus Germani, quam Hispani summa libertate censuerunt & exoptarunt, ut a synodo Tridentina exemptiones omnes de potestate episcoporum revocarentur, & monachi & canonici suis episcopis restituerentur. Sed Galli aliquas tantum abolendas, omnes vero exemptiones moderandas petierunt. Celebris in primis eo nomine est Brachius Martellus episcopus Fesulanus, qui contra privilegia regularium & praesertim ordinum mendicantium, maxime pro ea parte, quae spectat ad hierarchicas functiones, summo zelo & grandi oratione declamavit, ubi inter alia dixit: *Nimirum habent suum illud, quod dicitur ingens mare & immensum: cuius fragore nihil est, quod perhorrescat pontifices: non enim eius fluctibus ecclesiae sanctae nauicula obrui potest, quamvis hoc tempore tot tempestates, tot procellas concitaverit perditorum nequitia aliorum.* Prostat haec oratio tom. XIV. concilior. general. col. 1638. edit. Labb.

stare passa est. Principio statuit, vt loci ordinarii tamquam apostolicae sedis delegati secundum canones visitarent, punirent & corrigerent clericos exemptos & regulares extra monasterium degentes, seu non *conuentualiter* sub superiore viuentes, si delictum aliquod admittant. Trident. *ses. 6. de ref. cap. 3.* Et de iisdem regularibus exemptis, qui viuunt in monasterio, & extra illud adeo palam delinquant, vt populo sint offensionem, statuit, vt instante episcopo & intra tempus ab eo limitandum a suo superiore seuere puniantur, & superior de iam facta punitione episcopum faciat certiozem: sin minus, a suo superiore officio priuetur, & delinquens ab episcopo puniri possit. Trident. *ses. XXV. de regul. cap. 14. (1).* Item cautum est a patribus Tridentinis, vt monasteria monialium sedi apostolicae *quous* subiecta ab episcopis tamquam apostolicae sedis delegatis gubernentur. Trident. *ses. XXV. de regul. cap. 9.* Quibus eadem potestate delegata commissa est omnium monialium clausura. Trident. *loc. cit. cap. V.* Episcopis quoque eadem potestate delegata subiecta sunt monasteria omnia exempta, quae in congregationem aliquam non fuerint aliis monasteriis adunata. Trident. *loc. cit. cap. 8.*

§. XIV. Quod vero spectat ad capitula cathedralium & aliarum maiorum ecclesiarum exempta, statuit sancta synodus, praerogatiuam loci sedisque semper episcopo deberi, eumque ad res ecclesiasticas tractandas pro arbitrio indicare posse capitulum, modo suae vtilitatis res non sit, quam tractandam proponit, praecipuamque in omnibus rebus esse episcopi auctoritatem. Trident. *ses. XXV. de ref. cap. 6.* Item potestatem fecit episcopis & aliis maioribus praelatis, quoties opus fuerit, *etiam apostolica auctoritate* visitandi & corrigendi capitula exempta canonicosque omnes per se ipsos, vel illis, quibus sibi videbi-

(1) Cui decreto ne fraus fieret, Clemens VIII. in bulla *su-
septi. regiminis* statuit, ne superiores regulares in alia suorum
ordinum monasteria extra dioecesim monachos delinquentes ab-
legarent.

CAP. XL. DE EXEMTIONIBVS ETC. 719

debitur, adiunctis. Trident. *ses. VI. de ref. cap. 4.* Synodus quoque concessit episcopis etiam extra visitationem poenas sumere de canonicis delinquentibus cum consilio & adsensu duorum canonicorum, quos capitulum ad id munus initio cuiusque anni designabit, nisi agatur de criminibus incontinentiae, & de aliis maioribus delictis, ubi de fuga timetur, in quibus ad summariam informationem & necessariam detentionem initio solus episcopus procedit, deinceps duorum canonicorum consilium adhibiturus. Trident. *ses. XXV. de ref. cap. 6. (m).*

§. XV. Plura alia exstant Tridentina decreta, quibus regulares & canonici exempti in iis, quae nec ad disciplinam monasticam, nec canonicalem pertinent, episcopis subiiciuntur; veluti si habeant curam personarum saecularium episcopo subiectarum, aut si habeant curam & administrationem hospitalium, capellarum, aut piorum locorum, quae sub episcopi potestate sunt. Trident. *ses. XXI. de ref. cap. 8. & ses. XXII. de ref. cap. 8. & 9.* Quod vero magis promouit ecclesiasticam disciplinam, illud profecto fuit, quod in hierarchicis functionibus monachi omnes subiecti fuerunt episcopis; statutumque, ut regulares sine approbatione & venia episcopi confessiones non

(m) Ita quamplurima decreta condita sunt de exemptionibus in synodo Tridentina, in quibus datum fuit episcopis, ut *samquam sedis apostolicae delegati*, vel etiam *auctoritate apostolica* visitarent exemptos, aut alias in eos procederent. Nimirum ubi priuilegia & exemptiones de episcoporum potestate omnino aboleri arduum & difficile visum fuit, inter contraria studia excoGITatum est euerua, quo saluis exemptionibus, episcopi saltem potestate delegata in monachos aliosque exemptos augerentur. Sebastianus Pighinus vnus ex rotae Romanae auditoribus salutarem formulam suggessit: & reapse condita fuerunt plura decreta, quibus vel *delegata potestate*, vel etiam *auctoritate apostolica* episcopi in exemptos armantur. Quarum formularum prima tantum delegatam potestatem episcopis concedere videtur, altera vero apostolicam auctoritatem episcopali adiungit. Sed e re ecclesiastica magis fuisset, ex sententia episcoporum Germaniae & Hispaniae priuilegia & exemptiones omnino abolere.

non audirent, nec in suis ecclesiis praedicarent. Trident.
ses. XXIII. de ref. cap. 15. & ses. XXIV. de ref. cap. 4.
 Et generaliter statutum est, ut in anniuersariis sacris,
 in sollemni pompa sacrorum & ritibus ecclesiasticis regu-
 lares omnes dioecesis, ubi degunt, mores obseruent: id-
 que ne in cultu Dei publico vna ecclesia a se ipsa sit dif-
 formis. Trident. *ses. XXV. de regularib. cap. 12.*

F I N I S.

INDEX

INDEX RERVM PRAECIPVARVM, 721

Numerus paginam significat , littera
adnexa subiectam notam .

A

- A**bbacomites qui 239. *d.*
Abbates qui 235. habent vestes pontificales 233: item. quae quaedam pontificalia iura 234. perpetui sollemniter consecrantur 240.
Abolutio a censuris quid 694. Eius species 695. Qui a censuris absoluit 695. seq. **Abolutio** *ad cautelam* 696. seq. & *ad reincidentiam* 697.
Abolutio sacramentalis qua formula datur 319. Olim data post emensam poenitentiam 318. seq. Et quibusdam peccatoribus etiam in fine denegata 302. *b.*
Accusatio quid 618. continet inscriptionem & subscriptionem ib. Qui accusare ventantur 619.
Acolythi qui 117. Eorum officia ib.
Astus fidei 575. eiusque sollemnitas ib. *a.*
Adfinitas quid 345. Eius quasi gradus 346. inter quos nuptias impedit ib.
Administratio reddituum ecclesiae fiebat ab episcopo 416. seq. ministerio diaconorum vel oeconomi 417. Fiebant quatuor partes ib.
Advocati munus clericis vetitum 195.
Adulterium quando nuptias impedit 348. *g.*
Aetas ad ordines necessaria 137.
Africani canones consuli 22.
Agapae quid 300. abrogatae ib.
Agapetae quae 186. *a.* prohibentur ib.
Alba vestis a neophytis accepta 269.
Allea quid 187. clericis vetita ib.
Alienatio bonorum ecclesiasticorum vetita 420. quid alienationis nomine veniat 421. quae res non alienantur ib. ex iusta causa & sollemnibus adhibitis possunt alienari 422. Poenae contra alienantes 423.
Altare quomodo positum 373. plura altaria in noua disciplina ib. consecrantur 374. Differentia inter ecclesiam & altare 469.
Ambo quid 372.
Amortizatio quid 402. seqq. qua ratione inducta 402.
Anathema quid 675. auget excommunicationem detestationis horrore 676.
Angariae & parangariae 485.
Annatae quid & an licitae 448.
Anulus pronubus 332. *a.*
Apocrifarius alias dictus

sponsalis 93.

Apostasia quid 649. duplicis generis ib. Lapsi & eorum species 650. poenae in apostatas 652.

Apostoli missi pari potestate 63.

Appellatio quid 635. appellabatur ab episcopi sententia synodus prouincialis 635. seq. Appellatio ad summum pontificem 637. seq. A qua sententia appellatur 641. seq. Qui appellant 642. Appellationis dies fatales 643. Effectus appellationis 644. Quoties licet appellare 645. Appellatur gradatim 645. causae, in quibus appellatio superflua 646. & in quibus reiicitur ib.

Arbitri qui 578. seq. alii voluntarii, alii necessarii 179. Voluntarii eliguntur compromisso 579. in causis privatis 580. Qui possunt esse arbitri 579. Electi volentes acceptant arbitrium 580. non habent iurisdictionem 581. Eorum arbitrio partes stare coguntur ib. & ab eorum arbitrio non appellatur 582. Arbitri iuris sunt veti iudices ib.

Arcani disciplina 259.

Archidiaconus princeps diaconorum 112. Eius potestas ampla 113. crescit in ordinariam ib. Erat ex ordine diaconorum, tum creatus ex presbyteris 114. presbyteri archidiacono subiiciuntur 113. seq. c.

Archipresbyter princeps presbyterorum 109. quando institutus ib. Urbanus, vel ruralis 110. vtriusque officia ib. Archipresbyter iudex ordinarius 563.

Ascetae qui 203. Eorum variae species 204. Fuerunt etiam apud gentes 203.

Asylum quid 377. Eius constituendi ius ib. Qui asylo non gaudent 378. 381. Loca asyli 378. 382. Abductio rei ab asylo 379. Iudex in causis asyli ib. Modus procedendi in causis de asylo 380.

Atrium ecclesiae 373.

Attritio quid 306. quae sufficit ad sacramentum poenitentiae ib.

B

Baptismus quid 251. pro-selytorum apud Iudaeos 251. seq. a. Baptismi materia & forma 252. seq. minister 254. Haeretici & infideles valide baptizant 255. seq. Suscipientes baptismum 257. seq. Adulti baptizantur praeuia catechesi 258. seqq. Modus conferendi baptismi 261. seq. tempus 263. seq. b. locus 264. seq. Effectus baptismi 265. seq. necessitas 267. Baptismus aquae, sanguinis & flaminis 268. Baptismus semel suscipitur 268. seq. Ritus post baptismum adhibiti 269. seq.

Baptisteria quid 264. Erant extra ecclesias ib. non omnes ecclesiae illa habebant 264. seq.

Be-

Beneficia ecclesiastica quid 424.

Eorum origo 424. seq. re-

quisita ad beneficium 425.

seq. adhaerebant ordinationi

426. separantur ib. Benefi-

cia varii generis 427. seq.

Beneficia omnia natura sua obli-

gant ad adfiduitatem 429. ni-

si iustae causae excusent 431.

Poenae contra beneficiarios

absentes ib. Pluralitas bene-

ficiorum vetita 432. Quae

beneficia simul possunt ha-

beri 433. Beneficia *compati-*

bilia & incompatibilia 433.

seq. Indulgentia ad habenda

plura beneficia 435. seq.

Beneficii collatio quid 436.

Eius species ib. Cuius est

conferre beneficia 436. seq.

Collatio fit peculiari actu

438. Beneficia integre con-

ferenda 439. intra certum

tempus 438. & postquam va-

cauerint 439. Collatio quan-

do deuoluitur ad superiorem

438. seq.

Beneficia, quibus conferenda

461. seqq. Parochiae confe-

rendae per concursum 465.

Beneficiorum & ecclesiarum

coniunctio quid 466. quo-

tuplex ib. facienda ab eccle-

siafico superiore 466. seq.

ex legitimis causis 467. &

certo ritu 468. Paroeciae

adnexae monasteriis & ca-

pitulis 469. Non omnia be-

neficia vniri possunt 468.

Beneficiorum & ecclesiarum di-

uisio ex iusta causa facien-

da & superioris auctoritate

470.

Beneficiorum commendae v.

Commendae.

Beneficiorum renuntiatio. V.

Renuntiatio.

Bona ecclesiastica varii generis

393. Eorum rectus vsus 412.

seqq. a quibus procurantur

416. seq. vetantur alienari

420. seq. V. *Alienatio.*

Breuiarium canonicum Cresco-

nii 24.

Breuiatio canonum Fulgentii

Ferrandi 23.

Bulla quid 41. e. Decretales

recentiores dictae *bullae* ib.

Bullarium Romanum 42.

Burchardus canonum collector

29.

C

C **Ampanae** 373.

Caelibatus clericis proprius 196.

Clerici maiores post ordina-

tionem nuptias non contra-

hant 197. non vero initio

vetiti ab vsu vxorum ante

ductarum ib. In Oriente ii-

dem ferme vtuntur vxoribus

pridem ductis 199. seq. non

item in Occidente 200. Num

in synodo Nicaena tracta-

tum de caelibatu clericorum

198. d. Caelibatus minorum

clericorum 201. Poenae con-

tra clericos incontinentes

202. Mediis saeculis in Oc-

cidente clerici maiores pa-

rum caelibes 202.

Canon quid 2. Eius variae ac-

ceptiones ib. Canonum ori-

go 3. Canones sic dicti a-

postolici apocryphi 3. b. Eo-

rum numerus & quando col-

22 2 le-

- lecti 3. seq. c. Canonum species multae 4. seq. Canones disciplinae, vt obligent, recipiendi 13.
- Canonici sic strictè dicti 121. quando instituti sunt ib. Breui propagati ib. quomodo creati 121. relinquunt vitam communem 122. & partiuntur communia bona 123. Canonica vita restituta & votis adstricta 122. Et canonici alii *regulares*, alii *saeculares* ib. Canonici, qui sunt in dignitate 123. Canonico- rum officia 123. Qui lucran- tur distributiones 124. Obligan- tur ad assiduitatem, nisi ex causa excusentur 124. seq. Canonici ecclesiae cathedra- lis senatum ecclesiae constituunt 126.
- Cantores praebant in cantu 118. d.
- Capella quid 371. Capella regia ib.
- Capellanjae laicales 416.
- Capitularia regum Francorum 28.
- Capitula canonicorum vel in cathedralibus, vel in collegiatis 123. Qui suffragium habent in capitulo 125. Capitulum ecclesiae cathedralis 126. Eius potestas sede vacante 126. seq. quae beneficia confert 438.
- Capitula Hadriani papae 28. f.
- Capitulum quid 236. a. Capitula monachorum, quibus constant ib. Capitula vel provincialia, vel generalia 237. seq.
- Carcer in ecclesia receptus 707. seq.
- Cardinales qui 89. erant in omnibus ecclesiis ib. Cardinales Romani vel episcopi, vel presbyteri, vel diaconi 89. seq. Eorum numerus 91. dignitas ib. insignia & tituli 92. Cardinalium consistorium ib. Cardinales iudices in conciliis generalibus 538.
- Castitas monastica 228.
- Catechistae qui 259. vbi doce- bant ib.
- Catechumeni qui 258. eorum gradus ib. quomodo institue- bantur 259. seq. quando nomi- ni dabant 260.
- Cathedraticum quid 555.
- Causae ecclesiastici fori pro- priae 520. seq.
- Causae ferme omnes laicorum ad forum ecclesiae deuolu- tae 501. seq.
- Censura quid apud Romanos 669. c. Poenae ecclesiasti- cae proprie dictae *censurae* ib. c. Censurae a poenis di- stinctae 671. sunt nume- ro tres ib. irrogantur in fo- ro externo ib. a quo 672. in quos 672. relaxantur v. *absolutio*.
- Cessatio a diuinis quid 690.
- Cessio bonorum prodest ad e- vitandum carcerem 633.
- Character quid 247. imprimi- tur in tribus sacramentis 247. seq.
- Character, qui degradatis im- primebatur 702. b.
- Chorepiscopi qui 101. viden- tur fuisse ex ordine presby- te-

- terorum ib. *b.* Eorum officia & iura 102. Non ordinabant diaconos & presbyteros ib. *c.* vsurpant omnia episcopalia officia 103. esse desierunt ib.
- Chorus quid 372. *f.*
- Chrisma quid 271. quo tempore conficitur ib.
- Christiani alii clerici, alii laici 30. alii saeculares, alii ascetae 53. itemque alii iusti, alii peccatores ib. Omnes alternatim in ecclesia psallebant 361. *c.* Perfecti non litigant 497.
- Citatio quid 387. differt ab in ius vocatione ib. *a.* duplex 588. quae debet continere 589. reo manifestanda 590. Eius effectus 591.
- Citatio in re criminali 622.
- Clerici per clericos citabantur 611.
- Clausura monialium 224.
- Claues ecclesiae apostolis per Petrum datae qua ratione 64. *a.*
- Clementinae 36.
- Clerici qui & vnde dicti 50. seq. *c.* a laicis iure diuino distincti 51. seq. *d.* Eorum variae diuisiones 58.
- Clerici minores quando instituti 116. educti a diaconatu ib. eorum numerus in ecclesia Latina ib. in aliis ecclesiis 118. *d.* Olim plures clerici minores & diaconi quam presbyteri 118. seq. Eorumque officia ferme desueta 119.
- Clerici primae tonsurae qui 120. quando instituti ib. habent fori priuilegium 514.
- Clerici debent esse sancti 185. & de se male suspicandi nullam praebere debent occasionem 186. Vetantur aleis ludere, ebrietatibus vacare & theatri interesse 187. & exercere saecularia negotia 192. Debent gerere habitum & tonsuram clericalem 191.
- Clericorum caelibatus. *V. Caelibatus.*
- Clerici viuunt de altari 412. moderate tamen 413. ad diuites patrimonio suo recte viuunt de altari 414.
- Clerici a litibus rerum temporalium alieni 504.
- Clerici habent fori priuilegium 514. eo in pluribus casibus excidunt 515. 517. seq. & in multis casibus coram laico iudice conueniuntur 528. seqq. An fori priuilegio recte renuntient 518. Clerici coniugati quando habent fori priuilegium 516. seq.
- Coadiutores qui 90. alii dantur ad tempus, alii vero cum spe successionis ib. cum spe successionis tandem improbat 100. a quo constituuntur 100.
- Codices canonum varii generis 18. Ecclesiae celebriores proprios canonum codices habebant 18. seqq. Codex Dionysii Exigui 21. Ioannis scolastici 19. *a.* Martini Bracarensis 23. Isidori Mercatoris siue Peccatoris 24. item Burchardi, Iuonis similium 29. *i.*

- Cognatio sic proprie dicta quid 342. constat lineis & gradibus ib. Graduum computatio 343. Quae impedit nuptias 343. seq.
- Cognatio civilis inter quos impedit nuptias 345.
- Cognatio spiritualis unde exoritur 267. 276. inter quos contrahitur ib. hodie inter quos nuptias impedit 345.
- Collatio beneficii . V. *Beneficii collatio*.
- Commendae beneficiorum quid 449. versae in ecclesiae perniciem ib. mala inde exorta 450. a synodo Tridentino sublatae, sed ferme sine effectu 451. verbis distant a beneficiis ib. a quo dantur 452.
- Communio ecclesiastica quid 673. seq. suos habet gradus 674. Sacramentum poenitentiae olim dictum *communio* 302. a.
- Communio laica quid 704. & peregrina 706.
- Competentiae beneficium quibus competit 634.
- Competentia pastoralis . V. *Portio congrua*.
- Compilatio decretalium Gregorii IX. 35.
- Concilia quid 536. Eorum species variae 537. a. sunt apostolicae institutionis 538. Iudices in conciliis ib. Clerici & laici in conciliis praesentes 539. Eorum materia 540. locus & forma celebrationis 540. seq. Finita per acclamationes 541. Enarrantur singulae conciliorum species 542. seq. Concilium generale an repraesentet supremum ecclesiae auditorium 545.
- Concilium Tridentinum 39. seq. Decreta reformationis vel omnino reiecta, vel non omnia recepta 40. seq.
- Concordata inter pontifices & reges 44.
- Concordia Gratiani. V. *Gratianus*.
- Concubinae clericorum 202. &.
- Concursus in consecendis parochiis 465.
- Confessio sacramentalis quid 306. ab ipso Christo praecipta 306. quomodo facienda 307. e. Cui confessio facienda 322. Praeceptum annuae confessionis 326.
- Confessio iudicialis potissima probatio 602. tormentis elicitur debet extra tormenta confirmari 626.
- Confirmatio electionis quid 155. facta a metropolitano praeuia causae cognitione 156. petenda certo tempore ib. Eius effectus 156. seq. Hodie fit a pontifice in consistorio 157.
- Confirmatio sacramentum quid 271. Eius nomina ib. materia & forma 273. minister ib. effectus 374. quibus datur 274. seq. Eius necessitas 275. data olim statim post baptismum ib. Eius sponsores 276. Ritus sequentes ib.
- Consecratio episcopi distincta a confirmatione 155. facienda a tri-

RERVM PRAECIPVARVM. 727

a tribus episcopis 162. qua die celebratur 177.

Consecratio ecclesiae . V. *Ecclesia*.

Confociatio monasteriorum 237. non est eadem in omnibus ordinibus ib.

Constitutiones sic dictae apostolicae apocryphae 4. quando collectae ib.

Consuetudo quid 6. vniuersalis vel particularis 9. quae vtriusque vis 9. seq.

Contritio quid 305. Eius efficacia ib.

Contumacia quid 591. Et actor & reus esse possunt contumaces 592. Poenae contra contumaces 592. seq.

Copiatæ qui 118.

Correctores Romani 32.

Crimina clericorum quomodo distincta 510.

Curiales qui 138. erant a canone alieni ib.

D

Decaniae quid 110.

Decimae quid 405. quæ iure a Iudaeis debitæ 406. & quo iure debitæ a Christianis ib.

Sunt triplicis generis 407. debentur ecclesiae parochiali 407. iure feudi laicis concessae 407. seq. acquisitæ etiam canonicis & monachis 409.

Decimæ nouales & minutæ ib. seq. Qui tenentur præstare decimas 410. Eae sponte præstandae 410. seq. & quidam secundum receptos mores 411.

Decretales pontificum quid 8.

recentiores dictæ bullæ 411. e. condebantur in synodo Romana 8. aliae generales, aliae particulares ib.

Decretales Isidorianæ quo tempore prodierunt 24. quid præcipue continent 25. seq. Earum historia 26. Sunt supposititiae 27. Argumenta suppositionis 27. seq. Compositæ insciis pontificibus 26. c. inducunt disciplinae mutationem 26.

Decretalium quinque collectiones ante Gregorianam 34.

Decretales a Gregorio IX. collectæ 35.

Decretales de rebus ciuilibus 37. seq.

Dedicatio ecclesiae 373. b.

Degradatio. V. *Depositio*.

Delegati (iudices) qui 567. a quibus constituuntur 567. seq. Delegati a summo pontifice 568. ampla iurisdictione aucti ib. Eorum qualitates 569. vbi constituendi 569. seq.

Delegati potestas 570. seq. finitur 571.

Delegati a canone 571.

Denarius S. Petri quid 400.

Denuntiatio quid 620. hodie ad accusationem accedit 621.

Depositio quid 699. alia simplex depositio, alia degradatio ib. seq. Iudices depositionis 700. seq. Sol'emnitatis degradationis 702. Depositio ob delictum irroganda 702. perpetua est 703. Depositi olim tradebantur curiae 704. Degradati magistra-

Z z 4

stra-

- stratibus traduntur 705. Et caractere notati 702. *b.*
 Detrusio in monasterium 707.
 Diaconi qui 110. ab apostolis instituti 58. Eorum numerus 110. *a.* causa institutionis ib. officia 111. 112. & 119. *c.* Num consecrandae eucharistiae habuerint potestatem 112. *b.*
 Diaconiae quid 90.
 Diaconicum seu vestiarium 373
 Diaconissae quae 114. Earum consecratio 114. *d.* qualitates 115. officia ib.
 Dicta sanctorum patrum 9.
 Digami qui 134. irregulares ib. qua ratione 134. seq. Digami ab interpretatione 135. & a similitudine 136.
 Dimissoriae litterae olim quid 48. quid in noua disciplina 166. quibus & a quibus conceduntur ib. Earum duratio ib.
 Disciplina ecclesiae stricte sic dicta quid 1.
 Disciplinae & morum summa corruptio 38. seq.
 Distributiones quotidianae quid 124. cedunt praesentibus in choro ib.
 Diuortium quid 532. apud gentes licitum 352. a Christo concessum quale 353. Leges principum christianorum de diuortio 354. In ecclesia Latina nec ob adulterium permittitur verum diuortium 354. Legitimum matrimonium dirimitur, si coniux alter conuertatur ad fidem 355. & ratum dirimitur monastica professione 355. seq.
- Diuortium imperfectum quibus causis conceditur 356.
 Dominica in albis 269.
 Dona annua regibus ab ecclesiis exhibita 491. seq.
 E
E Brietas a clericis vitanda 187.
 Ecclesia proprie quid 45. vnum corpus constituit ib. Eius finis spiritualis 46. Visibilis est ib. & societas inaequalis 46. Eius attributa 47. Ecclesiae particulares inter se connexae 47. seq. Eius potestas spiritualis 46. 494. versatur circa tria 1. Habet potestatem remittendi peccata 302.
 Ecclesia a republica diuersa 48. sed ciuili lege probata multas consequitur praerogatiuas 49. & auxilium ciuilibus potestatis implorat ib.
 Ecclesia alia Orientalis, alia Occidentalis 61.
 Ecclesia Romana olim solos Nicenos canones adgnouit 20.
 Ecclesiae regimen a Christo institutum 1.
 Ecclesiae suburbicae 82. *d.*
 Ecclesia improprie locus est 369. Eius nomina ib. *a.* Ecclesiarum prima origo 370. species ib. Ecclesia non aedificatur sine episcopi consensu 371. Ecclesiae partes interiores 372. seq. Ecclesiae consecratio 373. seq. Eius interior ornatus 374. Ecclesia polluta reconcilianda 375. Ecclesia quomodo polluitur 375. seq. Non licet in ec-

- ecclesia polluta celebrare divina officia 356. Ecclesia instauranda & reparanda ib.
- Electio** factorum ministrorum a populo facta 140. quibus rationibus 141. degenerat in turbas & factiones ib. Cessant populares electiones 142.
- Electio** episcoporum transit ad capitulum ecclesiae cathedralis 142. & inde in summum pontificem 146.
- Electio** summi pontificis 144. ab imperatore confirmata 149.
- Electionis** formae scrutinium, compromissum & divina inspiratio 143. ante electionem iusta praelato perfolvenda 144. qui vocandi ad electionem ib. ubi electio celebranda 145. & intra quod tempus ib.
- Electiones** Episcoporum indigebant regio consensu 148. qui desit adhiberi 153.
- Electionis** confirmatio. V. confirmatio.
- Episcopalis** potestas alia ordinis, alia iurisdictionis 64. 495. initio nullis finibus inclusa 65. inde restricta est ib. & vetiti episcopi in alienis paracetiis eam exercere 65. nisi vrgeat, necessitas 66.
- Episcopatus** in parvis oppidis non constituuntur 60. seq. Cuius est eos instituere 62. seq.
- Episcopatus** continet sacerdotii plenitudinem 63. quae ab ipso Christo descendit 64. a.
- Episcopus** quis 54. episcopi apostolorum successores 67. a presbyteris iure diuino distincti 55. Vnus episcopus in vna ciuitate 57. Episcoporum officia 67. seqq.
- Episcopi** olim arbitri electi in litibus laicorum 499. inde euaserunt veri iudices 500. seq. & iurisdictionem ferme in omnibus causis laicorum extenderunt 501. seq. quam demum amittunt 503.
- Episcopi** aucti iurisdictione in causis ciuilibus clericorum 505. debent iudicare sine sumtu & scriptura sollemni 506. iurdictio ista deminuitur 507.
- Episcopi** in synodis prouincialibus iudicabantur 533. sed inde eorum maiores causae ad pontificem deuolutae 535.
- Episcopi** titulares qui 181. d.
- Error** personae vitiat matrimonium 336. seq. vitiatque error seruilis conditionis 347.
- Eucharistia** quid 277. quando instituta ib. Materia & forma 277. seq. Minister qui eam consecrat 281. qui eam dispensat 282. qui eucharistiam possunt suscipere 284. data olim sub vtraque specie 284. in missa tempore communionis 385. domum delata 285. c. & cum mortuis sepulta 285. Effectus. Eucharistiae 286. probatio eius receptioni praemittenda 286. seq. Necessitas 287. seq. quoties sumenda 289. Praeceptum ecclesiae de sumenda eucharistia ib.
- Examen** ordinandorum spectat ad ordinantem 115. versatur

tur circa mores & scientiam
154.

Examinatores synodales 555.

Exceptiones quid 593. Earum
species 593. seq. quando op-
ponendae 594.

Excommunicatio quid 673. E-
ius species 674. seqq. Effec-
tus minoris excommunica-
tionis 675. Effectus maioris
iure diuino 677. Excommu-
nicatio maior priuat etiam
ciuilibus officiis 678. seq.
sed non in omnibus casibus
680. Excommunicatio publi-
canda & denuncianda specia-
liter & expresse 680. seq. Con-
uersatio cum excommunica-
to qua poena punitur 679.
seq. Excommunicatio maxima
poena 681. irroganda ob graue
crimen 682. seq. probatum
682. & in contumaciam ib.
& praecedente canonica mo-
nitione 682. seq. non sem-
per irroganda 683. Excom-
municatio iniusta 684. Ri-
tus ferendae excommunica-
tionis ib. Lata aliis ecclesiis
denuntiatur 685. Excommu-
nicatio apud Iudaeos & gen-
tes recepta ib. b.

Exedrae ecclesiae 373.

Exemptiones de episcopi pote-
state monachis initio ex par-
tae concessae 711. inde fue-
runt generales 711. seq. Con-
cessae etiam canonicis & sin-
gularibus personis 713. Ex-
emptionum species ib. Causae
concessarum exemptionum
713. seq. Incommoda ab ex-
emptionibus 715. Exemptio-

nes odiosae 715. ac proinde
strictae accipiendae 715.
seq. Decreta Tridentina de
exemptionibus 718. seqq.

Exigui. (Dionysii) cognomen
21. a.

Exilium an iure ab Ecclesia
irrogatur 708.

Exomologesis 310. i.

Exorcistae qui 117. Eorum of-
ficia ib.

Exsequiae defunctorum ubi ce-
lebrandae 385.

Expectatiuae gratiae quid 440.

Extrauagantium collectiones 36

Extrema vnctio quid 327. Eius
materia & forma 327. seq.
Minister 328. Infirmi eam sus-
cipiunt 329. Partes vnctio-
nis 329. seq. Extrema vn-
ctio veluti poenitentiae com-
plementum 330. Effectus ib.

Fatales dies in appellatione
643.

Feriatii dies qui 500.

Fermentatus panis in eucharis-
tia adhibetur a Graecis 277.
Etiam apud Latinos olim
adhibitus 277. seq. b. Sum-
mebatur ex populi oblatio-
nibus 292.

Festi dies alii mobiles, alii im-
mobiles 359. alii celebriores,
alii minus celebres 360. Cu-
ius est festorum institutio ib.
Sanctificatio dierum festorum
361. seq. In diebus festis
cessant opera seruilia 361.
seq. & actus iudiciales 362.
& spectacula ib. Festi dies
numero aucti 362. seq.

Fer-

Feuda ab ecclesiis quaesita 400.

Inde exorta mala 400. seq.

Foedera inter particulares ecclesias 48.

Formatae litterae 47. seq.

Forum competens 519. Ecclesia forum proprium habet

520. illudque olim vnum,

iure nouo duplex, internum

& externum ib. Causae pro-

priae fori ecclesiastici 520.

seqq. Crimina fori ecclesi-

astici 524. seq. Forum eccle-

siae in causis civilibus cle-

ricorum 525. Quisque in

proprio foro conueniendus ib.

Forum proprium quibus mo-

dis efficitur 525. seq.

Fori priuilegium clericis in

causis civilibus quando da-

tum 505. confirmatur & au-

getur 306. seq. deminuitur

507.

Fori priuilegium in causis cri-

minalibus quomodo inualuit

511. seqq. iuris diuini esse

creditum est 513. deminni-

tur ib. quatenus legibus re-

gni nostri probatum est 513.

seq.

Fori priuilegio qui gaudent 514.

seq. Qua ratione concessum

514. seq. a. Quibus conditio-

nibus retinetur & quando a-

mittitur 115. seq. An fori

priuilegio renuntiari possit

518. seq.

Frigidi qui 342. b.

G

Gratia in sacramentis con-

feritur 246. ex opere ope-

rato ib. *physice*, an *moraliter*

246. seq. i.

Gratianus quis 30. Eius Con-

cordia discordantium cano-

num ib. In tres partes tri-

buta ib. confusione laborat 30.

vnde collecta ib. Quaedam

loca inscribuntur *Palea* 30.

seq. Errata Gratiani ib. Con-

cordia Gratiani recepta 32.

Emendatur ib. an vim iu-

ris canonici habeat 33. pro-

movit disciplinae mutatio-

nem ib.

H

Habitudo clericorum civilis

initio communis 189. a.

inde proprius ib. seq. Cleri-

ci priuantur fori priuilegio,

si habitum & tonsuram cle-

ricalem non gerant 191.

Haeresis quid 653. requisita ad

haeresim 653. seq. Dubius

in fide haereticus est 655.

Suspecti de haeresi ib. poe-

nae ecclesiasticae in haereti-

cos 655. seq. civiles 656.

seq. Haeretici reuersi quo-

modo recipiuntur 657. seq.

Hierarchia quid 54. Iniuria

haeretici respuunt vocem *bie-*

varchie 54. a. Initio omnes

ecclesiae non habuerunt in-

tegram hierarchiam 56. seq.

Homicidium inducit irregula-

ritatem 131. non tamen ca-

su aut in sui defensionem

admissum 132. Homicidium

coniugis quando nuptias im-

pedit 348. seq.

Honorarium missae vnde ex-

ortum 296. Est loco pia-

oblationis ib.

Horae canonicae 361. b.

Hospitalarii qui 213. translati

in

in Melltam 214.

Hospitalia quae 389. varia eorum nomina ib. & species 390. Olim episcopis subiecta ib. Hospitalia exempta ib. Decreta Viennensis & Tridentina de Hospitalibus 391. Sacramenta in hospitalibus a quibus administranda 392. Officiales reddunt rationes ib.

Hypodiaconi qui 116. Olim erant inter ordines minores ib. Eorum officia ib. creuerunt inter maiores 116. b.

I

Ieiunia monachorum frequentia 229.

Ieiunium quid 363. differt ab abstinentia ib. Ieiunii species ib. Ieiunium quadragesimae 364. & feriarum quartae, & sextae seriae & sabbati 364. seq. item quatuor temporum per annum 365. b. vigiliarum 365. seq. Ieiunii natura 336. Hora legitima soluendi ieiunii 367. Semiieiunia ib. *Collatio* quae & quomodo recepta est 368. b. Omnes in quadragesima ieiunare tenebantur 368.

Illegitimi a canone alieni 138.

Imagines sanctorum in ecclesiis quarto saeculo positae 374. k. Colendae cultu religioso 375.

Imperii Romani partitio in prouincias & in dioeceses 59.

Impositio manuum vnde descendit 159. b.

Impotentia coniundi impedit

nuptias 342. quid si dubia sit ib.

Inclusi & reclusi qui 210.

Indulgentiae quid 315. Alias plenariae, aliae partiales ib. Eorum ministri 315. Ex causis concedendae 316. & moderate 318. Indulgentiae *stationariae* 316.

Infamia facit a canone alienos 131.

Informatio quid 621.

Inquisitio fidei quando instituta 573. Eius potestas 573. seq. ordo iudiciarius 574. sollemnitas *actus fidei* 575.

a. Inquisitio non bene audit 576. In multis regionibus recepta 576. seq. in aliis & praesertim in regno Neapolitano reiecta 576. seq.

Inquisitio modus instituendi causas criminales 621.

Inquisitores fidei qui 572. Eorum artes 576.

Inspectio ocularis 607. seq.

Institutio stricte accepta quid 454.

Institutio corporalis 439.

Instrumentum quid 605. seq. aliud publicum, aliud privatum 606. instrumenta quando probant ib.

Interdictum quid 686. Eius species ib. seq. Origo interdictorum generalium 687. a.

Interdictum ex graui causa ferendum 687. & adhibitis sollemnibus 688. Effectus interdictorum generalium ib.

Eorum rigor emollitus 689. Violatio interdicti grauis culpa 690.

In-

Interstitia ad ordines recipien-
dos olim satis longa 172.
iure nouo breuiora 173. ab e-
piscopo contrahi possunt 174.
Interventorepiscopus quis 142.
Inuestitura quid 401. *c.* Ex
inuestituris nata mala ib. in-
vestiturae abolentur 402. *c.*
Irregulares olim dicti *a cano-*
ne alieni 129. Irregularitas
quid 128. ex quibus fontibus
exoritur 129. Vicio animi
olim irregulares criminosi pu-
blici & occulti 129. hodie
vero ferme soli occulti, &
quibus iure nouo expresse ir-
rogatur irregularitas 130.
seqq. Item irregulares im-
mites, non tamen omnes
132. seq. digami 134. inficii
litterarum 136. neophyti ib.
Irregulares vicio corporis
137. Et ratione externae
conditionis, quales serui,
milites, reddendis rationibus
addicti, curiales 138. Irre-
gularitatis effectus 139. Ir-
regularitas quomodo tolla-
tur 140.
Isidorus Mercator, seu Pecca-
tor homo incertus 24. au-
ctor falsarum decretalium 25.
quo consilio eas consarcina-
vit 25. *b.*
Iudex quis 562. ordinarius,
aut delegatus ib. ordinarius
iure officii sui habet iurisdic-
tionem ib. delegatus vero
eam habet alterius mandato
567.
Iudicium quid 583. Eius spe-
cies 583. seq. Ordo iudicii
legibus statutus 584. Iudicia

canonica criminalia olim fe-
re ex legum civilium forma
ordinabantur 585. 610. seq.
Iudicia civilia olim ex bo-
no & aequo ab ipsis episco-
pis composita 685. tum fo-
rensis ambagibus inuoluta
685. seq. Ordo iudiciarius
decretalium in foro civili re-
ceptus 586. *a.* Tempus quo
iudicia civilia finiri debent ib.
Iudicii civilis ordo qualis 587.
seqq. Iudicii criminalis or-
do vetus 610. seq. iudicii
hodierni criminalis ordo 618.
seqq.
Iudicium Dei quid 616.
Iudicium summarium quid 609.
Causae tractandae summa-
rii iudicio 610.
Iura honorifica quae 467.
Iuo Carnotensis auctor Decreti
& Panormiae 29.
Iura parochialia 395.
Iurisdictio ecclesiastica quid
493. alia propria & sacerdo-
tio cohaerens, alia extrinseca
ib. Propria rota spiritalis est
494. in christianos omnes ex-
ercetur 495. seq. Potestas or-
dinis & iurisdictionis 495.
Iurisdictio ecclesiastica ex-
trinseca 497. seq.
Ius ecclesiasticum vel diuinum,
vel humanum 5. Species iu-
ris diuini ib. Humanum quid
& eius species 6.
Ius canonicum quid 2. *a.* &
rheologia distinctum 2. aliud
scriptum aliud non scriptum
6. Species iuris scripti 6. seq.
species iuris non scripti 9. Iu-
ris canonici tres aetates 17.
seq.

- seq. Codices iuris canonici veteris 18. seqq. Codices iuris canonici noui 24. seqq. Codices recepti iuris canonici noui 29. seqq. Ius canonicum nouum quibus rationibus creuit 33. o. Iuris canonici noui auctoritas etiam in rebus civilibus 37. seq.
- Ius canonicum nouissimum 38.
- Iusiurandum propter calumniam quid 599. inductum pro publica vtilitate ib. necessarium praestandum ib. qui iurant 599. seq. causae, in quibus iuratur de calumnia 600.
- Iusiurandum suppletorium 607.
- Ius patronatus quid 454. Eius origo ib. species 456. seq. quomodo adquiritur 455. seq. transfertur 457. iura patronis debita 457. seqq.
- Iusti qui 53. primis saeculis sua repetebant ecclesiastico iudicio 498.
- L
- Latici qui 51. a clericis iure diuino distincti 51. seq. d. multa beneficia conferunt 452. quo iure 453. clericos non accusant 619. a.
- Lapsi qui 650. triplicis generis 650. seq.
- Lectores qui 118. eorum officium ib.
- Legati qui 93. ab omnibus ecclesiis missi ib.
- Legati pontificii alii *missi*, alii *nati* 93. missi ad principes *dicti apocrisarii & responsales* 93. seq. legati nati qui 94. eorum iura ib. Legati omnes pontificii integram relinquebant episcoporum & metropolitanorum potestatem 95. Missi alii simpliciter *missi*, alii *a latere* ib. Legati missi augentur potestate 95. quomodo eam explicabant 96. Iure decretalium iura legatorum 96. seq. Eorum factus 97. Potestas legatorum decreuit 98. Legatio apostolica regibus Siciliae competens 97.
- Leges humanae publicandae 10. leges civiles etiam inuitos obligant 13. d.
- Leges principum de rebus ecclesiasticis quo iure nituntur 15. seq. confirmant fidem & disciplinam 16. & aliquando constituunt disciplinam ecclesiasticam 16. seq.
- Lex *iurisdictionis & dioecesis* 495. a.
- Libellatici qui 651. triplicis generis ib.
- Libelli martyrum 316. a.
- Libellus quid eiusque qualitates 588.
- Libri poenitentiales 311.
- Litis contestatio quid 597. fundamentum iudicii 598. Illius effectus ib.
- Liturgia v. *missa*.
- Lutherus ecclesiam dilacerat 39.
- M
- Maleficiati qui 342. b.
- Mandata de prouidendo quid 440. continebant tria praecepta 441. sublata 447.
- Mansus ecclesiae a seruitiis immunis 488.
- Matrimonium quid 334. Origine

gine sua contractus, cui acce-
 sit religio sacramenti ib.
 legitimus, ratum, consum-
 matum 334. seq. Eius ma-
 teria, forma, minister 335.
 Consensu matrimonii contra-
 ctus contrahitur 335. Matrimo-
 nio praemittendae procla-
 mationes 337. Matrimonii
 benedictio 338. Matrimoni-
 um clandestinum 338. Con-
 sensus patris in nuptiis filio-
 rumfamilias 336. Matrimo-
 nium errore contractum ib.
 metuue 337. Sollemnia nu-
 ptiarum quo tempore cele-
 branda 339. Effectus matri-
 monii 339. an omnes natu-
 ra habiles tenentur nuptias
 inire 340. Matrimonii im-
 pedimenta vel dirimentia, vel
 impediencia 340. a quo con-
 stituuntur 140. seq. enarran-
 tur 341. seqq. relaxantur
 351. seq.

Medicina clericis vetita 196.

Mendicantes qui 214. eorum
 ordines ib. *b.* cadunt a suo
 instituto 215. & instaurantur
 ib. Qui eorum statos redi-
 tus possident 216. Mendi-
 cantes auctoritate pontificis
 sacra administrant 233. Quod
 emendatur ib. 68. 223. & 323.

Metropolitanus qui 73. aliis
 nominibus appellatus ib. Me-
 tropolitanorum institutio ib.
a. Ius regendae provinciae
 olim penes synodum provin-
 cialem, hodie penes metropoli-
 tanum 74. Iura metropolitana
 ib. decrescunt 75. Metropolita-
 ni potestas in provinciam

non est episcopalis ib. Me-
 tropolitani iudicati in syno-
 do provinciae 533. in O-
 riente post institutos patriar-
 chas vel apud exarchum dioe-
 cesis, vel apud sedem Con-
 stantinopolitanam 534. *b.*

Militia clericis vetita 194.

Miracula ad martyrum sepul-
 cra 613.

Missae quid 290. Graecis di-
 cta λειτουργία ib. variae li-
 turgiae 291. Liturgia Ro-
 mana in Occidente recepta
 ib. Missa vulgari lingua ce-
 lebrata 292. Missa catechu-
 menorum & fidelium 292.
 publica & priuata 293. &
 solitaria 292. Missa conti-
 net proprium nouae legis
 sacrificium 294. pro qui-
 bus offertur 294. seq. *f.* &
 quatenus prodest 295. Mis-
 sae stipendium quid 296.
 Missarum legata ib. Non li-
 cet pro pluribus stipendiis
 vnā missam celebrare 296.
 Praeceptum audiendae mis-
 sae 297. Dies liturgici 298.
 vno die plures missae ab eo-
 dem sacerdote celebratae 298.
 seq. Locus celebrandae mis-
 sae 299. & hora 300.

Missae iudicii 617.

Missae dominici 73. *c.*

Monachi qui 206. eorum pri-
 ma origo apud christianos
 207. propagatio 208. Femi-
 nae amplectuntur monasti-
 cam vitam 25. *b.* Monachi
 vel solitarii, vel coenobitae
 208. Essentia vitae monasti-
 cae 209. Monachi vivebant

le-

labore manuum 211. quera deinceps ferme abiecerunt ib. Monachi adquirunt fundos & statos reditus 211. mortui mundo 224. obligati ad stabilitatem ib. & ad vota monastica 226. seqq. an possunt de vno ad alium ordinem transire 225. Monachi incorrigibiles 225. Monachorum exercitia & ieiunia 228. seq. non manducabant carnes, nec bibebant vinum 229. Monachi initio laici 230. Inde multi adsumti in sortem domini 231. Et hinc alii clerici, alii laici ib. Monachorum sacra priuata 232. inde publica 232. seq. Monachi adquirunt pontificalia 233. seq. Monachi ex monasteriis ad regendas ecclesias adsumti 234. Monachorum superiores 235. habent monasterii & monachorum regimen 236. & irrogant poenas ib. quomodo eliguntur 238. ex quibus 339. sunt vel perpetui, vel temporarii 240. Monachi diu fuerunt vnius ordinis 212. in Occidente instituta ordinum diuersitas ib. Noui monastici ordines *eleuicales*, *militaves*, *mendicantes* & *pui operarii* 213. seqq. Monasteria initio in solitudinibus aedificata, inde etiam ipsis in ciuitatibus 209. 387. aedificanda cum episcopi adsensu 209. & ex certa forma 388. olim episco-

pi subiecta ib. Monasteria duplicia vetantur 228. 6. Monastica vita lapsa & restituta 211. seq. Munera publica & ciuilia clericis vetita 194.

N Eapolitani S. Officium non admittunt 577. seq. 6. Negotiatio quaestuosa clericis vetita 192. Neophyti qui 136. erant a canone alieni ib. Nominaciones episcoporum a regibus factae 149. seq. damnatae 151. iure nouo ferme restitutae 153. Nomo-canon quid 18. Nomo-canon Io. Scholastici 20. & Photii ib. Nouitiatus. V. *Probatio*. Nuptiae. V. *Matrimonium*. Nuptiae secundae permiffae 357. etsi a patribus parum probatae ib. sine infamia contrahuntur intra annum luctus 358.

O Bedia vnum ex votis monasticis 227. qualis esse debet ib. Obedientiarum praepositi 235. Oblatio filiorum infantium ad monachatum monachum faciebat 222. iure nouo abrogata est ib. Oblationes triplicis generis 393. seq. quae fiebant ad altare 295. 393. Inde natum missae honorarium 296. Oblationes a quibus accipiebantur 394. ferme erant spontaneae largitates 395. a Spe-
stant

- stant ad ecclesiam parochialem 395. seq.
- Oeconomus quis 417. hodie eligitur sede vacante 127.
- Officium diuinum 360. b.
- Olei vsus apud Iudaeos & ethnicos 161. c.
- Opera seruilia diebus festis vetita 361. seq.
- Opificia sordida clericis vetita 193.
- Opus manuum. monachis proprium 211.
- Orbis Christianus 542.
- Ordinarii locorum 104. Ordinarius iudex 562. seqq.
- Ordinatio quid 158. distat ab ordine ib. Ordinatio episcoporum, presbyterorum & diaconorum est sacramentum 158. Ordinationis materia & forma 158. seqq. Traditio instrumentorum 160. Vnctio in ordinatione 161. Locus ubi celebratur ib. Effectus ordinationis 170. seq.
- Ordinationis sacrae minister episcopus proprius 162. ex quadruplici titulo 163. seq. Italo-Graeci a quo episcopo ordinandi 165. Regulares a quo episcopo ordinandi 165. seq. Episcopus non proprius ordines tribuens 167.
- Ordinatio ad titulum quid 178. Tituli ordinationis 178. seq. Effectus ordinationis ad titulum 179. Titulus patrimonii 180. seq. Ordinatio sine titulo vacua 181.
- Ordinationis tempora 175. seq. Olim ordinatio nocte celebrata 177. d.
- Ordines monastici quando inducti 212. 237.
- Ordines mendicantes 214. seqq.
- Ordines militares 213. seq.
- Ordines gradatim suscipiendi 172. an aliqui omitti possint 173.
- Ordinum interstitia 172. ex indulgentia contrahuntur 174.
- Ordinum susceptores qui 167. seq. debent consentire 169. a Deo vocandi 170. Olim etiam inuiti ordinati 169.
- Ordo quid 158. Alii maiores, alii minores ib.
- Origo in causa ordinationis qualis 164.
- Osculum in sponsalibus 332. b.
- Ostarius quis 118. Eius officia ib.

P

P Aleae quid apud Gratianum 31.

Pallium quid 75. seq. Patriarchae de consensu imperatoris pallium dant metropolitani 76. Pontifices illud dabant praesertim vicariis apostolicis ib. Metropolitanani omnes pallium necessario possunt 77. b. Pallii virtus 78. c. Quomodo petendum 79. personae cohaeret ib.

Panis triticeus materia eucharistiae 277. nullo studio parabatur 278. abijt in tenuem formam 279.

Panormia vox ibrida 29. b.

Paphnutii historia defensa 108. d.

Parochi qui 108. quando instituti 108. seq. Eorum officia 109.

Parceciae vox explicatur 65. c.

Pascha quando celebratur 359.
Eius indictio in veteri disciplina ib. *a.* Annotinum quid 270. *a.*

Pastor primitivus quis 470.

Patriarchae qui 79. Eorum institutio 80. *a.* iura 80. Patriarchatus Constantinopolitani & Hierosolymitani institutio 81. seq. Fines Romani patriarchatus 82. & Constantinopolitani 83.

Patronus quis 454. Eius iura 457. seqq. pauper alendus ab ecclesia 469.

Paupertas religiosa 227. seq. Peccata mortalia etiam occultata per publicam poenitentiam olim expiata 308.

Peccata reservata 323. seq.

Peccatores publici exclusi ab eucharistia 284.

Peculium clericorum quid 480. Clerici non sunt domini bonorum profectitiorum 480. seq. atque ideo de iis iure testari nequeunt 381. Quomodo recepta de iis bonis testamenta 482. seq.

Peculium monachorum vitae monasticae aduersum 228.

Pensio quid 476. Eius origo 476. *a.* natura 476. ex iusta causa conceditur 477. a superiore 478. quantitas ib. non est proprie beneficium 479. extinguitur ib. Mala ex degeneribus pensionibus 477.

Permutatio benefici olim ignota 471. quomodo recepta 472.

Personae & personatus quid 422. seq. *d.*

Picturae in ecclesiis quando po-

sitae 374. *k.* Earum finis 375. Pluralitas beneficiorum. V. *Beneficia.*

Poenae ecclesiasticae quid 669. pro iure suo ab ecclesia irrogantur 667. seq. differunt a poenis civilibus 668. continentur in communionem ecclesiasticam 669. olim dictae censurae 669. a censuris distinctae 671. irrogantur in foro externo ib. explicantur 699. seqq.

Poenalia opera poenitentibus imposita qualia debent esse 311. imponebantur ex canonibus ib. canonicae poenitentiae intermissae 314. & arbitrio sacerdotis imponuntur ib.

Poenitentes quomodo accipiebant poenitentiam 310. *f.* deponebant omnia saecularia negotia, quae peccatis erant occasione ib. *b.*

Poenitentia virtus quid 301. quouis tempore homini necessaria ib.

Poenitentia sacramentum quid 301. Eius varia nomina 301. seq. *a.* Quasi materia sacramenti poenitentiae tres poenitents actus contritio, confessio & satisfactio 304. Enarrantur 305. seq. Ex multorum sententia materia sacramenti poenitentiae manuum impositio 304. *c.* Forma sacramenti poenitentiae 318. Effectus 320. Minister 321. seq. Poenitentiarius generalis 321. seq. Subiectum sacramenti poenitentiae 324. Eius necessitas 326.

Poe-

Poenitentia denotat satisfactionem 308. Est vel publica, vel priuata ib. Gradus publicae poenitentiae 309. Publica poenitentia vna 311. Non omnes subibant publicam poenitentiam 312. Pro quibus peccatis publica poenitentia peracta 308. Publica poenitentia pro criminibus occultis desueta 312. seq. Publica poenitentia aut publica stricte sic dicta, aut sollemnis 312. k.

Poenitentiarum sic dictae redemptiones quid 399.

Politia ecclesiae externa ad exemplum civilis efformata 59. sed non semper 61. & civilem politiam plerumque sequebatur 62.

Polygamia, qua simul plures uxores habentur, iure euangelico verita 357. etsi apud Iudeos & gentes recepta ib.

Pontifex Romanus primatum habet in vniuersam ecclesiam 86. Eius primatus natura 85. Et inde dici potuit episcopus oecumenicus 86. a. Iura primatus 87. seq. Summus pontifex conciliis particularibus non subiectus 88. hodie relaxat impedimenta matrimonii 351. praestit conciliis generalibus cum relationis & suffragii praerogativa 544.

Portio congrua parochorum 470. quanta ib.

Positiones quid 602.

Possessionis causae de rebus ecclesiasticis tractantur in foro

saeculari 522. seq.

Postulatio quid 145. a superiore admittenda ib.

Praebendae quid 425.

Praedia a quo tempore & quibus titulis ab ecclesiis quaesita 306. seqq.

Praedicatio praecipuum episcoporum officium 66. seq. praedicatores a quibus constituntur 66. seq. Mendicantes sine episcopi venia vetantur praedicare 68.

Praelati inferiores qui 104. sunt triplicis generis ib. Quibus modis instituti 105. Qui habent pontificalia ib. Eorum potestas 106.

Praepositi obedientiarum 235.

Praesentatio ad beneficium quid 458. competet patronis ib. intra quod tempus facienda ib. Laicus patronus plures potest praesentare ib. Praesentatus debet esse idoneus 459.

Praesumptio quid 606. Eius duae species 606. seq.

Praeuentio quid 444. quando inducta ib.

Presbyteri proprie sic dicti qui 107. in omnibus pendunt ab episcopis 107. seq. ex episcopis delegatione excipiunt confessiones 322.

Presbyterium eiusque potestas 108.

Primates qui & quando instituti 84.

Primatus S. Petri super apostolos 85. in quo consistit ib. descendit in Romanos pontifices 86.

Primicerius eiusque officium 120. erat ex clericis inferioribus 121.

Primitiae quid 411. quo primario spectant ib.

Principes quam habent potestatem in res sacras & ecclesiam 15. aliquando fines suae potestatis egressi 17. *b.*

Probatio vitae monasticae praemittenda 216. seq. fit sub seniore 217. quanto tempore durat ib. qua veste facienda 218. interea licet redire ad vitam saecularem ib.

Probatio iuridica quid 601. quae probanda ib. quis probat 662. species probationis 602. seqq. intra certum tempus facienda 608.

Procuraciones quid 71. Earum origo 72. *b.*

Procurator non admittitur in causis criminalibus 620. 622.

Professio monastica quid 219. facienda sponte 220. ab iis, qui iure monachi fieri possunt 221. & aetate praescripta 221. seq. facienda gratis 223. Effectus professionis 224. seq.

Promotor fiscalis 620.

Publica honestas inter quos nuptias impedit 346. seq.

Publicani qui 677. *b.*

Publicatio ad vim legis & canonis necessaria 10. quomodo canones publicandi 11. non publicandi. sine adfensu civilis potestatis 11. seq. ante publicationem expendendi 13. seq.

Publicatio actorum iudicialium

608.

Purgatio quid 613. Canonica, vel vulgaris ib. Canonica quomodo inducta 613. seq. Qui se purgabant 614. Adhibiti *sacramentales* 615. Vulgaris quid 615. Eius species 615. Eius usus sacer 116. Reprobata & tandem desueta 617. seq.

Q

Quadragesima 364.

Quaestiones seu tormenta adhibentur in foro saeculari 624. quando 625. grauius argumentis impugnatae 624. *b.* alienae ab ingenio ecclesiae 625.

Quaestores eleemosynarii 317.

Quarta funeraria 386.

Quatuor temporum ieiunia 365

R

Raptus quid 348. quando impedit nuptias ib.

Raymundus decretalium collector 35.

Rebaptizatio vetita 268. seq.

Reconciliatio ecclesiae 376.

Reconuentio quid 595. quibus licet reconuenire ib. apud quem iudicem proponenda 596.

Redemptio altarium quid 469. vetita ib.

Reditus ecclesiastici confluebant in vnam massam 416.

Reditus ecclesiarum & beneficiorum vacantium ad pontificem deuoluti 419. seq.

Regalia quid & vnde exorta 419. *c.*

Regia potestas ante publicationem

tiq-

- tionem expendit nouos canones 14. directe nihil posset in res spirituales 426. condit leges in fidei & disciplina confirmationem 15. seq. relaxabat matrimonii impedimenta iure humano inducta 351. pro iure suo puniit crimina omnia in ciuitate admissa 509.
- Regia potestas in electiones episcoporum 148. seqq. in synodos olim satis ampla 556. seqq. deminuitur 560. seq.
- Regimen politicum imperii Romani 60.
- Regradatio quid 705.
- Regressus ad beneficium quid 475.
- Regulae Romanae Cancellariae quid 43. extinguuntur pontificis morte, licet inde reuiuiscant 43. seq. non in omnibus prouinciis receptae 44. Regula de *verisimili notitia* 445.
- Regulae monachorum olim peculiare & mutabiles 210.
- Renuntiatio beneficii quid 471. Eius species ib. Simplex non vetita ib. ex causa permutationis vetita, sed sensim admissa 471. seq. in fauorem item vetita 472. Omnis renuntiatio ex causa facienda & auctore superiore 472. seq. Qui possunt renuntiare 474. Infirmi quomodo renuntiant ib. Renuntiatio publicanda ib. 6. Effectus renuntiationis 475.
- Renuntiatio episcopatus vetita 183. ex causa permessa 183. seq. Cuius auctoritate facienda 184.
- Replicatio quid 595.
- Res ecclesiasticae temporales ferme triplicis generis 393. vetantur alienari. V. *Alienatio*.
- Res iudicata quid 631.
- Rescripta pontificum quid 8. quam vim habent ib.
- Reseruaciones beneficiorum 441. sunt multiplicis generis ib. extenduntur 442. seq. regulis Cancellariae inclusae 443. 6. abregatae in synodo Basileensi 446. Nouae reservationes 447.
- Restitutio in integrum quid 647. quibus & intra quod tempus datur 647. seq. Eius effectus 648.
- Reus in ciuili iudicio citandus 588. in iudicio criminali quando citatur 622. non damnatur, nisi prius audiat 623. conuictus iudiciis & argumentis ordinaria poena damnatur 626. seq.
- S
- Sabbati ieiunium 365. ab initio in abstinentiam 667.
- Sacella priuata quid 299.
- Sacerdotii & imperii fines 14. seq.
- Sacerdotii plenitudo continetur in episcopatu 83. seq. quae a Christo ipso descendit 64. 2.
- Sacerdotium propagatum inter monachos ecclesiasticam mutat disciplinam 232.
- Sacramentum proprie quid 242. Sacramenta vel veteris, vel noui-

- noui testamenti 143. Ver-
 ris quae ib. quibus necessa-
 ria ib. morte Christi obli-
 gare desierunt ib. Noui te-
 stamenti quot 244. Constant
 materia & forma ib. For-
 ma conditionalis 246. Sacra-
 mentorum effectus, gratia &
 character 246. seq. quomodo
 gratiam conferunt 246. i.
 eorum necessitas 248. Mi-
 nister ib. Eius intentio qua-
 lis 249. Serio administran-
 da 250. Sacramentorum su-
 sceptrores 250. Ritus sacra-
 mentales 251.
 Sacrificati qui 650.
 Sacrificium missae offertur so-
 li Deo 294. quibus & qua-
 tenus prodest 295.
 Sal catechumenorum 260.
 Sanctum Officium. V. *Inqui-
 sicio*.
 Sanctum sanctorum quid 372.
 Sarabaitae qui 208. seq. r.
 Satisfactio quid & qualis v.
Poenitentia.
 Schisma quid 658. Eius spe-
 cies ib. poenae 666.
 Schola catechetica 259.
 Scrutinia 260.
 Secretarium quid 373.
 Secretum iudicis 605. a.
 Seculares qui 53. Canonici sae-
 culares. V. *Canonicus*.
 Senatus ecclesiasticus 108. trans-
 latus in capitulum cathedra-
 le 126.
 Series in Africa dicti metropo-
 litani 73.
 Sententia quid 627. duplex ib.
 Definitiva ab iudice qui eam
 dixit non reuocatur 627. de-
 bet esse generalis 650. quo-
 modo ab iudice proferen-
 da 628. seq. Effectus senten-
 tiae latae & publicatae 631.
 Quae sententiae non trans-
 seunt in rem iudicatam 631.
 Sententiae exsequutio intra
 quod tempus facienda 632.
 a quo iudice 632. seq. qua
 ratione 633.
 Septa ecclesiae 378.
 Sepultura mortuorum duce na-
 tura inducta 383. Varii ri-
 tus sepeliendi ib. a. Sepul-
 turae apud Romanos extra
 vrbes 383. apud christianos
 demum receptae in ecclesiis
 383. seq. c. Sepultura pars
 ecclesiasticae communionis
 384. Christiani vbi sepeliendi
 ib. qui carent sepultura 386.
 Iura funeraria 385. seq.
 Serui contrahebant contubernia
 347. iure nouo nuptias ib.
 Sextus decretalium 35. seq.
 Sigillum confessionis sancte ser-
 uandum 307. seq.
 Simonia quid 660. eius species
 661. Res spiritalis quid in
 causa simoniae 661. seq. pe-
 cunia quid 662. Sponte ob-
 lata non incurrunt in vitium
 simoniae 663. etsi ob mali
 speciem aliquando verita 664.
 Sophismata ad tegendam si-
 moniam 664. seqq. Poenae
 contra simoniacos 666. seq.
 Sordida munera quid 485. a
 quibus ecclesiae exemptae 487.
 Spectacula in diebus festis iu-
 re ciuili vetita 362.
 Spolia clericorum quid 480.
 iure spectant ad ecclesiam
 481.

481. deuoluta ad pontificem

483. De iisdem transactio

484.

Spontalia quid 331. Contra-
huntur consensu ib. confir-
mantur benedictione, dona-
tionibus, osculo 332. *a. b.* a
quibus contrahuntur 331. In-
de nata obligatio 332. seq.
quomodo dissoluntur 333.

Statuae sanctorum in ecclesia
quando receptae 375. *k.*

Stipendium missae. V. *Hono-
rarium.*

Suffraganei episcopi qui 74.

Superindictum quid 485. eccle-
siae a superindictis exemptae
487.

Superiores regulares. V. *Mo-
nachorum superiores.*

Susceptores in baptismo qui
262. in confirmatione qui
276. Eorum officia 262. seq.

Suspensio quid 691. Eius spe-
cies 691. seq. a quando poe-
na ecclesiastica 692. Eius ef-
fectus 693. non irroganda si-
ne causa ib. Violatio su-
spensionis 694.

Synodaticum quid 555.

Synodus. V. *Concilium.*

T

Talliae quid 489. *c.*

Templarii qui 213. ex-
tincti ib.

Testamentum clerici condunt
de bonis propriis 480. &
nouis moribus etiam de quae-
sitis ab ecclesia 482. seq.

Testes qui 603. quot ad pro-
bandum requiruntur ib. quan-
do probant ib. qui vetantur
esse testes 603. seq. citandi

604. & legitime examinan-
di 604. cogl possunt 605.

Testium numerus in dam-
nandis episcopis 612. *a.* Te-
stes reo, constituto iterum
examinandi 623.

Testes synodales 555.

Thesaurus ecclesiae 317.

Thurificari 650.

Utuli olim dictae ecclesiae
178. Minores tituli 110.

Tonsura clericalis quid 190.

Olim simul cum ordine da-
ta 120. inde separatim ve-
luti proprius ordo data ib.

Tonsura monastica 220.

Tormenta v. *quaestiones.*

Translationes episcoporum &
clericorum. veritae 182. sed
ex iusta causa admissae 182.
seq. cuius auctoritate 184.
Poena contra episcoporum
translationes 183.

Transubstantiatio quid 280.

Tributum quid 485. Eius spe-
cies ib. Ecclesiae & clerici
iure gentium soluunt tribu-
ta 486. Exemptae vel in to-
tum vel pro parte 487. seqq.

V

VAcare apud sedem aposto-
licam quid 442.

Vasa ecclesiae initiata an ven-
di possint 422.

Venatio clericis vetita 193.

Vestis clericalis. V. *Habitus.*

Viaticum quid 283. datur in-
firmis etiam non ieiunis ib.

Vicarius generalis quis 564.
constituitur ab episcopo ib.
quae iure facit 565. qui e-
ligi debet ib. habet dignita-
tem 566. quomodo esse de-
linis

finis 567.

Vicarii foranei qui 553.

Vicarii perpetui sunt veri pa-
rochi 470.

Vicarius capitularis 127.

Vigiliae quid 365.

Virgines & viduae ecclesiae
204. seq. Qua aetate vir-
gines olim edebant professio-
nem 204.

Vis, quae nuptias nullas facit
337.

Visitatio dioecesis ab episcopo,
si si legitime fuerit impedi-
tus, facienda 69. Finis visi-
tationis 70. quoties facienda
71. quae subsunt visitationi
ordinaria potestate 70. quae
delegata 71. Episcopis visi-
tantibus debentur procura-
tiones 72.

Visitator episcopus quis 142.

Visitatores monastici 238.

Vita communis & regularis
clericorum quando inducta
121. propagata 121. deser-
ta ib.

Vita clericorum sancta 185. &
omnibus virtutibus instructa
188.

Vita Monastica. V. *Monachi.*

Vita solitaria apud Iudaeos &
gentes 206. seq. *a.*

Vnctio in ordinandis episcopis
& diaconis 161.


Vocatio diuina praecedere de-
bet sacerdotium 170.


Vota monastica 226. seqq.

Votum sollemne castitatis irri-
tat nuptias, non simplex 349.

X

Xenodochium quid 389.





165.
E.
28.



